

ಅಪೊಸ್ತಲರ ಕೃತ್ಯಗಳು ಅಪೊಸ್ತಲೊ ಕರಲ ಕಾಮೊ ವಳಕ

ಅಪೊಸ್ತಲ ಕೃತ್ಯನು ಪುಸ್ತಕ ಸಭೆ ಕಿಮ್ಮ ಶುರು ಥಯು ವರಿ ಸಭೆ ಕಿಮ ಯೆರುಸಲೆಮ, ಯುದಾಯ, ಸಮಾರ್ಯಾ, ವರಿ ತಿನಾ ಆಙ್ಕು ಬಾಙ್ಕುಮಾ ಪೈಲಿಸ ಕವಾನು ಕ್ಕರಿ ರ್ಡಯಲ ಕಾನಿನಾ ಹುತಿ ಇಮಾ ಬರ್ದಲ ಛೆ. ಯೆಸು ಪರಲೊಕೆ ಛಾವಾತಿ ಅಗ್ಗುರ ಕದಲ ತರಿಕಾಮಾ 1.8 ಎ ಪುಸ್ತಕ ಲುಕಾ ಬರ್ದ್ಯೊಸ. ವರಿ ಲುಕಾನಿ ಸುವಾರ್ತೆ ಪುಸ್ತಕಬಿ ಬರ್ದ್ಯೊಸ. ಎ ಡಾಕ್ಟರ ವ್ಹತ್ತೊ. ವರಿ ಘನ್ನಿ ಹುಶಾರಕಿ ಕ್ಕು ದಾಖಲೆ ಕರೆಟ್ಟ ಕರಿನೆ ದಿದ್ಯೊಸ. ಲುಕಾನಾ ಎ ಬೆ ಪುಸ್ತಕೊ ರ್ಡಯಲ ಲಿಂಗತ ಅಪೊಸ್ತಲ ಕೃತ್ಯವರಿ ಲುಕಾನಿ ಸುವಾರ್ತೆ ಗ್ರಿಕವಾಲೊ ರ್ಡಯಲ ಥಿಯೊಫಿಲನ "ಕವಾನು ಬರ್ದ್ಯೊಸ. ವಿಸ್ವಾಸಿಯೊನೆ ಉದ್ದೆಶ ಕರಿನ ಬರ್ದ್ಯೊಸ. 1:1 ಯೆಸು ಕ್ರಿಸ್ತತ ಹುಟ್ಟಲ ಕಮ್ಮಿ ಕಮ್ಮ 60-64 ವರಕ್ಕ ಥಯಲ್ಪರ ಬರ್ದಲ ಛೆ. ಪೌಲ ಜೆಲಮಾತೊ ಬಿಡುಗಡೆ ಥಾವಾನಿ ವಿಶಯ ಥರಿನ ಖಲಾಸ ಥಾವಸ. ಕಾಕದ್ಯಾಮ ಪೌಲಾನೆ ಜೆಲ್ಮಾತಾ ಛೊಡಲ್ಪರ ಅಂತ್ಯ ಥಯುಸ. ಲುಕಾಬಿ ಪೌಲಾನಾ ಕ್ಹಾತೆ ಪ್ರಯಾಣ ಕರೊಸ್ಸ. ಎ ಅಪೊಸ್ತಲ ಕೃತ್ಯಪುಸ್ತಕ ಅಂತ್ಯಯೊಕ್ಕಗಾಮ್ಬಾಬರ್ದ್ಯೊಸ. ಅಪೊಸ್ತಲ ಪುಸ್ತಕ, ಲುಕಾ ಬರ್ದಲ ಸುವಾರ್ತೆ ಅಗು ಬಡಲ ಪುಸ್ತಕ ವ್ಹೆ. ಕಾಕದ್ಯಾಮ ಎ ಪುಸ್ತಕ ಯೆಸು ಪರಲೊಕೆ ಛಾವಾನಿಯೊ ಸಂಗತಿಯೊ ಶುರು ಥಯುಸ. ಲುಕಾ ಬರ್ದಲ ಎ ಪುಸ್ತಕನು ಉದ್ದೆಶ ಬರ್ದಲ ಲುಕ ಸುವಾರ್ತೆನು ಉದ್ದೆಶ ಯಕ್ಕಜ್ಜ ವ್ಹೆ. ತೆ ಥಿಯೊಫಿಲನೆ ವರಿ ಆಗಾ ಬಡ್ತಾ ರ್ಡಯಲ ವಿಸ್ವಾಸಿಯೊನೆ ಬಲಾಯಲ ಹುತಿ ವರಿ ಯೆಸುನು ಜಿವನ ವರಿ ಕ್ರಿಸ್ತತ್ವ ಕಿಮ ಪೈಲ್ಯ ಕೈನ ಕವಾನಾ ಹುತಿ ಶಿಕ್ಷಾವಾನಾ ಹುತಿ ಬರ್ದ್ಯೊಸ. ಅಪೊಸ್ತಲೊ ಕೃತ್ಯ ಪುಸ್ತಕ ಪೈಲಾನಿ ಸಭೆನೆ ಉದಾಹರಣೆ ದಿವಸ. ವರಿ ಕೈತರಾಮಾ ಯೆಸುಪರ ಬರೊಕ್ಲೊ

ಮೈಲ್ಯಾ ಕಿಮ ರೌ ಕವಾನು ದೆಕಾಡಿನ ದಿವಸ. ಸುವಾರ್ತೆನು ಸಂದೆಶ ಬಿಜ್ಞಾವೊನೆ ಪವಿತ್ರ ಆತ್ಮಾಪರ ಅವಲಂಬನೆ ಧೈನ ಸುವಾರ್ತೆ ಕಿಮ ಪೈಲ್ಯಾ ಕೈನ ದೆಕಾಡಿನ ದಿವಸ.

ಅಪೊಸ್ತಲ ಕೃತ್ಯ ಪುಸ್ತಕ ಸಭೆ ಕಿಮ್ಮ ಶುರು ಥಯು ವರಿ ಸಭೆ ಕೈ ತರಾಮಾ ಯೆರುಸೇಲಿಮತಿ ಯುದಾಯ, ಸಮಾರ್ಯಾ, ವರಿ ತಿನಾ ಆಜ್ಞು ಬಾಜ್ಞುಮಾ ಪೈಲಿಸ ಕವಾನು ಕ್ಹರಿ ರ್ವಯಲ ಕಾನಿನಾ ಹುತಿ ಇಮಾ ಬರ್ದಲ ಛೆ. ಯೆಸು ಪರಲೊಕೆ ಜ್ಞಾವಾತಿ ಅಗ್ಗುರ ಕದಲ ತರಿಕಾಮಾ 1:8 ಎ ಪುಸ್ತಕ ಲುಕಾ ಬರ್ದ್ಯೊಸ. ವರಿ ಲುಕಾನಿ ಸುವಾರ್ತೆ ಪುಸ್ತಕಬಿ ಬರ್ದ್ಯೊಸ. ಎ ಡಾಕ್ಟರ ವ್ಹತ್ತೊ. ವರಿ ಘನ್ನಿ ಹುಶಾರಕಿ ಕ್ಹುದಾಖಲೆ ಕರೆಟ್ಟಿ ಕರಿನೆ ದಿದ್ಯೊಸ. ಲುಕಾನಾ ಎ ಬೆ ಪುಸ್ತಕೊ ರ್ವಯಲಲಿಂಗತ ಅಪೊಸ್ತಲ ಕೃತ್ಯ ವರಿ ಲುಕಾನಿ ಸುವಾರ್ತೆ ಗ್ರಿಕವಾಲೊ ರ್ವಯಲ ಥಿಯೊಫಿಲನ "ಕವಾನು ಬರ್ದ್ಯೊಸ. ವಿಸ್ವಾಸಿಯೊನೆ ಉದ್ದೆಶ ಕರಿನ ಬರ್ದ್ಯೊಸ. 1:1 ಯೆಸು ತ್ರಿಸ್ತತ ಹುಟ್ಟಲ ಕಮ್ಮಿ ಕಮ್ಮ 60-64 ವರಕ್ಹ ಥಯಲ್ವರ ಬರ್ದಲ ಛೆ. ಪೌಲ ಜೆಲಮಾತೊ ಬಿಡುಗಡೆ ಥಾವಾನಿ ವಿಶಯ ಧರಿನ ಖಲಾಸ ಥಾವಸ. ಕಾಕದ್ಯಾಮ ಪೌಲಾನೆ ಜೆಲ್ಮಾತಾ ಛೊಡಲ್ವರ ಅಂತ್ಯ ಥಯುಸ. ಲುಕಾಬಿ ಪೌಲಾನಾ ಕ್ಹಾತೆ ಪ್ರಯಾಣ ಕರೈಸ. ಎ ಅಪೊಸ್ತಲ ಕೃತ್ಯ ಪುಸ್ತಕ ಅಂತ್ಯಯೊಕ್ಕ ಗಾಮ್ ಬರ್ದ್ಯೊಸ. ಅಪೊಸ್ತಲ ಪುಸ್ತಕ, ಲುಕಾ ಬರ್ದಲ ಸುವಾರ್ತೆ ಅಗು ಬಡಲ ಪುಸ್ತಕ ವ್ಹೆ. ಕಾಕದ್ಯಾಮ ಎ ಪುಸ್ತಕ ಯೆಸು ಪರಲೊಕೆ ಜ್ಞಾವಾನಿಯೊ ಸಂಗತಿಯೊ ಶುರು ಥಯುಸ. ಲುಕಾ ಬರ್ದಲ ಎ ಪುಸ್ತಕನು ಉದ್ದೆಶ ಬರ್ದಲ ಲುಕ ಸುವಾರ್ತೆನು ಉದ್ದೆಶ ಯಕ್ಕಜ ವ್ಹೆ. ತೆ ಥಿಯೊಫಿಲನೆ ವರಿ ಬೆಳತ್ತಾ ರ್ವಯಲ ವಿಸ್ವಾಸಿಯೊನೆ ಬಲಾಯಲ ಹುತಿ ವರಿ ಯೆಸುನು ಜಿವನ ವರಿ ಕ್ರೈಸ್ತತ್ವ ಕಿಮ ಪೈಲ್ಯಾ ಕವಾನು ಕವಾನಾ ಹುತಿ ಶಿಕ್ಲಾವಾನಾ ಹುತಿ ಬರ್ದ್ಯೊಸ. ಅಪೊಸ್ತಲೊ ಕೃತ್ಯ ಪುಸ್ತಕ ಪೈಲಾನಿ ಸಭೆನೆ ಉದಾಹರಣೆ ದಿವಸ. ವರಿ ಕೈ ತರಾಮಾ ಯೆಸುಪರ ಬರೊಕ್ಕೊ ಮೈಲ್ಯಾ ಕಿಮ ರೌ ಕವಾನು ದೆಕಾಡಿನ ದಿವಸ. ಸುವಾರ್ತೆನು ಸಂದೆಶ ಬಿಜ್ಞಾವೊನೆ ಪವಿತ್ರ ಆತ್ಮಾಪರ ಅವಲಂಬನೆ ಧೈನ ಸುವಾರ್ತೆ ಕಿಮ ಪೈಲಾಯಾ ಕೈನ ದೆಕಾಡಿನ ದಿವಸ.

ಪಿಠಿಕೆ

- 1) ಪೈಲಾ ಪವಿತ್ರ ಆತ್ಮಾ ಶಿಶ್ಯಾವೊಪರ ಆವಸ ವರಿ ಬೆಳವಣಿಗೆ ಧಾವಸ 1:1-8
- 2) ಪಾಚ್ಚಾತು ಸಭೆನೆ ತ್ರಾಸ ಕರಸ ವರಿ ಯೆರುಸಲೆಮ್ಮಾ ಆಚ್ಚು ಬಾಚ್ಚುಮಾ ಶುರು ಧಾವಸ 8:2; 12:23
- 3) ಪಾಚ್ಚಲೊ ಪೌಲಾ ಪಸ್ವಲಿ ಸೆವೆನಾ ಹುತಿ ಪ್ರಯಾಣಕರಾನಾ ಹುತಿ ಜಾವಸ 12:24—14:28
- 4) ಯೆರೊಸಲಿಮಾ ಮಳಿನ ನವಾ ವಿಸ್ವಾಸಿಯೊನೆ ಸು ಜರುರತ್ತ ಛಿ ಕೈನ ನಿರ್ಧಾರ ಕರ್ಯಾ 15:1-35
- 5) ಪಾಚ್ಚಲೊ ಪೌಲಾ ಬೆವಾ ಸೆವೆನಾ ಹುತಿ ಪ್ರಯಾಣ ಕರಸ 15:36—18:22
- 6) ಪಾಚ್ಚಲೊ ಪೌಲಾ ತನ್ನಾ ಮಿಶನರಿನೆ ಪ್ರಯಾಣ ಕರಸ 18:23—20:38
- 7) ಪಾಚ್ಚಲೊ ಪೌಲಾ ಯೆರುಸಲಿಮಾ ಬಂದಿ ಥಯೊ 21—26
- 8) ಲಾಸ್ವಮಾ ಪೌಲಾನೆ ರೊಮನೆ ಮೊಕ್ಕಿಪಾಡಸ 27—28

¹ ಮಯಾನಾ ಥೆಯೊಫಿಲ, ಯೆಸು ಕರಲ ಕಾಮೊನಾ ಹುತಿ ವರಿ ದಿದಲ ಬೊಧನೆನಾ ಹುತಿ ಹರಿಯಕ್ಕ ಮಿ ಮಾರಾ ಪೈಲಾನಾ ಬುಕ್ಕಾ ಬದ್ವೊಸ.

² ಮಿ ಯೆಸುನಾ ಪುರಾ ಜಿವ್ವಾನಾ ಹುತಿ ಕದ್ಯಾಮ ತೆ ಸ್ವರ್ಗನೆ ಗಯೆ ಲಕ್ಕಾ ಥಯಲ ಕ್ಹಾರಿ ಸಂಗತಿಯೊ ಬದ್ವೊ. ಯೆಸು ಸ್ವರ್ಗನೆ ಜಾವಾತಿ ಪೈಲಾ, ತೆ ಇನಿಲಿದಲ ಅಪೊಸ್ತಲೊನಾ ಕ್ಹಾತೆ ಬೊಲ್ಯೊ; ತ್ತುನೆ ಸು ಕಾಮ ಕರಾನು ಹೊತ್ತು ಪವಿತ್ರ ಆತ್ಮಾನಿ ಮದತಕ್ಕು ತ್ತುನೊನೆ ತಿಳಶ್ಚೊ.

³ ಎ ತಿನಿ ಮೌತ ಥಯಲ್ಪರ ಥಯಲ ಸಂಗತಿಯೊ ವ್ಹೆ, ತೆ ಜಿವ್ವೊ ರ್ವಯಲ ತೆ ಅಪೊಸ್ತಲೊನೆ ದೆಕಾಡಿನ ದಿದ್ವೊ ವರಿ ತಿನಿ ತಾಕತಕ್ಕು ಘನ್ನಾ ಅದ್ಭುತ ಕಾಮೊ ಕರಾಕ್ಕು ತೆ ದೆಕಾಡಿನ ದಿದ್ವೊ. ಯೆಸು ಜಿವ್ವೊ ಥೈನ ಉಟಿನ ಆಯಲ್ಪರ ಚಾಳಕ್ಕ ದಿನ್ನ ಲಕ್ಕಾ ಅಪೊಸ್ತಲೊ ತಿನೆ ಘನ್ನಿ ಸಲಾ ದೆಕ್ಕಾ. ಯೆಸು ಕ್ಹುದಾನಾ ರಾಜ್ಯನಾ ಹುತಿ ಅಪೊಸ್ತಲೊನಾ ಕ್ಹಾತೆ ಬೊಲ್ಯೊ.

4 ಯಕ್ಕ ಸಲಾ, ಯೆಸು ತ್ಯುನಾ ಕ್ಹಾತೆ ಅನ್ನ ಖಾತಾಮ, ಯೆರುಸಲೆಮ ಘೊಡಿನ ಜೊ ನೈ ಕೈನ ತ್ಯುನೊನೆ ಕದ್ಯೊ" ಬಾ ತುಮೊನೆ ಯಕ್ಕ ವಾಗ್ದಾನ ಕರಯ್ತೊ. ಮಿ ಪೈಲಾಜಿ ತಿನಾ ಹುತಿ ತುಮೊನೆ ತಿಳ್ತಾಯೊಸ. ಎ ವಾಗ್ದಾನನು ವರ್ದಾನ ಲಿವಾನಾ ಹುತಿ ಯೆರುಸಲೆಮಮಾ ಕೈದತ್ತಾ ರ್ಲವೊ.

5 ಯೊಹಾನ ಮನಕ್ಹೊನೆ ಪಾನಿಮಾ ಬಾಪ್ತಿಸ್ಮ ಕರಾಯೊ, ತೆನೈಸೊ ಹಜುನ ದಕ್ಖಾದಿನೊಮಾ ತುಮೊನೆ ಪವಿತ್ರ ಆತ್ಮಾಮಾ ಬಾಪ್ತಿಸ್ಮ ಧಾವಸ" ಕದ್ಯೊ.

6 ಅಪೊಸ್ತಲೋ ಕ್ಹಾರಾ ಮಳ್ತಾಮಾ, ತ್ಯುನೆ ಯೆಸುನೆ"ಪ್ರಭು, ತು ಇಸ್ರಾಯನಾ ಮನಕ್ಹೊನೆ ತ್ಯುನಿ ರಾಜ್ಯ ಫರಿನ ದಿವಾನು ಎಜಿ ಟೈಮಮಾ ವ್ಹೈಸು? ಕೈನ ಪುಚ್ಚಾಮಾ.

7 ಯೆಸು ತ್ಯುನೊನೆ, ಕೆಳೆ ಕಿನೆ ಸು ದ್ಯುಕಯಾ ಟೈಮಮಾ ದ್ಯುಕವಾನಾ ಅದಿಕಾರ ರ್ಲಯಲ ಬಾನೆ ಯಕ್ಕಜಿ ವ್ಹೈ, ತುಮೆ ತೆ ಕ್ಹಾರು ತಿಳ್ತಲಿವಾನೆ ನೈ ಧಾತು.

8 ತೆನೈಸೊ ಪವಿತ್ರ ಆತ್ಮಾ ತುಮೊಪರ ಆಯಲ ಟೈಮಮಾ ತಾಕತ ವ್ಹಂದಿಲಿನ ಯೆರುಸಲೆಮಮಾ ಪುರಾ ಯುದೆಯಮಾಬಿ ಸಮರ್ಯಾಮಾಬಿ ವರಿ ಭುಲೊಕಮಾ ಹರ ಜಗಾ ಸಾಕ್ಷಿ ಧೈನ ರ್ಲವೊಶಿ" ಕದ್ಯೊ.

9 ಯೆಸು ಎ ಸಂಗತಿಯೊ ಅಪೊಸ್ತಲೊನೆ ಕದಲ್ಪರ ಅಪೊಸ್ತಲೊ ದೆಕ್ತಾ ರ್ಲತಾಮಾಜಿ ಹಬಾಳ ಪರ ಯೆಸುನೆ ಉಚೈ ಲಿದ್ಯಾ ಮ್ಹಾಡ ತಿನೆ ಜಾಕಿಪಾಡಲ ಹುತಿ ತ್ಯುನೆ ತಿನೆ ದೆಕ್ಯಾನ್ಯೆ.

10 ಯೆಸು ಜಾತಾಮಾ ಅಪೊಸ್ತಲೊ ಹಬಾಳನೆಜಿ ದೆಕ್ತಾ ಹುಬ್ರಯಾತಾ. ತೆಳಾಮಾ, ಧೊಳಾ ವಣ್ಣಾ ಫಾಲ್ಗಿದಲ ಬೆ ಜನಾ ದಾಣ್ಣಾ ತ್ಯುನಾಕ್ಹು ತ್ಯುನೆ ತಿನಾ ಬಾಜುಮಾ ಹುಬ್ರೈನ,

ಯುದನಿ ಜಗಾ ವರಿ ಯಕ್ಲೊ

11 "ಗಲಿಲಾಯವಾಲಾ ಕಾ ಹಬಾಳನೆಜ್ಜ ದೆಕ್ತಾ ಹುಬ್ರಯಾಸ? ಯೆಸು ತುಮಾರಾ ಡೊಳಾವೊನಾ ಕ್ಹಾಮೊ ಸ್ವರ್ಗನೆ ಕಿಮ್ಮ ಗಯೊ ತಿನಾ ಲಿಂಗತಜ್ಜ ವಾಪಸ ಆವಸ" ಕೈನ ಕದ್ಯಾ.

12 ಪಾಚಾತಾ ಅಪೊಸ್ತಲೋ ಆಲಿವ ಝಾಡೊನಾ ಡೊಂಗರತಾ ಯೆರುಸಲೆಮನೆ ವಾಪಸ ಗಯಾ.

13 ಅಪೊಸ್ತಲೋ ಗಾಮಮಾ ಐನ ತ್ಯುನೆ ರ್ವಯಲ ಜಗಾಯೆ ಗಯಾ. ತೆ ಉಪ್ಪರಲ್ಯಾ ಮಹಡಿ ಪರ ವ್ಹತ್ತು. ತೆ ಅಪೊಸ್ತಲೋ ಕುನ್ನ-ಕುನ್ನ ವ್ಹೆ ಕದ್ಯಾಮ; ಪೆತ್ರಾ, ಯೊಹಾನ, ಯಾಕೊಬ, ಅಂದ್ರೆಯ, ಫಿಲಿಪ್ಪ, ತೊಮ, ಬಾರತೊಲೊಮಾಯ, ಮತ್ತಾಯ, ಯಾಕೊಬ (ಅಲ್ಫಾಯನೊ ದಿಕೊ) ದೆಶನೊ ಮಯಾ ಥಯಲ ಸಿಮೊನ ವರಿ ಯಾಕೊಬ್ಲೊ ದಿಕೊ ಯುದ.

14 ಅಪೊಸ್ತಲೋ ಕ್ಹಾರಾ ಮಳಿನ ವ್ಹತ್ತಾ. ತ್ಯುನೆ ಯಕ್ಕಜ್ಜ ಉದ್ದೆಶಕ್ಕು ಲೊಡ್ಯಾವಾಚಿ ಪ್ರಾಥನಾ ಕರಾಡಾತಾ. ದಕ್ಟಿಯೊ ಬಾಕ್ಟಿಯೊನೆ ಯೆಸುನಿ ಯಾ ಮರಿಯಳ ತಿನಾ ಭಾಯೊ ಅಪೊಸ್ತಲೊನಾ ಕ್ಹಾತೆ ವ್ಹತ್ತಾ.

15 ದಕ್ಟಾ ದಿನ್ನ ಥಯಲ್ಪರ ವಿಸ್ವಾಸಿಮಾ ಭಾಯೊ ಥಯಲ ಸಭೆ ಥೈನ ಮಳ್ಳಾತಾ. ತ್ಯಾ ಕಮ್ಮಿ ಕಮ್ಮ ಯಕ್ಕೊನ್ನ ಇಕ್ಲ ಜನಾ ವ್ಹತ್ತಾ. ಪೆತ್ರಾ ಉಟಿನ ಹುಬ್ರೈನ ಅಮ್ಮ ಕದ್ಯೊ;

16 "ಭಾಯೊ ಭೆನೊ, ಪವಿತ್ರ ಆತ್ಮಾ ದಾವಿದನಾ ಮುಲಕ ಪವಿತ್ರ ಗ್ರಂಥಮಾ ಪೈಲಾಜ್ಜ ಕದಲ ಸಂಗತಿಯೊ ಪುರಾ ಥಾವಾನು ವ್ಹತ್ತು. ಅಪ್ಪಾ ಸ್ವಂತ ಗುಂಪಮಾನೊ ಯುದನ ಹುತಿ ದಾವಿದ ಕದ್ಯೊಸ.

17 ಯುದ ಅಪ್ಪಾ ಕ್ಹಾತೆ ಸೆವೆ ಕರ್ರೊ. ಯೆಸುನೆ ಧರೆಲಿಕ್ಕಾ ಯುದ ವಾಟ ದೆಕಾಡಾಲೊ ಥಾವಸ ಕೈನ ಪವಿತ್ರ ಆತ್ಮಾ ತಿಳಸಾಯೊತೊ"

18 ಎ ಮೊಸನು ಕಾಮ ಕರಾನೆ ಯುದನೆ ದೊಕ್ಟಾ ದಿದ್ಯಾತಾ. ತೆ ದೊಕ್ಟಾಕ್ಹು ಯಕ್ಕ ಖೆತರ ತಿನಾಹುತಿ ಲಿದ್ಯಾ. ತೆನ್ನೆಸೊ ಯುದ ಮಾತು ಹೆಟು ಕರಿನ ಪಡಲ್ಪರ ತಿನು ಪೆಟಿ ಫುಟಿ ಗೈಯು. ತಿನಾ ಕ್ಹಾರಾ ಅತ್ತೊಡಾ ಭಾರಾ ಆಯಾ.

19 ಆ ಕ್ಹಾರು ಯೆರುಸಲೆಮನಾ ಕ್ಹಾರಾ ಮನಕ್ಕೊನೆ ಗ್ವತ್ತ ಥೈಯು. ತಿನಾಹುತಿ ತ್ಯುನೆ ತೆ ಖೆತರನೆ ಅಕೆಲ್ದಮಾ ಕೈನ ನಾಮ ಮ್ಹೆಲ್ಯಾ ತ್ಯುನಾ

ವಾತೊಮಾ ಅಕೆಲ್ದಮಾ ಕದ್ಯಾಮ 'ರಗತನು ಹೊಂಡ' ಕದಲ ಲಿಂಗತ ವ್ಹೊ

20 ತಿನು ಘರ ಹಾಳ ಥಾವಾದೆ! ತ್ಯಾ ಕುನ್ನಜ ರ್ಡಿಯಲ ನೈಸೊ ಥಾವಾದೆ. ಕಿರ್ತನೆ. 69:25 ಕೈನ ಕಿರ್ತನೆನಾ ಪುಸ್ತಕಮಾ ಯುದನಾ ಹುತಿ ಲಿಕ್ಕಲ ಛಿ ತೆನೈಸೊ ಬಿಜೆಕ್ಲೊ ತಿನು ಕಾಮ ಲಿವಾದೆ' ಕಿರ್ತನೆ. 109:8 ಕೈನ ಬರ್ದಲ ಛಿ.

21 ತಿನಾಹುತಿ ಬಿಜೆಕ್ಲೊ ಹಮಾರಾ ಕ್ಹಾತೆ ಮಳಿನ, ಯೆಸುನು ಪುನರುತ್ಥಾನೆ ಸಾಕ್ಷಿ ಥೌ. ಪ್ರಭು ಥಯಲ ಯೆಸು ಅಪೊಕನ ರ್ಡತಾಮಾ ತೆ ಅಪ್ಪಾಗುಂಪಮಾ ರ್ಡಿಯಲ ವಾಲಾವೊಮಾನೊ ಯಕ್ಲೊ ರ್ಡ್ಲೊ

22 ಯೊಹಾನ ಬಾಪ್ತಿಸ್ಮ ದಿವಾನಾ ಶುರು ಕರಲ ದಿನ್ನತೊ ಧರಿನ ಯೆಸು ಅಪೊಕಂತೊ ಸ್ವರ್ಗನೆ ಗಯಲ ದಿನ್ನ ಲಕ್ಕಾ ಅಪ್ಪಾ ಕ್ಹಾತೆ ರ್ಡಿಯಲವಾಲೊ ರ್ಡ್ಲೊ"

23 ಅಪೊಸ್ತಲೊ ಬೆ ಜನಾವೊನೆ ಸಭೆನಾ ಕ್ಹಾಮಾ ಹುಬ್ರಾಡ್ಯಾ ಯಕ್ಲೊ ಬಾರಸಬ ಕವಾಲೊ ಯೊಸೆಫ. ಅನೆ ಯುಸ್ತ ಕೈನ ಬಲಾತಾತಾ. ವರಿ ಯಕ್ಲೊ ಮತ್ತೀಯ.

24 ಮತ್ತೀಯವಾವೊನೆ ಬೆ ಜನಾವೊ ಹುಬ್ರಾಡಿನ ಪ್ರಾರ್ಥನೆ ಕರತ್ಲೊ ಕರ್ತಾ ಕ್ಹಾರಾವೊನಾ ಮನಸ್ಸ ವಳಾಕಾವಾಲೊ ಯುದ ಅಪೊಸ್ತಲ ಕವಾಲೊ ತೆ ಸೆವಾ ಜಗಾಕ್ಹು ಹಾಳ ಥೈನ ತೆ ನೈಜಾವಾನು ಜಗಾಕನ ಗಯಲಕ್ಹು ತೆ ಸ್ಥಾನ ಹೊಂದಾನಾಹುತಿ ತೆ ಬೆಜನಾವೊಮಾ ತು ಇನಿಲಿದಲ ದೆಕಾಡಿನ ದ್ಯುಕೈನ ಪ್ರಾರ್ಥನಾ ಕರತ್ಲೊ

25 ತೆಳಾಮಾ ತ್ಯುನೆ ಅಮ್ಮ ಪ್ರಾರ್ಥನಾ ಕರತ್ಲೊ" ಪ್ರಭು ತು ಕ್ಹಾರಾ ಮನಕ್ಲೊನು ಮನಸ್ಸ ತಿಳ್ತಲಿದ್ಯೊಸ. ಎ ಕಾಮ ಕರಾನಾ ಹುತಿ ಎ ಬೆ ಜನಾವೊಮಾ ತು ಕಿನೆ ಇನಿಲಿದ್ಯೊಸ ಕವಾನು ಹಮೊನೆ ದೆಕಾಡ. ಯುದ ಎ ಕಾಮನೆ ವಿರುದ್ಧ ಥೈನ ತೆ ಕಿಜಾ ಜಾವಾನು ವ್ಹತ್ತು ತ್ಯಾಗಯೊ. ಪ್ರಭು, ತಿನಿ ಜಗಾಪರ ಅಪೊಸ್ತಲ ಕುನ್ನ ಥೌ ಕೈನ ಹಮೊನೆ ದೆಕಾಡ"

26 ಪಾಘಾತಾ ಅಪೊಸ್ತಲೊ ತ್ಯುನಾ ಬೆ ಜನಾವೊಮಾ ಇನಿಲಿವಾನೆ

ಚಿಟಿ ಫಾಲ್ಯಾ, ಚಿಟಿ ಮತ್ತಿಯನೆ ಆಯಲ ಹುತಿ ಗ್ಯಾರಾ ಜನಾವೊನಾ ಕ್ಹಾತೆ ತೆಬಿ ಅಪೊಸ್ತಲ ಥಯೊ.

2

ಪವಿತ್ರ ಆತ್ಮಾ ಆವಾನು

¹ ಪಂಚಾಶತ್ತಮ ಸನ್ನಮಾ ತ್ಯುನೆ ಕ್ಹಾರಾ ಜನಾ ಯಕ್ಕ ಜಗಾ ಮಳಿನ ಆಯಾ ತೆಳಾಮಾ, ಯಕ್ಕ ದುಮ್ಮ ಹಬಾಳಮಾತು ಯಕ್ಕ ಆವಾಜ್ಜ ಐಯು.

² ತುಫಾನ ಆವಾಡುಸ ಕೌ ತಿಮ್ಮ ವ್ಹತ್ತು ತೆ ಆವಾಜ್ಜ. ತ್ಯುನೆ ಬೈಟಲ ಘರಮಾ ಪುರಾ ತೆ ಆವಾಜ್ಜ ಭರಿ ಗಯುತು.

³ ತೆನೈಸೊ ಆಗ ಲಿಂಗತ ರ್ಡ್ಡಯಲ ಸುಯಕ್ಕ ತ್ಯುನೆ ದೆಕ್ಯಾ ತೆ ಆಗ ಜುದಿ ಥೈನ ತ್ಯಾರ್ಡ್ಡಯಲ ಹರಯಕ್ಕ ಮನಕ್ಹ ಪರ ಗೈನ ಹುಬ್ರಯು.

⁴ ತ್ಯುನೆ ಕ್ಹಾರಾ ಪವಿತ್ರ ಆತ್ಮಾಕ್ಹು ಭರಲ ವ್ಹತ್ತಾ ವರಿ ಬಿಜಾ-ಬಿಜಾ ಭಾಶಾಮಾ ಬೊಲಾನು ಶುರು ಕರ್ಯಾ ಪವಿತ್ರ ಆತ್ಮಾಜ್ಜ ತ್ಯುನೊನೆ ತೆ ತಾಕತ ದಿದ್ಯುತು.

⁵ ಘನ್ನಾ ಧಾರಮಿಕೊ ಘನ್ನಾ ಯೆಹುದಿಯೊ ತೆ ಟೈಮಮಾ ಯೆರುಸಲೆಮಮಾ ವ್ಹತ್ತಾ. ತ್ಯುನಾಮಾ ಜಗತನಾ ಹರಯಕ್ಕ ದೆಶತಾ ಆಯಲ ಮನಕ್ಹೊ ವ್ಹತ್ತಾ.

⁶ ತೆ ಆವಾಜ್ಜ ಐಕಿನ ತೆ ಮನಕ್ಹೊ ಗುಂಪ ಥೈನ ಮಳಿನ ಐನ ಅಪೊಸ್ತಲೊ ಬೊಲಾನು ಹರ ಯಕ್ಲಾನೆ ತ್ಯುನಿ ತ್ಯುನಿ ಭಾಶಾಮಾ ಐಕು ಆವಾನು ದೆಕಿನ ತ್ಯುನೆ ಫಾಬ್ರಾ ಥಯಾ.

⁷ ಎ ದೆಕಲ ಕ್ಹಾರಾ ಜನಾ ಫಾಬ್ರಾ ಥಯಾ. ಇಮ್ಮ ಕರಾನೆ ಅಪೊಸ್ತಲೊನೆ ಕಿಮ್ಮ ಸಾಧ್ಯ ಥಯು ಕೈನ ತ್ಯುನೊನೆ ಗ್ವತ್ತ ಥಯು ನೈ" ಬೊಲ್ತಾರ್ಡ್ಡಯಲ ಎ ಮನಕ್ಹೊ(ಅಪೊಸ್ತಲೊ) ಗಲಿಲಾಯನಾ ನ್ಹವೈಸು.

⁸ ತೆನೈಸೊ ಇವ್ವೆ ಅಪ್ಪಿ ಸ್ವಂತ ಭಾಶಾಮಾ ಬೊಲಲ ಲಿಂಗತ ಐಕಾಡಾಸ್ತೊ, ಎ ಕಿಮ್ಮ ಸಾಧ್ಯ ಲೈ? ಅಪೆ ಬಿಜಿ ಬಿಜಿ ಜಗಾನಾ ವ್ಹೈ

9 ಅಪೊಮಾ ಪಾರಧ್ಯರೊ, ಮೆದ್ಯರೊ, ಎಲಾಮ್ಯರೊ, ಮೆಸೊಪೊತಾಮ್ಯರೊ, ಯುದಾಯರೊ, ಕಪ್ಪದೊಕ್ಕಯರೊ, ಪೊಂತ, ಆಸ್ಯ ಪುಗ್ಯ ಪಂಫುಲ,

10 ಪ್ರಿಜಿನಾ ಮನಕ್ಲೊಪಾಂಫಿನಾ ಮನಕ್ಲೊಇಜಿಪ್ತನಾ ವರಿ ಸಿರೆನಾ ಕ್ಲಾಮಾ ಲಿವಿನಾ ಕ್ಲಂದಾನಾ ರೊಮ್ಮಾ ಮನಕ್ಲೊವ್ತಾ.

11 ಧರಮನೆ ಚಾಲಾಲಾ ಕ್ರೆತ್ಯವಾಲಾ ವರಿ ಅರಬಿ ದೆಶನಾ ಛಿ. ಅಪೊಮಾ ದಕ್ಲಾಜನಾ ಹುಟ್ಟಲತಾಬಿ ಯೆಹುದಿಯೊ ವ್ಹೆ, ಬಾಕಿನಾ ಪರಿವರ್ತನ ವ್ಹಂದಲವಾಲಾ ವ್ಹೆ, ಅಪೆ ಬಿಜಾ ಬಿಜಾ ದೆಶನಾ ವ್ಹೆ, ತೆನೈಸೊ ಎ ಮನಕ್ಲೊಬೊಲಾನು ಅಪ್ಪಿಸ್ವಂತ ಭಾಶಾಮಾ ಅಪೊನೆ ಐಕು ಆವಾಡುಸ! ತ್ಯನೆ ಕ್ಲುದಾನಾ ಹುತಿ ಕವಾನಿ ಮೊಟಿಯೊ ಸಂಗತಿಯೊ ಅಪೊನೆ ಕ್ಲಾರಾವೊನೆ ಗ್ವತ್ತ ಧಾವಾಡುಸ" ಕೈನ ಕದ್ಯಾ

12 ಕ್ಲಾರಾ ಘಾಬ್ರಾ ಥಯಾ. ತ್ಯನೆ "ಎ ಸು ಧಾವಾಡುಸ? ಕೈನ ಯಕ್ಕನೆ ಯಕ್ಕ ಪುಚ್ಚಾಡಾತಾ.

13 ದಕ್ಲಾಜನಾ ಅಪೊಸ್ತಲೊನೆ ದೆಕಿನ ಅಕ್ಲಾತಾ"ಇವ್ವೆ ಘನ್ನು ದ್ರಾಕ್ಷಾ ರಕ್ತ ಪಿನ ಅಮ್ಮ ಕರಾಡಾಸ" ಕೈನ ಕದ್ರಾಯಾ.

ಪೆತ್ರಾನು ಸಂದೆಶ

14 ತೆಳಾಮಾ ಪೆತ್ರಾ ಗ್ಯಾರಾ ಜನಾ ಅಪೊಸ್ತಲೊನಾ ಕ್ಲಾತೆ ಉಟಿನ ಹುಬ್ರಯೊ. ಕ್ಲಾರಾ ಮನಕ್ಲೊನೆ ಘಟ್ಟ ಆವಾಜ್ಹಕ್ಲು ಅಮ್ಮ ಕದ್ಯೊ "ಯೆಹುದ್ಯೊ ಯೆರುಸಲೆಮಮಾ ರ್ಹವಾನಾ ಕ್ಲಾರಾ ಮನಕ್ಲೊ ಮಿ ಕವಾನು ಕಾನ ದಿನ ಐಕೊ. ತುಮೆ ತಿಳ್ವಿಲಿವಾನಿಯೊ ಸಂಗತಿಯೊ ಮಿ ತುಮೊನೆ ಕೌಸ.

15 ತುಮೆ ತಿಳ್ವಿಲಿದಲ ಲಿಂಗತ ಎ ಮನಕ್ಲೊ ನಶಾಮಾ ರ್ಹಯಲವಾಲಾ ನ್ಹವ್ಯೆ ಹಮ್ಮಾ ಪಾಟ್ಕಾ ನೌ ವಾಜಾಸ.

16 ತೆನೈಸೊ ಆ ಟೈಮಮಾ ನ್ಹ್ಯಾಧಾವಾನಿಯೊ ಸಂಗತಿಯೊನಾ ಹುತಿ ಪ್ರವಾದಿ ಥಯಲ ಯೊವೆಲ ಅಮ್ಮ ಬದ್ಯೊಸ;

17 ಕ್ಲಾರಾ ಅಮ್ಮ ಕವಸ; ಲಾಸ್ವನಾ ದಿನೊಮಾ ಮಾರಿ ಆತ್ಮಾ ಖಾರಾವೊಪರ ಆವಸ ತೆನೈಸೊ ತುಮಾರಾ ಕ್ಲಾತೆ ರ್ಹಯಲ ದಾಣ್ಣಾ ವರಿ

ಬಾಕ್ಡಿಯೊ ಪ್ರವಾದನೆ ಕರಸ ವರಿ ಜಾಂಜಿಮಾನೊನೆ ದರ್ಶನ ಥಾವಸ
ತುಮಾರಾ ಮ್ಹೊಟಾ ಮನಕ್ಹೊನೆ ಕ್ಹಪನೊ ಪಡಸ

18 ತೆನ್ನೆಸೊ ತೆ ದಿನೊಮಾ ಮಿ ಮಾರಾ ದಾಸ ದಾಸಿಯೊನಾ ಉಪ್ಪರ
ಮಾರಿ ಆತ್ಮಾಫಾಲುಸ. ತ್ಹುನೆ ಪ್ರವಾದನೆ ಕರಸ.

19 ಮಿ ಹಬಾಳ ಪರ ಅದ್ಭುತ ಕಾಮೊ ಕರಿನ ದೆಕಾಡುಸ, ಜಿಮಿನಪರ
ಮ್ಹೊಟಾ ಕಾಮೊ ದೆಕೊಶಿ, ರಗತ ಆಗನು ವಾಪಲಿಂಗತ ಧವಾಂಡೊ
ದೆಕೊಸಿ

20 ಸುರ್ರೊ ಅಂದಾರೊ ಥಾವಸ, ಚಂದಪ್ಪಾ ರಗತನಾ ರಂಗನೊ
ಥಾವಸ

21 ತೆನ್ನೆಸೊ ಕರ್ತಾನು ನಾಮ ಕೈಲಿವಾಲಾವೊನೆ ರಕ್ಷಣೆ ಥಾವಸ.

ಯೆವೆಲ 2:28-32

22 ಇಸ್ರಾಯಲನಾ ಮನಕ್ಹೊ ಎ ವಾತೊ ಐಕೊ ಕ್ಹುದಾನಜರೆತನಾ
ಯೆಸುನಾ ಮುಲಕ ಕರಲ ಮ್ಹೊಟಾ ಕಾಮೊ ವರಿ ಅದ್ಭುತ ಕಾಮೊನಾ
ಮುಲಕ ತೆ ಚೊಕಿ ತರಾ ದೆಕಾಡಿನ ದಿದ್ಹೊಸ. ಎ ಸಂಗತಿಯೊ ತುಮೆ
ಕ್ಹಾರಾ ಭನಾ ದೆಕ್ಯಾಸ. ತಿನಾಹುತಿ ಎ ಕ್ಹಾರು ಕ್ಹರಿಜ್ಜ ವ್ಹೆ ಕೈನ ತುಮೊನೆ
ಗ್ವತ್ತ ಛಿ.

23 ಯೆಸುನೆ ತುಮೊಕನ ವಪ್ಪಾಯಾ. ತುಮೆ ಕೆಟ್ಟ ಮನಕ್ಹೊನಾ
ಮದತಕ್ಹು ತಿನೆ ಶಿಲುಬಿ ಪರ ಫಾಲ್ಯಾ ತೆನ್ನೆಸೊ ಎ ಕ್ಹಾರು ಥಾವಸ
ಕವಾನು ಕ್ಹುದಾನೆ ಗ್ವತ್ತ ವ್ಹತ್ತ. ಎ ಕ್ಹುದಾನಿ ಚಿತ್ತ ವ್ಹತ್ತಿ. ಘನ್ನಾ ಟೈಮನಾ
ಪಾಚೊಜ್ಜ ಎ ಫೈಸ್ಲೊ ಥಯಲ ವ್ಹತ್ತೊ.

24 ಯೆಸು ಮೌತನೊ ತ್ರಾಸ ಖಾದ್ಲೊ ತೆನ್ನೆಸೊ ಕ್ಹುದಾ ತಿನೆ
ಛೊಡಾಯೊ. ಕ್ಹುದಾ ಯೆಸುನೆ ಮರಲವಾಲಾವೊಮಾತೊ ಜಿವ್ವೊ ಕರಿನ
ಉಟಾಡ್ಲೊ ಮೌತನೆಬಿ ಯೆಸುನೆ ಧರಲಿವಾನೆ ಥಯು ನೈ.

25 ದಾವಿದ ಯೆಸುನಾ ವಿಷಯನಾ ಹುತಿ ಅಮ್ಮ ಕದ್ಲೊಸ ಕರ್ತಾ
ಹಮೆಶಾಬಿ ಮಾರಾಖಾತೆ ಛಿ ಮಿ ಕೆಳೆಜ ಪಡು ನೈಕೈನೆ ತೆ ಮಾರಾ
ಬಾಙ್ಕುಮಾ ಛಿ.

26 ತಿನಾಹುತಿ ಮಾರಾ ಮನಸ್ಕಾ ಖುಶಿ ಥಾವಸ. ಮಾರಿ ಜಿಬ್
ಕೆಳಾಮಾಬಿ ಜೊಸಖು ತಿನೆ ಸ್ತೊತ್ತ ಕವಸ ಮಾರು ಅಂಗ

ಕೆಳಾಮಾಬಿ ನಿರಾಸೆ ನೈ ಥಾತು.

27 ಕಾಕದ್ಯಾಮ ತು ಮಾರಿ ಜಿವ ಆತ್ಮಾನೆ ಪಾತಾಳಮಾ ಛೊಡತೊ ನೈ.
ತಾರಾ ಮಯಾನಾ ಆಳನೆ ಪಡೆಲ ಜಗಾ ಪಡಾನೆ ದಿನ ಕ್ಹಡಾನೆ
ದಿದ್ಯೊನೈ.

28 ತು ಮನೆ ಜ್ಞಮಳಾನಿ ವಾಟ ದೆಕಾಡಿನ ದಿದ್ಯೊ ತಾರಾ ಪ್ರಸನ್ನತೆಮಾ
ಕ್ಹುಶಿ ಕರೊ. **ಕಿರ್ತನೆ 16:8-11**

29 "ಮಾರಾ ಭಾಯೊ ಭೆನ, ಅಪ್ಪೊ ಮುಲ ಪಿತ್ಯ ಥಯಲ ದಾವಿದನಾ
ವಿಷಯಮಾ ಮಿ ತುಮೊನೆ ಕ್ಹರಿಜ ಕೌಸ. ತೆ ಮರಿ ಗಯೊ ವರಿ ತಿನಿ
ಸಮಾದಿ ಥೈ. ತಿನಿ ಸಮಾದಿ ಅಪ್ಪಾ ವಚ್ಚಾವ ದಿನ್ನ ಲಕ್ಕಾ ಛಿ.

30 ದಾವಿದ ಯಕ್ಕ ಪ್ರವಾದಿ ವ್ಹತ್ತೊ ವರಿ 'ತಾರಾ ಘರನಾ ಯಕ್ಕಾನೆ
ತಾರಾ ಲಿಂಗತ ರಾಜೊ ಕರುಸ' ಕೈನ ಕ್ಹುದಾ ತಿನೆ ಕ್ಹಮ್ಮಫಾಲಿನ ವಾಗ್ದಾನ
ಕರಲ ತಿನೆ ಗ್ವತ್ತ ವ್ಹತ್ತು.

31 ತೆ ಥಾವಾತಿ ಪೈಲಾಜ ದಾವಿದನೆ ಗ್ವತ್ತ ಥಯುತು.

ತಿನಾಹುತಿ ದಾವಿದ ಮೌತಮಾತೊ ಜಿವ್ವೊ ಥಾವಾನಾ ಕ್ರಿಸ್ತನಾ
ಹುತಿ ತಿನೆ ಪಾತಾಳಮಾ ಛೊಡತಾ ನೈ ತಿನು ಅಂಗ ನೈ ಕ್ಹಡತು
ಕೈನ ಕದ್ಯೊ.

32 ತಿನಾಹುತಿ ಕ್ಹುದಾ ಮರಲವಾಲಾವೊಮಾತೊ ಜಿವ್ವೊ ಕರಿನ
ಉಟಾಡಲ ಯೆಸುನೆಜ ಅಪೆ ಕ್ಹಾರಾ ಜನಾ ಸಾಕ್ಷಿಯೊ ಥಯಾಸ.

33 ಯೆಸು ಸ್ವರ್ಗನೆ ಗಯೊ. ಹಮ್ಮಾ ಯೆಸು ಕ್ಹುದಾನಾ ಕ್ಹಾತೆ ಛಿ,
ಕ್ಹುದಾನಾ ಸಿದಾ ಬಗಲ ಛಿ. ಹಮ್ಮಾ ಬಾ (ಕ್ಹುದಾ) ಪವಿತ್ರ ಆತ್ಮಾಯೆಸುನೆ
ದಿದ್ಯೊಸ. ಪವಿತ್ರ ಆತ್ಮಾ ದಿವ್ವ ಕೈನ ಕ್ಹುದಾ ವಾಗ್ದಾನ ಕರೊತೊ.
ತಿನಾಹುತಿ ಯೆಸು ಹಮ್ಮಾ ತೆ ಆತ್ಮಾನೆ ದಿದ್ಯೊಸ. ತುಮೆ ದೆಕಾನು ವರಿ
ಐಕಾನು ಆಜ ವ್ಹೈ.

34 ಸ್ವರ್ಗನೆ ಗಯಲವಾಲೊ ದಾವಿದ ನ್ಹವೈ ಯೆಸುಜ ವ್ಹೈ ದಾವಿದಜ
ಇನಾ ಹುತಿ ಕವಸ,

35 ಮಿ ತಾರಾ ವಿರೋಧಿಯೊನೆ ತಾರಾ ಪಗನು ಥಳ ಕರೆಲಿಕ್ಕಾ ತು ಮಾರಾ ಬಾಭುಮಾ ಬೈಟಿಶಿ ಕೈನ ಕ್ಹದಾ ಥಯಲ ಕರ್ತಾ ಮಾರಾ ಕರ್ತಾನೆ ಕದ್ಯೊ' ಕೈನ.

36 "ತಿನಾಹುತಿ ಯೆಹುದಿಯೊ ಕ್ಹಾರಾ ಎ ಕ್ಹರಿಬಿ ತಿಳದಿಲಿವ. ಕ್ಹದಾ ಯೆಸುನೆ ಪ್ರಭು ಧೈನ ಕ್ರಿಸ್ತ ಧೈನ ಕರೊಸ್. ತುಮೆ ಶಿಲುಬಿ ಪರ ಫಾಲ್ಯಲ ಮನಕ್ಹಜ ತೆ ವ್ಹೆ "

37 ಎ ಐಕಲ ಪರ ತ್ಯಾನಾ ಪುರಾ ಮನಕ್ಹೊ ತ್ಯಾನಾ ಮನಸ್ಸೊಮಾ ಮ್ಹೆಲಿದ್ಯಲವಾಲಾ ಧೈನ ಪೆತ್ರನೆ ವರಿ ತಿನಾ ಕ್ಹಾತೆ ರ್ಹಯಲ ಅಪೊಸ್ತಲೊನೆ "ಭಾಯೊ, ಹಮ್ಮಾ ಹಮೆ ಸು ಕರು? ಕೈನ ಪುಚ್ಚಾ

38 ಪೆತ್ರಾ ತ್ಯಾನೊನೆ"ತುಮೊಮಾನೊ ಹರಯಕ್ಹೊ ತುಮಾರಾ ಪಾಪೊನಾ ಹುತಿ ಪಶ್ಚಾತ್ತಾಪ ಪಡಿನ ಕ್ಹದಾನಾ ಬಗಲ ಫರೊ ಯೆಸು ಕ್ರಿಸ್ತನಾ ನಾಮಮಾ ಬಾಪ್ತಿಸ್ಮ ಕರೈಲಿವೊ. ತೆಳಾಮಾ ಕ್ಹದಾ ತುಮಾರಾ ಪಾಪೊ ಮಾಫ ಕರಸ. ತೆನ್ನೆಸೊ ಕ್ಹದಾ ವಾಗ್ದಾನ ಕರಲ ಪವಿತ್ರ ಆತ್ಮಾನೆ ವ್ಹಂದಿಲಿವೊಶಿ.

39 ತೆ ವಾಗ್ದಾನ ತುಮೊನೆ ತುಮಾರಾ ಬಚ್ಚಾವೊನೆ ದುರ ರ್ಹಯಲ ಮನಕ್ಹೊನೆಬಿ ದಿದಲ ಟಿ. ಅಪ್ಪೊ ಕ್ಹದಾ ಥಯಲ ಪ್ರಭು ತಿಕನ ಬಲಾವಾನಾ ಹರ ಯಕ್ಲಾನೆ ಎ ವಾಗ್ದಾನ ದಿದ್ಯೊಸ" ಕೈನ ಕದ್ಯೊ

40 ಪೆತ್ರಾ ಹಜುನ ಘನ್ನಾವಾತೊಕ್ಹುತ್ಯಾನೊನೆ ಹುಶಾರ ಕರಿನ"ಎ ಕೆಟ್ಟ ಸಂತತಿವಾಲಾಕ್ಹು ಚುಕೈಲಿವೊ" ಕೈನ ಮಂಗಿಲಿದ್ಯೊ

41 ಪೆತ್ರಾನಿ ವಾತೊನೆ ವಪ್ಪಿಲಿದ್ಯಲವಾಲಾ ಬಾಪ್ತಿಸ್ಮ ಕರೈಲಿದ್ಯಾ ತೆ ದಿನ್ನ ತನ್ನ ಹಜಾರ ಮನಕ್ಹೊತ್ಯಾ ಮಳ್ಳಾತಾ.

42 ಇವ್ಹೆ ಅಪೊಸ್ತಲೊನಿ ಬೊಧನೆ ಐಕಾಮಾಬಿ ಭಾಯೊನಾ ಕ್ಹಾತೆ ರೊಕ್ಲೊ ತೊಡಾಮಾಬಿ ಪ್ರಾಥನಾ ಕರಾಮಾ ವ್ಹತ್ತಾ.

ವಿಸ್ವಾಸಿಯೊನಾ ಕ್ಹಾತೆ ಜಿವ್ವಾ

43 ಅಪೊಸ್ತಲೊ ಘನ್ನಾ ಚೊಕಾ ವರಿ ಅದ್ಭುತ ಕಾಮೊ ಕರಾಡಾತಾ; ವರಿ ಹರ ಯಕ್ಲಾನೆ ಕ್ಹದಾ ಪರ ಭೆ ಐಯು.

44 ಕ್ಹಾರಾ ವಿಶ್ವಾಸಿಯೊ ಮಳಿನ ರ್ವಾಡಾತಾ. ತ್ಯನೇ ಹರ ಯಕ್ಕ ವಾಟಿ ಲಿವಾಡಾತಾ.

45 ತ್ಯನಾ ತ್ಯನಾ ಆಸ್ತಿಯೊ ಇಕ್ಕಿನ ಆಯೆಲ ದೊಕಡಾಕ್ಹ ಕ್ಹಾರಾವೊನೆ ತ್ಯನಾ ತ್ಯನಾ ಜರುರತ್ತಕ್ಹ ವಾಟಿಲಿವಾಡಾತ್ತಾ.

46 ಹರಯಕ್ಕ ದಿನ್ನ ದೆವಾಲಯನೆ ಮಳಿನ ಆತಾತಾ. ತ್ಯನಾ ಕ್ಹಾರಾವೊನು ಉದ್ದೆಶ ಯಕ್ಕಜ್ಜ ವ್ಹತ್ತು. ತ್ಯನೇ ತ್ಯನಾ ಘರೊಮಾನಾ ರೊಟ್ಟೊ ತೊಡಿನ ಮಳಿನ ಖಾತಾತಾ. ತ್ಯನಾ ಮನಕ್ಲೊ ಮಿಶಿಕ್ಹು ಭರಲವ್ಹತ್ತಾ.

47 ತ್ಯನೇ ಕ್ಹುದಾನೆ ಸ್ತುತಿ ಕತಾರ್ಲ್ಹತಾತಾ ವರಿ ಕ್ಹಾರಾ ಮನಕ್ಲೊ ತಿನೆ ಪಸಂದ ಕತಾರ್ಲ್ಹತಾತಾ ದಿನ್ನೆಬಿ ಘನ್ನಾ-ಘನ್ನಾ ಮನಕ್ಲೊ ರಕ್ಷಣೆ ವ್ಹಂದಿಲೆತಾತಾ; ಪ್ರಭು ತ್ಯನೊನೆ ಕ್ಹಾರಾವೊನೆ ಸಭೆನೆ ಮಳಾತೊತೊ.

3

ಹುಟ್ಟತೊಜ್ಜ ಲಂಗಡೊ ರ್ವಯಲವಾಲೊ ಚಾಲಲ

1 ಯಕ್ಕ ದಿನ್ನ ಪೆತ್ರಾ ವರಿ ಯೊಹಾನ ದುಪ್ಪಾರನಾ ಟೈಮೆ ತನ್ನ ವಾಸ್ತಾ ಚಾಲಾನೆ ಪ್ರಾಥನಾನಾ ಹುತಿ ದೆವಾಲಯನೆ ಆಯಾ.

2 ದೆವಾಲಯಮಾ ಜಾವಾಲಾವೊಕಂತೊ ಭಿಕ ಮಾಂಗಾನಾಹುತಿ ತಿನೆ ದೆವಾಲಯನಾ ಸುಂದರ ದ್ವಾರಬಾಕಲಕನ್ನ ದಿನ್ನೆ ಬೈಟಾಡತಾತಾ.

3 ತೆ ದೆವಾಲಯಮಾ ಜಾವಾಲಾ ಪೆತ್ರಾ ವರಿ ಯೊಹಾನನೆ ದೆಕಿನ ಭಿಕ ದಿವೊ ಕೈನ ಪುಚ್ಚಮಾ.

4 ಪೆತ್ರಾ ವರಿ ಯೊಹಾನ ಭಂಬಿಜನಾ ತಿನೆ ಯಕ್ಕಸಂವಾ ದೆಕಿನ. ಪೆತ್ರಾ "ಹಮೊನೆ ದೆಕ"ಕದ್ಲೊ.

5 ತೆ ತ್ಯನೊಕ್ಹು ಸುಬಿ ಮಳಸ ಕೈನ ತ್ಯನೊನೆ ದೆಕ್ಲೊ.

6 ತೆಳಾಮಾ ಪೆತ್ರಾ ಕ್ಲೊನು ರುಪ್ಪುತೊ ಮಕನ ನತ್ತಿ, ಮಕನ ರವಾನು ತುನೆ ದ್ಯುಸ. ನಜರೆತನಾ ಯೆಸು ಕ್ರಿಸ್ತನಾ ನಾಮಪರ ಚಾಲ ಕದ್ಲೊ.

7 ತಿನೆ ಸಿದಾಹತ್ತ ಧರಿನ ಉಟಾಡ್ಲೊ. ತೆಳಾಮಾಜ್ಜ ತಿನಾ ಪಗೊಮಾ ವರಿ ಗುಡ್ಡಾವೊಮಾ ತಾಕತ ಐ;

8 ತೆ ಜಿಗ್ಗಿನ ಹುಬ್ಬಿನ ಚಾಲ್ಯೊ; ಚಾಲ್ಯೊ ಉಡತೊ ಕ್ಹುದಾನೆ ಸ್ತುತಿ ಕರ್ರೊ ತ್ಯುನಾ ಕ್ಹಾತೆ ದೆವಾಲಯಮಾ ಗಯೊ.

9 ತೆ ಚಾಲಾನು ವರಿ ಕ್ಹುದಾನೆ ಸ್ತುತಿ ಕರಾನು ರ್ವಯಲ ಕ್ಹಾರಾ ಮನಕ್ಲೊ ದೆಕಿನ.

10 ಎ ದೆವಾಲಯನಾ ಸುಂದರ ದ್ವಾರಬಾಕಲಕನ ಬೈಟಿನ ಭಿಕ ಮಾಂಗಾಲೊ ವ್ಹ್ಯೆ ಕೈನ ವಳಕಿನ. ತಿನೆ ಥಯಲ ಅದ್ಭುತ ದೆಕಿನ ಘನ್ನಾ ಘಾಬ್ರಾ ಥಯಾ. ಪೆತ್ರಾನು ದೆವಾಲಯಮಾ ಸಂದೆಶ

11 ತೆ ಪೆತ್ರಾ ವರಿ ಯೊಹಾನನೆ ಧರ್ಲಿನಜ ರ್ವತಾಮಾ ಘಾಬ್ರಾ ಥಯಲ ತೆ ಮನಕ್ಲೊ ಕ್ಹಾರಾ ತ್ಯುನೊಕನ ಸೊಲೊಮೊನ ಕವಾನಾ ಮಂಟಪಕನ ರ್ವಯಲ ಪೆತ್ರಾವರಿ ಯೊಹಾನಕನ ಗುಂಪ ಗುಂಪ ಥೈನ ನ್ಹಾಟಿನ ಆಯಾ.

12 ಪೆತ್ರಾ ತಿನೆ ದೆಕಿನ ಇಸ್ರಾಯಲನಾ ಮನಕ್ಲೊ ತುಮೆ ಕಾ ತಿಕ್ಲು ಘಾಬ್ರಾ ಥಾವೊಶಿ? ತುಮೆ ಹಮೊನೆ ಯಕ್ಸಂವಾ ದೆಕಾನು ಶಾನೆ ವ್ಹ್ಯೆ ಹಮೆ ಸ್ವಂತ ತಾಕತಕ್ಲು ರ್ವವಾದೆ ಕ್ಹುದಾಪರ್ಲಿ ಭಕ್ತಿಕ್ಲು ಇನೆ ಚಾಲೆಲ ಲಿಂಗತ ಕರ್ಯಾಸ ಕೈನ ತಿಳ್ವಲಿವೊ ನಕೊ.

13 ಆ ಕಾರ್ಯ ಕರಲ ಹಮೆ ನ್ಹವೈ ಕ್ಹುದಾ ವ್ಹ್ಯೆ ಅಬ್ರಹಾಮನೊ ಕ್ಹುದಾ, ಇಸಾಕನೊ ಕ್ಹುದಾ, ವರಿ ಯಾಕೊಬ್ಬೊ ಕ್ಹುದಾ. ತೆಜ್ಜ ಅಪ್ಪಾ ಕ್ಹಾರಾ ಪಿತ್ರವೊನೊ ಕ್ಹುದಾ ವ್ಹ್ಯೆ ತೆ ತಿನೊ ಖಾಸ ಸೆವಕ ಥಯಲ ಯೆಸುನೆ ಮಹಿಮಾ ಕರೆಯೆಸ. ತೆನ್ನೈಸೊ ತುಮೆ ಯೆಸುನೆ ಖಲಾಸ ಕರಾನೆ ವಪ್ಪಿನ ದಿದ್ಯಾ ಯೆಸುನೆ ಛೊಡಾನೆ ಪಿಲಾತನ ಪೈಸ್ಲೊ ಕರರ್ಯೊತೊ. ತೆನ್ನೈಸೊ ಪಿಲಾತನನೆ, ಹಮೊನೆ ಯೆಸು ನಕೊ ಕೈನ ಇನ್ಕಾರ ಕರ್ಯಾ.

14 ಯೆಸು ಪರಿಶುದ್ಧ ವ್ಹತ್ತೊ ವರಿ ಚೊಕು ವ್ಹತ್ತೊ. ತೆನ್ನೈಸೊ ತುಮೆ ತಿನೆ ಇನ್ಕಾರ್ಯಾ ತಿನಾ ಬದ್ಲಿ ಕಲಾಸ ಕರಲವಾಲಾನೆ ಛೊಡು ಕೈನ ಪಿಲಾತನ ಕನ ಮಾಂಗಲಿದ್ಯಾ.

15 ಇಮ್ಮ ತುಮೆ ಜಲಮ ದಿವಾಲಾನೆ ಖಲಾಸ ಕರಾಯಾಸ! ತೆನ್ನೈಸೊ ಕ್ಹುದಾ ತಿನೆ ಮರಲವಾಲಾವೊಮಾತೊ ಉಟಾಡ್ಲೊ ಇನೆ ಹಮೆಜ್ಜ ಸಾಕ್ಷಿಯೊ ವ್ಹ್ಯೆ

16 "ತುಮಾರಾ ಡೊಳಾ ಕ್ಹಾಮು ರ್ವವಾನು ಇನಿ ವಳಕ ತುಮೊನೆ ಕ್ಹಾರಾವೊನೆ ಛೆ. ಎ ಅರಾಮ ಥಯಲನೆ ಎ ಯೆಸುನಾ ನಾಮ ಪರ ಮ್ಹೆಲಲ ಬರೊಕ್ಲೊಜ್ಜ ಕಾರಣ ವ್ಹೆ ತೆ ನಾಮಜ್ಜ ಅನೆ ತಾಕತಕ್ಪುಭರ್ಯ್, ತಿನಾ ಮುಲಕ ಥಯಲ ಬರೊಕ್ಲೊಜ್ಜ ಇನೆ ತುಮಾರಾ ಕ್ಹಾಮೊ ಅರಾಮ ಕರ್ಯ್.

17 "ಭಾಯೊ ತುಮೆ ಕರಲ ರ್ವವಾದೆ, ತುಮೆ ಗ್ವತ್ತ ವಾಚಿ ಯೆಸುನೆ ಇಮ್ಮ ಕರ್ಯ್ಸ ಕೈನ ಮನೆ ಗ್ವತ್ತ ಛೆ. ತುಮಾರಾ ನಾಯಕೊಬಿ ತಿಳ್ವಿಲ್ದ್ಯಾ ನೈ.

18 ಕ್ರಿಸ್ತ ತ್ರಾಸ ಖೈನ ಮರಸ ಕೈನ ಕ್ಹುದಾ ತಿನಾ ಪ್ರವಾದಿಯೊನಾ ಮುಲಕ ಪೈಲಾಜ್ಜ ಕದಲ ಇಮ್ಮ ಪುರಾ ಕರ್ಯ್ಸ.

19 ತಿನಾಹುತಿ ತುಮೆ ತುಮಾರಾ ಪಾಪೊನಾ ಹುತಿ ಪಶ್ಚತ್ತಾಪ ಪಡಿನ ಕ್ಹುದಾ ಬಗಲ ಫರೊ. ತೆಳಾಮಾ ತೆ ತುಮಾರಾ ಪಾಪೊ ಮಾಫ ಕರಸ.

20 ತೆಳಾಮಾ ಪ್ರಭು ತುಮೊನೆ ಆತ್ಮಿಕನಿ ತಾಕತ ದಿವಸ. ತೆ ಕ್ರಿಸ್ತ ಕೈನ ಇನಿಲಿದಲ ಯೆಸುನೆಜ್ಜ ತುಮೊನೆ ದಿವಸ.

21 "ತೆನೈಸೊ ಕ್ಹಾರು ಸಿದಾ ಕರಾನೊ ದಿನ್ನ ಆಯೆ ಲಕ್ಕಾ ಯೆಸು ಸ್ವರ್ಗಮಾಜ್ಜ ರ್ವ್ವ ಕ್ಹುದಾ ಘನ್ನಾ ದಿನ್ನನಾ ಪಾಚೊಜ್ಜ ತಿನಾ ಪವಿತ್ರ ಪ್ರವಾದಿಯೊನಾ ಸಂದೆಶನಾ ಮುಲಕ ಬೊಲಲ ಪರ, ಎ ಕಾಲನಾ ಹುತಿ ಕದ್ಯೊ.

22 ತಿನಾಹುತಿ ಮೊಶೆ ಅಮ್ಮ ಕದ್ಯೊಸ "ತುಮಾರೊ ಕ್ಹುದಾ ಥಯಲ ಪ್ರಭು ತುಮೊನೆ ಯಕ್ಕ ಪ್ರವಾದಿ ದಿವಸ. ತುಮಾರಾ ಭಾಯೊನಾ ವಚ್ಚಾತೊಜ್ಜ ತೆ ಪ್ರವಾದಿ ಆವಸ. ತೆ ಮಾರಾ ಲಿಂಗತಜ್ಜ ರ್ವವಸ. ತೆ ಪ್ರವಾದಿ ಕವಾನಿ ಹರಯಕ್ಕನೆಬಿ ತುಮೆ ವಿಧೆಯ ಥೌ.

23 ತಿನೆ ನೈ ವಿಧೆಯ ಥಯಲವಾಲಾ ಕ್ಹುದಾನಾ ಮನಕ್ಲೊಕ್ಪು ಜುದೊ ಕರಿನ ಹಾಳ ಕರಸ.

24 "ಸಮುವೆಲ ವರಿ ತಿಪರ್ತಾ ಆಯಲ ಪ್ರವಾದಿಯೊ ಎ ದಿನೊಮಾ ಥಾವಾನಾ ಹುತಿ ಪೈಲಾಜ್ಜ ಕದ್ಯಾಸ.

25 ತೆ ಪ್ರವಾದಿಯೊ ಕದಲ ಸಂಗತಿಯೊ ತುಮೆ ಸ್ವಿಕಾರ ಕರಿಲ್ದ್ಯಾಸ. ಕ್ಹುದಾ ತುಮಾರಾ ಪಿತ್ಯವೊನಾ ಕ್ಹಾತೆ ಬೊಲಲ ವಾತೊ ತುಮೆ ಸ್ವಿಕಾರ

ಕರಿಲಿದ್ಯಾಸ. ಕ್ಹುದಾ ತುಮಾರೊ ಪಿತ್ರ್ ಥಯಲ ಅಬ್ರಹಾಮನೆ, 'ತಾರಿ ಸಂತತಿಕ್ಲ ಜಿಮಿನಪರ ರ್ವಯಲ ಕ್ಹಾರಾ ಮನಕ್ಲೊ ಆಶಿರ್ವಾದ ವ್ಹಂದಿಲಿವಸ' ಕೈನ ಕದ್ಯೊ.

26 ಕ್ಹುದಾ ತಿನಾ ಖಾಸ ಸೆವಕನೆ ಮೌತಮಾತೊ ಉಟಾಡಿನ ಪೈಲಾ ತುಮೊಕನ ವಳಾಯೊ. ತುಮೊನೆ ಆಶಿರ್ವಾದ ದಿವಾನಾ ಹುತಿ ಕ್ಹುದಾ ಯೆಸುನೆ ವಳಾಯೊ. ತೆ ತುಮೊನೆ ತುಮಾರಾ ಕೆಟ್ಟಕಾಮೊಕ್ಲ ದುರ ಕರಿನ ಆಶಿರ್ವಾದ ಕರಸ"

4

ಪೆತ್ರಾ ವರಿ ಯೊಹಾನ ನ್ಯಾಯ ಸಭೆನಾ ಕ್ಹಾಮಾ

1 ಪೆತ್ರಾ ವರಿ ಯೊಹಾನ ಮನಕ್ಲೊನಾ ಕ್ಹಾತೆ ಬೊಲ್ತಾಮಾ, ದಕ್ಲಾ ಮನಕ್ಲೊ ತ್ಯುನೊಕನ ಆಯಾ. ತ್ಯಾ ದಕ್ಲಾ ಯಾಜಕೊ ವ್ಹತ್ತಾ. ದಕ್ಲಾ ಸದ್ವಾದಕಾಯರೊ ವ್ಹತ್ತಾ ವರಿ ದೆವಾಲಯ ಕೈದಾಲಾ ಸೈನಿಕೊನೊ ಅಧಿಪತಿ ವ್ಹತ್ತೊ.

2 ಎ ಭಂಬಿ ಅಪೊಸ್ತಲೊ ಮನಕ್ಲೊನೆ ಉಪದೇಶ ಕರಾನು ದೆಕಿನ ತ್ಯುನೆ ಶಿಟ್ಟ ಥಯಾತಾ. ಯೆಸುನಿ ತಾಕತಕ್ಲ ಮನಕ್ಲೊ ಪುನರುತ್ಥಾನ ಥಾವಸ ಕೈನ ಪೆತ್ರಾ ವರಿ ಯೊಹಾನ ಕವಾಡಾತಾ.

3 ಯೆಹುದಿಯೊನಾ ನಾಯಕೊ ಪೆತ್ರಾ ವರಿ ಯೊಹಾನನೆ ಧರಿನ ಮರ್ನಾ ದಿನ್ನಲಕ್ಲಾ ಜಿಲ್ಮಾಫಾಲ್ಯಾ.

4 ತೆನೈಸೊ ಪೆತ್ರಾ ವರಿ ಯೊಹಾನನಿ ಬೊಧನೆ ಏಕಿನ ಘನ್ನಾ ಮನಕ್ಲೊ ಬರೊಕ್ಲೊ ಕರ್ತ್ಯಾ. ತೆಳಾಮಾ ತೆ ಪಂಚಾತಿಮಾ ವಿಶ್ವಾಸಿಯೊ ಥಯಲ ದಾಣ್ಣಾವೊನಾ ಇಸಾಬ ಪಾಂಚ ಹಭಾರನೆ ಚಡ್ತ್ಯಾ.

5 ಮರ್ನಾ ದಿನ್ನೆ ಯೆಹುದಿ ನಾಯಕೊ, ಯೆಹುದಿನಾ ಮ್ಹೊಟಾ ಶಾನಾ ನಾಯಕೊ ವರಿ ಧರಮ ಶಿಕ್ಲಾವಾನಾ ಯೆರುಸಲೆಮಮಾ ಸಭೆ ಥೈನ ಮಳ್ಳಾತಾ.

6 ತ್ಯಾ ಮೊಟ್ಟೊ ಯಾಜಕ ಅನ್ನಸ, ಕಾಯಫ,ಯೊಹಾನ ವರಿ ಅಲೆಕ್ಸಾಂಡರ ವ್ಹತ್ತಾ. ಮೊಟ್ಟಾ ಯಾಜಕನಾ ಘರವಾಲಾ ಕ್ಹಾರಾ ಜನಾ ತ್ಯಾ ವ್ಹತ್ತಾ.

7 ತ್ಯುನೆ ಪೆತ್ರಾ ಯೊಹಾನನೆ ತ್ಯಾರ್ಲ್ಯಲ ಕ್ಹಾರಾ ಮನಕ್ಲೊನಾ ಕ್ಹಾಮಾ ಹುಬ್ರಾಡ್ಯಾ ಯೆಹುದಿ ನಾಯಕೊ ತ್ಯುನೊನೆ "ತುಮೆ ಎ ಲಂಗ್ಡಾನೆ ಕಿಮ್ಮ ಅರಾಮ ಕರಾ? ತುಮೆ ಕೈ ತಾಕತೆ ಉಪಯೊಗ ಕರಾ? ಎ ಕಿನಾ ಅದಿಕಾರಕ್ಹು ಕರಾ? ಕೈನ ಪುಚ್ಯಾ.

8 ತೆಳಾಮಾ ಪೆತ್ರಾ, ಪುರಾ ಪವಿತ್ರ ಆತ್ಮಾಕ್ಹು ಭರಯ್ಚೊ ತೆ ತ್ಯುನೊನೆ "ಮನಕ್ಲೊಪರ ಮೊಟ್ಟಾ ರ್ಲ್ಯಲವಾಲಾ ವರಿ ಶಾನಾವೊ,

9 ಎ ಲಂಗ್ಡಾನೆ ಥಯಲ ಚೊಕಾನಾ ಹುತಿ ತೆ ಕಿಮ ಅರಾಮ ಥಯೊ ಕೈನ ತುಮೆ ಹಮೊನೆ ಪುಚ್ಚಾಡಾಸ ಸು,

10 ನಜರೆತನಾ ಯೆಸು ಕ್ರಿಸ್ತನಾ ನಾಮಕ್ಹು ಎ ಮನಕ್ಲೆನೆ ಅರಾಮ ಥಯುಸ ಕವಾನು ತುಮೆ ವರಿ ಇಸ್ರಾಯೆನಾ ಕ್ಹಾರಾ ಮನಕ್ಲೊ ತಿಳ್ವಲಿವ ಕೈನ ಮಿ ಆಸ ಕರುಸ! ತುಮೆ ಯೆಸುನೆ ಶಿಲುಬಿ ಪರ ಫಾಲ್ಯಾ ಕ್ಹುದಾ ತಿನೆ ಮರಲವಾಲಾವೊಮಾತೊ ಜಿವ್ವೊ ಕರಿನ ಉಟಾಡ್ಯೊ. ಎ ಮನಕ್ಹು ಲಂಗ್ಡೊ ವ್ಹತ್ತೊ, ತೆನೈಸೊ ಹಮ್ನಾ ಎ ಅರಾಮ ಥಯೊಸ ವರಿ ಯೆಸುನಾ ನಾಮಕ್ಹು ತುಮಾರಾ ಕ್ಹಾಮೊಜ್ಜ ಹುಬ್ರಯೊಸ!

11 ಘರ ಭಾಂದಾಲಾ ತುಮೆ ನಕೊ ಕೈನ ಛೊಡ್ಯಲ ದಗ್ಡೊಜ್ಜ ಯೆಸು ವ್ಹೆಲ್

12 ರಕ್ಷಣೆ ಯೆಸುಕ್ಹುಜ್ಜ ವ್ಹೆಲ್ ಬಿಜಾ ಕಿಕನಜ್ಜ ನೈ ಮಳ್ತು. ತಿನಾ ನಾಮಕ್ಹುಜ್ಜ ನೈಸೊ ಹಬಾಳನಾ ಹೆಟಾ ರ್ಲ್ಯಲ ಮನಕ್ಲೊನೆ ದಿದಲ ಬಿಜಾ ಕಯಾ ನಾಮಕ್ಹುಜ್ಜಿ ಅಪೊನೆ ರಕ್ಷಣೆ ನೈ ಥಾತು" ಕೈನ ಕದ್ಯೊ.

13 ಪೆತ್ರಾ ವರಿ ಯೊಹಾನನೆ ಖಾಸ ಕಯಿಬಿ ತರಬೆತಿ ಗ್ಯಾನ ರ್ಲ್ಯವಾದೆ ನತ್ತಿ ಕವಾನು ಯೆಹುದಿಯೊನಾ ನಾಯಕೊನೆ ಗ್ವತ್ತ ವ್ಹತ್ತು. ತೆನೈಸೊ ತ್ಯುನೆ ಭುಚಕ್ಯಾವಾಚಿ ಬೊಲಾನುಬಿ ನಾಯಕೊ ದೆಕಾಡಾತಾ. ತಿನಾಹುತಿ ಎ ನ್ಯಾಯಕೊ ಘನ್ನಾ ಫಾಬ್ರಾ ಥಯಾ. ಪೆತ್ರಾ ವರಿ ಯೊಹಾನ ಯೆಸುನಾ ಕ್ಹಾತೆ ವ್ಹತ್ತಾ ಕಾವಾನು ಎ ಥಯಲಪರ ಗ್ವತ್ತ ಥಯು.

14 ಎ ಭಂಬಿ ಅಪೊಸ್ತಲೋನಾ ಬಾಙ್ಗುಮಾ ಹುಬ್ರಾಯಲ ಅರಾಮ ಥಯಲ ಲಂಗ್ಗಾನೆ ತ್ಯುನೆ ದೆಕ್ಕಾ ತಿನೆ ಅರಾಮ ಥಯಲ ತ್ಯುನೆ ದೆಕ್ಕಾ ತಿನಾಹುತಿ ಅಪೊಸ್ತಲೋನಾ ವಾತೊನಾ ವಿರುದ್ಧ ತ್ಯುನೆ ಸುಙ್ಗ ಕವಾನೆ ಥಯು ನೈ.

15 ಯೆಹುದಿ ನಾಯಕೊ ಅಪೊಸ್ತಲೋನೆ ಸಭೆತಾ ಭಾರಾ ಮೊಕ್ಕಿನ,

16 "ಇವ್ವೊನೆ ಅಪೆ ಸು ಕರಿಯೆ? ಇವ್ವೆ ಮ್ಹೊಟಾ ಅದ್ಭುತ ಕಾಮೊ ಕರಾನು ಯೆರುಸಲೆಮಮಾ ರ್ವಯಲ ಹರಯಕ್ಕನೆ ಗ್ವತ್ತ ಟೆ. ಎ ಅದ್ಭುತ ಕಾಮೊ ಕರೆಟ್ಟ ರ್ವಯಲ ಹುತಿ ತಿನೆ ಮಾಂಡ್ಯಾ ವ್ಹೆ ಕೈನ ಕವಾನೆ ನೈ ಥಾತು.

17 ತೆನೈಸೊ ತೆ ಮನಕ್ವನಾ ಹುತಿ ಮನಕ್ವೊನೆ ಕಯೆ ನೈಸೊ ಅಪೆ ತ್ಯುನೊನೆ ಭುಚ್ಚಾಡು. ತೆಳಾಮಾ ಎ ಸಮಾಚಾರ ಮನಕ್ವೊನಾ ವಚ್ಚಾ ಪೈಲ್ಲಿ ನೈ" ಕೈನ ತ್ಯುನೆ ಬೊಲಿಲಿದ್ಯಾ.

18 ತಿನಾಹುತಿ ಯೆಹುದಿ ನಾಯಕೊ ಪೆತ್ರಾ ವರಿ ಯೊಹಾನನೆ ಮ್ಹೆ ಬಲೈನ, ಯೆಸುನಾ ನಾಮಪರ ಸುಙ್ಗ ಕೌ ನೈ ಕೈನ, ಸುಙ್ಗ ಬೊದನೆ ಕರು ನೈ ಕೈನ ತಾಕಿತ ಕರ್ಯಾ.

19 ತಿಮ್ಮಕತಾಮಾ ಪೆತ್ರಾ ವರಿ ಯೊಹಾನ ತ್ಯುನೊನೆ "ಹಮೆ ತುಮೊನೆ ವಿದೆಯ ಥಯೆ ಸು ಕ್ವುದಾನೆ ವಿದೆಯ ಥಯೆ? ಇಮಾ ಕಯು ಕ್ವುದಾನೆ ಚಾಯೆ ಥಯಲ ವ್ಹೆ? ತುಮೆಙ್ಗ ಕವೊ.

20 ಹಮೆತೊ ಗಪ್ಪ ನೈ ರ್ವಿ ಸಕ್ತಾ. ಹಮೆ ದೆಕಲ ವರಿ ಐಕಲ ಸಂಗತಿಯೊನಾ ಹುತಿ ಮನಕ್ವೊನೆ ಕೌಙ್ಗ" ಕೈನ ಉತ್ತರ ದಿದ್ಯಾ.

21 ಯೆಹುದಿ ನಾಯಕೊನೆ ಅಪೊಸ್ತಲೋನೆ ಶಿಕ್ಷಾ ದಿವಾನೆ ಕಯಿಙ್ಗ ವಾಟ ದಿಕ್ಲಿನೈ ಕಾಕದ್ಯಾಮ, ಥಯಲ ಕಾಮೊನಾ ಹುತಿ ಮನಕ್ವೊ ಕ್ವಾರಾ ಕ್ವುದಾನೆ ಸ್ತುತಿ ಕರಾಡಾತಾ.

22 ಎ ಸುಚಕ ಕಾಮೊಕ್ವು ಅರಾಮ ಥಯಲ ಮನಕ್ವೊನಿ ವೈಸ ಚಾಳಕ್ವತಿಬಿ ಜಾಸ್ತ ವೈಸ ವ್ಹತ್ತಿ! ತಿನಾಹುತಿ ಯೆಹುದಿ ನಾಯಕೊ ಅಪೊಸ್ತಲೋನೆ ವರಿ ತಾಕಿತ ಕರಿನ ವಳ್ಳೆಪಡ್ಯಾ.

ದೈರೈನಾ ಹುತಿ ವಿಶ್ವಾಸಿಯೊ ಪ್ರಾಥನಾ ಕರಲ

23 ಪೆತ್ರಾ ವರಿ ಯೊಹಾನ ಯೆಹುದಿಯೊನಾ ನಾಯಕೊ ತ್ಯುನೊನೆ ಘೊಡ್ತಾಮಾ ತ್ಯುನೆ ಸಭೆತಾ ಗೈನ ತ್ಯುನಿ ಸಮುದಾಯನೆ ಗಯಾ. ಮೊಟ್ಟಾ ಯಾಜಕೊ ವರಿ ಯೆಹುದಿಯೊನಾ ಶಾನಾ ನಾಯಕೊ ತ್ಯುನೊನೆ ಕದಲ ಹರಯಕ್ಕ ತ್ಯುನೆ ತ್ಯುನಿ ಸಮುದಾಯಮಾ ತಿಳ್ತಾಯಾ.

24 ಎ ಐಕಲಪರ ವಿಶ್ವಾಸಿಯೊ ಯಕ್ಕ ಮನಸ್ಸಕ್ಕು ಕ್ವದಾನೆ ಯೊರ ಪ್ರಾಥನಾ ಕರ್ಯಾ; "ಮಾಲಕ, ಹಬಾಳನೆ ಜಿಮಿನನೆ ಸಮುಂದರನೆ ವರಿ ದುನಿಯಾಮಾ ರ್ಹವಾನು ಹರಯಕ್ಕನೆ ಸೃಷ್ಟಿ ಕರಲವಾಲೊ ತುಜ್ಜ ವ್ಹೆ.

25 ಹಮಾರೊ ಪಿತ್ಯಥಯಲ ದಾವಿದ ತಾರೊ ಸೆವಕ ವ್ಹತ್ತೊ. ತೆ ಪವಿತ್ರ ಆತ್ಮಾನಾ ಮದತಕ್ಕು ಎ ವಾತೊ ಬರ್ದ್ಯೊಸ;

26 ಭುಲೊಕನಾ ರಾಜ್ಞಾ ಜ್ಞಾವಾನೆ ತಯ್ಯಾರ ಛೆ;

27 ಕ್ವರಿಬಿ ತಿನಾ ಲಿಂಗತ ಥಯು ಹೆರೊದನೊ ರಾಜ್ಞೊ, ಪೊಂತಿಯಸ ಪಿಲಾತನ, ಸಂತತಿಯೊ ವರಿ ಇಸ್ರಾಯಲ ಗಾಮತಾ ಕ್ವಾರಾ ಮಳಿನ ಯೆಸುನೆ ವಿರೊದ ಕರಲ ಪರ ಎ ಸಂಗತಿಯೊ ಕ್ವರಿಜ್ಜ ಥಯಾ. ಕ್ರಿಸ್ತ ಥಯಲ ಯೆಸು ತಾರೊ ಪವಿತ್ರ ಸೆವಕ ಥಯೊಸ. ತು ತಿನೆ ಅಭಿಷೆಕ ಕರ್ಯೊಸ.

28 ಯೆಸುನೆ ವಿರುದ್ಧ ಥೈನ ಮಳಿನ ಆಯಲ ಎ ಮನಕ್ಕೊ ತಾರಿ ವಿಚಾರ ಪುರಾ ಥಾಯೆ ಲಿಂಗತ ಕರ್ಯಾ. ತಾರಿ ತಾಕತಕ್ಕು ತಾರಿ ಚಿತ್ತಕ್ಕು ಎ ಥಯು.

29 ಪ್ರಭು, ತ್ಯುನೆ ಕವಾನು ಐಕ. ತ್ಯುನೆ ಹಮೊನೆ ಭುಚ್ಚಾಡಾನೆ ಕೊಶಿಶ ಕರಾಡಾಸ! ಪ್ರಭು ಹಮೆ ತಾರಾ ಸೆವಕೊ ವ್ಹೆ. ತಾರಿ ವಾಕ್ಯಾ ಭೆ ವಾಚಿ ಕವಾನೆ ತುಜ್ಜ ಹಮೊನೆ ಮದತ ಕರ.

30 ತಾರೊ ಹತ್ತ ಅಗೊ ಕರಿನ ಯೆಸುನಾ ನಾಮನಾ ಮುಲಕ ರೊಗಿಯೊನೆ ಅರಾಮ ಕರ; ಸುಚಕ ಕಾಮೊ ಅದ್ಭುತ ಕಾಮೊ ಕರ" ಕೈನ ತ್ಯುನೆ ಪ್ರಾಥನಾ ಕರ್ಯಾ.

31 ಇಮ್ಮೆ ವಿಶ್ವಾಸಿಯೊ ಪ್ರಾಥನಾ ಕರ್ಯಾಮಾ, ತ್ಯುನೆ ಸಭೆ ಮಳಲ ಜುಗಾ ಹಲ್ಯಾ. ತ್ಯುನೆ ಕ್ವಾರಾ ಪವಿತ್ರ ಆತ್ಮಾಕ್ಕು ಭರಿನ ವರಿ ಕ್ವದಾನಿ ವಾಕ್ಯಾ ಭೆ ವಾಚಿ ಕದ್ಯಾ.

32 ವಿಶ್ವಾಸಿಯೊನು ಮನಸ್ಸು ಜಲಮ ಯಕ್ಕಜಿ ವ್ಹತ್ತು. ಸಮುದಾಯಮಾ ರ್ಡ್ಡಯಲ ಕುನ್ನಬಿ ರ್ಡ್ಡಿನಕಾ ತಿಕನ ರ್ಡ್ಡಯಲ ಕ್ಹಾರು ತಿನು ವ್ಹೈಕ್ಯೆನ ಕವಾಡಾ ನ್ಹೊತಾ. ತಿನಿ ಜಗಾ, ತ್ಯುನೆ ಹರಯಕ್ಕನೆ ವಾಟಿಲಿವಾಡಾತಾ.

33 ಪ್ರಭು ಥಯಲ ಯೆಸು ಕ್ಹರಿಬಿ ಮರಲವಾಲಾವೊಮಾತೊ ಜಿವ್ಹೊ ಥೈನ ಉಟಿನ ಆಯೊಸ ಕೈನ ಅಪೊಸ್ತಲೊ ಘನ್ನಾ ಭೊರೆ ಮನಕ್ಹೊನೆ ಕವಾಡಾತಾ. ಕ್ಹುದಾ ವಿಶ್ವಾಸಿಯೊ ಕ್ಹಾರಾವೊನೆ ಘನ್ನೊ ಆಶಿರ್ವಾದ ಕರೊ.

34 ತ್ಯುನೆ ಕ್ಹಾರಾವೊನಾ ಜರುರತೊ ಪುರಾ ಥಾವಾಡಾತಾ. ಜಗಾ ವರಿ ಘರೊ ರ್ಡ್ಡಯಲ ಹರಯಕ್ಲಾ ತೆ ಇಕ್ಕಿನ,

35 ಆಯಲ ದೊಕ್ಲಾ ಅಪೊಸ್ತಲೊನಾ ಹತೊಮಾ ದೆತಾತಾ.. ಪಾಚಾತಾ ತೆ ಹರಯಕ್ಲಾನೆ ತಿನಾ ತಿನಾ ಜರುರತ ಲಿಂಗತ ವಾಟಿಲೆತಾತಾ.

36 ತೆ ವಿಶ್ವಾಸಿಯೊಮಾ ಯೊಸೆಫ ಕವಾಲೊ ವ್ಹತ್ತೊ. ಅಪೊಸ್ತಲೊ ತಿನೆ ಬಾರ್ನಬ ಕೈನ ಬಲಾತಾತಾ. ಬಾರ್ನಬ ಕದ್ಯಾಮ 'ಥೈರೈವಾಲೊ' ಸೈಪ್ರಸ್ಕಾ ಹುಟ್ಟಲ ಎ ಲೆವಿ ವ್ಹತ್ತೊ.

37 ಯೊಸೆಫನೆ ಯಕ್ಕ ಖೆತರ ವ್ಹತ್ತು. ತೆ ತಿನೆ ಇಕ್ಕಿನ ಆಯಲ ದೊಕ್ಲಾ ಅಪೊಸ್ತಲೊನಾ ಹತೊಮಾ ಮ್ಹೆಲ್ಯೊ.

5

1 ಅನನಿಯ ಕವಾಲೊ ಯಕ್ಲೊ ವ್ಹತ್ತೊ. ತಿನಿ ಬೈಕೊನು ನಾಮ ಸವೈರಳ ವ್ಹೈ, ಅನನಿಯ ತಿಕನ ರ್ಡ್ಡಯಲ ದಕ್ಷಿಜಿಮಿನ ಇಕ್ಲೊ.

2 ತೆನೈಸೊ, ಆಯಲ ದೊಕ್ಲಾಮಾ ಯಕ್ಕ ಭಾಗ ತೆ ಅಪೊಸ್ತಲೊನಾ ಪಗೊ ಕನ ಮ್ಹೆಲ್ಯೊ ತೆ ದಕ್ಲಾದೊಕ್ಲಾ ತಿನಾಹುತಿ ಝಾಕಿನ ಮ್ಹೆಲ್ಯೊ ತಿನಿ ಬೈಕೊನೆ ತೆ ಕ್ಹಾರು ಗ್ವತ್ತ ವ್ಹತ್ತು. ತಿನೆ ತೆ ವಪ್ಪಿಲಿದಿತಿ.

3 ಪೆತ್ರಾ"ಅನನಿಯ, ತಾರು ಮನಸ್ಸು ಆಳಾನೆ ತು ಸೈತಾನನೆ ವಪ್ಪಿನ ಕಾ ದಿದ್ಯೊಸ? ತು ಸುಳ್ಳ ಕೈನ, ಪವಿತ್ರ ಆತ್ಮಾನೆ ಮೊಸ ಕರಾನೆ ಕೊಶಿಶ

ಕರೊಸ್. ತು ತಾರಿ ಜಿಮಿನ ಇಕ್ಲೊ ತೆನ್ನೆಸೊ ಆಯಲ ದೊಕ್ತಾಮಾ ಯಕ್ತ ಭಾಗ ತು ತಾರಾ ಹುತಿ ಮ್ಹೆಲಿದಲ ಕಾ ವ್ಹೆ?

4 ತು ಜಿಮಿನ ಇಕಾತ್ರಿ ಅಗ್ಗುರಜ ತೆ ತಾರಿ ಧೈತಿ. ತು ಇಕ್ಕಲ ಪರಬಿ ಆಯಲ ದೊಕ್ತಾ ತಾರಾ ಥಯತಾ. ಎ ಕೆಟ್ಟ ಕಾಮೊ ಕರಾನೆ ತು ಕಾ ವಿಚಾರ ಕರೊ? ತು ಸುಳ್ಳ ಕದಲ ಕ್ಹುದಾನೆ ವ್ಹೆ ಮನಕ್ಲೊನೆ ನ್ಹವೈಕದ್ಯೊ.

5 ಅನನಿಯಾ ಆ ಐಕಲ ಪರಬಿ ತೆಳಾಮಾ ಹೆಟೊ ಪಡಿನ ಮರಿ ಗಯೊ. ಎ ಸುದ್ದಿ ಐಕಿನ ಹರಿಯಕ್ಲೊ ಭುಚ್ಚಾ ವರಕ್ತಾಥಯಾ.

6 ದಕ್ತಾ ಜಾಂಜಿಮಾನೊ ಐನ ತಿನು ಅಂಗ ಪ್ಹಡ್ಕಾಮಾ ಸುತ್ತಿನ ತ್ಯನೆ ತೆ ಅಂಗನೆ ಉಚ್ಚೆಲಿನ ಮಜಾರಮಾ ಮ್ಹೆಲ್ಯಾ.

7 ಕಮ್ಸೆಕಮ ತನ್ನ ವಾಸ್ತಾ ಥಯಲ ಪರ ತಿನಿ ಬೈಕೊ ಥಯಲ ಸಪೈಲರ ಮ್ಹೆಲ್ಯಾ. ಥಯಲ ಸಂಗತಿಯೊನಾ ಹುತಿ ಸಪೈಲರ ನೆ ಗೊತ್ತ ನೊತು.

8 ಪೆತ್ರಾ ತಿನೆ "ತುಮಾರಿ ಜಿಮಿನ ಕ್ಹುತುಮೊನೆ ಕೆಕ್ಲಾದೊಕ್ತಾ ಆಯತಾ. ಕ್ಹರಿಮಾಜ ಅಕ್ಲಾಜ ದೊಕ್ತಾ ವ್ಹೆಸು? ಕದ್ಯೊ ಸಪೈಲರ "ಹೊ, ತೆಕ್ಲಾಜ ವ್ಹೆಕದಿ.

9 ತೆಳಾಮಾ ಪೆತ್ರಾ ತಿನೆ ತು ವರಿ ತಾರೊ ಮಾಟಿ ಪ್ರಬುನಿ ಆತ್ಮನೆ ಪರಿಕ್ಷಾ ಲಿವಾನೆ ಕಾ ವಪ್ಪಿಲಿದ್ಯಾ? ದೆಕ ತಾರಾ ಮಾಟಿನೆ ಸಮಾದಿ ಕರಿನ ಐಯಲ ಮನಕ್ಲೊ ಬಾಕಲ ಕನ ಆಯಾಸ ತ್ಯನೆ ತುನೆ ತಿನಾ ಲಿಂಗತಜ ಉಚ್ಚೆಲಿನ ಜಾವಸ ಕದ್ಯೊ.

10 ತೆಳಾಮಾಜ ಸಪೈಲರ ತಿನಾ ಪಗೊಕನ ಪಡಿನ ಜಲಮ ಛೊಡಿ ತೆ ಜಾಂಜಿಮಾನೊ ಮ್ಹೆಲ್ಯಾ ಐನ ದೆಕ್ತಾಮಾ ತೆ ಮರಿ ಗೈತಿ ತ್ಯನೆ ತಿನೆ ಉಚ್ಚೆಲಿನ ಗೈನ ತಿನಾ ಮಾಟಿನಾ ಬಾಜುಮಾ ಬುರ್ರ್ಯಾ.

11 ಎ ಸಂಗಯೊತಿನಾ ಹುತಿ ಸಬೆನಾ ಕ್ಹಾರಾ ಮನಕ್ಲೊ ವರಿ ಐಕಲ ಕ್ಹಾರಾಜನಾ ಭುಚ್ಚಾ ವರಕ್ತಾಥಯಾ.

12 ಅಪೊಸ್ತಲೊ ಕೆಕ್ಲಾಕಿ ಸುಚಕ ಕಾಮೊ ಅಬ್ದುತ ಕಾಮೊ ಕರ್ರ್ಯಾ ಮನಕ್ಲೊ ಕ್ಹಾರಾ ತೆ ಕಾಮೊ ದೆಕ್ತಾತಾ. ವರಿ ಅಪೊಸ್ತಲೊ ಮಳಿನ ಸೊಲೊಮೊನಾ ಮಂಟಪಮಾ ರ್ಹತಾತಾ.

13 ತ್ಯನಾ ಕ್ಹಾತೆ ಹುಬ್ರವಾನೆ ಬಿಜು ಕಿನೆಜ ಧೈರ್ಯ ಧೈನ್ಯ ರ್ಹತಬಿ

ಮನಕ್ಕೊ ಕ್ಹಾರಾ ಅಪೊಸ್ತಲೊನಾ ಹುತಿ ಘೊಕಿಯೊ ಸಂಗತಿಯೊ ಕವಾಡಾತಾ.

14 ತೆನ್ನೆಸೊ ಘನ್ನಾ ಮನಕ್ಕೊ ಗುಂಪಮಾ ಮಳಿನ ಆತಾತಾ ವರಿ ದಾಣ್ಣಾ ಬಾಕ್ಡಿಯೊ ಕರ್ತಾಪರ ಬರೊಕ್ಕೊಮ್ಮೆಲಿನ ತ್ಯುನಾ ಕ್ಹಾತೆ ಶಾಮಿಲ ಥಯಾ.

15 ಇಮ್ಮ ರ್ಹತಾಮಾ ಅಪೊಸ್ತಲೊನಿ ಸುದ್ದಿ ಐಕಿನ ಮನಕ್ಕೊ ಕ್ಹಾರಾ ಅರಾಮ ನೈಸೊ ವಾಲಾವೊನೆ ಪಲಂಗನಾ ಕ್ಹಾತೆ ವರಿ ವಚ್ಚಾನಾ ಕ್ಹಾತೆಜ ಉಚ್ಚೆಲೈನ ತ್ಯುನಿ ಭಾವಾನಿ ವಾಟಪರ ಲೈಪಡತಾತಾ ಕಾಕದ್ಯಾಮ ಪತ್ರಾನಿ ಛೌಲಿ ಪಡ್ಯಾಮ ಅರಾಮ ಥಾವಸ ಕೈನ ತ್ಯುನೊನೆ ಬರೊಕ್ಕೊ ವ್ಹತ್ತೊ..

16 ಜೆರುಸಲೆಮನಾ ಸುತ್ತಿ ಮುತ್ತಿನಾ ಗಾಮೊ ಮಾತಾ ಮನಕ್ಕೊ ಆವಾಡಾತಾ. ತ್ಯುನೆ ರೊಗೊನೆ ಭುತ್ನಾ ದರಲ ವಾಲಾವೊನೆ ಉಚ್ಚೆಲಿನ ಆವಾಡಾತಾ. ಎ ಕ್ಹಾರಾ ಮನಕ್ಕೊನೆ ಅರಾಮ ಥಯ್ಲೊ.

17 ಪ್ರದಾನ ಯಾಜಕೊ ವರಿ ತ್ಯುನಾ ದೊಸ್ತೊ ಕ್ಹಾರಾ ಸದ್ವಕಾಯೊ ಅಪೊಸ್ತಲೊ ಕಾಮೊನಾ ಹುತಿ ಸಂಗಟ ಫಾಲಿದ್ಯಾ ವರಿ ತ್ಯುನೊನೆ ಸುಬಿ ಕರು ಕೈನ ವಿಚಾರ ಕರಲಿದ್ಯಾ

18 ತ್ಯುನೆ ಅಪೊಸ್ತಲೊನೆ ಧರೈನ ಜೆಲಮಾ ಫಾಲ್ಯಾತಾ.

19 ತೆನ್ನೆಸೊ ಕರ್ತಾನೊ ದುತ ರಾತೆ ಜೆಲನಾ ಬಾಕ್ಲೊ ಖುಲ್ಲಾ ಕರಿನ ತ್ಯುನೊನೆ ಭಾರೊ ಬಲೈಲೈನ,

20 "ಗೈನ ದೆವಾಲಯಮಾ ಹುಬರೈನ. ಯೆಸುಮಾ ರ್ಹಯಲ ಎ ನವಿ ಜಿವಿತನಾ ಹುತಿ ಹರಿ ಯಕ್ಕ ಮನಕ್ಕೊನೆ ಕವೊ" ಕದ್ಯೊ.

21 ತೆನ್ನೆಸೊ ತ್ಯುನೆ ಪಾಟ್ಲಿ ದೆವಾಲಯನೆ ಗೈನ ಉಪದೆಶ ಕರಾಡಾತಾ. ತ್ಯುನೆ ಉಪದೆಶ ಕರಾನು ಐಕಿನ ಮಹಾ ಯಾಜಕೊ ವರಿ ತ್ಯುನಾ ಕ್ಹಾತೆ ರ್ಹಯಲ ಸಬೆನಾ ಮೊಟಕಾ ಮನಕ್ಕೊ ಸಬೆನೆ ವರಿ ಇಸ್ರಾಯೆಲನಾ ಶ್ಯಾನಾವೊನೆ ಮಳೈನ ತ್ಯುನೊನೆ ವರಿ ಜೆಲಮಾತಾ ಬಲೈಲೊ ಕೈನ ಜೆಲೆ ವಳಾಯಾ.

22 ಸಿಪಾಯೊ ಅಪೊಸ್ತಲೊ ಜೆಲಮಾ ನೈ ರ್ಹಯಲ ದೆಕಿನ ಕವಾನೆ ಫರಿನ ಆಯಾ.

23 ಜೆಲನಾ ಕ್ಹಾರಾ ಬಾಕಲೊ ಫಾಲೆಲ ವ್ಹತ್ತಾ ವರಿ ಜೆಲನೆ ಕಾಯ್ದಾಲಾ ಘನ್ನಾ ಹುಶಾರಕ್ಹು ವ್ಹತ್ತಾ ಸಿಪಾಯೊ ಜೆಲನಾ ಬಾಕಲೊ ಕಾಡ್ತಾಮಾ ತ್ಯಾ ಯಕ್ಲೊಬಿ ನ್ಹೊತೊ ಕೈನ ಐನ ಕವಸ.

24 ದೆವಾಲಯನಾ ಅದಿಕಾರಿಯೊ ವರಿ ಮಹಾಯಾಜಕೊ ಆ ಕ್ಹಾರು ಐಕಿನ ಸು ಧೈಯು ಗಯುಸ ಕೈನ ಘಾಬ್ರಾ ಥಾಯಾ.

25 ಪಾಙ್ತಾ ತು ಬಿಜೆಕ್ಲೊ ಐನ ತ್ಯಾನೊನೆ"ಐಕಿನ! ತುಮೆ ಸೆರೆಮನಿಮಾ ಫಾಲಲ ಮನಕ್ಲೊ ದೆವಾಲಯಮಾ ಅಂಗಲಾಮಾ ಹುಬ್ರಯಾಸ. ತುನೆ ಮನಕ್ಲೊನೆ ಉಪದೆಶ ಕರಾಡಾತಾ" ಕದ್ಯೊ.

26 ತೆಲಾಮಾ ದಳಪತಿ ವರಿ ತ್ಯಾನಾ ಮನಕ್ಲೊ ಕನ ಅಪೊಸ್ತಲೊನೆ ಫರಿನ ಬಲಾಯಾ. ವರಿಬಿ ಸೈನಿಕೊ ಜಬರದಸ್ತಿ ಕರ್ರಾನ್ಯೆ ಕಾಕದ್ಯಾಮ ತುನೆ ಮನಕ್ಲೊ ಬುಚೆಕ್ಯಾ ಮನಕ್ಲೊ ಶಿಟ್ಟ ಧೈನ ಮುಕಲ್ಯಾ ತ್ಯಾನೊನೆ ಖಲಾಸ್ಸ ಕರಸ ಕೈನ ತುನೆ ಬುಚೆಕ್ಯೆ.

27 ತ್ಯಾನೆ ಅಪೊಸ್ತಲೊನೆ ಸಭೆನೆ ಬಲೈಲಿನ ಐನ ಯೆಹುದಿ ನಾಯಕೊನೆ ಕ್ಹಾಮಾ ಹುಬರಾಡ್ಯಾ ಪ್ರಧಾನ ಯಾಜಕೊ ಅಪೊಸ್ತಲೊನೆ.

28 "ಎ ಮನಕ್ಹನು ವಾಸ್ತರ ತುಮೆ ಬೊದನೆ ಕರುನ್ಯೆ ಕೈನ ಹಮೆ ತುಮೊನೆ ಅಪ್ಪಣೆ. ವರಿಬಿ ತುಮೆ ರ್ಹಯಲ ಸುವೈ? ತುಮೆ ಜೆರುಸೆಲಿಮಾ ತುಮಾರಿ ಉಪದೆಶನೆ ಕರಿಪಾಡ್ಯಾಸ. ಎ ಮನಕ್ಹನೆ (ಯೆಸುನಾ) ಮೌತನೆ ಜವಾಬ್ದಾರ ತಯಿನ ತುಮೆ ಕೊಶಿಶ" ಕದ್ಯಾ.

29 ಪೆತ್ರಾ ವರಿ ಉಗ್ರಲ ಅಪೊಸ್ತಲೊ"ಹಮೆ ವಿದೆಯತೆ ಕೈನ ಕ್ಹುದಾನೆ ವ್ಹೈ ತುಮೊನೆ ನ್ಹವೈ!

30 ತುಮೆ ಯೆಸುನೆ ಶಿಲುವಿಪರ ಫಾಲಿನ ಖಲಾಸ ಕರ್ರಾ ವರಿಬಿ ಕ್ಹುದಾ ಯೆಸುನೆ ಮರಲವಾಲಾವೊನೆ ಮಾತೊ ಜುತೊ ಕರ್ರೊ!

31 ಕ್ಹುದಾ ತಿನೆ ಇಸ್ರಾಯೆಲ ಮನಕ್ಲೊನೆ ಪಾಪ ಮಾಫ ಕರಾನಾಹುತಿ ತಿನೆ ಪ್ರಭು ಧೈನ, ರಕ್ಷಕ ಧೈನ ತಿನಾ ಶಿದಾ ಹತ್ತ ಬಗಲ ಉನ್ನತ ಸ್ಥಾನಪರ ಉಟಾಡ್ಯೊ.

32 ತೆ ಕಾಮೊನೆ ಹಮೆ ಸಾಕ್ಷಿ ವ್ಹೈ ಕ್ಹುದಾ ತಿನೆ ನಂಬಿನ

ಚಾಲಿದೆಲವಾಲಾವೊನೆ ದಿದಲ ಪವಿತ್ರಾತ್ಮಜ ಸಾಕ್ಷಿ ವ್ಹೆ ಕೈನ ಕದ್ಯಾ.

33 ಮ್ಹೊಟಾ ಮನಕ್ಹೊತೆ ವಾತೊ ಐಕಿನ ಶಿಟ್ಟ ಧೈನ ತ್ಯುನೊನೆ ಖಲಾಸ ಕರು ಕೈನ ವಿಚಾರ ಕರ್ಯ್.

34 ತಿನಾಹುತಿ ಕ್ಹಾರಾ ಮನಕ್ಹೊಕ್ಹು ಮರ್ಯಾದಿ ದಿದೆಲ ಧರಮಶಾಸ್ತ್ರಿ ಥಯಲ ಗಮಲಿಯೆಲ ಕವಾಲೊ ಯಕ್ಲ ಫರಿಸಾಯ ಮ್ಹೊಟಾ ಸಬೆಮಾ ಉಟಿನ ಹುಬ್ರೈನ ತೆ ಮನಕ್ಹೊನೆ ದಕ್ಹಿಯೆಳ ಭಾರಾ ಜೊವು ಕೈನ ಅಪ್ಪಣೆ ಕರ್ಯ್.

35 ತೆಳಾಮಾ ಸಬೆವಾಲಾವೊನೆ, ಇಸ್ರಾಯೆಲನಾ ಮನಕ್ಹೊ ತಮೆ ತೆ ಮನಕ್ಹೊನಾ ವಿಷಮಾ ಲಿವಾನು ನಿರ್ಧಾರನಾ ಹುತಿ ಹುಶಾರ ರ್ವೊ.

36 ಇನಾಹುತಿ ಪೈಲಾ ಧೈಯಲ ಕವಾಲೊ ಯಕ್ಲ ಉಟಿನ ತೆ ಯಕ್ಲೊ ಮಹಾಪುರುಷ ಕವಾನು ಕಲಿದ್ಯೊ ತಿನಾ ಪಮಾಫ ಕಮ್ನೆ ಕಮ್ನೆ ಕ್ಹೊ ಮನಕ್ಹೊ ಮಳೆಲಿದ್ಯಾ ತೆ ಮಾರಿ ಪಡ್ಯಾವರಿ ತಿನೆ ನಂಬಾವಾವೊನೆ ಇಕ್ಲರಿನ ನೈಸೊವಾಲಾ ಥಯಾ.

37 ತಿನಾ ತೆಳಾಮಾ ಜನಗಣತಿನಾ ಕಾಲಮಾ ಗಲಿಲಾಯನೊ ಯುದಾ ಫರಿನ ಪಡಾನಾಹುತಿ ಉಟಿನ ಮನಕ್ಹೊ ತಿನಾ ಪಮಾಫ ಮಳೆಲಿವಾನಾಹುತಿ ಘನ್ನಾ ಮನಕ್ಹೊ ತಿನೆ ಕದ್ಯಾ ತೆ ನಾಶ ಥಯೊ ವರಿ ತಿನೆ ನಂಬಲವಾಲಾವೊನೆ ಚದರಿನ ಗಯಾ.

38 ಇಮ್ಮ ರ್ವತಾಮಾ ಮಿ ತಮನೊನೆ ಸು ಕೌ ಕದ್ಯಾಮ ತಮೆ ತೆ ಮನಕ್ಹೊನಾ ಕ್ಹಾತೆ ಜಾವೊ ನಕೊ, ತ್ಯುನೊನೆ ಚೊಡೊ. ಕಾಕದ್ಯಾಮ ತೆ ವಿಚಾರ ತೆನೈಸೊ ಇ ಕಾಮ್ ಮನಕ್ಹೊಕ್ಹು ಥಯಲ ತೆಜ ಕೆಟ್ಟಸ;

39 ತೆ ಕ್ಹುದಾಕ್ಹು ಥಯಲ ತಿನೆ ಕೆಟ್ಟಾನಾಹುತಿ ತಮೊಕ್ಹು ನೈಥಾತು; ತಮೆ ಯಕ್ಲ ಸಲಾ ಕ್ಹುದಾನಾ ವಿರುದ್ಧ ಯುದ್ಧ ಕರಾಲಾ ಧೈನ ದೆಕಾಡಿನ ದಿವೊ ಕೈನ ಕದ್ಯಾ.

40 ತ್ಯುನೆ ತಿನಾ ವಾತೊನೆ ಒಪ್ಪಿನ ಅಪೊಸ್ತಲಾ ಬಲೈನ ಮಾರಿನ ಯೆಸುನು ನಾಮಲಿನ ಬೊಲುಜ ನೈಕೈನ ಅಪ್ಪಣೆ ದಿನ ತ್ಯುನೊನೆ ಛೊಡಿ ಪಾಡ್ಯಾ.

41 ಅಪೊಸ್ತಲೊ ತ್ಯುನೆ ಯೆಸುನು ನಾಮಕ್ಹು ಮರ್ಯಾದಿ ಕಾಡಾನಾಹುತಿ ಯೊಗ್ಯ ನತ್ತಿ ಕೈನ ಕ್ಹುಶಿ ಥಯಾ.

42 ಮೊಟ್ಟಾ ಸಭೆನಾ ಕ್ಹಾಮಾ ಗೈನ, ಹರಯಕ್ಕ ದಿನ ಚ್ಚುಕ್ಕಾವಾಚಿ ದೆವಾಲಯಮಾ ಬಿ ವರಿ ಘರ ಘರಮಾ ಉಪದೆಶ ಕರತ್ತಾ ಕ್ರಿಸ್ತ ಥಯಲ ಯೆಸುನಾ ಹುತಿ ಚೊಕು ಸುರ್ವಾತ್ತಾ ಕತ್ತಾ ವ್ಹತ್ತಾ.

6

1 ಯೆಸುನಾ ಶಿಷ್ಯಾ ಹೆಚ್ಚಿ ಥಾವಾಡಾತಾ. ತೆನೈಸೊ ತೆ ಟೈಮಮಾ ಗ್ರಕನಾ ಮನಕ್ಲೊ ವರಿ ಇಬ್ರಿಯನಾ ಶಿಷ್ಯಾ ಚಾಡಿ ಕದ್ಯಾ. ತೆ ಸು ವ್ಹೈ ಕದ್ಯಾಮ ತ್ಯುನೆ ಮಾಟಿಮರಲವಾಲಿಯೊನೆ ಆರಾಕಿ ಶಿದಾ ನೈಕರತಾ ಕೈನ ವರಿ ತಿವೊ ವಾಟೊ ತ್ಯುನೊನೆ ನೈದೆತಾ ಕೈನ ಬೊಲ್ಕಾಡಾತಾ.

2 ತೆಳಾಮಾ ಬಾರಾ ಅಪೊಸ್ತಲೊ ಕ್ಹಾರಾ ಶಿಷ್ಯಾವೊನಾ ಗುಂಪನೆ ಸಭೆನೆ ಬಲೈನ ತ್ಯುನೊನೆ ಕ್ಹುದಾನಿ ವಾಕ್ಯಾಭೊಧನೆ ಕರಾನಾ ಅಪ್ಪು ಕಾಮ ವ್ಹೈ ತೆ ಹುಬ್ರೈಪಡಾನು ಚೊಕು ನ್ಹವೈ! ಅಪೆ ಮನಕ್ಲೊನೆ ಅನ್ನನಿ ಮದತ ಕರಾತಿಬಿ ಹೆಚ್ಚಿ ಕ್ಹುದಾನಿ ವಾಕ್ಯಾ ಉಪದೆಶ ಆಗು ಬಡಾವಾನು ಚೊಕು ವ್ಹೈ.

3 ತಿನಾಹುತಿ, ಭಾಯೊ, ಪವಿತ್ರಾತ್ಮು ಭರಲ ವರಿ ಗ್ಯಾನಖು ಭರಲ ತಿವ್ವಿ ಸಾಕ್ಷಿನಿ ಜಿವ್ವಾ ಚೊಕಿ ರ್ಲೊ ವರಿ ತ್ಯುನೆ ಬರೊಕ್ಹಾನಾ ಲಾಯಕ ರ್ಲೊ ತ್ಯವಾ ಕ್ಹಾತ ಜನಾವೊನೆ ಇನಿಲಿವೊ ಹಮೆ ತ್ಯುನೊನೆ ಆ ಕಾಮ ಒಪ್ಪಿನ ದಿಯೆಸ

4 ತೆಳಾಮಾ ಹಮ್ಮೊನೆ ಕ್ಹಾರೊ ಟೈಮ ಪ್ರಾಥನಾನೆ ವರಿ ಉಪದೆಶ ಕವಾನೆ ಥಾವಸ ಕೈನ ಕದ್ಯಾ.

5 ತೆಳಾಮಾ ಕ್ಹಾರಾ ವಿಶ್ವಾಸಿಯೊ ಎ ವಿಚಾರನೆ ವಪ್ಪಿಲಿದ್ಯಾ. ತಿನಾಹುತಿ ತ್ಯುನೆ ಪವಿತ್ರಾತ್ಮು ಭರಲ ವರಿ ಬರೊಕ್ಹಾನಾ ಲಾಯಕ ರ್ಲೊಯಲ ಸ್ತೆಫನ, ಫಿಲಿಪ್ಪು ಪ್ರೊಖೊರ, ನಿಕೊನೊರ ತಿಮೊನ ಪರ್ಮೆನ ವರಿ ನಿಕೊಲಾಯ ಮತಾಂತರ ಥೈನ ಯಹುದಿ ಥೈನ ಎ ಅಂತಿಯೊಕ್ಕಯವಾಲೊ ಥಯೊತೊ ಇವೊನೆ ಇನಿಲಿದ್ಯಾ.

6 ತೆ ಥಯಲ್ಪರ ಅಪೊಸ್ತಲೊ ತ್ಯುನೊನೆ ಖಾಮಾ ಬಲೈನ ತಿವ್ವಾ ಮಾತಾಪರ ಹತೊ ಮುಕ್ಕಿನ ಪ್ರಾರ್ಥನಾ ಕರಿನ ತೆ ಕಾಮನಾ ಹುತಿ

ನೆಮಶ್ಯಾ

7 ವರಿ ಕ್ಹುದಾನಿ ವಾಕ್ಯಾ ಘನ್ನಾ ಮನಕ್ಹೊಕನ ಫೈಲತಿ ಗೈ ಯೆರುಸೇಲೆಮಾ ರ್ಡ್ಡಯಲ ಶಿಷ್ಯಾವೊನು ಗುಂಪ ಮ್ಹೊಟು ಥಾತು ಚಾಲ್ಯಾ ಘನ್ನಾ ಯೆಹುದಿಯೊನಾ ಯಾಜಕೊ ಯೆಸು ಕ್ರಿಸ್ತಪರ ಬರೊಕ್ಹೊ ಮುಕ್ಯಾ

8 ಸ್ತೆಫಾನ ಕ್ಹುದಾನಿ ಕೃಪೆ ವರಿ ತಾಕತಕ್ಹು ಭರಲವಾಲೊ ಥೈನ ಮನಕ್ಹೊನಾ ವಚ್ಚಾ ಅದ್ಭುತ ಕಾಮೊ ವರಿ ಸುಚಕ ಕಾಮೊ ಕರತೊ ವ್ಹತ್ತೊ.

9 ತೆನೈಸೊ ದಕ್ಹಾ ಯೆಹುದಿಯೊ ಐನ ತಿನಾಕ್ಹಾತೆ ವಾದ ವಿವಾದ ಕರಾಡ್ಲ್ಯಾ ಇವ್ನೆ ಸಭಾಮಂದಿರನಾ ವ್ಹತಾ. ಸಿರೆನ ವರಿ ಅಲೆಕ್ಸಾಂಡ್ರಿಯಾತಾ ಆಯಲ ಯೆಹುದಿಯೊನಾ ಹುತಿ ತೆ ಸಭಾಮಂದಿರ ವ್ಹತ್ತಿ. ಸಿಲಿಸಿನಾ ವರಿ ಎಶ್ಯಾತಾ ಆಯಲ ಯೆಹುದಿಯೊ ತ್ಯುನಾ ಕ್ಹಾತೆ ವ್ಹತ್ತಾ.

10 ತಿನಾಹುತಿ ವಿವೇಕಕ್ಹು ಬೊಲಾನೆ ಪವಿತ್ರ ಆತ್ಮಾ ತಿನೆ ಮದತ ಕರಿತಿ. ಸ್ತೆಫಾನನಾ ವಾತೊ ಘನ್ನಿ ಶಕ್ತಿ ರ್ಡ್ಡಯಲಕ್ಹು ತಿನಾ ಕ್ಹಾತೆ ವಾದ ವಿವಾದ ಕರಾನೆ ತ್ಯುನೊನೆ ಸಾದ್ಯ ಥಯು ನೈ.

11 "ಸ್ತೆಫಾ ಮೊಶೆನಾ ವರಿ ಕ್ಹುದಾನಾ ವಿರುದ್ಧ ಕೆಟ್ಟ ವಾತೊ ಬೊಲ್ಯೊಸ "ಕ್ಲೈನ ಕವೊ ಕೈನ ದಕ್ಹಾಜ್ಜನಾವೊನೆ ದೊಕ್ಹಾ ದಿನ ಶಿಕ್ಲಾಯಾ.

12 ಇಮ್ಮ ತ್ಯುನೆ ಮನಕ್ಹೊನೆ ವರಿ ಶ್ಯಾನವೊನೆ ಧರ್ಮೊಪದೆಶಕೊನೆ ಭಡಕಾಯಾ. ತ್ಯುನೆ ಆ ವಾತ ಐಕಿನ ಘನ್ನಾ ಶಿಟ್ಟ ಥೈನ ಸ್ತೆಫಾನನೆ ಧರಲೈನ ಯೆಹುದಿಯೊನಾ ಮ್ಹೊಟಾ ಮನಕ್ಹೊನಾ ಸಭೆನೆ ಲಿನ ಗಯಾ.

13 ತೆಳಾಮಾ ತ್ಯುನೆ ದಕ್ಹಾ ಸುಳ್ಳ ಸಾಕ್ಷಿ ಕವಾಲಾವೊನೆ ಬಲೈ ಲೈನ "ಎ ಮನಕ್ಹ ದೆವಾಲಯನಾ ವರಿ ಮೊಶೆನಾ ನಿಯೊಮೊನಾ ವಿರುದ್ಧ ಹಮೆಶಾಬಿ ಕೆಟ್ಟ ಬೊಲಸ ಕೈನ ಕವಾಲಗಾಡ್ಲ್ಯಾ.

14 ನಜೆರೆತನೊ ಯೆಸು ಎ ದೆವಾಲಯ ಪಾಡಿನ ಮೊಶೆನಾ ನಿಯೊಮೊನೆ ಬದಲಿ ಕರಸ ಕೈನ ಕವಾನು ಹಮೆ ಐಕ್ಯಾಸ "ಕ್ಲೈನ ಕದ್ಯಾ.

15 ಸಭೆಮಾ ಬೈಟಲವಾಲಾ ಕ್ಹಾರಾ ಸ್ತೆಫಾನನೆ ಯಕ್ಹಜ್ಜ ಸಂವಾ ದೆಕ್ತಾಮಾ ತಿನು ಮ್ಹೊಡು ದೆವದುತ ಲಿಂಗತ ದಿಕ್ಹಾಡುತು.

7

1 ತೆಳಾಮಾ ಮೊಟ್ಟೊ ಯಾಜಕ ಸ್ತೆಫನನೆ"ಎ ಸಂಗತಿಯೊ ಕ್ಹರಿ ವ್ಹೊಸು? ಕೈನ ಪುಚ್ಚೊ.

2 ತೆ ವಾತೆ ಸ್ತೆಫನ ಅಮ್ಮಲುತ್ತರ ದಿದ್ಲೊ; "ಮಾರಾ ಬಾವೊ, ಭಾಯೊ, ಮಿ ಕವಾನು ಧ್ಯಾನ ದಿನ್ನ ಐಕೊ. ಅಪೊ ಪಿತ್ರ್ ಥಯಲ ಅಬ್ರಹಾಮನೆ ಸ್ವರ್ಗಮಾತೊ ಕ್ಹುದಾ ದಿಕ್ಲೊ. ಅಬ್ರಹಾಮ ಹಾರಾನಮಾ ರ್ಹವಾತಿ ಅಗ್ಗುರ ಮೆಸಪೊಟೆಮಾ ವ್ಹತ್ತೊ.

3 ಕ್ಹುದಾ, ಅಬ್ರಹಾಮನೆ ತಾರು ದೆಶ ತಾರಾ ಮನಕ್ಲೊನೆ ಛೊಡಿನ ಮಿ ತುನೆ ದೆಕಾಡಾನಾ ದೆಶೆ ಭಾ' ಕೈನ ಕದ್ಲೊ.

4 ತಿನಾಹುತಿ ಅಬ್ರಹಾಮನೆ ಖಾಲ್ದಿಯಾ ದೆಶ ಛೊಡಿನ ಹಾರಾನ ಕವಾನಾ ಗಾಮೆ ಗೈನ ರ್ಹವಾನೆ ಗಯೊ. ವರಿ ತಿನಬಾ ಮರೆಲಪರ ತುಮೆ ರಹವಾನಿ ಜಗಾ ಬಲೈಲಾಯೊ

5 ನ್ಯಾತಿನೆ ಪಗ ಮ್ಹೊಲಾ ಅಕ್ಲಿಬಿ ಜಗಾ ಕ್ಹುದಾ ತಿನಾ ಹಕ್ಮಾದಿದ್ಲೊ ನೈ. ತುಪರತೊ ತಾರಿ ಸ್ವಂತ ಸಂತತಿನೆ ದ್ಯುಸ ಕವಾನಿ ವಾಗ್ಗಾದನ ಯಕ್ಕಜ ವ್ಹತ್ತಿ. ತೆಳಾಮಾ ಅಬ್ರಹಾಮನೆ ಬಚ್ಚಾಬಿ ನೊತಾ.

6 ತೆನೈಸೊ ಕ್ಹುದಾ ಅಬ್ರಹಾಮನೆ, ತಾರಾ ಸಂತತಿಯೊ ಬಿಜಾ ದೆಶಮಾ ಜಾವಸ ವರಿ ತ್ಯುನಾ ಗುಲಾಮೊ ಧಾವಸ ವರಿ ಚ್ಯಾರಕ್ಲೊ ವರಕ್ಲ ತ್ಯಾನಾ ಮನಕ್ಲೊ ತ್ಯುನೊನೆ ಘನ್ನಾ ತ್ರಾಸ ಕರಸ.

7 ತೆನೈಸೊ ತ್ಯುನೊನೆ ಗುಲಾಮ ಕರಿಲಿವಾಲಾ ಜನಾಂಗನೆ ಮಿ ಶಿಕ್ಷಾ ದ್ಯುಸ. ತ್ಯಾಂತಾ ತ್ಯುನೆ ಭಾರಾ ಐನ ಮನೆ ತೆ ಜಗಾಪರ ಆರಾಧನಾ ಕರಸ ಕೈನ ಕದ್ಲೊ.

8 ಕ್ಹುದಾ ಅಬ್ರಹಾಮನಾ ಕ್ಹಾತೆ ಯಕ್ಕ ವಡಂಬಡಿಕೆ ಕರ್ಲಿದ್ಲೊ. ತೆ ವಡಂಬಡಿಕೆ ವಳಕ ಖತ್ವಾ ವ್ಹೊ. ಇಮ್ಮರ್ಹತಾಮಾ ಅಬ್ರಹಾಮನೆ ಯಕ್ಕ ಪಟ್ಟೊ ಥಯೊ. ತೆ ಪಟ್ಟಾನೆ ಆಟ್ವಾ ದಿನ್ನೆ ಖತ್ವಾ ಕರ್ಲ್ಯಾ. ತಿನಾ ದಿಕ್ರಾನು ನಾಮ ಇಸಾಕ ವ್ಹೊ. ಇಸಾಕಬಿ ತಿನಾ ದಿಕ್ರಾನೆ ಖತ್ವಾ ಕರ್ಲ್ಯೊ. ವರಿ ಯಾಕೊಬ ತಿನಾ ಕ್ಹಾರಾ ಪಟ್ಟಾವೊನೆ ಖತ್ವಾ ಕರಾಯೊ. ಎಜ್ಜ ಬಾರಾ ಪಟ್ಟಾವೊಮಿ ಬಾರಾ ಕ್ಹಾಂದಾನೊ ಥಯಾ.

9 ಯಾಕೊಬನಾ ದಿಕ್ತಾ ಯೊಸೆಫಪರ ಸಂಗಟ ಫಾಲ್ಗಿನ ತಿನೆ ಇಜಿಪ್ತವಾಲಾವೊನೆ ಇಕ್ಕಿಪಾಡ್ಯಾ ತೆನ್ನೆಸೊ ಕ್ಹುದಾ ಯೊಸೆಫನಾ ಕ್ಹಾತೆ ವ್ಹತ್ತೊ.

10 ಯೊಸೆಫನೆ ತ್ಯಾ ಘನ್ನೊ ತ್ರಾಸ ಆಯೊ. ವರಿಬಿ ಕ್ಹುದಾ ತೆ ಕ್ಹಾರಾ ತ್ರಾಸೊಕ್ಹು ತಿನೆ ವಚ್ಚಾಡ್ಲೊ ತೆಳಾಮಾ ಫರೊಹನ ಇಜಿಪ್ತನೊ ರಾಭೊ ವ್ಹತ್ತೊ. ಕ್ಹುದಾ ಯೊಸೆಫನೆ ದಿದಲ ಗ್ಯಾನಕ್ಹುಫರೊಹನ ಯೊಸೆಫನೆ ತಿನಾ ರಾಜ್ಯಪರ ಅದಿಕಾರಿ ವರಿ ಫರನಾ ಮನಕ್ಲೊಪರಬಿ ಅದಿಕಾರಿ ಕರಲ್ಯೊ.

11 ಇಜಿಪ್ತ ವರಿ ಕಾನಾನಮಾ ಬರಗಾಲ ಆತಾಮಾ ಮನಕ್ಲೊ ತ್ರಾಸೊಮಾ ಪಡ್ಯಾ ಅಪ್ಪಾಪುರವಿಕೊಬಿ ಅನ್ನ ಮಳೆ ನೈಸೊ ಭುಕ್ಕಾ ರ್ಲೊ ಗಯಾ.

12 ಇಜಿಪ್ತ ದೆಶಮಾ ಅನಾಭ ಛಿ ಕವಾನು ವಳಕಿನ ಯಾಕೊಬ ತಿನಾ ದಿಕ್ಕರಾವೊನೆ ಪಸ್ತ ಸಲಾ ತ್ಯಾ ಮೊಕಲ್ಯೊ.

13 ತೆ ಥಯಲ್ಪರ ತ್ಯುನೆ ತ್ಯಾ ಬೆವಾ ಸಲಾ ಗಯಾ. ಎ ಸಲಾ ತೆ ಕುನ್ನ ವ್ಹೈಕೈನ ಕವಾನು ಯೊಸೆಫ ತಿನಾ ಭಾಯೊನೆ ಕದ್ಲೊ ವರಿ ಯೊಸೆಫನಾ ಫರದಾನಾ ಹುತಿ ಫರೊಹನನೆ ಗ್ವತ್ತ ಥಯು.

14 ಪಾಚಲ್ಯೊ ಯೊಸೆಫ ತಿನೊ ಬಾ ಥಯಲ ಯಾಕೊಬನೆ ವರಿ ತಿನಾ ಪುರಾ ಫರದಾನಾವಾಲಾ ವರಿ ಸತ್ತರಪರ ಪಾಂಚ್ ಜನಾವೊನೆ ಇಜಿಪ್ತನೆ ಬಲ್ಯೆಲಿದ್ಲೊ.

15 ತಿನಾಹುತಿ ಯಾಕೊಬ ಇಜಿಪ್ತೆ ಐನ ತೆ ವರಿ ತಿನಾ ಬಚ್ಚಾಮರೆ ಲಕ್ಕಾ ತ್ಯಾಜ್ಜ ವ್ಹತ್ತಾ.

16 ತ್ಯುನಾ ಮುರ್ದಾವೊನಾ ಹಡ್ಯಾ ಫರಿನ ಶೆಕೆಮನೆ ಲಿನ ಗಯಾ. ತ್ಯಾ ಹಮೊರ ಕವಾಲಾನಾ ಬಚ್ಚಾವೊಕ್ಹು ಅಬ್ರಹಾಮ ರೊಪ್ಪೊ ಲಿದಲ ಮಜಾರೊಮಾ ಮ್ಹಲ್ಯಾ.

17 "ಕ್ಹುದಾ ಅಬ್ರಹಾಮನೆ ದಿದಲ ವಾಗ್ಗಾನ ಪುರಾ ಥಾವಾನು ದಿನ್ನ ನಜಿಕ ಆಯು. ಯಕ್ಲಾಮಾಜ್ಜ ಇಜಿಪ್ತ ದೆಶಮಾ ಅಪ್ಪಾ ಮನಕ್ಲೊನಿ ಸಂಖ್ಯಾ ಘನ್ನಿ ಬೆಳದಿತಿ.

18 ಲಾಸ್ತ್ಯಮಾ ಯೊಸೆಫನಿ ವಳಕ ನೈರ್ದಯಲ ರಾಭೊ ಇಜಿಪ್ತ ಆಳಾನೆ ಶುರು ಕರ್ಯೊ.

19 ಎ ರಾಭೊ ಹಮಾರಾ ಮನಕ್ಡೊನೆ ಮೊಸ ಕರ್ರೊ ತೆ ಅಪ್ಪಾ ಪಿತ್ರ್‌ವೊನೆಬಿ ಕೆಟ್ಟ ಕರ್ರೊ ತ್ಯುನಾ ನ್ಹಾನಾ ಬಚ್ಚಾ ಮರು ಕೈನ ತ್ಯುನೊನೆ ಭಾರೊ ನಾಕ್ಡೊ.

20 ಎಙ್ಲ ಟ್ರೆಮಾ ಮೊಶೆ ಹುಟ್ಟೊತೊ. ತೆ ದೆಕಾನೆ ಘನ್ನೊ ಚಂದ ವ್ಹತ್ತೊ. ವರಿ ತೆ ತನ್ನ ಮ್ಹೆನ್ನಾ ಲಕ್ಕಾ ಘರಮಾಙ್ಲ ಬೆಳದ್ಲೊತೊ.

21 ಪಾಚಾತಾ ತಿನೆ ಘರ್ಮಾತಾ ಭಾರಾ ಮ್ಹೆಲ್ತಾಮಾ, ರಾಜಾನಿ ದಿಕ್ರಿ ತೆ ಪಟ್ಟಾನೆ ಲಿನ ತಿನಾ ಸ್ವಂತ ದಿಕ್ರಾ ಲಿಂಗತ ಜತ್ತನ ಕರಿ.

22 ತೆ ಇಜಿಪ್ತ ರಾಜ್ಯನಿ ಕ್ಹಾರಿಙ್ಲ ವಿದ್ಯಾಶಿಕ್ಲೊ. ವರಿ ಮನಕ್ಡೊನಾ ಕ್ಹಾಮೊ ಬೊಲಾನೆ ವರಿ ತಿವ್ವಾ ಕ್ಹಾತೆ ರ್ಹವಾನೆ ಘನ್ನೊ ಶಾಣ್ಯೊ ಥಯೊ.

23 ಮೊಶೆ ಚಾಳಕ್ತ ವರಕ್ತನೊ ಥಯಲ್ಪರ ತೆ ತಿನಾ ಭಾಯೊನೆ ಮಳು ಕೈನ ಮನಸ ಕರ್ರೊ.

24 ತೆಳಾಮಾ ತ್ಯಾ ಯಕ್ಲೊ ಇಜಿಪ್ತವಾಲಾನಾ ಹತೆ ಘನ್ನೊ ತ್ರಾಸ ಖಾವಾನು ಮೊಶೆ ದೆಕಿನ ತಿನೆ ಮದದ ಕರಾನೆ ಗೈನ ಶೆಡ ಮ್ಹೆಲ್ಲಿನ ಇಜಿಪ್ತವಾಲಾನೆ ಖಲಾಸ ಕರಿ ಪಾಡ್ಲೊ.

25 ತಿನಾ ಸ್ವಂತ ಮನಕ್ಡೊನೆ ಕ್ಹುದಾ ತಿನೆ ನೆಮಶ್ಯೊಸ ಕೈನ ತಿನಾ ಮನಕ್ಡೊ ವಳಕಿ ಲೆಸ ಕೈನ ಮೊಶೆ ತಿಳ್ವಲಿದ್ಲೊತೊ. ತೆನ್ನೆಸೊ ತ್ಯುನೆ ತಿನೆ ತಿಳ್ವಲಿದ್ಲಾನೈ.

26 ಮರ್ನಾ ದಿನ್ನೆ ಇಸ್ರೇಲನಾ ಬೆ ಜನಾ ಲಡೈ ಕಾಡಾನು ಮೊಶೆ ದೆಕ್ಲೊ ತ್ಯುನೊನೆ ಸಮಾಧಾನ ಕರಾನೆ ಕೊಶಿಶ ಕರ್ರೊ. ತ್ಯುನೊನೆ ಭಾಯೊ ತುಮೆ ತುಮೆ ಅನಾ ಲಿಂಗತ ಲಡೈ ಕಾಡಾನು ತುಮೊನೆ ಚೊಕುಲಾಗ ಸು?

27 ತೆನ್ನೆಸೊ ತ್ಯುನೊಮಾನೊ ಅನ್ಯಾಯ ಕರಾಲೊ ಯಕ್ಲೊ ಮೊಶೆನೆ ಪಾಚೊ ಡಕ್ಕಿನ ಹಮಾರೊ ಫೈಸ್ಲೊ ಕರಾನೆ ಅದಿಕಾರ ಕುನ್ನ ದಿದ್ಯುಸ? ಕೈನ ಪುಚ್ಚೊ.

28 ವರಿ ತೆ ಕಾಲ ಇಜಿಪ್ತವಾಲಾನೆ ಖಲಾಸ ಕರಲಿಂಗತ ಮನೆ ಬಿ ಖಲಾಸ ಕರು ಕೈನ ಛಿ ಸು? ಕೈನ ಪುಚ್ಚೊ.

29 ಎ ಕದಲ ಐಕಿನ ಮೊಶೆ ಇಜಿಪ್ತ ಛೊಡಿನ ನ್ಹಾಟಿನ ಗೈನ ಮಿದ್ಯಾನ ಕವಾನಾ ಗಾಮ್ನಾಗೈನ ಬಿಜಾ ದೆಶವಾಲಾ ಲಿಂಗತ ರ್ಹವಾಡ್ಲೊ. ತ್ಯಾತಿನೆ

ಬೆ ಪಟ್ಟಾ ಹುಟ್ಟಾ

30 ಚಾಳಕ್ಕ ವರಕ್ಕ ಥಯಲ್ಪರ ಯಕ್ಕ ದಿನ್ನ ಮೊಶೆನೆ ಸಿನಾಯಿ ಕವಾನಾ ಡೊಂಗರಪರ ಝಾಡಮಾ ಆಗ ಲಾಗಲ ದೆಕ್ಕೊ ವರಿ ತಿಮಾ ಯಕ್ಕ ದೆವ ದುತ ದಿಕ್ಕೊ

31 ಎ ಕ್ಹಾರು ಮೊಶೆ ದೆಕಿನ ಆಶ್ಚರ್ಯ ಥೈನ ತಿನೆ ನಜಿಕ ಗೈನ ದೆಕು ಕೈನ ಜಾತಾಮಾ ತ್ಯಾ ಪ್ರಭು ರೊರ ಅವಾಙ್ಕು;

32 'ಮಿ ತಾರಾ ಪಿತ್ಯವೊನೊ ಕ್ಹುದಾ ವ್ಹೈ; ಅಬ್ರಹಾಮ, ಇಸಾಕ ವರಿ ಯಾಕೊಬ್ಲೊ ಕ್ಹುದಾ ವ್ಹೈ' ಕೈನ ಕತಾಮಾ ಮೊಶೆ ಥರ ಥರ ಕಾಪ್ತೊ ಪಾಚೊ ಸರಕಿ ಗಯೊ ವರಿ ಡೊಳಾ ಉಚೈನ ದೆಕ್ಕೊಬಿ ನೈ.

33 ಕರ್ತಾ ತಿನೆ"ತು ಫಾಲ್ಗಿದಲ ಕಾರಮಲಿಯೊ ದುರ ಮ್ಹೆಲ. ಕಾಕದ್ಯಾಮ ತು ಹುಬ್ರಯಲ ಜಗಾ ಪವಿತ್ರ ವ್ಹೈ

34 ಇಜಿಪ್ತಮಾ ರ್ಹಯಲ ಮಾರಾ ಮನಕ್ಲೊನಿ ಕೆಟ್ಟ ಸ್ತಿತಿ ಮನೆ ಗ್ವತ್ತ ಲೈ. ತ್ಯುನೆ ನೆಳ್ಳಾನು ದೆಕಿನ ತ್ಯುನೊನೆ ಬಿಡುಗಡೆ ಕರಾನೆ ಹೆಟೊ ಉತ್ತಿನ ಆಯೊಸ. ಆ, ಮಿ ತುನೆ ಇಜಿಪ್ತೆ ಮೊಕ್ಲಸ ಕದ್ಯೊ

35 ಅಪೊ ಫೈಸ್ಲೊ ಕರಾನೆ ಅದಿಕಾರ ತುನೆ ಕುನ್ನ ದಿದ್ಯೊಸ? ಕೈನ ಇಸ್ರಾಯಲೊಕ್ಹ ತಿರಸ್ಕಾರ ಥಯಲಜ ಎ ಮೊಶೆ ವ್ಹೈ. ಆಗ ಲಾಗಲ ಝಾಡಮಾ ದಿಕ್ಲಲ ದುತನಾ ಮುಲಕ ಕ್ಹುದಾ ಅದಿಪತಿ ಕರಿನ ವಿಮೊಚಕ ಕರಿನ ನೆಮ್ಮಲ ಇನೆಜಿ ವ್ಹೈ

36 ಇಜಿಪ್ತಮಾ ಲಾಲ ಸಮುಂದರಮಾ ಚಾಳಕ್ಕ ವರಕ್ಕ ಉಸುಕನು ಗಾಮ್ಮಾ ಅದ್ಭುತ ಕಾಮೊ ವರಿ ಸುಚಕ ಕಾಮೊ ಕರಿನ ಇಸ್ರೇಯಲೊನೆ ಬಿಡುಗಡೆ ಕರಲವಾಲೊಜ ಎ ವ್ಹೈ

37 ಕ್ಹುದಾ ಮನೆ ಮೊಕ್ಲಲ ಲಿಂಗತ ತುಮಾರಿ ಜನಾಂಗೊಜ ಯಕ್ಕ ಪ್ರವಾದಿನೆ ಮೊಕಲ್ಯೊಸ ಕೈನ ಇಸ್ರೇಯಲೊನೆ ತಿಳಸಲ ಎಜಿ ಮೊಶೆ ವ್ಹೈ

38 ಇಸ್ರಾಯಲೊ ಉಸುಕನಾ ಗಾಮ್ಮಾ ಸಬೆ ಮಳ್ತಾಮಾ ತ್ಯುನಾ ಕ್ಹಾತೆ ರ್ಹೈನಜ ಸಿನಾಯಿ ಡೊಂಗರಪರ ಬೊಲಲ ದೆವ ದುತನಾ ಕ್ಹಾತೆ ಅಪ್ಪಾ ಪಿತ್ಯವೊನಾ ಕ್ಹಾತೆ ಸಂಭಾಶಣೆ ಕರಲ ವಾಲೊಜ ಎಜಿ ವ್ಹೈ. ಜಲಮ ರ್ಹಯಲ ತೆ ವ್ಹಂದಿಲಿನ ಅಪೊನೆ ದಿದ್ಯೊ

39 ತೆನ್ನೆಸೊ ಅಪ್ಪಾ ಪಿತ್ಯವೊ ತಿನೆ ವಿದೆಯ ಥಾವಾನೆ ಇನ್ನಾರ್ಯಾ ವರಿ ತ್ಯನೆ ಇಜಿಪ್ತ ದೆಶ ಭಾವಾನೆ ಮನಸ ಕರ್ಯಾ.

40 ಅಪ್ಪಾ ಪಿತ್ಯವೊ ಆರೊನನೆ, 'ಮೊಶೆ ತುಮೊನೆ ಇಜಿಪ್ತ ದೆಶತೊ ಲಿನ ಆಯೊ. ತೆನ್ನೆಸೊ ತಿನೆ ಸು ಥೈಯು ಹಮೊನೆ ಗ್ವತ್ತ ನತ್ತಿ. ತಿನಾಹುತಿ ಹಮಾರಾ ಕ್ಹಾಮೊ ಭಾವಾನೆ ವರಿ ಹಮೊನೆ ಚಲಾವಾನೆ ದಕ್ಖಾ ದೆವಸ್ಥಾನೊ ಕರ' ಕದ್ಯಾ.

41 ತಿನಾಹುತಿ ಮನಕ್ಲೊ ಬೈಲನಾ ಬಚ್ಚಾನು ಯಕ್ಕ ಮುರ್ತಿ ಕರಿನ, ತಿನೆ ಬಲಿ ದಿದ್ಯಾ. ತೆ ಮನಕ್ಲೊತ್ಯನಾ ಹತೊಕ್ಲು ಕರಿಲಿದಲ ಮುರ್ತಿನಾ ವಿಷಯಮಾ ಘನ್ನಾ ಖುಶಿ ಕರ್ಯಾ!

42 ತೆನ್ನೆಸೊ ಕ್ಹುದಾ ತ್ಯನೊನೆ ವಿರುದ್ಧ ಥೈನ, ಹಬಾಳನಾ ರ್ಡಯಲ ಸುರ್ರಾನೆ ವರಿ ಚಂದಪ್ಪಾನೆ ಚುಕ್ಕಿಯೊನೆ ಪುಜಾ ಕರೆ ಲಿಂಗತ ತ್ಯನೊನೆ ಛೊಡಿ ಪಾಡ್ಲೊ. ಇನಾಹುತಿ ಪ್ರವಾದಿಯೊನಾ ಪುಸ್ತಕೊಮಾ ಅಮ್ಮ ಬರ್ದಲ ಛೆ; ಕ್ಹುದಾ ಅಮ್ಮ ಕವಸ, 'ಯೆಹುದಿನಾ ಮನಕ್ಲೊ ಥಯಲ ತುಮೆ ಚಾಳಕ್ಲ ವರಕ್ಲ ಲಕ್ಕಾ ಉಸುಕನಾ ಗಾಮಮಾ ರ್ಡತಾಮಾ ಮನೆ ಯಜ್ಜ ದಿದ್ಯಾ ನೈ?

43 ತುಮೆ ತುಮಾರಾ ಕ್ಹಾತೆ ಮೊಲೊಖನ ಗುಡಾರ ವರಿ ತುಮಾರಾ ರೆಫಾ ದೆವಸ್ಥಾನ ಚಿಕ್ಕಿನು ರುಪ ಉಚ್ಚೆಲಿನ ಗಯಾ ಪುಜಾ ಕರಾನಾ ಹುತಿ ತುಮೆ ಕರಿಲಿದಲ ಮುರ್ತಿಯೊ ಎಚ್ಚ ವ್ಹೈ. ತಿನಾಹುತಿ ಮಿ ತುಮೊನೆ ಬಾಬಿಲೊನನಾ ಹತ್ಮಾ ದಿಪಾಡುಸ. ಅಮ್ಮೊಸಾ 5:25-27

44 ಕ್ಹುದಾ ಅಪ್ಪಾ ಪಿತ್ಯವೊನಾ ಕ್ಹಾತೆ ಕಯಾ ಗುಡಾರಮಾ ಬೊಲ್ಯೊತೊ ತೆ ಗುಡಾರ ಎ ಯೆಹುದಿಯೊನಾ ಕ್ಹಾತೆ ಉಸುಕನಾ ಗಾಮಮಾ ವ್ಹತ್ತು. ಎ ಗುಡಾರ ತಯ್ಯಾರ ಕರಾನಿ ನಿಯಮ ಕ್ಹುದಾ ಮೊಶೆನೆ ಕೈನ ದಿದ್ಲೊ. ಕ್ಹುದಾ ತಿನೆ ದೆಕಾಡಲ ರುಪ ಲಿಂಗತ ಮೊಶೆ ತೆ ತಯ್ಯಾರ ಕರ್ಯೊ.

45 ಪಾಚಲ್ಯೊ ಬಿಜಾ ಜನಾಂಗನಾ ಗಾಮೊನೆ ವಶಮಾ ಕರಿಲಿವಾನೆ ಯೆಹುಶುವಾ ಅಪ್ಪಾ ಪಿತ್ಯವೊನೆ ಅಗೊ ಚಲಾಯೊ. ಅಪ್ಪಾ ಮನಕ್ಲೊ ತೆ ದೆಶೊನೆ ಗಯಲ ಪರ, ಕ್ಹುದಾ ಬಿಜಾ ಮನಕ್ಲೊನೆ ತ್ಯಾಂತೊ ವಳ್ಳೆಪಾಡ್ಲೊ. ಅಪ್ಪಾ ಮನಕ್ಲೊ ತೆ ನವಾ ದೆಶಮಾ ಗಯಲ ಪರ ಎ ಗುಡಾರ ತ್ಯನಾ ಕ್ಹಾತೆ

ಲಿನ ಗಯಾ. ಅಪ್ಪಾ ಮನಕ್ಲೊ ಎ ಗುಡಾರನೆ ತ್ಯನಾ ಪಿತ್ಯವೊ ಕಂತು ಸ್ವಿಕಾರ ಕರಿಲಿನ ದಾವಿದನಾ ಕಾಲ ಲಕ್ಕಾ ತೆ ಮ್ಹೆಲ್ಲಿದ್ಯಾತಾ.

46 ಕ್ಹುದಾ ದಾವಿದನೆ ಘನ್ನೊಮೆಚ್ಚೊ. 'ಯಾಕೊಬನಾ ಕ್ಹುದಾ ಥಯಲ ತಾರಾ ಹುತಿ ಯಕ್ಕ ಆಲಯ ಭಾಂದಾನೆ ಮನೆ ಮೌಕೊ ದೆ' ಕೈನ ದಾವಿದ ಕ್ಹುದಾ ಕನ ಮಾಂಗಿಲಿದ್ಯೊ.

47 ತೆನ್ನೈಸೊ ಪ್ರಾಥನಾನಿ ಆಲಯ ಭಾಂದಲ ದಾವಿದನೊ ದಿಕ್ಕೊ ಸೊಲೊಮೊನಜ ಪ್ಹೆ.

48 "ತೆನ್ನೈಸೊ ಮನಕ್ಲೊ ತ್ಯನಾ ಹತೊಕ್ಕು ಕರಲ ಘರೊಮಾ ಮಹೊನ್ನತ ರ್ಹತೊ ನೈ ಪ್ರವಾದಿ ಅಮ್ಮಬದ್ಯೊಸ;

49 ಪ್ರಭು ಅಮ್ಮ ಕವಸ, ಸ್ವರ್ಗ ಮಾರಿ ಸಿಂಹಾಸನ ಪ್ಹೆ. ಜಿಮಿನ ಮಾರಿ ಪಗೊ ಮ್ಹೆಲಾನಿ ಭಗಾ ಪ್ಹೆ. ತುಮೆ ಮಾರಾ ಹುತಿ ಕಯಾ ತರಾನಿ ಘರ ಭಾಂದ ಸಕೊಶಿ? ಮಿ ಆರಾಮ ಕರಾನಿ ಭಗಾ ಕಿಜ್ಜಾ ಲೆ?

50 ಶೆಂ ರ್ಹವಾದೆ, ಎ ಸಾಮನೊ ಕ್ಹಾರು ಕರಲವಾಲೊ ಮಿಜ ಪ್ಹೆ! ಯೆಶಾಯ 66:1-2

51 ಜಿದ್ಧಕರಾಲಾವೊ, ತುಮಾರು ಮನಸ್ಸ ವರಿ ಹತೊ ಚೊಕಾ ನೈ ರ್ಹಯಲಕ್ಕು ತುಮೆ ತಿನಿ ವಾತ ನೈ ಐಕಲಖು ವರಿ ಪವಿತ್ರಾತ್ಮತಮನೊನೆ ತಿಳಸಾವಾನಿ ವಿಷಯಮ್ಮಾ ತುಮೆ ಕೆಳಾಮಾಬಿ ವಿರುದ್ಧ ಧೈನ ವ್ಹತ್ತಾ. ತಮಾರಾ ಪಿತ್ಯವೊ ಅಮ್ಮಜ ಕರ್ಯಾ ವರಿ ತುಮೆ ತ್ಯನಾಲಿಂಗತ ಲೆ!

52 ಜುವತ್ತಾ ರ್ಹಯಲ ಪ್ರವಾದಿಯೊಮಾ ಹರಯಕ್ಲಾನೆ ತಮಾರಾ ಪಿತ್ಯವೊ ತ್ರಾಸ ಕರ್ಯಾ ನಿತಿವಾಲೊ ಯಕ್ಲೊ ಆವಸ ಕೈನ ಘನ್ನಾ ಟೈಮನಾ ಪಚಾಚ ತೆ ಪ್ರವಾದಿಯೊ ಕದ್ಯಾ. ತಿನಾಹುತಿ ತಮಾರಾ ಪಿತ್ಯವೊ ತೆ ಪ್ರವಾದಿಯೊನೆ ಖಲಾಸ ಕರಿ ಪಾಡ್ಯಾ. ಹಮ್ಮಾ ತಿನಾಲಿಂಗತ ಸುಜ ತಪ್ಪ ನೈಕರಲವಾಲಾ ಯೆಸು ಕ್ರಿಸ್ತನಾ ವಿರುದ್ಧ ಧೈನ ತಿನೆಬಿ ಖಲಾಸ ಕರಿ ಪಡ್ಯಾ.

53 ಕ್ಹುದಾ ತಿನಾ ದುತೊನಾ ಮುಕಾಂತರ ದಿದಲ ಮೊಶೆನು ಧರಮಶಾಸ್ತ್ರ ಲಿನ ತುಮೆಜ ತಿನೆ ವಿಧೆಯ ಥಾತಾ ನೈ!

54 ಸೈಫನಾ ಆ ವಾತೊ ಐಕಿನ ತೆ ಯೆಹುದಿಯೊನಾ ಮ್ಹೊಟ್ಟಾ ಶ್ಯಾನ್ಯಾ ಘನ್ನಾ ಶಿಟ್ಟ ಥಯಾ. ತ್ಯನೆ ಶಿಟ್ಟಕ್ಕು ಸೈಫಾನಾ ಉಪ್ಪರ ದಾತೊ

ಕ್ವಾವಾಡಾತ್ತಾ.

55 ತೆನ್ನೈಸೊ ಸ್ತೆಫನ ಪವಿತ್ರಾತ್ಮಕ್ಕು ಭರಿನ ತೆ ಸ್ವರ್ಗನೆ ದೆಕಿನ ಕ್ವದಾನಿ ಮಹಿಮಾ ವರಿ ಕ್ವದಾನಾ ಬಾಙ್ಕುಮಾ ಬೈಟೆಲ ಯೆಸುನೆ ದೆಕ್ಕೊ.

56 ದೆಕೊ ಸ್ವರ್ಗ ಖುಲ್ಲಾ ಥಯಲ ಮನಕ್ಕನೊ ದಿಕ್ಕೊ ಕ್ವದಾನಾ ಶಿದಾ ಬಗಲ ಹುಬ್ರಯೆಲ ಮಿ ದೆಕಾಡೊಸ! ಕದ್ಲೊ.

57 ತೆಳಮಾ ಯೆಹುದಿಯೊನಾ ನಾಯಕೊ ಭೊರ ವದ್ರಿನ, ತ್ಯನಾ ಕಾನೊ ಹತ್ತೊಕ್ಕು ರುಾಕಿಲಿದ್ಯಾ. ತ್ಯನೆ ಕ್ವಾರಾ ಸ್ತೆಫನ ಕನ ಮಳಿನ ನ್ಹಾಟೆತ್ತಾ.

58 ತೆನೆ ಗಾಮ್ತಾ ಭಾರಾ ಎಳದಿನ ಲೈನ ತೆ ಮರೆಲಕ್ಕಾ ತಿನಾ ಉಪ್ಪರ ದಗ್ಡಾ ನಾಕ್ಯಾ ಸ್ತೆಫಾನೆ ವಿರುದ್ಧ ಥೈನ ಸುಳ್ಳ ಕದಲ ಮನಕ್ಕೊತ್ಯನಾ ಅಂಗ್ಡಾ ಕಾಡಿನ ಸೌಲಾ ಕವಾಲಾನೆ ದಿನ,

59 ಸ್ತೆಫನನೆ ದಗ್ಡಾ ನಾಕ್ಯಾ ತೆನ್ನೈಸೊ ಸ್ತೆಫನ ಪ್ರಾರ್ಥನಾ ಕರತೊ "ಪ್ರಭು ಥಯಲ ಯೆಸು ಮಾರಿ ಆತ್ಮಾನೆ ಒಪ್ಪುಸ" ಕದ್ಲೊ.

60 ತೆ ಉಂದಾಘುಡಗಾ ಘಾಲಿನ "ಪ್ರಭು ಆ ಪಾಪ ತ್ಯನಾ ಉಪ್ಪರ ಘಾಲು ನಕೊ! ಕೈನ ಜಲಮ ಛೊಡ್ಲೊ.

8

1 ಸೌಲಾನೆ ತೆನೆ ಖಲಾಸ ಕರಲ ತೆನೆ ಪಸಂದ ಐಯು. ತೆ ದಿನಮಾ ಯೆರುಸಲೆಮಾ ರ್ಡಯಲ ಸಭೆನೆ ಘನ್ನು ತ್ರಾಸ ಥಯು. ಅಪೊಸ್ತಲೊನೆ ಛೊಡಿನ ಬಿಜಾ ಕ್ವಾರಾ ವಿಶ್ವಾಸಿಯೊ ಯುದಾಯಮಾ, ಸಮಾರ್ಯಮಾ ಬಿಕರೈಗಯಾ.

2 ತೆನ್ನೈಸೊ ಸೌಲಾ ಘರೊ ಘರೊಮಾ ಗೈನ ಮನಕ್ಕೊನೆ ಯಳ್ಳಿಲೈನ ಕ್ವಾರಾವೊನೆ ಜೆಲ್ಮಾ ಘಲೈನ ರ್ಡಯಲ ಸಭೆನೆ ಹಾಳ ಕರಾಡೊತೊ

3 ವಿಸ್ವಾಸಿಯೊ ಜೆರುಸಲೆಮ ಛೊಡಿನ ಗೈಪಡಾಡಾತಾ. ಅಪೊಸ್ತಲೊ ಯಕ್ಕಜ ತ್ಯಾಜ ವ್ಹತ್ತಾ. ವಿಸ್ವಾಸಿಯೊ ಜುದೆಯ ವರಿ ಸಮಾರ್ಯನಾ ಬಿಜಿ-ಬಿಜಿ ಜಗಾ ಗಯಾ.

4 ತಿಮ್ಮ ರ್ಡುದಾ ಥಯಲ ಮನಕ್ಕೊ ತ್ಯಾ ತ್ಯಾ ಗೈನ ಸುವಾರ್ತೆ ಕವಾಡಾತಾ.

5 ಪಿಲಿಪ್ಪ ಸಮಾರ್ಯಾ ಕವಾನಾ ಗಾಮೆ ಗೈನ ಕ್ರಿಸ್ತನಾ ಹುತಿ ತ್ಯಾ ರ್ವಯಲ ಮನಕ್ಲೊಕನ ಸುವಾರ್ತೆ ಕವಾಡೊತೊ.

6 ಗುಂಪ ಥೈನ ಕುಡಿನ ರ್ವಯಲ ಮನಕ್ಲೊ ಫಿಲಿಪ್ಪ ಕವಾನಿಯೊ ವಾತೊ ಐಕಿನ ತೆ ಕರಲ ಸುಚಕ ಕಾಮೊ ದೆಕಿನ ತೆ ಕದಲ ಸಂಗತಿಯೊನೆ ಧ್ಯಾನ ದಿನ ಐಕ್ಯಾ

7 ತ್ಯಾ ಘನ್ನಾ ಮನಕ್ಲೊಮಾತಾ ಭುತ್ವಾ ವದ್ರಿನ ಭಾರಾ ಆಯಾ, ವರಿ ಘನ್ನಾ ಜನಾ ಲಕ್ಲೊ ಮಾರಲವಾಲಾ ರೊಗಿಯೊನೆ ವರಿ ಹತೊ ಪಗೊ ವಾಕಾ ರ್ವಯಲವಾಲಾ ಮನಕ್ಲೊಅರಾಮ ಥಯಾ.

8 ತಿನಾಹುತಿ ತೆ ಗಾಮನಾ ಮನಕ್ಲೊಘನ್ನಾ ಖುಶಿ ಥಯಾ.

9 ತೆನ್ನೈಸೊ ಘನ್ನಾ ದಿನತೊ ತೆ ಗಾಮ್ನಾರ್ವಯಲ ಸಿಮೊನ ಕವಾಲೊ ತೆ ಯಕ್ಕ ಮೊಟ್ಟೊ ಮನಕ್ಲ ವ್ಹೈ ಕೈನ ಕೈಲಿನ ಮಾಟಾ ಮಂತ್ರಾ ಕರ್ತೊ ಸಮಾರ್ಯಾಮಾ ರ್ವಯಲ ಮನಕ್ಲೊಮಾ ಭೆ ಘಾಲ್ಯೊತೊ. ವರಿ ಮಿಜ್ಜ ವ್ಹೈ ಕೈನ ಘನ್ನು ಹೊತ್ತು ತಿಮಾ.

10 ನ್ಹಾನಾ ಮನಕ್ಲೊತಿ ಮೊಟ್ಟಾ ಮನಕ್ಲೊ ಕ್ಹಾರಾ, ಇಕನ ಮೊಟ್ಟಿ ಕ್ಹುದಾನಿ ತಾಕತ ಟೆ ಕೈನ ಕವೈಲೆತೊ ತಿನಿ ತೆ ಕದಲಜ್ಜ ತಿಮ್ಮ ಐಕ್ತಾತಾ.

11 ಘನ್ನಾ ದಿನ್ತಾ ತೆ ಕರಾನಾ ಮಾಟಾ ಮಂತ್ರಾಮಾ ರ್ವಯಲ ಮನಕ್ಲೊತೆ ಕದಲ ತಿಮ್ಮಜ್ಜ ಐಕ್ತಾತಾ.

12 ತೆನ್ನೈಸೊ ಫಿಲಿಪ್ಪ ಕ್ಹುದಾನಿ ರಾಜ್ಯನಾ ಹುತಿ ವರಿ ಯೆಸು ಕ್ರಿಸ್ತನಾ ಹುತಿ ಭೊಕಿಯೊ ವಾತೊ ಕವಾಕ್ಟು ದಾಣ್ಣಾ ವರಿ ಬಾಕ್ಟಿಯೊ ಬರೊಕ್ಲೊ ಕರಿನ ಬಾಪ್ತಿಸ್ಮ ಕರೈಲಿದ್ಯಾ

13 ತೆಳಾಮಾ ಸಿಮೊನಬಿ ಬರೊಕ್ಲೊ ಕರಿನ ಬಾಪ್ತಿಸ್ಮ ಕರೈಲಿದ್ಯೊ ಫಿಲಿಪ್ಪನಾ ಕ್ಹಾತೆ ಹಮೆಶಾ ರ್ವೈನ ಸುಚಕ ಕಾಮೊ ಮೊಟ್ಟಾ ಕಾಮೊ ಥಾವಾನು ದೆಕಿನ ಘಾಬ್ರೊ ಥಾತೊತೊ.

14 ಸಮಾರ್ಯಾ ಗಾಮವಾಲಾ ಕ್ಹುದಾನಿ ವಾಕ್ಯಾ ಸ್ವಿಕಾರ ಕರಲ ವಾತ ಯೆರುಸಲೆಮಾ ರ್ವಯಲ ಅಪೊಸ್ತಲೊ ಐಕಿನ, ಪೆತ್ರಾನೆ ವರಿ ಯೊಹಾನೆ ತ್ಯುನೊಕನ ಮೊಕಲ್ಯಾ

15 ತ್ಯುನೆ ತೆ ಮನಕ್ಲೊಕನ ಐನ ತ್ಯುನೊನೆ ಪವಿತ್ರ ಆತ್ಮಾ ಮಳಾದೆ ಕೈನ

ತ್ಯುನಾ ಹುತಿ ಪ್ರಾಥನಾ ಕರ್ಯಾ.

16 ಕಾಕದ್ಯಾಮ ತ್ಯುನೊಮಾ ಕಿನೆಜ್ ಹಜುನಬಿ ಪವಿತ್ರ ಆತ್ಮಾ ಮಳಿ ನ್ಹೊತಿ. ತ್ಯುನೆ ಕ್ವಾಲಿ ಯೆಸು ಕ್ರಿಸ್ತನಾ ನಾಮಪರ ಬಾಪ್ತಿಸ್ಮ ಯಕ್ವಜ್ಜ ಕರ್ಯೆಲಿದ್ಯಾತಾ. ತಿನಾಹುತಿಜ ಯೊಹಾನ ವರಿ ಪೆತ್ರಾ ತ್ಯಾ ಪ್ರಾರ್ಥನಾ ಕರ್ಯಾ.

17 ಅಪೊಸ್ತಲೋ ತೆ ಮನಕ್ಹೊನಾ ಮಾತಾಪರ ಹತೊ ಮ್ಹೆಲ್ತಾಮಾ ತ್ಯುನೊಪರ ಪವಿತ್ರ ಆತ್ಮಾನಿ ವರಾ ಮಳಿ.

18 ಪೆತ್ರಾ ವರಿ ಯೊಹಾನ ಮನಕ್ಹೊನಾ ಮಾತಾಪರ ಹತ ಮ್ಹೆಲ್ತಾಮಾ ಪವಿತ್ರ ಆತ್ಮಾ ಮಳಾನು ಸಿಮೊನೆ ದೆಕಿನ ದೊಕ್ವಾಲ್ಯೆನ ಅಪೊಸ್ತಲೊನಾ ಕ್ವಾಮೊ ಮುಕ್ಕಿನ,

19 ವರಿ "ಮಿ ಕಿನಾ ಮಾತಾಪರ ಹತ ಮ್ಹೆಲುಸ ತ್ಯುನೆ ಪವಿತ್ರ ಆತ್ಮಾನಿ ವರಾ ಮಳು ಕೈನ ಮನೆ ತೆವೊ ಅದಿಕಾರ ದಿವೊ ಕೈನ ತ್ಯುನೊನೆ ಕದ್ಯೊ.

20 ತೆಳಾಮಾ ಪೆತ್ರಾ ತಿನೆ, ತಾರು ರುಪ್ಪು ತಾರಾ ಕ್ವಾತೆಜ್ಜ ಹಾಳ ಥೈನ ಜಾವಾದೆ. ಕ್ವುದಾ ದಿವಾನಿ ವರಾ ದೊಕ್ವಾ ದಿನ್ನ ಇಕ್ವಾತು ಲಿವಾನು ವ್ಹೈ ಕೈನ ತಿಳ್ವೆಲಿದ್ಯೊಸ?

21 ಎ ಕಾಮಮಾ ತುನೆ ವಾಟೊಜ್ಜ ನತ್ತಿ ಕಾಕದ್ಯಾಮ ತಾರು ಮನಸ ಕ್ವುದಾನಾ ಕ್ವಾಮು ಚೊಕು ನತ್ತಿ.

22 ತಿನಾ ಹುತಿ ತು ತುಕನ ರ್ಹೆಯಲ ಕೆಟ್ಟಿತನಾ ಛೊಡಿನ ತು ಕರಲ ಪಾಪೊನೆ ಪಶ್ಚಾತ್ತಾಪ ಪಡಿನ ಕ್ವುದಾ ಬಗಲ ಫರ ಕರ್ತಾ ತಾರಾ ಮನಸ್ಸಾ ರ್ಹೆಯಲ ವಿಚಾರೊನೆ ಮಾಫ ಕರಸ ತಿಕನ ಮಾಂಗಿಲೆ.

23 ತು ಘನ್ನಾ ಕೆಟ್ಟ ವಿಚಾರೊಕ್ವು ಭರ್ರ್ಯೊಸ ವರಿ ಪಾಪ ತುಪರ ರಾಜ ಕರಸ, ಕೈನ ಕದ್ಯಾ.

24 ತೆ ವಾತೆ ಸಿಮೊನ, ತುಮೆ ಕದಲ ವಾತೊ ಲಿಂಗತ ಕಯುಜ್ಜ ಮಪರ ರ್ಹೆಯೆ ನೈಸೊ ಮಾರಾ ಹುತಿ ಕರ್ತಾಕನ ಮಾಂಗಿಲಿವೊ ಕೈನ ಕದ್ಯೊ.

25 ಇಮ್ಮ ರ್ಹೆಯನ ತ್ಯುನೆ ಕರ್ತಾನಿ ವಾಕ್ಯಾ ತ್ಯುನೆ ರ್ಹೆಯಲ ಕ್ವಾರಿ ಜಗಾ ಕದಲ್ವರ ಯೆರುಸೆಲೆಮ ಫರಿನ ಐನ ಸಮರ್ಯಾಮಾ ರ್ಹೆಯಲ ಮನಕ್ಹೊನಾ ಗಾಮೊಯೆ ಗೈನ ಸುವಾರ್ತೆ ಕದ್ಯಾ.

26 ಕರ್ತಾನೊ ದುತ ಫಿಲಿಪ್ಪನೆ ತು ಉಟಿನ ದಕ್ಷಿಣನಾ ಕ್ಹಾಮೊ ರ್ಹಯಲ ಜೆರುಸೆಲಿಮ್ನಾಗಾಜನೆ ಜ್ಞಾವಾನಿ ವಾಟೆ ಜ್ಞಾ ತೆ ವಾಟ್ಕಾ ಕುನ್ನಜ್ಞ ಆತು ಜ್ಞಾತು ನೈಕ್ಯೆನ ಕದ್ಯೊ.

27 ತಿನಾ ಲಿಂಗತಜ್ಞ ಫಿಲಿಪ್ಪ ದುತ ಕದಲ ಲಿಂಗತಜ್ಞ ಗಯೊ ತೆ ವಾಟ್ಕಾ ಇಥೊಪಿಯಾನೊ ಯಕ್ಲೊ ಮನಕ್ವದಿಕ್ಲೊ ತೆ ಮನಕ್ವ ಇಥಿಯೊಪಿಯಾನಾ ಕಂದಾಕೆ ಕವಾಲಿ ರಾಣಿನಾ ದರಬಾರಮಾ ಯಕ್ಲ ಅದಿಕಾರಿ ವ್ಹತ್ತೊ. ತೆ ತಿನಾ ದೊಕ್ವಾ ಕ್ವಮಾಳಾವಾಲೊ ವ್ಹೆ ತೆ ಮನಕ್ವ ಜೆರುಸಲೆಮನೆ ಕ್ವದಾನಿ ಆರಾಧನಾ ಕರಾನೆ ಗಯೊತೊ.

28 ತೆ ತಿನಾ ಗಾಮೆ ಫರಿನ ರಥಮಾ ಬೈಟಿನ ಯೆಶಾಯನು ಬುಕ್ವ ಒದತೊ ಚಾಲ್ಯೊತೊ.

29 ಪವಿತ್ರ ಆತ್ಮಾ ಫಿಲಿಪ್ಪನೆ, ತು ಅಗೊ ಗೈನ ರಥಾನಾ ಕ್ಹಾಮೊ ಹುಬ್ರೆ" ಕದ್ಯೊ.

30 ತಿನಾ ನಿಗಂತಜ್ಞ ಫಿಲಿಪ್ಪ ಅಗೊ ಗೈನ ತೆ ಯೆಶಾಯನಿ ಪ್ರವಾದನೆ ಒದಾನು ಐಕ್ವೊ. ತು ಒದಾನು ತುನೆ ಗ್ವತ್ತ ಧಾವಾಡ್ಯಸು? ಕೈನ ತಿನೆ ಪುಚ್ಚೊ.

31 ತೆ ಅದಿಕಾರಿ ತಿನೆ ಮಿ ಒದಾನು ಕುನ್ನಬಿ ತಿಳಶ್ಯಾವಾಚಿ ಮನೆ ಕಿಮ ಗ್ವತ್ತ ಧಾಸ? ಕೈನ ಕದ್ಯೊ. ರಥಾ ಚಡಿನ ಬೈಟಾ ಕೈನ ಫಿಲಿಪ್ಪನೆ ತೆ ಅದಿಕಾರಿ ಬಲಾಯೊ.

32 ತೆ ಒದಾನು ಪ್ರವಾದನೆ ಅಮ್ಮ ವ್ಹತ್ತಿ; ಕತ್ರಾನಿ ಜಗಾಪರ ನಿಂಜಾಯಲ ಬಕ್ರಾ ಲಿಂಗತ ತೆ ವ್ಹತ್ತೊ. ಬಕ್ರು ಕಿಮ ಬಾಲೊ ಕತ್ರಾಲಾನಾ ಕ್ಹಾಮು ಗಪ್ಪ ರ್ಹವಸ ತಿನಾ ಲಿಂಗತಜ್ಞ ತೆ ಗಪ್ಪ ವ್ಹತ್ತೊ. ತೆ ವಟ್ಟಜ ಮೊಡು ಖೊಲ್ಯೊನ್ನೆ.

33 ತಿನಿ ಮರ್ಯಾದಿ ಕಾಡ್ಯಾ ತಿನೆ ನ್ಯಾಯ ಮಳ್ಳೊ ನೈ ಲಾಸ್ತೆ ತಿನೊ ಜಲಂಬಿ ಕಾಡಿ ಪಡ್ಯಾ ತಿನಾ ಖಾಂದಾನನಾ ಹುತಿ ಕುನ್ನ ಬೊಲಸಕಸ ಯೆಶಾಯ 53:7-8

34 ತೆ ಮನಕ್ವ ಪಿಲಿಪನೆ ಎ ಪ್ರವಾದಿ ಕಿನಾ ಹುತಿ ಕವಾಡ್ಯೊಸ. ತಿನಾ ಹುತಿಜ್ಞ ವ್ಹೆ ಸು? ಸು ಬಿಜ್ಞಾ ಪ್ರವಾದಿನಾ ಹುತಿ ವ್ಹೆ ಸು? ಮನೆ ಕೆ ಕೈನ ಫಿಲಿಪ್ಪನೆ ಕೈಲಿದ್ಯೊ.

35 ತಿನಾಹುತಿ ಫಿಲಿಪ್ಪ ತಿನೆ ಯೆಶಾಯನಾ ಬುಕ್ಕಕಂತೊ ಧರಿನ ಯೆಸು ಸ್ವಾಮಿನಾ ವಿಷಯಮಾ ಹರಿಯಕ್ಕ ತಿಳಿಸಾಯೊ.

36 ತ್ಯನೇ ವಾಟ್ಕಾ ಭಾತಾಮಾ ಯಕ್ಕ ತಳಾನಾ ನಜಿಕ ಆಯಾ. ತೆಳಾಮಾ ತೆ ಮನಕ್ದ ದೆಕ ನ್ಹಾ ಪಾನಿ ಛಿ ಬಾಪ್ತಿಸ್ಮ ಲಿವಾನೆ ಮನೆ ಸುಬಿ ಅಡ್ಲ ಛಿಸು? ಕೈನ ಫಿಲಿಪ್ಪನೆ ಪುಚ್ಚೊ.

37 ತೆ ವಾತೆ ಫಿಲಿಪ್ಪ ತಾರಾ ಮನಸ ಕ್ಕರಿನೆ ನಂಬಾನೊ ರ್ಲಯೊಮ ಬಾಪ್ತಿಸ್ಮ ಕರೈಲೆ ಸಕಸ ಕೈನ ಕದ್ಯೊ ತೆ ವಾತೆ ಯೆಸು ಕ್ರಿಸ್ತನೆ ಕ್ಹುದಾನೊ ದಿಕ್ಲೊ ವ್ಹೈ ಕೈನ ಮಿ ಬರೊಕ್ಲೊ ಕರುಸ ಕೈನ

38 ರಥಾ ಹುಬ್ಬಾಡಾನೆ ಆಗ್ಯಾ ದಿದ್ಯೊ" ತೆಳಾಮಾ ಅದಿಕಾರಿ ವರಿ ಫಿಲಿಪ್ಪ ಪಾನಿಮಾ ಉತ್ರಾ ಫಿಲಿಪ್ಪ ಅದಿಕಾರಿನೆ ಬಾಪ್ತಿಸ್ಮ ದಿಲಾಯೊ.

39 ತ್ಯನೇ ಪಾನಿಮಾತಾ ಭಾರಾ ಆತಾಮಾ ಕರ್ತಾನಿ ಆತ್ಮಾ ಫಿಲಿಪ್ಪನೆ ಲಿನ ಗೈ ಅದಿಕಾರಿನೆ ತೆಳಾಮಾತೊ ತೆ ದಿಕ್ಲೊ ಜ್ಜ ನೈ ತೆ ಜ್ಜಾವಾನಿ ವಾಟೆ ಜ್ಜಾತಾಮಾ ಖುಶಿಮಾಜ್ಜ ಗಯೊ.

40 ತೆ ಥಯಲ್ಪರ ಫಿಲಿಪ್ಪ ಅಜೊತಿಮಾ ದಿಕ್ಲಿನ ತ್ಯಾಂತೊ ಕೈಸೆರೆ ಆಯೆಲಕ್ಕಾ ಕ್ಕಾರಾ ಗಾಮೊಮಾ ಸುವಾರ್ತೆ ಕತೊಜ್ಜ ಗಯೊ.

9

ಸೌಲಾ ಯೆಸುನೊ ಶಿಷ್ಯೊ ಥಯಲ

1 ಸೌಲಾ ಕರ್ತನಾ ಶಿಷ್ಯಾವೊನೆ ಭುಚ್ಚಾಡತೊ ವರಿ ತ್ಯನೊನೆ ಖಲಾಸ ಕರು ಕೈನ ಕೊಶಿಶ ಕರಾಡೊತೊ. ತಿನಾಹುತಿ ತೆ ಮ್ಹೊಟಾ ಯಾಜಕಕನ ಗೈನ,

2 ಪ್ರಭುನಾ ಉಪ್ಪರ ಬರೊಕ್ಲೊ ಮ್ಹೆಲಲ ದಾಣ್ಣಾ ರ್ಲಯಾತಬಿ ಬಾಕ್ಡಿಯೊ ರ್ಲಯೊತಬಿ ತೆ ತ್ಯನೊನೆ ಭಾಂದಿನ ಯೆರುಸೇಲೆಮೆ ಲಾ ಕೈನ ದಮಸ್ಕಮಾ ರ್ಲಯಲ ಬಿಜಿಯೊ ಸಭಾಮಂದಿರೊಮಾ ರ್ಲಯಲವಾಲಾವೊನೆ ಚಿಟಿಯೊ ದ್ಯು ಕೈನ ತಿಕನ ಮಾಂಗಿಲಿದ್ಯೊ.

3 ತಿನಾಹುತಿ ತೆ ದಮಸ್ಕನೆ ಜ್ಜಾತಾ ಟೈಮಾ ತಿನಾ ಕ್ಹಾಮು ಮ್ಹೊಟೊ ಉಜಾಲು ಹಬಾಳಮಾತು ಉತ್ತಿನ ಐಯು.

4 ತೆಳಾಮಾ ತೆ ಜಿಮಿನ್ವರ ಪಡ್ತಾಮಾ -ಸೌಲಾ ಸೌಲ, ತು ಮನೆ ಕಾ ತ್ರಾಸ ಕರಾಡ್ತೊಸ ಕೈನ ಯಕ್ಕ ಆವಾಜ ಐಕ್ತೊ.

5 ತೆಳಾಮಾ ತೆ, ಪ್ರಭು ತು ಕುನ್ನ ವ್ಹೈ” ಕೈನ ಪುಚ್ಚತಾಮಾ ತು ಕಿನೆ ತ್ರಾಸ ಕರಾಡೊಸ ದೆಕ ತೆ ಯೆಸುಜಿ ಮಿ ವ್ಹೈ.

6 ತೆ ವಾತೆ ಕರ್ತಾ ತಿನೆ ತು ಉಟಿನ ಗೈನ ಗಾಮ್ನಾ ಮ್ಹೈ ಜಾ, ತ್ಯಾ ತು ಸುಕರು ಕೈನ ಮಿ ತುನೆ ತಿಳಸೌಸ.

7 ತಿನಾ ಕ್ಹಾತೆ ಆಯಲವಾಲಾ ಕ್ಹಾಲಿ ಅವಾಜಿ ಯಕ್ಕಜಿ ಐಕ್ತಾ ತ್ಯಾ ಕುನ್ನಜಿ ನೈ ರ್ಹಿಯಲ ದೆಕಿನ ಘನ್ನಾ ಘಾಬ್ರಾ ಧಯಾ.

8 ಸೌಲಾ ಜಿಮಿನ್ವರ್ತೊ ಉಟಿನ ಡೊಳಾ ಕಾಡಿನ ದೆಕ್ತಾಮಾ ಕುನ್ನಜಿ ದಿಕ್ತು ನೈ. ತೆಳಾಮಾ ತಿನಾ ಕ್ಹಾತೆ ಆಯಲ ಮನಕ್ಹೊ ತಿನೊ ಹತ್ತ ಧರಿನ ದಮಸ್ಕ ಗಾಮೆ ಲಿನ ಗಯಾ;

9 ತಿನೆ ತನ್ನ ದಿನ್ನಲಕ್ಕಾಬಿ ಡೊಳಾ ದಿಕ್ಹಾ ನೈವರಿ ತೆ ತನ್ನ ದಿನ್ನಲಕ್ಕಾಬಿ ಅನ್ನ ಬಾದ್ತೊ ನೈ ಪಾನಿಬಿ ಪಿದ್ತೊ ನೈ.

10 ದಮಸ್ಕ ಗಾಮಮಾ ಅನನಿಯ ಕವಾಲೊ ಯೆಸು ಸ್ವಾಮಿನೊ ಯಕ್ಕ ಶಿಶ್ಯೊ ವ್ಹತ್ತೊ; ಕರ್ತಾ ತಿನೆ ದರ್ಶನಮಾ, ಅನನಿಯಾ ಕೈನ ಬಲಾತಾಮಾ ತೆ ಪ್ರಭು ಮಿ ನ್ಹಾ ಛಿ” ಕದ್ತೊ.

11 ಪ್ರಭು ಅನನಿಯನೆ, ತು ಉಟಿನ ಮಿ ಕದಲ ವಾಟೆ ಜಾ ತುನೆ ತ್ಯಾ ಯುದನು ಘರ ಮಳಸ ತೆ ಘರಮಾ ಗೈನ ತ್ಯಾ ತಾರ್ಸತೊ ಆಯಲ ಸೌಲನಾ ಹುತಿ ಪುಚ್ಚ ತೆ ಹಮ್ಮಾ ತ್ಯಾ ಪ್ರಾರ್ಥನಾ ಕರಾಡೊಸ.

12 ಪೌಲ ಯಕ್ಕ ದರ್ಶನ ದೆಕ್ತೊಸ ತೆ ಸು ವ್ಹೈ ಕದ್ಯಾಮ; ಅನನಿಯ ಕವಾಲೊ ಯಕ್ಕ ಮನಕ್ಹ ಮ್ಹೈ ಏನ ತಿನಾ ಮಾತಾಪರ ಹತ ಮ್ಹೆಲಸ ತೆಳಾಮಾ ಫರಿನ ತಿನೆ ಡೊಳಾ ದಿಕ್ಹಸ ಕೈನ ಕದ್ತೊ.

13 ತೆ ವಾತೆ ಅನನಿಯಾ - ಪ್ರಭು, ತೆ ಮನಕ್ಹ ಯೆರುಸೆಲಿಮಮಾ ತಾರಾ ಪರಿಶುದ್ಧ ಮನಕ್ಹೊನೆ ಕೆಕ್ಲ ಕೆಟ್ಟ ಕರೊಸ್ ಕವಾನು ಮಿ ಮನಕ್ಹೊನಾ ಮ್ಹೊಡಾತೊ ಐಕ್ತೊಸ.

14 ತೆ ಹಮ್ಮಾ ದಮಸ್ಕ ಗಾಮೆ ಆಯೊಸ ವರಿ ತುಪರ ಬರೊಕ್ಲೊ ಮ್ಹೆಲಾವಾಲಾ ಮನಕ್ಹೊನೆ ಜೆಲಮಾ ಘಾಲಾನು ಅದಿಕಾರ ಮ್ಹೊಟಾ

ಯಾಜಕೊ ತಿನೆ ದಿದ್ಯಾಸ ಕೈನ ಕದ್ಲೊ.

15 ತೆನ್ನೆಸೊ ಕರ್ತಾ ತಿನೆ, ತು ಜಾ; ಮ್ಹೊಟಾ ಕಾಮನಾ ಹುತಿ ಮಿ ಸೌಲಾನೆ ಇನಿಲಿದ್ಯೊಸ. ತೆ ಮಾರಾ ಹುತಿ ರಾಜಾವೊನೆ ಯಹುದಿಯೊನೆ ವರಿ ಬಿಜಾ-ಬಿಜಾ ಮನಕ್ಲೊವೊನೆಬಿ ತಿಳಸು ಕೈನ ಛೆ.

16 ತೆ ಮಾರಾ ನಾಮಪರ ಕೆಕ್ಲೊತ್ರಾಸ ಖೌ ಕೈನ ತಿನೆ ಮಿಜ ದೆಕಾಡಿನ ದ್ಯುಸ ಕೈನ ಕದ್ಲೊ.

17 ತೆಳಾಮಾ ಅನನಿಯಾ ಪೌಲಾ ರ್ಡಿಯಲ ಘರ್ಮಾ ಗೈನ ತಿನಾ ಮಾತಾಪರ ತಿನಾ ಹತೊ ಮ್ಹೆಲಿನ, ಮಾರಾ ಭೈ ತು ಆಯಲ ವಾಟ್ತಾತುನೆ ದಿಕ್ಲಲ ಪ್ರಭು ಥಯಲ ಯೆಸು ತುನೆ ಡೊಳಾ ದಿಕ್ಲಾ ವರಕ್ಲು ತು ಪವಿತ್ರ ಆತ್ಮಾಕ್ಲು ಭರು ಕೈನ ಮನೆ ತುಕನ ಮೊಕ್ಲೊಸ ಕೈನ ಕದ್ಲೊ.

18 ತೆಳಾಮಾ ತಿನಾ ಡೊಳಾಮಾತು ಪರಿ ಲಿಂಗತ ಸು ಯಕ್ಕ ಪಡಿನ ತಿನಾ ಡೊಳಾ ದಿಕ್ಲಾ ತೆಳಾಮಾ ತೆ ಬಾಪ್ತಿಸ್ಮ ಕರೈಲಿದ್ಯೊ.

19 ತೆಳಾಮಾ ತೆ ಅನ್ನ ಖಾದ್ಯೊ ತೆ ದಮಸ್ಕಮಾ ರ್ಡಿಯಲ ಯೆಸು ಸ್ವಾಮಿನಾ ಶಿಷ್ಯಾವೊನಾ ಕ್ಲಾತೆ ತ್ಯಾಜ ದಕ್ಲಾ ದಿನ್ನ ವ್ಹತ್ತೊ.

20 ತೆ ತೆಳಾಮಾಜ ಸಬಾಮಂದಿರೊಮಾ ಯೆಸುನಾ ಹುತಿ ತೆಜ ಕ್ಲುದಾನೊ ದಿಕ್ಲೊ ವ್ಹೈ ಕವಾನು ಶುರು ಕರೈಲ್ಯೊ.

21 ತೆ ಏಕಲವಾಲಾ ಕ್ಲಾರಾ ಮನಕ್ಲೊ ಗಾಬ್ರಾ ಥೈನ ಕ್ರಿಸ್ತನು ನಾಮ ಕವಾಲಾವೊನೆ ಯೆರುಸೇಲೆಮಮಾ ಖಲಾಸ ಕರಾಲೊ ಎಜ ನ್ಹವ್ಹೈ ಸು? ಯೆಸುನಾ ಶಿಷ್ಯಾವೊನೆ ಬೆಡಿಯೊ ಫಾಲಿನ ಖಾಸ ಯಾಜಕೊಕನ ಲಿನಜಾವಾದೆ ಕೈನ ನ್ಹ್ಯಾ ಆಯೊಸ ಸು ಕೈನ ಬೊಲ್ಲಿದ್ಯಾ.

22 ಸೌಲಾ ವರಿ ಯೆಸುಜ ಕ್ರಿಸ್ತ ವ್ಹೈ ಕೈನ ಘನ್ನಾ ಬರೊಕ್ಲಾಕ್ಲು ಜೊರ-ಜೊರ ಕವಾಡೊತೊ. ತೆ ಕವಾನಾ ವಾತೊ ಕ್ಲರಿ ರ್ಡಿಯಲಕ್ಲು ದಮಸ್ಕಮಾ ರ್ಡಿಯಲ ಯೆಹುದಿಯೊ ತಿನೆ ಸುಜ ಬೊಲ್ಯಾನ್ಯೆ.

23 ಘನ್ನಾ ದಿನ್ನೊ ಥಯಲ್ಪರ ಯೆಹುದಿಯೊ ಸೌಲನೆ ಖಲಾಸ ಕರು ಕೈನ ವಿಚಾರ ಕರಿಲಿದ್ಯಾ.

24 ತಿನೆ ಖಲಾಸ ಕರಾನಾ ಹುತಿ ತ್ಯುನೆ ದಿನ್ನ ರಾತ ಗಾಮ್ನಾ ಬಾಕಲನಾ ಕ್ಲಾಮಾ ತ್ಯುನೆ ಕೈದತಾತಾ. ತೆನ್ನೆಸೊ ತ್ಯುನೆ ವಿಚಾರ ಕರಿಲಿದಲ ಸೌಲಾನೆ

ಗ್ವತ್ತ ಥಯು.

25 ತೆನ್ನೈಸೊ ಸೌಲಾನೆ ಯೆಸು ಸ್ವಾಮಿನಾ ಶಿಷ್ಯಾ ರಾತನಾ ಟೈಮಮಾ ತಿನೆ ಬಲೈ ಲಿನ ಗೈನ, ಯಕ್ಕ ಟೊಪ್ಲಾಮಾ ಬೈಟಾಡಿನ ಗೊಡಿನಾ ಸಂದಿಮಾ ಉತಾರ್ಚ್ಚಾ.

26 ತೆ ಯೆರುಸಲೆಮೆ ಐನ ಶಿಷ್ಯಾವೊನಾ ಕ್ವಾತೆ ಮಳು ಕೈನ ಕೊಶಿಶ ಕರ್ತಾಮಾ ತ್ಯಾ ರ್ವಯಲವಾಲಾ ತಿನೆ ಯೆಸುನಾ ಶಿಷ್ಯೊ ನ್ವವೈ ಕೈನ ನಂಬಿನ ಭುಚ್ಚಕ್ಕಾ.

27 ತೆನ್ನೈಸೊ ಬಾರ್ನಬ ತಿನಿ ಮದತ ಕರನಾ ಹುತಿ ಅಪೊಸ್ತಲೊಕನ ಬಲೈಲಿನ ಗೈನ ತೆ ದಮಸ್ಕನಿ ವಾಟ್ಕಾ ಕರ್ತಾನೆ ದೆಕಲ ವರಿ ತಿನಾ ಕ್ವಾತೆ ಬೊಲಲ ದಮಸ್ಕಮಾ ಯೆಸುನಾ ನಾಮಪರ ಧೈರ್ಯ್ಕು ಕೈನ ತ್ಯುನೊನೆ ತಿಳಿಸೈನ ದಿದ್ಲೊ.

28 ತೆ ಥಯಲ್ವರ ಸೌಲಾ ಯೆರೊಸೆಲಿಮಾ ರ್ವ್ವಿನ ತ್ಯುನೊಕನ ಆತಾ ಜಾತಾ ರ್ವಯಲವಾಲಾವೊನ ಪ್ರಭುನಾ ನಾಮಪರ ಧೈರ್ಯ್ಕು ಭೊದನೆ ಕರ್ಪ್ಪೊ ವ್ವತ್ತೊ.

29 ವರಿ ಗ್ರಿಕಮಾ ಬೊಲಾಲಾ ಯಹುದಿಯೊನಾ ಕ್ವಾತೆ ವಾದ-ವಿವಾದ ಕರ್ಪ್ಪೊತೊ. ತೆನ್ನೈಸೊ ತ್ಯುನೆ ತಿನೆ ಖಲಾಸ ಕರು ಕೈನ ಕೊಶಿಶ ಕರ್ತಾತಾ.

30 ಕ್ರಿಸ್ತಮಾ ಭಾಯೊ ರ್ವಯಲವಾಲಾವೊನೆ ಎ ಕ್ವಾರು ಗ್ವತ್ತ ಧಾತಾಮಾ ತ್ಯುನೆ ತಿನೆ ಕೈಸರೈಯೆ ಲಿನ ಗೈನ, ತ್ಯಾಂತಾ ತಾರ್ಸನೆ ಮೊಕಲ್ಯಾ.

31 ಇಮ್ಮ ರ್ವ್ವತಾಮಾ ಯುದಾಯ ವರಿ ಗಲಿಲಾಯ ಸಮಾರ್ಯಾ ಸಿಮೆಮಾ ರ್ವಯಲ ಸಬೆ ಸಮಾಧಾನ ವ್ವಂದ್ಯ ವರಿ ಕರ್ತಾನಿ ಭೆಮಾ ಪವಿತ್ರ ಆತ್ಮಾ ಕ್ವುಪ್ರೊತ್ಸಾಹ ಹೊಂದಿನ ಬೆಳದತು ಆಯು.

32 ಪೆತ್ರಾ ಕ್ವಾರಿ ಬಗಲ ಫರಿನ ಆತಾಮಾ ಲುದ್ದಮಾ ರ್ವಯಲ ಕ್ವುದಾನಾ ಮನಕ್ಕೊಕನ ಆಯೊ.

33 ತ್ಯಾಲಕ್ಕೊ ಮಾರಲವಾಲಾನೆ ಆಟ ವರಕ್ಕತೊ ವಚ್ಚಾನಾಪರ ಪಡಲ ಐನೆಯ ಕವಾಲೊ ಯಕ್ಲಾ ಮನಕ್ಕನೆ ದೆಕ್ಕೊ.

34 ಪೆತ್ರಾ ತಿನೆ ಐನೆಯಾ ಯೆಸು ಕ್ರಿಸ್ತ ತುನೆ ಅರಾಮ ಕರಸ ತು ಉಟಿನ

ತಾರು ವಚ್ಚಾನು ತುಞ್ಜ ಮಡಚ್ಚ ಕೈನ ಕದ್ಯೊ ತೆಳಾಮಾಞ್ಜ ತೆ ಉಟ್ಯೊ.

35 ವರಿ ಲುದ್ದಮಾ, ಶಾರೊನಮಾ ರ್ಹವಾಲಾ ಕ್ಹಾರಾ ಮನಕ್ಲೊ ತಿನೆ ದೆಕಿನ, ತ್ಯುನೆ ಕರ್ತಾಕನ ಫರ್ಯಾ.

36 ಯೊಪ್ಪ ಗಾಮಾಮಾ ತಬಿಥಾ ಕವಾಲಿ ಯಕ್ಕ ವಿಸ್ವಾಸಿ ವ್ಹತ್ತಿ. ತೆ ನಾಮನೆ ಗ್ರಿಕಮಾ ಭಾಶಾಮಾ ದೊರ್ಕ ಕದ್ಯಾಮ ಚಿಗರಿ ವ್ಹೆತ್ತ್ಯೆ ತೆ ಚೊಕಾ ಕಾಮೊ ವರಿ ದಾನ ಧರ್ಮ ಘನ್ನಾ ಕರತಿತಿ.

37 ತೆ ಕಾಲಮಾ ತೆ ರೊಗ ಲಾಗಿನ ಮರಿಗೈ, ತಿನಾ ಮರಲ ಅಂಗನೆ ದ್ಹಯಿನ ಉಪ್ಪರಲ್ಯಾ ಅಂಟಾಪರ ಖೊಲಿಮಾ ಮ್ಹೆಲ್ಯಾ.

38 ಯೊಪ್ಪನಾ ನಜಿಕ ರ್ಹಯಲ ಹುತಿ ಪೆತ್ರಾ ತ್ಯಾ ಲೆ ಕೈನ ಶಿಷ್ಯಾ ಐಕಿನ ಬೆ ಮನಕ್ಲೊನೆ ತಿಕನ ಮೊಕಲ್ಯಾ. ತಡಾ ಕರ್ಯಾವಾಚಿ ಹಮೊಕನ ಔ ಕೈನ ಮಾಂಗಿಲಿದ್ಯಾ.

39 ಪೆತ್ರಾ ಉಟಿನ ತ್ಯುನಾ ಕ್ಹಾತೆ ಗಯೊ. ತೆ ಆಯಲಬರೊಬ್ಬರ ತ್ಯುನೆ ತಿನೆ ಅಂಟಾಪರ ರ್ಹಯಲ ಖೊಲಿಮಾ ಬಲೈಲಿನ ಗಯಾ ತ್ಯಾ ಮಾಟಿ ಮರಲವಾಲಿಯೊ ರವಾಡಿಯೊತ್ಯೊ. ತೆ ನಜಿಕ ಹುಬ್ಬೈನ ದೊರ್ಕಳ ತ್ಯುನಾ ಕ್ಹಾತೆ ರ್ಹತಾಮಾ ಕರಿನ ದಿದಲ ಪೆರಿಲಿವಾನಾ ವಣ್ಣಾ ಪೆತ್ರಾನೆ ದೆಕಾಡಿಯೊ.

40 ಪೆತ್ರಾ ತ್ಯುನೊನೆ ಕ್ಹಾರಾವೊನೆ ಭಾರೊ ಮೊಕಲಿನ ಉಂದಾಗುಡಗಾ ಫಾಲ್ಲಿನ ಪ್ರಾಥನಾ ಕರಿನ ಮುದರ್ ಬಗಲ ಫರಿನ ತಬಿಥಾ ಉಟ್ಟ ಕದ್ಯೊ. ತೆ ಡೊಳಾ ಕಾಡಿನ ಪೆತ್ರಾನೆ ದೆಕಿನ ಉಟಿನ ಬೈಟಿ.

41 ತೆ ತಿನೊ ಹತ ಧರಿನ ಉಟಾಡಿ ಮಾಟಿ ಮರಲವಾಲಿಯೊಕನ ವರಿ ಕ್ಹುದಾನಾ ಮನಕ್ಲೊಕನ ಲಿನ ಗೈನ ಜಿವಿತಿ ಧಯಲವಾಲಿನೆ ತ್ಯುನಾ ಕ್ಹಾಮೊ ಹುಬ್ರಾಡ್ಯೊ.

42 ಎ ಸಂಗತಿ ಯೊಪ್ಪಮಾ ಫೈಲಿನ ಘನ್ನಾಞ್ಜನಾ ಪ್ರಭು ಪರ ಬರೊಕ್ಲೊ ಮ್ಹೆಲ್ಯಾ.

43 ತೆ ಧಯಲ್ಪರ ಪೆತ್ರಾ ಯೊಪ್ಪಮಾ ಚಾಮ್ಡಾನು ಕಾಮ ಕರಾಲೊ ಸಿಮೊನ ಕವಾಲಾನಾ ಘರಮಾ ವ್ಹತ್ತೊ.

10

¹ ಕೈಸರೈಯ ಗಾಮಮಾ ಕೊರ್ನೆಲಿಯ ಕವಾಲೊ ವ್ಹತ್ತೊ. ರೊಮನಾ ಸೈನ್ಯನೆ ಮಳಲ 'ಇಟಲಿನಾ ದಳ' ಮಾ ತೆ ಅದಿಕಾರಿ ವ್ಹತ್ತೊ.

² ಕೊರ್ನೆಲಿಯ ಕ್ಹುದಾನೊ ಭಕ್ತ ವ್ಹತ್ತೊ. ತೆ ವರಿ ತಿನಾ ಘರಮಾ ರ್ಹಯಲ ಬಿಜಾ ಕ್ಹಾರಾ ಜನಾ ಕ್ಹರಿನಾ ಕ್ಹುದಾನೆ ಆರಾಧನಾ ಕರ್ತಾ. ತೆ ಗರಿಬೊನೆ ದೊಕ್ಡಾವೊನಿ ಮದತ ಕರ್ತೊತೊ. ಕೆಳಾಮಾಬಿ ಕ್ಹುದಾನೆ ಪ್ರಾಥನಾ ಕರ್ತೊತೊ.

³ ಯಕ್ಕ ದಿನ್ನ ದುಪ್ಪಾರೆ ತನ್ನ ವಾಸ್ತಾನಾ ಸುಮಾರೆ ಕೊರ್ನೆಲಿಯನೆ ಯಕ್ಕ ದರ್ಶನ ಥಯ್. ತೆ ತಿನೆ ಯಕ್ಕಜ ಸಂವಾ ದೆಕ್ಲೊ ತೆ ದರ್ಶನಮಾ ಕ್ಹುದಾನೊ ದುತ ಯಕ್ಲೊ ತಿಕನ ಐನ"ಕೊರ್ನೆಲಿಯ "ಕೈನ ಬಲಾಯೊ.

⁴ ಕೊರ್ನೆಲಿಯ ಕ್ಹುದಾನಾ ದುತನೆ ದೆಕಿನ ಭೆಂಕ್ತು "ಸ್ವಾಮಿ, ಆ ಸುವೈ? ಕೈನ ಪುಚ್ಚೊ ತೆ ಕ್ಹುದಾನೊ ದುತ ತಿನೆ "ಕ್ಹುದಾ ತಾರಿ ಪ್ರಾಥನಾ ಐಕ್ಲೊಸ. ತು ಗರಿಬೊನೆ ದಿದಲ ಕ್ಹಾರು ದೆಕ್ಲೊಸ.

⁵ ಹಮ್ಮಾ ಸಿಮೊನ ಕವಾಲಾ ಮನಕ್ತನೆ ಬಲೈಲಿನ ಆವಾನಾ ಹುತಿ ತು ಮನಕ್ಲೊನೆ ಯೊಪ್ಪ ಗಾಮೆ ವಳಾ. ಸಿಮೊನನೆ 'ಪೆತ್ರಾ' ಕೈನ ಬಲಾವಸ.

⁶ ಸಿಮೊನ ಭಾಮ್ತಾನ್ ಕಾಮ ಕರಾಲಾನಾ ಘರಮಾ ಛೆ. ತಿನು ಘರ ಸಮುಂದರನಾ ದಂಡಿಯೆ ಛೆ "ಕೈನ ಕದ್ಲೊ.

⁷ ಕೊರ್ನೆಲ್ಯನ ತಿನಾ ಕ್ಹಾತೆ ಬೊಲಲ ದೆವದುತ ಗಯಲ್ವರ, ತಿನಾ ಘರ್ಮಾ ರ್ಹಯಲ ಆಳೊಮಾ ಬೆ ಜನಾ ವರಿ ತಿನಾ ಕ್ಹಾಮಾ ಕೆಳಾಮಾಬಿ ರ್ಹವಾಲಾ ಸಿಪಾಯಿಯೊಮಾ ಯಕ್ಕ ಕ್ಹುದಾನಾ ಭಕ್ತನೆ ಬಲೈನ,

⁸ ಕೊರ್ನೆಲಿಯ ತೆ ತನ್ನೆ ಜನಾವೊನೆ ಹರಯಕ್ಕ ಕದ್ಲೊ ಪಾಚಲ್ತೊ ತ್ಯುನೊನೆ ಯೊಪ್ಪ ವಳಾಯೊ.

⁹ ಮರ್ನಾ ದಿನ್ನೆ ಎ ಮನಕ್ಲೊ ಯೊಪ್ಪನಾ ನಜಿಕ ರ್ಹತಾಮಾ ದುಪ್ಪಾರ ಥೈತಿ. ತೆ ಟೈಮಮಾ ಪೆತ್ರಾ ಪ್ರಾಥನಾ ಕರಾನಾ ಹುತಿ ಘರ್ನಾ ಉಪ್ಪರ ಗಯೊ.

¹⁰ ಪೆತ್ರಾನೆ ಭುಕ್ಕ ಲಾಗಿನ್ ಅನ್ನ ಖೌ ಕೈನ ಲಾಗ್ತು. ತ್ಯಾ ತಿನೆ ಅನ್ನ ಕರಾಡಾತಾ. ತ್ಯಾ ಪೆತ್ರಾನೆ ಯಕ್ಕ ದರ್ಶನ ಥಯ್.

11 ಮಿಲ್ಲಾ ಥಯಲ ಹಬಾಳಮಾತು ಕಯುಬಿ ಯಕ್ಕ ಚಿಞ ಉತ್ತಿನ ಆವಾನು ತೆ ದೆಕ್ಕೊ ತೆ ಮೊಟ್ಟೊ ಧಾಳೊ ಲಿಂಗತ ವ್ಹತ್ತು. ತಿನಾ ಚಾರೆ ಮುಲಾವೊನೆ ರಾಖೊಕ್ಕು ಭಾಂದಿನ ಜಿಮಿನ ಪರ ಉತಾರಾಡಾತಾ.

12 ತಿಮಾ ಕ್ಹಾರಾ ತರಾನಾ ಜಾನವರೊ ವ್ಹತ್ತು. ಕದ್ಯಾಮ ಫಾಲಾನಾ ಜಾನವರೊ ಫರಾನಾ ಕಿಡಾ ವರಿ ಉಡಾನಾ ಪಕ್ಷಿಯೊ ವ್ಹತ್ತು.

13 ತೆಳಾಮಾ ಯಕ್ಕ ಅವಾಙ್ ಪೆತ್ರಾ, ಉಟ್ಟ! ಕಾಟಿನ ಖಾ "ಕೈನ ಕದ್ಯೊ

14 ತೆನ್ನೆಸೊ ಪೆತ್ರಾ"ಪ್ರಭು, ಮಿ ತಿಮ್ಮ ನೈ ಕರಸಕ್ಕೊ! ಪವಿತ್ರ ನೈ ರ್ಹಯಲನೆ ವರಿ ಶುದ್ಧ ನೈ ರ್ಹಯಲನೆ ಮಿ ಕೆಳಾಮಾಙ್ ಖಾದಲವಾಲೊ ನ್ಹವೈ"ಕೈನ ಕದ್ಯೊ

15 ತೆನ್ನೆಸೊ ತೆ ಅವಾಙ್ ತಿನೆ"ಕ್ಹುದಾ ಎ ಕ್ಹಾರು ಶುದ್ಧ ಕರೊಸ. ಎ ಕ್ಹಾರಾನೆ ಪವಿತ್ರ ನ್ಹವೈ ಕೈನ ಕೌ ನಕೊ "ಕೈನ ವರಿ ಕದ್ಯೊ

16 ಇಮ್ಮ ತನ್ನ ಸಲಾ ಥಯು. ಪಾಙ್ಗಾತು ತೆ ಪರಾತನೆ ಹಬಾಳಮಾ ವಾಪಸ ಲಿವಾ ಲಗಾಡ್ಯು.

17 ಪೆತ್ರಾ ತೆ ದೆಕಲ ಎ ದರ್ಶನನು ಮತ್ಲಬ ಸು ವಸೆ ಕೈನ ಫಾಬ್ರೊ ಥಯೊ. ತೆಕ್ಲಾಮಾಙ್, ಕೊರ್ನೆಲಿಯ ವಳಾಯಲ ಮನಕ್ಕೊ ಸಿಮೊನನು ಘರ ಗ್ವತ್ತ ಕಳಿ ಲಿದ್ಯಾ ತ್ಯನೆ ಗೆಟಕನ ಹುಬ್ರೈನ,

18 "ಸಿಮೊನ ಪೆತ್ರಾ ನ್ಹಾರ್ವಸ ಸು? ಕೈನ ಪುಚ್ಯಾ

19 ಎ ದರ್ಶನನಾ ಹುತಿ ಪೆತ್ರಾ ಹಞ್ಹುನ ಸೊಫಾಡೊತೊ. ತೆನ್ನೆಸೊ ಪವಿತ್ರ ಆತ್ಮಾ ತಿನೆ"ಸಿಮೊನ, ತುನೆ ತನ್ನ ಙ್ಹನಾ ಹುಡಕ್ತಾ ಆಯಾಸ.

20 ತು ಉಟಿನ ಹೆಟೊ ಗೈನ ತ್ಯನಾ ಕ್ಹಾತೆ ಜಾವಾ ಹುತಿ ಪಾಙ್ಗೊ ಸರಕು ನಕೊ. ಮಿಙ್ಹ ತ್ಯನೊನೆ ತುಕನ ವಳಾಯೊಸ "ಕೈನ ಕದ್ಯೊ

21 ತಿನಾಹುತಿ ಪೆತ್ರಾ ಹೆಟೊ ಉತ್ತಿನ ತ್ಯನೊ ಕನ ಗೈನ"ತುಮೆ ಹುಡ್ಕಾನೊ ಮನಕ್ಲ ಮಿಙ್ಹ ವ್ಹೈ ತುಮೆ ನ್ಹ್ವಾಕಾ ಆಯಾಸ? ಕೈನ ಪುಚ್ಯೊ

22 ತೆ ಮನಕ್ಕೊ "ಕೊರ್ನೆಲಿಯ ಕವಾನಾ ಯಕ್ಕ ಶತಾದಿಪತಿ ಛಿ. ತೆ ಧಾರ್ಮಿಕ ಮನಕ್ಲ ವ್ಹೈ ತೆ ಕ್ಹುದಾನೆ ಆರಾಧನಾ ಕರಸ. ಯೆಹುದಿ ಮನಕ್ಕೊ ಕ್ಹಾರಾ ತಿನೆ ಮರ್ಯಾದಿ ದಿವಸ. ತುನೆ ತಿನಾ ಘರೆ ಬಲಾವಾನೆ

ಕರಿನ ತು ಕವಾನಿಯೊ ಸಂಗತಿಯೊ ಐಕು ಕೈನ ಕ್ವದಾನೊ ದುತ ಯಕ್ಲೊ ಕೊರ್ನೆಲಿಯನೆ ಕದ್ಯೊಸ "ಕೈನ ಕದ್ಯೊ

23 ಪೆತ್ರಾ ತ್ಯುನೊನೆ ಮ್ಹೈ ಬಲೈನ, ತೆ ರಾತ ತ್ಯಾಜ ರ್ಲೊ ಕೈನ ಮಾಂಗಿಲಿದ್ಯೊ ಮರ್ನಾ ದಿನ್ನೆ ಪೆತ್ರಾ ತಯ್ಯಾರ ಥೈನ, ತೆ ತನ್ನೆ ಜನಾವೊನಾ ಕ್ವಾತೆ ಗಯೊ. ಯೊಪ್ಪನಾ ವಿಸ್ವಾಸಿಯೊಮಾ ದಕ್ವಾ ಜನಾ ತಿನಾ ಕ್ವಾತೆ ಗಯೊ.

24 ಮರ್ನಾ ದಿನ್ನೆ ತ್ಯುನೆ ಗಾಮೆ ಕೈಸರೈಯ ಮುಟ್ತ್ಯಾ ಕೊರ್ನೆಲಿಯ ತ್ಯುನಾ ಹುತಿ ಕೈದಾಡೊತೊ. ತೆ ತಿನಾ ಸಂಬಂದಿಕೊನೆ ವರಿ ಖಾಸ ದೊಸ್ತೊನೆ ಪೈಲಾಜ ತಿನಾ ಘರೆ ಬಲೈಲಿದ್ಯೊತೊ.

25 ಪೆತ್ರಾ ಘರ ಆತಾಮಾ ಕೊರ್ನೆಲಿಯ ತಿನೆ ಮಳಿನ ಕೊರ್ನೆಲಿಯ ಪೆತ್ರಾನಾ ಪಗೆ ಪಡಿನ ನಮಸ್ಕಾರ ಕರೈಯೊ.

26 ತೆನ್ನೆಸೊ ಪೆತ್ರಾ ತಿನೆ ಉಪ್ಪರ ಉಟಾಡಿನ"ಉಟಿನ ಹುಬ್ರೆ! ಮಿ ತಾರಾ ಲಿಂಗತಜ ಯಕ್ವ ಮನಕ್ವವ್ವೈ"ಕೈನ ಕದ್ಯೊ

27 ಪೆತ್ರಾ ಕೊರ್ನೆಲಿಯನಾ ಕ್ವಾತೆ ವಾತೊ ಬೊಲ್ತಾಮಾ. ಪಾಚಲೊ ಪೆತ್ರಾ ಮ್ಹೈ ಗಯಲ್ಪರ, ತ್ಯಾ ಬಲಾವಾನೆ ಕರಲ ಮನಕ್ವೊನು ಮ್ಹೊಟು ಗುಂಪನೆ ದೆಕ್ವೊ.

28 ಪೆತ್ರಾ ತ್ಯುನೊನೆ"ಯಕ್ಲೊ ಯೆಹುದಿ ಬಿಜಾ ಮನಕ್ವೊನಾ ಕ್ವಾತೆ ಸಂಬಂಧ ಮ್ಹೊಲ್ಯಾನು ರ್ವವಾದೆ ತ್ಯುನೊನೆ ಮಳಾನು ರ್ವವಾದೆ ಅಪ್ಪಾ ಯೆಹುದಿ ಧರಮಶಾಸ್ತ್ರನಾ ವಿರುದ್ಧ ವ್ವೈ ಕೈನ ತುಮೊನೆ ಗ್ವತ್ತ ಛೆ. ತೆನ್ನೆಸೊ ಕಯಾಬಿ ಮನಕ್ವನೆ ಪವಿತ್ರ ನೈ ರ್ವಯಲ ವ್ವೈ ಕೈನ ಶುದ್ಧ ನೈ ರ್ವಯಲ ವ್ವೈ ಕೈನ ಬಲೊ ನೈ ಕೈನ ಕ್ವದಾ ಮನೆ ದೆಕಾಡಿನ ದಿದ್ಯೊಸ.

29 ತಿನಾಹುತಿ, ಮನೆ ನ್ವ್ಯಾಜೆ ಕೈನ ಬಲಾಯಲ ಮನಕ್ವೊನಾ ಕ್ವಾತೆ ಮಿ ವಾದ-ವಿವಾದ ಕರೈಯೊ ನೈ ತೆನ್ನೆಸೊ ತುಮೆ ಮನೆ ಕಾ ಬಲಾಯಾಸ ಕೈನ ಹಮ್ಮಾ ತುಬಿ ಕವೊ? ಕದ್ಯೊ

30 ತೆಳಾಮಾ ಕೊರ್ನೆಲಿಯ, ತನ್ನ ದಿನ್ನನಾ ಪಾಚೊ, ಮಿ ಮಾರಾ ಘರಮಾ ಪ್ರಾಥನಾ ಕರಾಡೊತೊ. ತೆಳಾಮಾ ದುಪ್ಪಾರನಾ ತನ್ನ ವಾಜ್ಯಾತಾ. ತಿನಾಕ್ವು ತೆ ಯಕ್ವ ಮನಕ್ವ ಮಾರಾ ಕ್ವಾಮೊ ಹುಬ್ರಯೊ. ತೆ

ಫಾಲ್ಗಿದಲ ವಣ್ಣಾ ಘನ್ನಾ ಚಮ್ಕಾಡಾತಾ.

31 ತೆ ಮನಕ್ಕ್ 'ಕೊರ್ನೆಲಿಯ! ಕ್ಹದಾ ತಾರಿ ಪ್ರಾಥನಾ ಐಕ್ಲೊಸ. ತು ಗರಿಬೊನೆ ದಿದಲ ಕ್ಹಾರು ದೆಕ್ಲೊಸ.

32 ತಿನಾಹುತಿ ದಕ್ಹಾ ಮನಕ್ಲೊನೆ ಯೊಪ್ಪ ಗಾಮೆ ವಳ್ಳೆನ ಸಿಮೊನ ಕವಾಲಾ ಪೆತ್ರಾನೆ ಆ ಕೈನ ಮಾಂಗಿಲೆ. ಪೆತ್ರಾ ಚಾಮ್ಕಾನು ಕಾಮ ಕರಾಲಾನಾ ಸಿಮೊಮನ ಕವಾಲಾನಾ ಘರಮಾ ರ್ಹಯೊಸ. ತಿನು ಘರ ಸಮುಂದರನಾ ದಂಡಿಕನ ಟೆ' ಕದ್ಯೊ.

33 ತಿನಾಹುತಿ, ಮಿ ತೆಳಾಮಾಚ್ಚ ತುನೆ ಬಲಾವಾನೆ ಕರ್ರ್ಯೊ ತು ನ್ಹ್ಯಾ ಆಯಲ ಉಪಕಾರ ಥಯ್ತು. ಹಮೊನೆ ತಿಳಸಾ ಕೈನ ಪ್ರಭು ತುನೆ ಆಜ್ಞಾ ಕರಲ ಹರಯಕ್ಕ್ ಐಕಾನೆ ಹಮೆ ಕ್ಹಾರಾ ಕ್ಹದಾನಿ ಸನ್ನಿದಿಮಾ ಮಳ್ಕಾಸ "ಕೈನ ಕದ್ಯೊ.

34 ಪೆತ್ರಾ ಬೊಲಾನು ಶುರು ಕರಿನ ಅಮ್ಮ ಕದ್ಯೊ; "ಕ್ಹದಾನೆ ಕ್ಹಾರಾ ಜನಾ ಯಕ್ವಜ ವ್ಹ್ಯೆ ಕೈನ ಮನೆ ಹಮ್ಮಾ ಕ್ಹರಿಜ ಗ್ವತ್ತ ಥಯ್ತು.

35 ತಿನೆ ಆರಾಧನೆ ಕರಾಲಾ ನಿತಿವಂತ ಕುನ್ನಬಿ ರ್ಹ್ಲಿನಕಾ ತ್ಯುನೊನೆ ಕ್ಹದಾ ಸ್ವಿಕಾರ ಕರಿ ಲಿವಸ. ತೆ ಕೈಜಾತನಾ ಮನಕ್ಲೊವ್ಹ್ಯೆ ಕವಾನು ಖಾಸ ನ್ಹವ್ಹ್ಯೆ.

36 ಕ್ಹದಾ ತಿನು ಸಂದೆಶ ಇಸ್ರಾಯೆಲನಾ ಮನಕ್ಲೊಕನ ಮಕಲ್ಯೊ ಯೆಸು ಕ್ರಿಸ್ತನಾ ಮುಲಕ ಶಾಂತಿ ಐಸ ಕವಾನಿ ಸುವಾರ್ತೆನೆ ಕ್ಹದಾ ತ್ಯುನೊನೆ ವೆಳಾಯೊ. ಯೆಸು ಕ್ಹಾರಾ ಮನಕ್ಲೊನೆ ಪ್ರಭು ಥಯೊಸ!

37 ಯುದೆಯ ಪ್ರಾಂತ್ಯ ಸು ಥಯುಸ ಕವಾನು ತುಮೊನೆ ಗ್ವತ್ತ ಟೆ. ಗಲಿಲಾಯಮಾ ಯೊಹಾನ ಬಾಪ್ತಿಸ್ಮನಾ ಹುತಿ ಮನಕ್ಲೊನೆ ಬೊದನೆ ಕರಲ್ಪರ ತೆ ಶುರು ಥಯ್ತು.

38 ನಜರೆತನಾ ಯೆಸುನಾ ಹುತಿ ತುಮೊನೆ ಗ್ವತ್ತ ಟೆ. ಕ್ಹದಾ ತಿನೆ ಪವಿತ್ರ ಆತ್ಮಾನೆ ತಾಕಾತನೆ ದಿವಾನಾ ಮುಲಕ ತಿನೆ ಅಭಿಶೇಕ ಕರ್ರ್ಯೊ. ತೆ ಕ್ಹಾರಿ ಜಗಾ ಮನಕ್ಲೊನೆ ಚೊಕು ವರಿ ಅರಾಮ ಕರ್ತೊ ಫರ್ರ್ಯೊ ಭುತ್ವಾವೊಕ್ಹು ತ್ರಾಸ ಖಾವಾಲಾವೊನೆ ಯೆಸು ಅರಾಮ ಕರ್ರ್ಯೊ. ಕ್ಹದಾ ಯೆಸುನಾ ಕ್ಹಾತೆ ವ್ಹತ್ತೊ ಕವಾನು ತೆ ದೆಕಾಡಿನ ದಿದ್ಯು.

39 "ಯುದೆಯಾ ಪ್ರಾಂತ್ಯ ವರಿ ಯೆರುಸಲೆಮಮಾ ಯೆಸು ಕರಲ ಕ್ಹಾರಾ ಕಾಮೊ ಅಪೆ ದೆಕ್ಕಾ ತೆ ಕಾಮೊನೆ ಹಮೆ ಸಾಕ್ಷಿಯೊ ಥಯಾಸ. ತೆನ್ನೆಸೊ ಯೆಸುನೆ ಖಲಾಸ ಕರ್ತ್ಯಾ ತ್ಯುನೆ ತಿನೆ ಶಿಲುಬಿ ಪರ ಮಾರ್ಯಾ ವರಿ ತಿಪರ ಚಡಾಯಾ.

40 ತೆನ್ನೆಸೊ, ಕ್ಹುದಾ ತಿನೆ ತನ್ನಾ ದಿನ್ನೆ ಮೌತಮಾತೊ ಜಿವ್ತೊ ಕರಿನ ಉಟಾಡ್ತೊ! ಯೆಸುನೆ ದೆಕಾನೊ ಮೌಕೊ ಕ್ಹುದಾ ದಿದ್ಲೊ.

41 ತೆನ್ನೆಸೊ ಯೆಸು ಕ್ಹಾರಾ ಮನಕ್ಲೊನೆ ದಿಕ್ಲೊ ನೈ. ಕ್ಹುದಾ ಪೈಲಾಚಿ ಸಾಕ್ಷಿ ಥೈನ ಇನಿಲಿದಲ ಮನಕ್ಲೊತಿನೆ ದೆಕ್ಕಾ! ಯೆಸು ಜಿವ್ತೊ ಥೈನ ಉಟಿನ ಆಯಲ್ಪರ ಹಮೆ ತಿನಾ ಕ್ಹಾತೆ ಖಾದ್ಯಾ ವರಿ ಪಿದ್ಯಾ.

42 "ಮನಕ್ಲೊನೆ ಬೊದನೆ ಕರು ಕೈನ ಯೆಸು ಹಮೊನೆ ಅಪ್ಪಣೆ ದಿದ್ಲೊ. ಜಿವ್ತಾ ರ್ಡ್ಡಯಲ ಮನಕ್ಲೊನೆಬಿ ವರಿ ಮರಲ ಮನಕ್ಲೊನೆಬಿ ಕ್ಹುದಾಕ್ಹು ನ್ಯಾಯಾದಿಪತಿ ಥೈನ ಇನಿಲಿದಲ ಮನಕ್ಹ ತೆಚ್ಚಿ ವ್ಹೈ ಕವಾನು ಮನಕ್ಲೊನೆ ತಿಳ್ಸಾವೊ ಕೈನ ತೆ ಹಮೊನೆ ಕದ್ಲೊ.

43 ಯೆಸು ಪರ ಬರೊಕ್ಲೊ ಮೈಲಾಲಾ ಹರಯಕ್ಕನಾ ಪಾವೊ ತಿನಾ ನಾಮನಾ ಮುಲಕ ಮಾಫ ಕರಸ. ಎ ಕ್ಹರಿಚಿ ವ್ಹೈ ಕೈನ ಪ್ರವಾದಿಯೊ ಕದ್ಯಾಸ "ಕದ್ಲೊ.

44 ಪೆತ್ರಾ ಹಚುನ ತಿಮ್ಮ ಕತಾಮಾಚಿ, ತಿನು ಸಂದೆಶ ಐಕಾಲಾವೊನಾ ಉಪ್ಪರ ಪವಿತ್ರ ಆತ್ಮಾ ಉತ್ತಿನ ಆಯೊ.

45 ಪೆತ್ರಾನಾ ಕ್ಹಾತೆ ಆಯಲ ಯೆಹುದಿನಾ ವಿಶ್ವಾಸಿಯೊ ಥಂಡಾ ಥಯಾ. ಯೆಹುದಿ ನೈಸೊ ಮನಕ್ಲೊನೆಬಿ ಪವಿತ್ರ ಆತ್ಮಾನಿ ವರಾ ಉತ್ತಿನ ಆಯಲ ದೆಕಿನ ತ್ಯುನೆ ಘಾಬ್ರಾ ಥಯಾ.

46 ಕಾಕದ್ಯಾಮ ತ್ಯುನೆ ಬಿಜಿ ಬಿಜಿ ಭಾಶಾಮಾ ಬೊಲ್ತಾ ಕ್ಹುದಾನೆ ಸ್ತೊತ್ರಾ ಕರಾನು ತೆ ಯೆಹುದಿನಾ ವಿಶ್ವಾಸಿಯೊ ಐಕ್ಯಾ ಪಾಚಲ್ತೊ ಪೆತ್ರಾ ಬೊಲ್ತೊ.

47 "ಪಾನಿಮಾ ಬಾಪ್ತಿಸ್ಮ ನೈಲಿಯೆ ಲಿಂಗತ ಅಪೆ ಎ ಮನಕ್ಲೊನೆ ಅಡ್ಡ ಕರಾನೆ ಸಾಧ್ಯ ನತ್ತಿ. ಅಪೆ ಹೊಂದಿಲಿದಲ ಲಿಂಗತ ಇವ್ನೆ ಪವಿತ್ರ ಆತ್ಮಾ ಹೊಂದಿಲಿದ್ಯಾ "ಕೈನ,

48 ತಿನಾಹುತಿ ಯೆಸು ಕ್ರಿಸ್ತನಾ ನಾಮಪರ ಬಾಪ್ತಿಸ್ಮ ಕರೈ ಲಿವಾನೆ

ತ್ಯುನೊನೆ ಅಪ್ಪಣೆ ದಿದ್ಲೊ ಪಾಚಾತಾ ತ್ಯುನೆ ತ್ಯುನಾ ಕ್ಹಾತೆ ದಕ್ಹಾ ದಿನ್ನ
ಲಕ್ಹಾ ರ್ಲೊ ಕೈನ ಪೆತ್ರಾ ಕನ ಮಾಂಗಿಲಿದ್ಯಾ

11

1 ಯೆಹುದಿ ನೈಸೊ ವಿಸ್ವಾಸಿಯೊ ಕ್ಹುದಾನಿ ವಾಕ್ಯಾನೆ ಸ್ವಿಕಾರ ಕರ್ಯಾಸ
ಕವಾನು ಅಪೊಸ್ತಲೊನೆ ಯುದೆಯನಾ ವಿಸ್ವಾಸಿಯೊನೆ ಗ್ವತ್ತ ಥಯು.

2 ತೆನೈಸೊ ಪೆತ್ರಾ ಯೆರುಸಲೆಮೆ ಆಯಲ್ಪರ ದಕ್ಹಾ ಯೆಹುದಿನಾ
ವಿಶ್ವಾಸಿಯೊ ಖತ್ನಾ ಕರೈಲ್ಯು ಕೈ ಕವಾಲಾ ತಿನಾ ಕ್ಹಾತೆ ವಾದ ವಿವಾದ
ಕರ್ಯಾ

3 ತ್ಯುನೆ"ಯೆಹುದಿ ನೈಸೊ ರ್ಲಯಲ ವರಿ ಖತ್ನಾ ನೈ ಕರೈ
ಲಿದಲವಾಲಾವೊನಾ ಘರೊನೆ ತು ಗಯೊ! ತು ತ್ಯುನಾ ಕ್ಹಾತೆ ಅನ್ನಬಿ
ಖಾದ್ಲೊ"ಕದ್ಯಾ

4 ತಿನಾಹುತಿ ಪೆತ್ರಾಥಯಲ ಸಂಗತಿಯೊ ಕ್ಹಾರಾ ತ್ಯುನೊನೆ ತಿಳ್ತಾಯೊ.

5 ಪೆತ್ರಾ ತ್ಯುನೊನೆ"ಮಿ ಯೊಪ್ಪ ಗಾಮಮಾ ವ್ಹತ್ತೊ. ಮಿ ಪ್ರಾಥನಾ
ಕರ್ಯಾಮಾ ಮನೆ ಯಕ್ಕ ದರ್ಶನ ಥಯು. ತೆ ದರ್ಶನಮಾ, ಹಬಾಳತು
ಉತ್ತಿನ ಆವಾನು ಯಕ್ಕ ಚಿಞ ದೆಕ್ಕೊ ತೆ ಮ್ಹೊಟೊ ಥಾಳೊ ಲಿಂಗತ ವ್ಹತ್ತು.
ತಿನಾ ಚಾರೆ ಮುಲಾವೊನೆ ರಾಕ್ಲೆ ಭಾಂದಿನ ತೆ ಉತ್ತಿನ ಐನ ಮಾರಾ
ನಜಿಕ ಹುಬ್ಬಯು.

6 ಮಿ ತಿಮಾ ದೆಕ್ಕೊ ತಿಮಾ ಜಾನವರೊ ಖತರ್ನಾಕ ಜಾನವರೊ
ಇಶಾಡಾನಾ ಜಾನವರೊ ಉಡಾನಾ ಪಕ್ಷಿಯೊ ವ್ಹತ್ತಾ.

7 ತೆಳಾಮಾ, 'ಪೆತ್ರಾ, ಉಟ್ಟಿ! ಇಮಾ ರ್ಲಯಲ ಕಿನೆಬಿ ಖಲಾಸ ಕರಿನ
ಖಾ! ಕೈನ ಮನೆ ಕವಾನಿ ಅವಾಞ ಐಕ್ಕೊ.

8 "ತೆನೈಸೊ ಮಿ, 'ಪ್ರಭು, ಮಿ ತಿಮ್ಮನೈಕರಸಕ್ಕೊ! ಪವಿತ್ರನೈರ್ಲಯಲ
ವರಿ ಶುದ್ಧನೈರ್ಲಯಲ ಸುಬಿ ರ್ಲವಾದೆ ಮಿ ಕೆಳಾಮಾಞ ನತ್ತಿ ಖಾದ್ಲೊ'
ಕೈನ ಕದ್ಲೊ.

9 "ತೆನೈಸೊ, 'ಎ ಕ್ಹಾರಾನೆ ಕ್ಹುದಾ ಶುದ್ಧ ಕರ್ಯೊಸ. ಎ ಕ್ಹಾರು ಶುದ್ಧ
ನ್ಹವೈಕೈನ ಕೌ ನಕೊ! ಕೈನ ತೆ ಅವಾಞ ಮನೆ ಜವಾಬ ದಿದ್ಯಾ.

10 "ಇಮ್ಮ ತನ್ನ ಸಲಾ ಥಯು. ಪಾಚಾತು ತೆ ಪುರಾ ಚಿಚ್ಚ ಹಬಾಳೆ ವಾಪಸ ಲಿದ್ತಾ.

11 ತೆಚ್ಚ ಟೈಮಮಾ ಮಿ ರ್ವಯಲ ಘರೆ ತನ್ನ ಜನಾ ಆಯಾ. ಎ ತನ್ನೆ ಜನಾವೊನೆ ಸೆಜರೆಯ ಗಾಮತಾ ವಳಾಯಾತಾ.

12 ಶಕ್ ಕರ್ಯಾಚಿ ತ್ಯುನಾ ಕ್ಹಾತೆ ಜಾ ಕೈನ ಪವಿತ್ರ ಆತ್ಮಾಮನೆ ಕದ್ಯೊ, ನ್ಹ್ಯಾ ರ್ವವಾನಾ ಎ ಛಿ ಜನಾ ಭಾಯೊ ಮಾರಾ ಕ್ಹಾತೆ ಆಯಾ. ಹಮೆ ಕೊರ್ನೆಲಿಯನಾ ಘರೆ ಗಯಾ.

13 ತಿನಾ ಘರಮಾ ಕ್ಹುದಾನು ದುತ ಯಕ್ಲೊ ಹುಬ್ಬಯಲ ತೆ ದೆಕಲ ಕೊರ್ನೆಲಿಯ ಮನೆ ಕದ್ಯೊ ತೆ ಕ್ಹುದಾನೊ ದುತ ಕೊರ್ನೆಲಿಯನೆ, 'ದಕ್ಹಾ ಮನಕ್ಲೊನೆ ಯೊಪ್ಪ ಗಾಮೆ ವಳಾ. ಸಿಮೊನ ಪೆತ್ರಾನೆ ಬಲಾವಾನೆ ಕರಿನ ತುಮೊಕನ ಬಲಾವಾನು ಕರಲೆ.

14 ತೆ ತುಮೊಕನ ಸಂದೆಶ ಲಾವಸ. ತೆ ಸಂದೆಕ್ಹು ತುನೆ ತಾರಾ ಘರವಾಲಾವೊನೆ ರಕ್ಷಣೆ ಕರಸ' ಕೈನ ಕದ್ಯೊ.

15 ಮಿ ಮಾರಿ ಉಪದೆಶ ಶುರು ಕರಲ್ಪರ, ಶುರುವಾತಮಾ ಪವಿತ್ರ ಆತ್ಮಾ ಅಪ್ಪಾ ಉಪ್ಪರ ಆಯಲ ಲಿಂಗತ ತ್ಯುನಾ ಉಪ್ಪರಬಿ ಆಯೊ.

16 ತೆಳಾಮಾ ಮಿ ಪ್ರಭುನಾ ವಾತೊ ಶೆಂ ಕರ್ಯೊ, 'ಯೊಹಾನ ಮನಕ್ಲೊನೆ ಪಾನಿಮಾ ಬಾಪ್ತಿಸ್ಮ ಕರಾಯೊ, ತೆನ್ನೆಸೊ ತುಮೆ ಪವಿತ್ರ ಆತ್ಮಾಮಾ ಬಾಪ್ತಿಸ್ಮ ಲಿವೊಶಿ. ಕೈನ ಪ್ರಭು ಕದ್ಯೊತೊ.

17 ಪ್ರಭು ಥಯಲ ಯೆಸು ಕ್ರಿಸ್ತಮಾ ಬರೊಕ್ಲೊ ಮ್ಹೆಲಲ ಅಪೊನೆ ದಿದಲ ವರಾನೆಚ್ಚ ಕ್ಹುದಾ ಎ ಮನಕ್ಲೊನೆ ದಿದ್ಯೊ ಇಮ್ಮ ರ್ವತಾಮಾ ಮಿ ಕ್ಹುದಾನು ಕಾಮ ಹುಬ್ರಾಡಾನೆ ಸಾಧ್ಯ ನ್ಹೊತು "ಕದ್ಯೊ.

18 ಯಹುದ್ಯ ವಿಶ್ವಾಸಿಯೊ ಎ ಸಂಗತಿಯೊ ಐಕಲ್ಪರ ವಾದ-ವಿವಾದ ಹುಬ್ರಾಡೊ, ಕ್ಹುದಾನೆ ಸ್ತುತಿ ಕರ್ತಾ"ತಿಮ್ಮ ರ್ವಯಮ ಅಪ್ಪಾ ಲಿಂಗತಚ್ಚ ತ್ಯುನಾ ಮನಸೊ ಫರೈಲಿನ ಜಲಮ ಹೊಂದಿಲಿವಾನೆ ಕ್ಹುದಾ ಯೆಹುದಿ ನೈ ರ್ವಯಲವಾಲಾವೊನೆ ಮೌಕೊ ದಿದ್ಯೊಸ "ಕದ್ಯೊ.

19 ಸ್ತೆಫನನೆ ಖಲಾಸ ಕರಲ್ಪರ ಥಯಲ ತ್ರಾಸಕ್ಹು ವಿಶ್ವಾಸಿಯೊ ದುರ ದುರ ಥಯಾ. ವಿಶ್ವಾಸಿಯೊಮಾ ದಕ್ಹಾ ಜನಾ ಘನ್ಹಾ ದುರ ರ್ವಯಲ ಫೆನಿಶ್ಯ, ಸೈಪ್ರಸ್ ವರಿ ಅಂತಿಯೊಕ್ಹನೆ ಗಯಾ.

ವಿಶ್ವಾಸಿಯೊ ಎ ಜಗಾವೊಮಾ ಸುವಾರ್ತೆ ತಿಳಸಾಯಾ. ತೆನ್ನೆಸೊ ತ್ಯಾನೆ ಯೆಹುದಿಯೊನೆಚ್ಚ ತಿಳಸಾಯಾ.

20 ಎ ವಿಶ್ವಾಸಿಯೊಮಾ ದಕ್ಷಾಜನಾ ಸೈಪ್ರನ್ ವರಿ ಸಿರೆನ್ ಜಗಾವಾಲಾ ವ್ಹತ್ತಾ. ಎ ಮನಕ್ಲೊ ಅಂತಿಯೊಕ್ಕನೆ ಆಯಲ್ಪರ ತ್ಯಾನೆ, ಪ್ರಭು ಥಯಲ ಯೆಸುನಿ ವಿಷಯಮಾ ರ್ಹಯಲ ಸುವಾರ್ತೆ ತ್ಯಾನಾ ಗ್ರಿಕ ಮನಕ್ಲೊನೆಬಿ ತಿಳಸಾಯಾ.

21 ಪ್ರಭು ವಿಶ್ವಾಸಿಯೊನೆ ಮದತ ಕರಾಡೊತೊ. ಮನಕ್ಲೊ ಘನ್ನಾ ಸಂಖ್ಯೆಮಾ ಪ್ರಭುನೆ ಬರೊಕ್ಲೊ ಕರಿನ ಚಾಲಾನು ಶುರು ಕರ್ಯ್.

22 ಅಂತಿಯೊಕ್ಕಮಾ ರ್ಹಯಲ ಎ ನವಾ ವಿಶ್ವಾಸಿಯೊನಾ ಹುತಿ ಯೆರುಸಲೆಮನೆ ಸಬೆವಾಲಾವೊನೆ ಗ್ವತ್ತ ಥಯು. ತಿನಾಹುತಿ ಜೆರುಸಲೆಮನಾ ವಿಶ್ವಾಸಿಯೊ ಬಾರ್ನಬನೆ ಅಂತಿಯೊಕ್ಕನೆ ವಳಾಯಾ.

23 ಬಾರ್ನಬ ಚೊಕೊ ಮನಕ್ಲ ವ್ಹತ್ತೊ. ತೆ ಪವಿತ್ರ ಆತ್ಮಾಕ್ಲು ಭರಲ ವ್ಹತ್ತೊ ವರಿ ಪುರಾ ಬರೊಕ್ಲೊ ರ್ಹಯಲವಾಲೊ ವ್ಹತ್ತೊ. ಬಾರ್ನಬ ಅಂತಿಯೊಕ್ಕನೆ ಗಯಲ್ಪರ, ಕ್ಲುದಾ ತೆ ಮನಕ್ಲೊನೆ ಘನ್ನೊ ಆಶಿರ್ವಾದ ಕರಾನು ದೆಕ್ಲೊ ಇಕ್ಲು ಬಾರ್ಬನನೆ ಘನ್ನಿ ಖುಶಿ ಥಯು. ಅಂತಿಯೊಕ್ಕಮಾ ರ್ಹವಾಲಾ ವಿಶ್ವಾಸಿಯೊನೆ ಕ್ಲಾರಾ ತೆ ಪ್ರೊತ್ಸಾಹ ಕರ್ಯ್.

24 ತೆ ಚೊಕೊ ವ್ಹೈ ಪವಿತ್ರ ಆತ್ಮಾಕ್ಲು ಭರಲವಾಲೊ ವರಿ ಬರೊಕ್ಲಾಕ್ಲು ಭರಲವಾಲೊ ವ್ಹತ್ತೊ. ತಿನಾಹುತಿ ತ್ಯಾ ಏನ ಕ್ಲುದಾನು ಕೃಪಾನಾ ಕಾಮೊ ದೆಕ್ತಾಮಾ ಘನ್ನೊ ಖುಶಿ ಥಯೊ. ತುಮೆ ಘಟ್ಟ ಮನಸಕ್ಲು ಕರ್ತಾಮಾ ಹುಬ್ರೊ ಕೈನ ತ್ಯಾನೊನೆ ಗ್ಯಾನ ಕದ್ಯೊ.

25 ಪಾಚಲ್ತೊ ಬಾರ್ನಬ ಸೌಲಾನೆ ಹುಡಕ್ಲೊ ತಾರ್ಸ ಗಾಮೆ ಗಯೊ.

26 ಬಾರ್ನಬ ತ್ಯಾ ಸೌಲಾನೆ ಮಳಿನ ತಿನೆ ಅಂತಿಯೊಕ್ಕನೆ ಬಲೈಲಿನ ಗಯೊ. ಸೌಲಾ ವರಿ ಬಾರ್ನಬ ಅಂತಿಯೊಕ್ಕಮಾ ಯಕ್ಕ ವರಕ್ ಪುರಾ ಸಭೆನಾ ಅನ್ಯನ್ಯತೆಮಾ ರ್ಹಯಲ ಘನ್ನಾ ಮನಕ್ಲೊನೆ ಬೊದನೆ ಕರ್ಯ್. ಯೆಸುನಾ ಹಿಂಬಾಲಕೊನೆ "ಕ್ರೈಸ್ತರೊ" ಕವಾನು ನಾಮ ಆಯಲ ಅಂತಿಯೊಕ್ಕಮಾಚ್ಚ ವ್ಹೈ.

27 ತೆ ಕಾಲಮಾ ದಕ್ಖಾ ಪ್ರವಾದಿಯೊ ಯೆರುಸಲೆಮತಾ ಅಂತಿಯೊಕ್ಕನೆ ಗಯಾ.

28 ಎ ಪ್ರವಾದಿಯೊಮಾ "ಅಗಬ "ಕವಾಲೊ ಯಕ್ಲೊ ವ್ಹತ್ತೊ. ಅಗಬ ಅಂತಿಯೊಕ್ಕಮಾ ಪವಿತ್ರ ಆತ್ಮಾನಿ ಪ್ರೆರಣೆಕ್ಲು"ಪುರಾ ದುನಿಯಾನೆ ಮೊಟ್ಟಿ ಬರಾ ಆವಾನಿ ಛಿ "ಕದ್ಯೊ ಎ ಬರಗಾಲ ಕ್ಲಾಡಿಯಸ್ ಚಕ್ರವತಿನಾ ಕಾಲಮಾ ಐಯುತು.

29 ಯುದೆಯಮಾ ರ್ಡುವಾನಾ ಭಾಯೊ ಭಿನೊನೆ ಮದತ ಕರಾನೆ ವಿಶ್ವಾಸಿಯೊ ನಿರ್ಧಾರ ಕರ್ಯಾ ವಿಶ್ವಾಸಿಯೊಮಾ ಹರಯಕ್ಲಾ ತ್ಯುನೊನೆ ಥಯಲ ತೆಕ್ಲು ತ್ಯುನೊನೆ ವಳ್ಳೆನ ದಿವಾನೆ ವಿಚಾರ ಕರ್ಯಾ.

30 ತ್ಯುನೆ ದೊಕ್ಖಾ ಮಳ್ಳೆನ ಬಾರ್ನಬ ವರಿ ಸೌಲಾನೆ ದಿದ್ಯಾ ಪಾಚಾತಾ ಬಾರ್ನಬ ವರಿ ಸೌಲಾ ತಿನೆ ಲೈನ ಯುದೆಯಮಾ ರ್ಡಯಲ ಸಭೆನಾ. ಮೊಟ್ಟಾವೊನೆ ದಿದ್ಯಾ.

12

1 ತೆ ಕಾಲಮಾ ರಾಜೊ ಹೆರೊದ ಸಭೆವಾಲಾವೊಮಾ ದಕ್ಖಾ ಜನಾವೊನೆ ತ್ರಾಸ ಕರಾನೆ ಶುರು ಕರಯ್ಲೊ.

2 ಯೊಹಾನನಾ ಭೈನೆ ಯಾಕೊಬನೆ ತಲ್ವಾರಕ್ಲು ಖಲಾಸ ಕರಾ ಲಗಾಡ್ಯೊ ಯಾಕೊಬ ಯೊಹಾನನೊ ಮೊಟ್ಟೊ ಭೈವ್ಹೊ.

3 ಯೆಹುದಿಯೊ ಅನೆ ಮೆಚ್ಚಿ ಲಿದ್ಯಾಸ ಕವಾನು ಹೆರೊದನೆ ಗ್ವತ್ತ ಥಯು. ತಿನಾಹುತಿ ತೆ ಪೆತ್ರಾನೆ ಧರಿನ ಎ ಥಯಲ ಯೆಹುದಿಯೊನಾ ಪಸ್ಕ ಸನ್ನನಾ ಕಾಲಮಾ ಜೈಲಮಾ ಫಾಲಾ ಲಗಾಡ್ಯೊ.

4 ಕೊಳಾ ಜನಾ ಸಿಪಾಯೊ ಪೆತ್ರಾನೆ ಕೈದಾಡಾತಾ. ಪಸ್ಕ ಸನ್ನನು ಕಾಲ ಕ್ಕರಲ ಪರ ಪೆತ್ರಾನೆ ಮನಕ್ಲೊನಾ ಕ್ವಾಮಾ ಹುಬ್ರಾಡು ಕೈನ ವ್ಹತ್ತೊ.

5 ಇಮ್ಮ ಪೆತ್ರಾ ಜೈಲಮಾ ರ್ಡತಾಮಾ ಸಭೆವಾಲಾ ತಿನಾಹುತಿ ಮನಸೆ ಕ್ಕುದಾನೆ ಪ್ರಾಥನಾ ಕರಾಡಾತಾ.

6 ಪೆತ್ರಾ ಬೆ ಸೈನಿಕೊನಾ ವಚ್ಚಾ ನಿಂದರ ಕರಾಡೊತೊ. ತಿನೆ ಬೆ ಕಾಕ್ಹೆಕ್ಲು ಭಾಂದ್ಯಾತಾ. ಘನ್ನಾ ಸೈನಿಕೊ ಜೈಲನಾ ಬಾಕಲ ಕನ ಕೈದಾಡಾತಾ. ತೆಳಾಮಾ ರಾತ ಧೈತಿ. ಮರ್ನಾ ದಿನ್ನೆ ಪೆತ್ರಾನೆ ಮನಕ್ಲೊನಾ

ಕ್ವಾಮಾ ಲೌ ಕೈನ ಹೆರೊದ ವಿಚಾರ ಕರಯ್ತೊ. ⁷ ಅಚಾನಕ ಪ್ರಭುನೊ ದುತ ಯಕ್ಲೊತ್ಯಾ ಹುಬ್ರಯೊ. ಉಜಾಲು ಖೊಲಿಮಾ ದಿಕ್ಪ್ಪು ಕ್ವದಾನು ದುತ ಪೆತ್ರಾನಿ ಪಾಕ್ಲಳಿನೆ ಧರಿನ ತಿನೆ ಉಟಾಡಿನ "ಭರ್ನೆ ಉಟ್ಟ" ಕದ್ಯೊ ತೆಳಾಮಾಜ್ಜ ಕಾಕ್ಲಳಿಯೊ ಪೆತ್ರಾನಾ ಹತೊಮಾತಾ ತುಟಿನ ಪಡ್ಯಾ.

⁸ ಕ್ವದಾನೊ ದುತ ಪೆತ್ರಾನೆ "ವಣ್ಣಾ ಫಾಲ್ಲೆ, ಪಗೊಮಾನಿಯೊ ಫಾಲ್ಲೆ "ಕದ್ಯೊ ತಿನಾ ಲಿಂಗತಜ್ಜ ಪೆತ್ರಾ ಕರಯ್ತೊ ಪಾಚಲ್ಲೊ ಕ್ವದಾನೊ ದುತ"ತಾರು ಉಪ್ಪಲ್ಯು ಅಂಗ್ತು ಭಾಂದಿಲಿನ ಮಾರಾ ಪಾಚೊ ಆ" ಕದ್ಯೊ.

⁹ ಕ್ವದಾನೊ ದುತ ಭಾರೊ ಗಯೊ. ಪೆತ್ರಾ ತಿನಾ ಪಾಚೊ ಗಯೊ. ಕ್ವದಾನೊ ದುತ ಕ್ವರಿಮಾಜ್ಜ ಇಮ್ಮ ಕರಾಡ್ಯೊಸ ಕವಾನು ಪೆತ್ರಾನೆ ಗ್ವತ್ತ ನ್ಹೊತ್ತು. ತೆ ಕ್ವಪನ ದೆಕಾಡೊ ವಸೆ ಕೈನ ತೆ ತಿಳ್ವಲಿದ್ಯೊತೊ.

¹⁰ ಪೆತ್ರಾ ವರಿ ಕ್ವದಾನೊ ದುತ ಪಸ್ವನು ವರಿ ಬೆವಾನು ಕೈದಾನಿ ಜಗಾ ದಾಟ್ತ್ಯಾ ಪಾಚಾತಾ ತ್ಯುನೆ ತ್ಯುನೊನೆ ಗಾಮ ಕನ ಲಿನ ಜಾವಾನಾ ಲ್ಲೊಡಾನಾ ಬಾಕಲೆ ಆಯಾ. ತೆ ಬಾಕಲ ತ್ಯುನೊನೆ ತಿನಾಕ್ತು ತಿಜ್ಜ ಕಡೈಯು. ಪೆತ್ರಾ ವರಿ ತೆ ಕ್ವದಾನೊ ದುತ ತೆ ಬಾಕಲನಾ ಮುಲಕ ಭಾರಾ ಐನ ಯಕ್ಕ ಒಣಿ ದಾಟ್ತ್ಯಾ ತೆಳಾಮಾ ಅಚಾನಕ ತೆ ಕ್ವದಾನೊ ದುತ ತಿನೆ ಫೊಡಿನ ಗಯೊ.

¹¹ ಧಯಲ ಸಂಗತಿ ತೆಳಾಮಾ ತಿಳ್ವಲಿದಲ ಪೆತ್ರಾ "ಪ್ರಭು ಮಕನ ತಿನಾ ದುತನೆ ಕ್ವರಿಮಾಜ್ಜ ವಳಾಯೊ ಕೈನ ಹಮ್ಮಾ ಮನೆ ಗ್ವತ್ತ ಧಯು. ತೆ ಮನೆ ಹೆರೊದನಾ ಹತ್ತಾತೊ ಪಾರ ಕರಯ್ತೊ ಮನೆ ಸುಬಿ ಥಾವಸ ಕೈನ ಯೆಹುದಿವಾಲಾ ವಿಚಾರ ಕರಯ್ತಾ. ತೆನ್ನೆಸೊ ಪ್ರಭು ಮನೆ ತೆ ತ್ರಾಸಕ್ತು ವಚಾಡ್ಯೊ"ಕೈನ ಕೈಲಿದ್ಯೊ.

¹² ಪಾಚಲ್ಲೊ ಪೆತ್ರಾ ಮರಿಯಳನಾ ಘರೆ ಗಯೊ. ತೆ ಯೊಹಾನನಿ ಯಾ ವ್ಹೆ ಯೊಹಾನನೆ ಮಾರ್ಕ ಕೈನ ಬಲಾತಾತಾ. ಘನ್ನಾ ಮನಕ್ಲೊ ತ್ಯಾಮಳ್ಳಾ ತ್ಯುನೆ ಕ್ವಾರಾ ಪ್ರಾಥನಾ ಕರಾಡಾತಾ.

¹³ ಪೆತ್ರಾ ಭಾಲ್ಯು ಬಾಕಲ ವಚಾಡ್ಯೊ ಕುನ ವ್ಹೆ ಕೈನ ಪುಚ್ಚಾನೆ ರೊದೆ ಕವಾನಿ ಸೆವಕಿ ಐ.

14 ರೊದ ಪೆತ್ರಾನಿ ಅವಾಜ್ ವಳಕಿ. ತಿನೆ ಘನ್ನಿ ಖುಶಿ ಥೈ. ಬಾಕಲ ಕಾಡಾನು ತೆ ಇಕ್ಲರಿನ, ಘರೆ ಆಯಲ ಮನಕ್ಲೊಕನ ನ್ಹಾಟಿನ ಗೈನ "ಪೆತ್ರಾ ಬಾಕಲ ಕನ ಹುಬ್ರಯೊಸ" ಕದಿ.

15 ತೆ ವಿಶ್ವಾಸಿಯೊ ತಿನೆ ತುನೆ ಪಿಸಾಳು ಲಾಗ್ತಾಸ! ಕದ್ಯಾ ತೆನ್ನೆಸೊ ತೆ ಕವಾನು ಕ್ಲರಿಜ್ ವ್ಹೈ ಕೈನ ಕದಿ. ತಿನಾಹುತಿ ತ್ಯುನೆ"ತೆ ಪೆತ್ರಾನೊ ದುತ ರ್ಲಾ"ಕೈನ ಕದ್ಯಾ

16 ತೆನ್ನೆಸೊ ಪೆತ್ರಾ ಬಾಕಲ ವಜಾಡತೊಜ್ ವ್ಹತ್ತೊ. ತೆ ವಿಶ್ವಾಸಿಯೊ ಬಾಕಲ ಕಾಡಲ ಪರ ತ್ಯುನೆ ಪೆತ್ರಾನೆ ದೆಕಿನ ಘಾಬ್ರಾ ಥಯಾ.

17 ಪೆತ್ರಾ ತ್ಯುನೊನೆ ಗಪ್ಪ ರ್ಲಾ ಕೈನ ಇಶಾರೊ ಕರ್ರೊ. ಪ್ರಭು ತಿನೆ ಜೈಲಮಾತೊ ಛೊಡಾಯಲ ತರಿಕಾನೆ ತೆ ತ್ಯುನೊನೆ ಕೈನ "ಯಾಕೊಬನೆಬಿ ವರಿ ಭಾಯೊನೆಬಿ ಎ ಸಂಗತಿ ಕವೊ" ಕೈನ ಕದ್ಯೊ ಪಾಚಲ್ಲೊ ಪೆತ್ರಾ ಬಿಜೆಕ್ ಜಗಾನೆ ತ್ಯಾಂತೊ ಗಯೊ.

18 ಮರ್ನಾ ದಿನ್ನೆ ಪೆತ್ರಾ ಸು ಥಯೊ ಕೈನ ಸೈನಿಕೊನಾ ವಚ್ಚಾ ಮ್ಹೊಟಿ ಗದ್ದಲ ಉಟಿತಿ.

19 ಹೆರೊದ ಕ್ಲಾರಿ ಜಗಾ ಹುಡಕಿತಬಿ ಪೆತ್ರಾ ಮಳ್ಳೊ ನೈ. ತಿನಾಹುತಿ ಹೆರೊದ ಕೈದಾಲಾವೊನೆ ಪುಚ್ಚಿನ ತ್ಯುನೊನೆ ಖಲಾಸ ಕರಾನಿ ಶಿಕ್ಷಾ ದಿವಸ.. ಪಾಚಲ್ಲೊ ಹೆರೊದ ಯುದೆಯತೊ ಸೆಜರೆಯ ಗಾಮೆ ಐನ ತ್ಯಾಜ್ ದಕ್ಲಾದಿನ್ನ ವ್ಹತ್ತೊ.

20 ಟೈರ ವರಿ ಸಿದೊನ ಗಾಮೊಮಾ ಮನಕ್ಲೊನಾ ಉಪ್ಪರ ಹೆರೊದ ಘನ್ನೊ ಶಿಟ್ಟ ಥಯೊತೊ. ತೆ ಮನಕ್ಲೊ ಕ್ಲಾರಾ ಹೆರೊದನೆ ಮಳಾನೆ ಕ್ಲಾರಾ ಜನಾ ಮಳಿನ ಗಯಾ. ತ್ಯುನೆ ಬ್ಲಾಸ್ತನ ತ್ಯುನೊಕನ ವಲಸಿ ಲಿದ್ಯಾ. ಬ್ಲಾಸ್ತನ ರಾಜಾನೊ ಖಾಸ ಸೆವಕ ವ್ಹತ್ತೊ. ತೆ ಮನಕ್ಲೊ ತ್ಯುನಾ ಕ್ಲಾತೆ ಶಾಂತಿ ಸಮಾಧಾನ ಕರಿಲ್ಯಾ ಕೈನ ಹೆರೊದನೆ ಮಾಂಗಿಲಿದ್ಯಾ. ಕಾಕದ್ಯಾಮ ತ್ಯುನಾ ಗಾಮೆ ಹೆರೊದ ಗಾಮತೊ ಆಹಾರ ಮಂಗೈಲಿವಾನೊ ವ್ಹತ್ತೊ.

21 ತ್ಯುನೊನೆ ಮಳಾನಾ ಹುತಿ ಹೆರೊದ ಯಕ್ಲ ದಿನ್ನೆ ಸೊಚಿನ ಮ್ಹೊಲ್ಯೊ ತೆ ದಿನ್ನೆ ಹೆರೊದ ಸುಂದರ ರ್ಲಾಯಲ ರಾಜವಸ್ತ್ರ ಘಾಲ್ಗಿದ್ಯೊತೊ. ತೆ ತಿನಿ ಸಿಂಹಾಸನನಾ ಉಪ್ಪರ ಬೆಟಿನ ಮನಕ್ಲೊನೆ ಶಿಕ್ಲಾಯೊ.

22 ತೆ ಮನಕ್ಲೊ"ಎ ಆವಾಜ್ ಮನಕ್ಲನಿ ನ್ಹವ್ಣೆ, ಕ್ಲುದಾನಿಜ್ ವ್ಹೆ" ಕೈನ ಅಡ್ವಾಝ್

23 ಹೆರೊದ ಎ ಹೊಗಳಿಕೆ ತೆಜ್ ಸ್ವಿಕಾರ ಕರಿಲಿದ್ಲೊ, ಕ್ಲುದಾನೆ ಮಹಿಮೆ ಕರೊನ್ಯೆ. ತಿನಾಹುತಿ ತೆಜ್ ಕ್ಷಣಮಾ, ಪ್ರಭುನೊ ಯಕ್ಕ್ ದುತ ತಿನೆ ರೊಗ ಲಾಯೊ. ತಿನಾ ಅಂಗನಾ ಮ್ಹೊನಾ ಭಾಗನೆ ಕಿಡಾ ಖಾದಲಕ್ಲು ತೆ ಮರಿ ಗಯೊ.

24 ಕ್ಲುದಾನಿ ಸಂದೆಶ ಪೈಲಾಡಿತಿ ವರಿ ಘನ್ನಾ ಘನ್ನಾ ಮನಕ್ಲೊನಾ ಉಪ್ಪರ ಪ್ರಭಾವ ಪಡಾಡುತು. ಇಕ್ಲು ವಿಶ್ವಾಸಿಯೊನು ಸಮುದಾಯ ಮ್ಹೊಟು ಥಾವಾನು ಶುರು ಥಯು.

25 ಬಾರ್ನಬ ವರಿ ಸೌಲಾ ಯೆರುಸಲೆಮಮಾ ತ್ಯನು ಕಾಮ ಕ್ಲರಾಯಲಪರ ಅಂತಿಯೊಕ್ಕನೆ ಫರಿನ ಗಯಾ. ಮಾರ್ಕ್ ಕವಾಲೊ ಯೊಹಾನ ತ್ಯನಾ ಕ್ಲಾತೆ ವ್ಹತ್ತೊ.

13

1 ಅಂತಿಯೊಕ್ಕನಾ ಸಭೆಮಾ ದಕ್ಲಾ ಪ್ರವಾದಿಯೊ ವರಿ ಉಪದೆಶ ಕರಾಲಾ ವ್ಹತ್ತಾ. ತ್ಯನೆ ಕುನ್ ವ್ಹೆ ಕದ್ಯಾಮ; ಬಾರ್ನಬ, ಸಿಮೆಯೊನ್ ಇನೆ ನಿಗರ ಕೈನಬಿ ಬಲಾತಾತಾ. ಲುಸಿಯಸ್ ಸಿರೆನ ಗಾಮ ವಾಲೊ ವ್ಹೆ ಮೆನಹೆನ ಹೆರೊದ ರಾಜಾನಾ ಕ್ಲಾತೆ ಬೆಳದಲವಾಲೊ ವರಿ ಸೌಲಾ ವ್ಹೆ.

2 ಇವ್ನೆ ಕ್ಲಾರಾ ಪ್ರಭುನಿ ಸೆವೆ ಕರಾಡಾತಾ ವರಿ ಉಪಾಸ ಕರಾಡಾತಾ. ಪವಿತ್ರ ಆತ್ಮಾತ್ಯನೊನೆ"ಮಿ ಖಾಸ ರ್ಹಿಯಲ ಕಾಮೊನಾ ಹುತಿ ಬಾರ್ನಬ ವರಿ ಸೌಲಾನೆ ಇನಿಲಿದ್ಲೊ. ತೆ ಕಾಮೊನಾ ಹುತಿ ತ್ಯನೊನೆ ಪ್ರೊತ್ಸಾಹ ಕರೊ "ಕೈನ ಕದ್ಯೊ.

3 ತಿನಾಹುತಿ ಸಭೆವಾಲಾ ಉಪಾಸ ರ್ಹಿಯನ ಪ್ರಾಥನಾ ಕರ್ಲ್ಯಾ ತ್ಯನೆ ಬಾರ್ನಬ ವರಿ ಸೌಲಾನಾ ಉಪ್ಪರ ಹಸ್ತಾರ್ಪಣೆ ಕರಿನ ತ್ಯನೊನೆ ವಳ್ಳೆನ ದಿದ್ಯಾ.

4 ಬಾರ್ನಬ ವರಿ ಸೌಲಾನೆ ಪವಿತ್ರ ಆತ್ಮಾಜ್ ವಳ್ಳೆನ ದಿದ್ಲೊ. ತ್ಯನೆ ಸೆಲುಸಿಯಾ ಗಾಮೆ ಗಯಾ. ಪಾಚಾತಾ ತ್ಯನೆ ಸೆಲುಸಿಯಾತಾ ಸೈಪ್ರಸ್ ದ್ವಿಪೆ ಹಡಗಾಮಾ ಪ್ರಯಾಣ ಕರ್ಲ್ಯಾ.

5 ಬಾರ್ನಬ ವರಿ ಸೌಲಾ ಸಲಾಮಿಸ ಗಾಮೆ ಆಯಲ್ವರ ಯೆಹುದಿನಾ ಸಭಾ ಮಂದಿರಮಾ ಕ್ಕುದಾನಿ ಸಂದೆಶ ಕದ್ಯಾ. ಮಾರ್ಕ ಕವೈಲಿವಾಲೊ ಯೊಹಾನ ಮದತ ಕರಾನಾ ಹುತಿ ತ್ಯನಾ ಕ್ಹಾತೆ ವ್ಹತ್ತೊ.

6 ತ್ಯನೆ ತೆ ದ್ವಿಪಮಾ ಪ್ರಯಾಣ ಕರ್ತಾ ಪಾಪೊಸ್ ಕವಾನಾ ಗಾಮೆ ಗಯಾ. ಮಂತ್ರ ತಂತ್ರ ಕರಾಲಾ ಯಕ್ಕ ಯೆಹುದಿವಾಲಾನೆ ತ್ಯನೆ ಪಾಪೊಸಿಮಾ ದೆಕ್ಯಾ. ತಿನು ನಾಮ "ಬಾರ್ ಯೆಸು" ತೆ ಯಕ್ಕ ಸುಳ್ಳೆ ಪ್ರವಾದಿ ವ್ಹೆ.

7 ಸೆರ್ಗ್ಯೆ ಪೌಲಾ ರಾಜ್ಯಪಾಲನಾ ನಜಿಕಜ್ಜ ತೆ ಕೆಳಾಮಾಬಿ ರ್ಹತ್ತೊತೊ. ಸೆರ್ಗ್ಯೆಪೌಲಾ ಗ್ಯಾನಿ ವ್ಹತ್ತೊ. ತ್ಯನೆ ಕ್ಕುದಾನಿ ವಾಕ್ಯಾನೆ ಐಕಾನೆ ಬಾರ್ನಬ ವರಿ ಸೌಲಾನೆ ಬಲಾವಾನೆ ಕರ್ಯೊ.

8 ತೆನೈಸೊ ಮಾಟಾ ಮಂತ್ರಾ ಕರಾಲೊ ರ್ಹಯಲ ಎಲಿಮ ಬಾರ್ನಬ ವರಿ ಸೌಲಾನೆ ವಿರುದ್ಧ ವ್ಹತ್ತೊ. ಗ್ರಿಕ ಭಾಶಾಮಾ ಎಲಿಮ ಕೈನ ಬಲಾತಾತಾ. ರಾಜ್ಯಪಾಲ ಯೆಸುಪರ ಬರೊಕ್ಕೊ ನೈ ಮ್ಹೆಲೆ ಲಿಂಗತ ಕರಾನೆ ಎಲಿಮ ಕೊಶಿಶ ಕರಾಡೊತೊ.

9 ತೆನೈಸೊ ಪೌಲಾ ಸೌಲಾನು ವರಿಯಕ್ಕ ನಾಮ ಪೌಲಾ ವ್ಹೆ. ಪವಿತ್ರ ಆತ್ಮಾಕ್ಹು ಭರ್ಯೊ ಪೌಲಾ ಎಲಿಮನೆ ಡೊಳಾ ಫಾಡಿನ ದೆಕಿನ,

10 ತಿನೆ, ತು ಸೈತಾನನೊ ದಿಕ್ಲೊವ್ಹೆ! ಹರಯಕ್ಕ ಚೊಕಾನೆ ತು ದುಶ್ಮನ ವ್ಹೆ! ತು ಕೆಟ್ಟ ತಂತ್ರೊಕ್ಹು ಸುಳ್ಳೆಕ್ಹು ಭರಲ ಛಿ. ಪ್ರಭುನಿ ಸತ್ಯನೆ ಸುಳ್ಳೆ ಕೈನ ಬದಲಾನೆ ತು ಕೊಶಿಶ ಕರಾಡೊಸ!

11 ಐಕ, ಪ್ರಭುನೊ ಹತ್ತ ತಾರಾ ವಿರುದ್ಧ ಉಚಾಯೊಸ.. ತು ಕುಡ್ಲೊ ಥೈನ ದಕ್ಖಿಯೆಳ ಸುಜ್ಜ ದೆಕ್ಲೊನೈ; ಸುರ್ಯಾನು ಉಜಾಲುಬಿ ನೈದೆಕ ಸಕ್ಲೊ "ಕದ್ಯೊ ತೆಳಾಮಾ ಎಲಿಮನೆ ಕ್ಹಾರು ಅಂದಾರು ಥಯು. ತಿನೆ ಕುನ್ನತಬಿ ಹತ್ತ ಧರಿನ ಚಲಾವೊ ಕೈನ ತೆ ಕಾಪ್ಲೊ ಸುತ್ತೆ ಚಾಲ್ಯೊ.

12 ಇನೆ ದೆಕಲ ರಾಜ್ಯಪಾಲ ಪ್ರಭುನೆ ಬರೊಕ್ಕೊ ಕರ್ಯೊ. ಪ್ರಭುನಿ ವಿಶಯ ಥಯಲ ಉಪದೆಶ ಐಕಿನ ಫಾಬ್ರೊ ಥಯೊ.

13 ಪೌಲಾ ವರಿ ತಿನಾ ಕ್ಹಾತೆ ರ್ಹಯಲವಾಲಾ ಪಾಪೊಸಿನತಾ ನೌಕಾಯಾನ ಕರ್ಯೊ. ಪಾಂಫಿಲಿನಾ ಪ್ರಾಂತ್ಯಮಾ ರ್ಹಯಲ ಪೆರ್ಗ

ಕವಾನಾ ಗಾಮೆ ತ್ಯುನೆ ಆಯಾ. ತೆನ್ನೆಸೊ ಮಾರ್ಕ ಕವೈಲಿವಾಲೊ ಯೊಹಾನ ತ್ಯುನೊನೆ ಛೊಡಿನ ಯೆರುಸಲೆಮೆ ಫರಿನ ಗಯೊ.

14 ತ್ಯುನೆ ತ್ಯುನು ಪ್ರಯಾಣ ಪೆರ್ಗತಾ ಅಗಾ ಬಡ್ಡೆನ, ಪಿಸಿದಿ ಗಾಮನಿ ರ್ಹಯಲ ಅಂತಿಯೊಕ್ಕನೆ ಗಯಾ. ತ್ಯುನೆ ಅಂತಿಯೊಕ್ಕನೆ ಸಬ್ಬತ ದಿನ್ನೆ ಯೆಹುದಿನಾ ಸಭಾ ಮಂದಿರಮಾ ಗೈನ ಬೆಟ್ತ್ಯಾ.

15 ಮೊಶೆನಾ ಧರಮಶಾಸ್ತ್ರ ವರಿ ಪ್ರವಾದಿಯೊನಾ ಗ್ರಂಥೊ ಒದ್ವ್ಯಾ ಪಾಚ್ಚಾತಾ ಸಭಾ ಮಂದಿರನಾ ನಾಯಕೊ ಪೌಲಾ ಬಾರ್ನಬನೆ, ಭಾಯೊ, ನ್ಹಾಯ್ ರ್ಹವಾನಾ ಮನಕ್ಪೊನೆ ಮದತ ಥಯೆ ಲಿಂಗತ ಸು ತುಬಿ ತುಮೆ ಕವಾನು ರ್ಹಯಮ ಕವೊ "ಕವಾನು ಸಂದೆಶ ವಳಾಯಾ.

16 ಪೌಲಾ ಉಟಿನ ಹುಬ್ಬೈನ ತಿನಾ ವಾತೊ ಐಕು ಕೈನ ಮನಕ್ಪೊನೆ ಹತೆ ಇಶಾರೊ ಕರಿನ ಅಮ್ಮ ಕದ್ಲೊ: "ಮಾರಾ ಯೆಹುದಿನಾ ಭಾಯೊ, ಕ್ಹರಿನಾ ಕ್ಹುದಾನೆ ಆರಾಧನಾ ಕರಾಲಾ ಬಿಜಾ ಮನಕ್ಪೊ ಮಿ ಕವಾನು ಐಕೊ!

17 ಇಸ್ರಾಯೆಲನೊ ಕ್ಹುದಾ ಅಪ್ಪಾ ಪಿತ್ಯವೊನೆ ಇನಿಲಿದ್ಲೊ. ಇಜಿಪ್ತಮಾ ಪ್ರವಾಸಿಯೊ ಥೈನ ರ್ಹವಾಲಾ ತಿನಾ ಮನಕ್ಪೊನೆ ಕ್ಹುದಾ ಮದತ ಕರಿನ ಅಭಿವೃದ್ಧಿ ಕರಲ್ಯೊ ಕ್ಹುದಾ ತಿನಿ ಮ್ಹೊಟಿ ತಾಕತ ಕ್ಹುತ್ಯುನೊನೆ ತೆ ದೆಶತೊ ಚಲಾಯೊ.

18 ಉಸುಕನಾ ಗಾಮಮಾ ತ್ಯುನೊನೆ ಚಾಳಕ್ಲ ವರಕ್ಲ ತ್ಯುನೊನೆ ತಡ್ಡಿಲಿದ್ಲೊ.

19 ಕಾನಾನ್ ಕ್ಹಾತ ಪ್ರಾಂತ್ಯನೆ ಹಾಳ ಕರಿನ ತಿನಾ ಮನಕ್ಪೊನೆ ತೆ ದೆಶ ಸ್ವಾದಿನ ಕರಿನ ದಿದ್ಲೊ.

20 ಎ ಕ್ಹಾರು ಕ್ಹೊನ್ನೈವತ್ತ ವರಕ್ಲ ಲಕ್ಕಾ ಚಾಲ್ಯು" ಎ ಥಯಲ್ಪರ ಪ್ರವಾದಿ ಥಯಲ ಸಮುವೆಲನಾ ಕಾಲ ಲಕ್ಕಾ ಕ್ಹುದಾ ಅಪ್ಪಾ ಮನಕ್ಪೊನೆ ನ್ಹಾಯಸ್ಥಾಪಕೊನೆ ದಿದ್ಲೊ.

21 ಪಾಚ್ಚಾತಾ ಮನಕ್ಪೊತ್ಯುನೊನೆ ರಾಚೊ ಚಾಯೆ ಕೈನ ಮಾಂಗಿಲಿದ್ವ್ಯಾ ಕ್ಹುದಾ ತ್ಯುನೊನೆ ಕಿಶನನೊ ದಿಕ್ಲೊ ರ್ಹಯಲ ಸೌಲಾನೆ ದಿದ್ಲೊ. ಸೌಲಾಬೆನ್ಯಾನಿನ್ ಘರ್ದಾನನೊ ವ್ಹೈ ತೆ ಚಾಳಕ್ಲ ವರಕ್ಲ ಲಕ್ಕಾ ರಾಚೊ

ಧಯೊತೊ.

22 ಕ್ಹುದಾ ಸೌಲಾನೆ ಕಾಡಲ ಪರ ದಾವಿದನೆ ತ್ಯುನೊ ರಾಜೊ ಧೈನ ಕರ್ಯೊ. 'ಇಶಯನನೊ ದಿಕ್ರೊ ಥಯಲ ದಾವಿದ ಮನೆ ಮೆಚ್ಚಿಗೆ ಥಯಲವಾಲೊ ವ್ಹೆ ತೆ ಮಾರಿ ಆಸ ಲಿಂಗತ ಕಾಮೊ ಕರಸ' ಕೈನ ಕ್ಹುದಾ ತೆ ದಾವಿದನಾ ಹುತಿ ಕದ್ಯೊಸ.

23 "ಕ್ಹುದಾ ತಿನಾ ವಾಗ್ಗಾನ್‌ನಾ ಲಿಂಗತ ದಾವಿದನಾ ಸಂತಾನಮಾನೊ ಯಕ್ಲಾನೆ ಇಸ್ರಾಯೆಲ ರಕ್ಷಕ ಧೈನ ವಳ್ಳೆನ ದಿದ್ಯೊಸ. ತೆಜ ಯೆಸು ವ್ಹೆ

24 ಯೆಸು ಆವಾತಿ ಪೈಲಾ ಬಾಪ್ತಿಸ್ಮಾ ದಿಲಾವಾಲೊ ಯೊಹಾನ ಯೆಹುದಿನಾ ಕ್ಹಾರಾ ಮನಕ್ಲೊನೆ 'ತುಮಾರಾ ಪಾಪೊನಾ ಹುತಿ ಪಶ್ಚಾತ್ತಾಪ ಪಡಿನ ಕ್ಹುದಾ ಕನ ಫರಿನ ಬಾಪ್ತಿಸ್ಮ ಕರ್ಚೆ ಲಿವೊ' ಕೈನ ಮೊದನೆ ಕರಯ್ಚೊ.

25 'ಮಿ ಕುನ್ನ ವ್ಹೆ ಕೈನ ಸೊಚೊಶಿ ತುಮೆ? ಮಿ ಕ್ರಿಸ್ತ ನ್ಹವ್ಹೆ ತೆ ಮಾರಾ ಪಾಚೊ ತೆ ಆವಸ. ತಿನಾ ಚಪ್ಪಲನಿ ದೊರಿಯೊಬಿ ಖೊಲಾನೆ ಮಿ ಯೊಗ್ಯ ನ್ಹವ್ಹೆ' ಕೈನ ಯೊಹಾನ ತಿನು ಕಾಮ ಕರಿನ ಪುರಾ ಕರ್ತಾಮಾ ಕೈಲಿದ್ಯೊಸ.

26 "ಮಾರಾ ಭಾಯೊ, ಅಬ್ರಹಾಮನಾ ಕುಟುಂಬನಾ ಬಚ್ಚಾ ಕರ್ಹಿನಾ ಕ್ಹುದಾನೆ ಆರಾಧನಾ ಕರಾಲಾ ಯೆಹುದಿಯೊ ನೈ ರ್ಹಯಲವಾಲಾ, ಐಕೊ! ಎ ರಕ್ಷಣೆನಾ ಸಂದೆಶನೆ ವಳಾಯಲ ಅಪ್ಪಾ ಹುತಿಜ ವ್ಹೆ

27 ಯೆರುಸಲೆಮಮಾ ರ್ಹಯಲ ಯೆಹುದಿಯೊ ವರಿ ಯೆಹುದಿನಾ ನಾಯಕೊ ಯೆಸುಜ ರಕ್ಷಕ ವ್ಹೆ ಕವಾನು ತಿಳ್ತಿದ್ಯಾ ನೈ ಪ್ರವಾದಿಯೊ ಯೆಸುನಾ ಹುತಿ ಬರ್ದಲ ವಾತೊ ಹರ ಸಬ್ಬತ್ತನಾ ದಿನ್ನೆ ಒದತಾತಾ. ತೆನ್ನೆಸೊ ತ್ಯುನೆ ತಿಳ್ತಿದ್ಯಾ ನೈ ತೆ ಯೆಹುದಿಯೊ ಯೆಸುನೆ ಅಪರಾದಿ ವ್ಹೆ ಕೈನ ಪೈಸ್ಲೊ ಕರ್ಯಾ ಇಮ್ಮ ಕರಾನಾ ಮುಲಕ ತ್ಯುನೆ ಪ್ರವಾದಿ ಕದಲ ಪುರಾ ಕರ್ಯಾ!

28 ಯೆಸು ಮರುಜ ಕವಾನೆ ಕರೆಟ್ಟ ಕಾರಣ ತ್ಯುನೆ ಕಂಡ ಧರಾನೆ ನೈ ಥಯು ತುಬಿ ಯೆಸುನೆ ಖಲಾಸ ಕರ್ಯಾ ಕೈನ ಪಿಲಾತನ ಕನ ಮಾಂಗಿಲಿದ್ಯಾ

29 "ಪವಿತ್ರ ಗ್ರಂಥಮಾ ಬರ್ದಲ ಲಿಂಗತ ಯೆಸುನೆ ಥಾವಾನು

ರಠ್ತಿಯಲ ಕ್ಹಾರು ಕೆಟ್ಟ ಯಹುದಿಯೊ ತಿನೆ ಕರ್ರ್ಯಾ ಪಾಚಾತಾ ತ್ಯನೇ ಯೆಸುನೆ ಶಿಲುಬಿತಾ ಹೆಟಾ ಉತಾರಿನ ಮರ್ಯಾರಮಾ ಮ್ಹೆಲ್ಯಾ.

30 ತೆನ್ನೆಸೊ ಕ್ಹುದಾ ತಿನೆ ಮರಲವಾಲಾವೊಮಾತೊ ಜಿವ್ಚೊ ಕರಿನ ಉಟಾಡ್ಲೊ!

31 ಎ ಥಯಲ್ಪರ ಗಲಿಲಾಯತಾ ಯೆಸುನಾ ಕ್ಹಾತೆ ಯೆರುಸಲೆಮೆ ಆಯಲವಾಲಾ, ಘನ್ನಾ ದಿನ್ನ ಲಕ್ಶಾ ತಿನೆ ದೆಕ್ಚ್ಯಾ ಹಮ್ನಾ ತ್ಯನೇಜ್ಜ ಮನಕ್ಲೊನೆ ಸಾಕ್ಷಿಯೊ ಥಯಾಸ.

32 "ಕ್ಹುದಾ ಅಪ್ಪಾ ಪಿತ್ಯವೊನೆ ಕರಲ ವಾಗ್ದಾನನಾ ವಿಷಯಮಾ ರಠ್ತಿಯಲ ಸುವಾರ್ತೆ ಹಮೆ ತುಮೊನೆ ಕೈಯೆಸ.

33 ಹಮೆ ತ್ಯನಾ ತ್ಯನಾ ಸಂತತಿವಾಲಾ ಥಯಾಸ. ಕ್ಹುದಾ ಯೆಸುನೆ ಮರಲವಾಲಾವೊಮಾತೊ ಜಿವ್ಚೊ ಕರಿನ ಉಟಾಡಾನಾ ಮುಲಕ ತೆ ವಾಗ್ದಾನ ಅಪ್ಪಾ ಹುತಿ ಪುರಾ ಕರ್ರೊಸ. ಇನಾ ಹುತಿ ಬೆಂವಾ ಕಿರ್ತನೆಮಾ ಅಮ್ಮಬರ್ದಲ ಛಿ, ತುಜ್ಜ ಮಾರೊ ದಿಕ್ಲೊವ್ಚೊ ಆಜ್ಜ ಮಿ ತುನೆ ಪಡ್ತಿದ್ಲೊ ಕಿರ್ತನೆ 2:7

34 ಕ್ಹುದಾ ಯೆಸುನೆ ಮರಲವಾಲಾವೊಮಾತೊ ಜಿವ್ಚೊ ಕರಿನ ಉಟಾಡಲ ಹುತಿ ತೆ ವರಿ ಕೆಳಾಮಾಜ್ಜ ಸಮಾದಿಮಾ ಗೈನ ಖಡ್ತು ನೈ ಕವಾನಿ ವಿಷಯಮಾ ಕ್ಹುದಾ ಅಮ್ಮ ಕದ್ಲೊಸ. 'ಮಿ ದಾವಿದನೆ ಕರಲ ಕ್ಹರಿ ಪವಿತ್ರ ರಠ್ತಿಯಲ ವಾಗ್ದಾನೊ ತುನೆ ದಿವ್ಸ ಯೆಶಾಯ 55:3

35 ತೆನ್ನೆಸೊ ವರಿಯಕ್ ಜಗಾ ಪರ ಕ್ಹುದಾ ಇಮ್ಮ ಕವಸ. 'ತು ತಾರು ಪರಿಶುದ್ಧ ಅಂಗನೆ ಸಮಾದಿಮಾ ಖಡಾನೆ ಛೊಡತೊ ನೈ ಕಿರ್ತನೆ 16:10

36 "ದಾವಿದ ತಿನಿ ಜಿವಿತಮಾ ಕ್ಹುದಾನಿ ಚಿತ್ತ ಲಿಂಗತ ಜಿವ್ನಾ ಕರ್ರೊ ಪಾಚಲ್ತೊ ತೆ ಮರ್ರೊ ದಾವಿದನೆ ತಿನಾ ಪಿತ್ಯವೊನಾ ಕ್ಹಾತೆ ಸಮಾದಿ ಕರ್ರ್ಯಾ ತಿನು ಅಂಗ ಸಮಾದಿಮಾ ಕ್ಹಡಿ ಗಯು!

37 ತೆನ್ನೆಸೊ ಕ್ಹುದಾಕ್ಹು ಜಿವ್ಚೊ ಥೈನ ಉಟಾಡಲ ಯೆಸುನು ಅಂಗ ಸಮಾದಿಮಾ ಕ್ಹಡ್ಲೊನೈ.

38 ಭಾಯೊ ಭೆನೊ, ಎ ತುಮೊನೆ ಗ್ವತ್ತ ರಠ್ತವಾದೆ; ತಿನಾ ಮುಲಕ

ತುಮಾರಾ ಪಾಪೊನೆ ಮಾಫಿ ಮಳಸ. ಮೊಶೆ ಧರಮಶಾಸ್ತ್ರನೆ, ತುಮೊನೆ ತುಮಾರಾ ಪಾಪೊಕ್ಕು ಛೊಡಾವಾನೆ ಥಯು ನೈ. ತೆನ್ನೈಸೊ ಯೆಸು ಪರ ಬರೊಕ್ಕೊ ಮ್ಹೆಲಾಲೊ ಹರಯಕ್ಕೊ ತಿನಾ ಮುಲಕ ತಿನಾ ಕ್ಹಾರಾ ಪಾಪೊಕ್ಕು ಛುಟಸ.

39 ತಿನಾಹುತಿ ಪ್ರವಾದಿಯೊ ತಿಳಸಾಯಲ ಎ

40 ಪ್ರವಾದಿಯೊನಾ ದಕ್ಖಾ ಸಂಗತಿಯೊ ತುಮೊಮಾ ಕ್ಹರಿ ಥಾಯೆ ನೈಸೊ ಹುಶಾರ ರ್ಹವೊ.

41 ಕದ್ರಾವಾಲಾ, ಘಾಬ್ರಾ ಥಾತಾ ಹಾಳ ಥೈನ ಜಾವೊ. ತುಮೆ ನೈ ಬರೊಕ್ಕೊ ಕರಾನು ಯಕ್ಕ ಕಾಮ ಮಿ ಕರುಸ. ಬಿಭೊ ಯಕ್ಕೊ ತುಮೊನೆ ತಿ ವಿವರಣೆ ಕರೈತುಬಿ ತುಮೆ ನೈ ಬರೊಕ್ಕೊ ಕರೈತ (ಹಬಕ್ಕುಕ 1:5)

42 ಪೌಲಾ ವರಿ ಬಾರ್ನಬ ಸಭಾಮಂದಿರತಾ ಜಾತಾಮಾ, ಎ ಸಂಗತಿಯೊನಾ ಹುತಿ ಹಜ್ಜುನ ಜಾಸ್ತ ತಿಳ್ಳಾನಾ ಹುತಿ ಅಗಲ್ಯಾ ಸಬ್ಬತ್ ದಿನ್ನೆ ವರಿ ಔ ಕೈನ ಮನಕ್ಕೊ ತ್ಯುನೊ ಕನ ಮಂಗಿಲಿದ್ಯಾ.

43 ಸಭೆ ಕ್ಹರಲ ಪರ ಘನ್ನಾ ಯಹುದಿಯೊ ಪೌಲಾ ಬಾರ್ನಬನೆ ತಿ ಜಗಾತಾ ಪಾಙ್ಕಾ ಲಾಗ್ಯಾ ಯೆಹುದಿಯೊನಾ ಧರ್ಮನೆ ಮಳಲ ಘನ್ನಾ ಬಿಜಾ ಮತನಾ ತಿ ಯೆಹುದಿಯೊನಾ ಕ್ಹಾತೆ ವ್ಹತ್ತಾ. ಧರ್ಮ ಬದ್ಲಿ ಕರಲ ಇವ್ವೆಬಿ ಕ್ಹರಿನಾ ಕ್ಹುದಾನೆ ಆರಾಧನೆ ಕರಾಡಾತಾ. ಪೌಲಾ ಬಾರ್ನಬ ತ್ಯುನಾ ಕ್ಹಾತೆ ಬೊಲಿನ, ಕ್ಹುದಾನಿ ಕೃಪೆಮಾ ಬರೊಕ್ಕೊ ಮ್ಹೆಲಿನ ಅಗು ಬಡು ಕೈನ ಪ್ರೊತ್ಸಾಹ ಕರೈತ.

44 ಅಗಲ್ಯಾ ಸಬ್ಬತ್ ದಿನ್ನೆ ಪ್ರಭುನಿ ವಾಕ್ಯಾ ಐಕಾನಾ ಹುತಿ ಘನ್ನಾ ಗಾಮನಾ ಕ್ಹಾರಾ ಮನಕ್ಕೊ ತ್ಯಾ ಆಯಾ.

45 ಇನೆ ದೆಕಿನ ಯಹುದಿಯೊನೆ ಘನ್ನಾ ಅಸೈ ಥಯು. ತ್ಯುನೆ ಪೌಲಾನಾ ವಾತಾ ದೊಶ ಕರಿನ ತಿನೆ ವಿರುದ್ಧ ವಾದ-ವಿವಾದ ಕರೈತ.

46 ತೆನ್ನೈಸೊ ಪೌಲಾ ಬಾರ್ನಬ ಘನ್ನಾ ಧೈರ್ಯಾಕ್ಕು ಬೊಲಿನ"ಹಮೆ ಕ್ಹುದಾನಿ ವಾಕ್ಯಾ ಯೆಹುದಿಯೊ ಥಯಲ ತುಮೊನೆ ಪೈಲಾ ಕೌ. ತೆನ್ನೈಸೊ ತುಮೆ ತುಮೊನೆ ಹಮೆಶಾನು ಜಲಮನೆ ಪಾತ್ರ ನ್ಹವೈ ಕೈನ ತಿರಸ್ಕಾರ ಕರಾಡಾಸ. ತಿನಾಹುತಿ ಹಮೆ ಬಿಜಾ ಧರ್ಮವಾಲಾವೊ ಕನ ಗೈಯೆಸ!

47 ಕಾಕದ್ಯಾಮ ಪ್ರಭು ಹಮೊನೆ ದಿದಲ ಆಜ್ಞಾ ಅಮ್ಮಱಿ ದುನಿಯಾನಾ ಲಾಸ್ತ ಲಕ್ಕಾ ಕ್ಹಾರಾ ಮನಕ್ಕೊನೆ ತು ವಚ್ಚಾಡಾಲೊ ಥೌ ಕೈನ ಮಿ ತುನೆ ಬಿಜ್ಜಾ ಜನಾಂಗೊನೆ ಉಜಾಲು ಕರಕ್ಕೊಸ. (ಯೆಶಾಯ 49:6)

48 ಪೌಲಾ ಎ ವಾತೊ ಐಕಿನ ಯೆಹುದಿ ನೈಸೊ ಮನಕ್ಕೊಘನ್ನಾ ಖುಶಿ ಥೈನ ಪ್ರಭುನಿ ಸಂದೆಶನಾ ಹುತಿ ಸ್ತುತಿ ಕರಕ್ಕೊ. ಹಮೆಶಾನು ಜಲಮ ವ್ಹಂದಿಲಿವಾನೆ ಇನಿಲಿದಲ ಕ್ಹಾರಾ ಬರೊಕ್ಕೊ ಕರಕ್ಕೊ.

49 ಪ್ರಭುನಿ ಸಂದೆಶ ತೆ ಕ್ಹಾರಾ ಗಾಮಮಾ ಕದ್ಯಾ.

50 ತೆನೈಸೊ ಯೆಹುದಿಯೊ ದಕ್ಖಾ ಧಾರ್ಮಿಕ ಬಾಕ್ಶಿಯೊನೆ ಗಾಮನಾ ನಾಯಕೊನೆ ಪ್ರೊತ್ಸಾಹ ಕರಿನ, ಪೌಲಾ ಬಾರ್ನಬನಾ ಉಪ್ಪರ ತ್ಯುನೆ ಶಿಟ್ಟಿ ಥಾಯೆ ಲಿಂಗತ ತ್ಯುನೊನೆ ವಿರೊದಿಯೊ ಥಾಯೆ ಲಿಂಗತ ಕರಿನ ಪೌಲಾ ಬಾರ್ನಬನೆ ಗಾಮತಾ ಭಾರಾ ಘಾಲ್ಯಾ.

51 ತಿನಾಹುತಿ ಪೌಲಾ ಬಾರ್ನಬ ತ್ಯುನಾ ವಿರುದ್ಧ ಥೈನ ತ್ಯುನಾ ಪಗೊನು ಧುಳ್ಳ ರ್ಪಾಡ್ತಿನ, ಇಕೊನಿಯಾ ಗಾಮೆ ಗಯಾ.

52 ತೆನೈಸೊ ತಂತ್ಯೆಯೊಕ್ಕನಾ ವಿಸ್ವಾಸಿಯೊ ಖುಶ ಥಯಾತಾ ವರಿ ಪವಿತ್ರ ಆತ್ಮಾಕ್ತು ಭರಕ್ಕೊತಾ.

14

1 ಪೌಲಾ ಬಾರ್ನಬ ಇಕೊನಿಯಾ ಗಾಮೆ ಗಯಾ. ಹರಯಕ್ಕ ಗಾಮಮಾಬಿ ತ್ಯುನೆ ಬೊಲಲ ಲಿಂಗತ ನ್ಹಾಬಿ ಯೆಹುದಿಯೊನಾ ಸಭಾಮಂದಿರಮಾ ಗೈನ ಮನಕ್ಕೊನೆ ಬೊಧನೆ ಕರಕ್ಕೊ. ಪೌಲಾ ಬಾರ್ನಬನಿ ಚೊಕಿ ಬೊಧನೆ ಐಕಿನ ಘನ್ನಾ ಯೆಹುದಿಯೊ ವರಿ ಗ್ರಿಕವಾಲಾ ಬರೊಕ್ಕೊ ಕರಕ್ಕೊ.

2 ತೆನೈಸೊ ಯೆಹುದಿಯೊಮಾ ನೈ ಬರೊಕ್ಕೊ ಕರಲ ದಕ್ಖಾ ಯೆಹುದಿ ನೈಸೊವಾಲಾವೊನೆ ಮನಸ ಭಾಯೊನೆ ವಿರುದ್ಧ ಥೈನ ಮನಕ್ಕೊನೆ ಕದ್ರೈನ ಕೆಡ್ನಿ ಪಡ್ಯಾ.

3 ತೆನೈಸೊ ಪೌಲಾ ಬಾರ್ನಬ ಇಕೊನಿಯಾಮಾ ಘನ್ನಾ ದಿನ್ನ ರ್ಹ್ವಿನ ಪ್ರಭುನಾ ಹುತಿ ಧೈರ್ಯಕ್ತು ಬೊಲ್ಯಾ. ಪ್ರಭು ತ್ಯುನಾ ಮುಲಕ ಸುಚಕ

ಕಾಮೊ ವರಿ ಅದ್ಭುತ ಕಾಮೊ ಕರಿನ ತಿನಿ ಕೃಪಾನಿ ಸಂದೆಶ ದೆಕಾಡಿನ ದಿದ್ವಾ.

4 ತೆನ್ನೈಸೊ ತೆ ಗಾಮನಾ ಮನಕ್ಲೊ ಬೆ ಭಾಗ ಥಯಾ ದಕ್ಖಾ ಜನಾ ಯೆಹುದಿವಾಲಾ ಕಂತಾ ಥಯಾ ದಕ್ಖಾ ಮನಕ್ಲೊ ಅಪೊಸ್ತಲೊಕನ ಥಯಾ.

5 ಯೆಹುದಿಯೊ ನೈಸೊಲಾವಾವೊಮಾ ವರಿ ಯೆಹುದಿಯೊಮಾ ದಕ್ಖಾ ತ್ಯನಾ ನಾಯಕೊನಾ ಕ್ಹಾತೆ ಮಳಿನ ಅಪೊಸ್ತಲೊನೆ ದಗ್ಡಾ ನಾಕಿನ ಖಲಾಸ ಕರು ಕೈನ ವ್ಹತ್ತಾ.

6 ಎ ಗ್ವತ್ತ ಥಯಲ ಪೌಲಾ ಬಾರ್ನಬ ತೆ ಗಾಮ ಛೊಡಿನ ಲುಕವೊನಿಯಾನಾ ಗಾಮೊ ರ್ವಯಲ ಲುಸ್ತ ವರಿ ದರ್ಬೆನೆ ವರಿ ತೆ ಗಾಮೊನಾ ಸುತ್ತಮುತ್ತ ರ್ವಯಲ ಜಗಾವೊನೆ ಗಯಾ.

7 ತ್ಯನೆ ತ್ಯಾಬಿ ಸುವಾರ್ತೆ ಕದ್ವಾ.

8 ಲುಸ್ತ ಮಾ ಯಕ್ ಮನಕ್ಲ ವ್ಹತ್ತೊ. ತಿನಾ ಪಗೊಮಾ ತಾಕತ ನ್ಹೊತ್ತಿ. ಹುಟ್ಟಲ ತೆಳತೊ ಲಂಗ್ಲೊ ವ್ಹತ್ತೊ ತೆ ಕೆಳಾಮಾಜಿ ಚಾಲ್ಯೊ ನ್ಹೊತ್ತೊ.

9 ಎ ಮನಕ್ಲ ತೆ ಬೆಟಲ ಜಗಾಜಿ ಪೌಲಾನಿ ವಾತೊ ಐಕಾಡೊತೊ. ಪೌಲಾ ತಿನೆ ಡೊಳಾ ಕಾಡಿನ ದೆಕ್ಲೊ ಕ್ಹುದಾ ಅರಾಮ ಕರಸ ಕವಾನೊ ಬರೊಕ್ಲೊ ತಿನಾಮಾ ರ್ವಯಲ ಪೌಲಾ ದೆಕಿನ,

10 ತಿನೆ "ಉಟ್ಟ, ತಾರಾ ಪಗೊಪರ ಹುಬ್ರೆ" ಕೈನ ಜೊರ ಕದ್ವೊ ತೆಳಾಮಾಜಿ ತೆ ಮನಕ್ಲ ಜಿಗ್ಗಿನ ಹುಬ್ರೆನ ಚಾಲಾನು ಶುರು ಕರಲ್ಯೊ.

11 ಪೌಲಾ ಕರಲ ಎ ಕಾಮ ದೆಕಲ ಮನಕ್ಲೊ ತ್ಯನಾ ಸ್ವಂತ ಲುಕವೊನಿ ಬಾಶಾಮಾ "ದಿವಸ್ತಾನೊ ಮನಕ್ಲನು ರುಪ ಲಿನ ಅಪೊಕನ ಉತ್ತಿನ ಆಯಾಸ" ಕೈನ ಕದ್ವಾ.

12 ಮನಕ್ಲೊ ಬಾರ್ನಬನೆ "ಜೆಯುಸ "ಕ್ಹುದಾ ಕೈನ ಖಾಸ ಬೊದಕ ಥಯಲ ಪೌಲಾನೆ "ಹೆರ್ಮೆ "ಕ್ಹುದಾ ಕೈನ ಬಲಾಯಾ.

13 ಜೆಯುಸನಿ ಗುಡಿ ಗಾಮನಾ ನಜಿಕಮಾ ವ್ಹತ್ತಿ. ಎ ಗುಡಿನೊ ಪುಜಾರಿ ದಕ್ಖಾ ಗೈಯೊ ವರಿ ಪುಲ್ಲೊ ಗಾಮನಾ ಬಾಕಲ ಕನ ಲಿನ ಆಯೊ. ತೆ ಪುಜಾರಿ ವರಿ ಮನಕ್ಲೊ ಪೌಲಾ ಬಾರ್ನಬನೆ ಬಲಿ ದಿನ ತ್ಯನೊನೆ

ಆರಾಧನಾ ಕರು ಕೈನ ವ್ಹತ್ತಾ.

14 ಎ ಐಕಿನ ಅಪೊಸ್ತಲ ಥಯಲ ಪೌಲಾ ಬಾರ್ನಬ ತ್ತುನಾ ವಣ್ಣಾ ಫಾಡಿ ಲಿನ ಮನಕ್ಲೊನಾ ಗುಂಪಮಾ ಗೈನ ಅಮ್ಮ ವದ್ತಿನ ಕದ್ಯಾ;

15 "ಮನಕ್ಲೊ ತುಮೆ ಎ ಕಾಮೊ ಕರಾನು ಶಾನೆ? ಹಮೆ ಕ್ಹುದಾವೊ ನ್ಹವ್ವೆ. ಹಮೆ ತುಮಾರಾ ಲಿಂಗತ ಮನಕ್ಲೊಜಿ ವ್ಹೆ. ತುಮೊನೆ ಸುವಾರ್ತೆ ಕವಾನಾ ಹುತಿ ಹಮೆ ಆಯಾಸ. ವ್ಯರ್ಥ ರ್ಹಯಲ ಕಾಮೊ ತುಮೆ ಛೊಡಿ ಪಡೊ; ಜಿವ ಸ್ವರುಪ ಥಯಲ ಕ್ಹುದಾ ಕನ ಫರೊ. ಹಬಾಳನೆ ಜಿಮಿನನೆ ಸಮುಂದರನೆ ವರಿ ತೆ ಕ್ಹಾರಾವೊಮಾ ರ್ಹವಾನು ಹರಯಕ್ಕನೆ ತಯ್ಯಾರ ಕರಲವಾಲೊ ತೆಜಿ ವ್ಹೆ.

16 "ಪೈಲಾನಾ ಕಾಲಮಾ ಕ್ಹುದಾ ಕ್ಹಾರಾ ಜನಾಂಗೊನೆ ತ್ತುನಿ ಇಶ್ಟಾ ಲಿಂಗತ ಚಾಲಾನೆ ಛೊಡಿನ ದಿದ್ಯೊ.

17 ತೆನೈಸೊ ತೆ ಯಕ್ಲೊಜಿ ಕ್ಹರಿನೊ ಕ್ಹುದಾ ವ್ಹೆ. ಕವಾನು ತೆ ತಿನಾ ಚೊಕಾ ಕಾಮೊಕ್ಹುದೆಕಾಡೊಸ. ತೆ ತುಮೊನೆ ಹಬಾಳಮಾತೊ ಪಾನಿ ತುಮಾರಾ ಅನ್ನನಾ ಹುತಿ ಹಮೆಶಾಬಿ ಸುಗ್ಗಿ ಕಾಲ ದಿನ್ನ ತುಮಾರಾ ಮನಸೊ ಖುಶಿಕ್ಪ ಭರಾಡೊಸ"

18 ಪೌಲಾ ಬಾರ್ನಬ ಅಕ್ಲ ಕ್ಹಾರು ಕದ್ಯಾ ತುಬಿ ಯಜ್ಜ ದಿನ್ನ ಆರಾಧನಾ ಕರೆ ನೈಸೊ ಮನಕ್ಲೊನೆ ಹುಬ್ರಾಡಾನೆ ಘನ್ನಾ ಕೊಶಿಶ ಕರು ಲಾಗ್ತು.

19 ಪಾಚ್ಚಾತಾ ದಕ್ಹಾ ಯೆಹುದಿಯೊ ಅಂತಿಯೊಕ್ಕತಾ ವರಿ ಇಕೊನಿಯತಾ ಐನ ಪೌಲಾನೆ ವಿರುದ್ಧ ಮನಕ್ಲೊನೆ ಭಡಕ್ಕೆನ ಪೌಲಾನೆ ದಗ್ಡಾ ನಾಕಿನ, ತೆ ಮರೈಯೊ ಕೈನ ತಿಳ್ವಿಲಿನ ಗಾಮತಾ ಭಾರಾ ಜಗ್ಗಿನ ಕಾಡ್ಯೊ.

20 ತೆನೈಸೊ, ಯೆಸುನಾ ಶಿಷ್ಯಾ ತಿನಾ ಸುತ್ತಿ ಆತಾಮಾ ತೆ ಉಟಿನ ಗಾಮಮಾ ಗಯೊ. ಮರ್ನಾ ದಿನ್ನೆ ತೆ ವರಿ ಬಾರ್ನಬ ದರ್ಬೆ ಗಾಮನೆ ಗಯಾ.

21 ಪೌಲಾ ಬಾರ್ನಬ ದರ್ಬೆ ಗಾಮಮಾಬಿ ಸುವಾರ್ತೆ ಕದ್ಯಾ ಘನ್ನಾ ಮನಕ್ಲೊ ಯೆಸುನಾ ಶಿಷ್ಯಾ ಥಯಾ. ಪೌಲಾ ಬಾರ್ನಬ ಲುಸ್ತ್ರ, ಇಕೊನಿಯ ವರಿ ಅಂತಿಯೊಕ್ಕ ಗಾಮೊಯೆ ಫರಿಸ,

22 ಯೆಸುನಾ ಶಿಷ್ಯಾವೊನೆ ಘಟ್ಟ ಕರಿನ, ಬರೊಕ್ಕಾಮಾ ಘಟ್ಟ ಥೈನ ರ್ಹವಾನೆ ತ್ಯುನೊನೆ ಪ್ರೊತ್ಸಾಹ ಕರ್ಯಾ"ಹಮೆ ಕ್ಹುದಾನಿ ರಾಜ್ಯನೆ ಘನ್ನಾ ತ್ರಾಸೊನಾ ಮುಲಕ ಭಾವಾನಾ ಟಿ "ಕೈನ ಬೊದನೆ ಕರ್ಯಾ

23 ಪೌಲಾ ಬಾರ್ನಬ ಹರ ಯಕ್ಕ ಸಭೆನೆ ಮೊಟ್ಟಾವೊನೆ ಇನಿ ಲಿದ್ಯಾ ತ್ಯುನೆ ಎ ಮೊಟ್ಟಾವೊನಾ ಹುತಿ ಉಪಾಸ ರ್ಹೈನ ಪ್ರಾಥನಾ ಕರಿನ ತ್ಯುನೊನೆ ಪ್ರಭುನಾ ಹತ್ಮಾವಪ್ಪಿನ ದಿದ್ಯಾ

24 ಪೌಲಾ ಬಾರ್ನಬ ಪಿಸಿದಿ ಗಾಮತಾ ಪಾಂಪಿಲಿಯ ಗಾಮೆ ಆಯಾ.

25 ತ್ಯುನೆ ಕ್ಹುದಾನಿ ಸಂದೆಶನೆ ಪೆರ್ಗ ಗಾಮಮಾ ಬೊದನೆ ಕರಿನ, ತ್ಯಾಂತಾ ಅತ್ತಾಲಿಯ ಗಾಮೆ ಆಯಾ.

26 ತ್ಯಾಂತಾ ತ್ಯುನೆ ಸಿರಿಯಾಮಾ ಅಂತಿಯೊಕ್ಕನೆ ನೌಕಾಯಾನ ಕರ್ಯಾ ಹಜುನ ಲಕ್ಕಾ ಕರಿನ ಕ್ಹರಾಯಲ ಸೆವಾನಾ ಕಾಮನಾ ಹುತಿ ಕ್ಹುದಾನಾ ಹತ್ಮಾವಪ್ಪಿನ ದಿದಲವಾಲಾ ಎ ಗಾಮನಾ ವಿಶ್ವಾಸಿಯೊಜ್ಜ ವ್ಹೈ

27 ಪೌಲಾ ಬಾರ್ನಬ ನ್ಹ್ಯಾ ಆಯಲ್ವರ, ಸಭೆವಾಲಾ ಕ್ಹರಾವೊನೆ ಮಳ್ಳಿನ, ಕ್ಹುದಾ ತ್ಯುನಾ ಕ್ಹಾತೆ ರ್ಹೈನ ಕರಲ ಕ್ಹರಾ ಕಾಮೊನಾ ಹುತಿ ತ್ಯುನೊನೆ ಕದ್ಯಾ ವರಿ "ಬಿಜಾ ಜನಾಂಗವಾಲಾಬಿ ಬರೊಕ್ಕೊ ಕರೆ ಲಿಂಗತ ಕ್ಹುದಾ ಬಾಕಲ ಕಾಡ್ಯೊಸ" ಕೈನ ತಿಳ್ಳಾಯಾ.

28 ತ್ಯಾ ಪೌಲಾ ಬಾರ್ನಬ ಶಿಷ್ಯಾವೊನಾ ಕ್ಹಾತೆ ಘನ್ನಾ ದಿನ್ನ ವ್ಹತ್ತಾ.

15

1 ಪಾಙ್ಗಾತಾ ದಕ್ಹಾಮನಕ್ಹೊಯುದೆಯತಾ ಅಂತಿಯೊಕ್ಕನೆ ಆಯಾ" ತುಮೆ ಸುನ್ನತಿ ನೈ ಕರಾಯಾಮ ತುಮೊನೆ ಬಿಡುಗಡೆ ಥಾತು ನೈ ಸುನ್ನತಿ ಕರೈಲ್ಯಾ ಕೈನ ಮೊಶೆ ಕದ್ಯೊಸ "ಕೈನ ತ್ಯುನೆ ಯೆಹುದಿಯೊ ನೈ ರ್ಹಯಲ ವಿಸ್ವಾಸಿಯೊನೆ ಉಪದೆಶ ಕರಾನು ಶುರು ಕರ್ಯಾ

2 ಪೌಲಾ ಬಾರ್ನಬ ಎ ಉಪದೆಶನೆ ತ್ಯುನಾ ವಿರುದ್ಧ ದೆಕಾಡಿನ ತ್ಯುನಾ ಕ್ಹಾತೆ ವಾದ ಕರ್ಯಾ ಎ ಸಮಸ್ಯಾನಾ ಹುತಿ ಅಪೊಸ್ತಲೊನಾ ಕ್ಹಾತೆ ವರಿ ಬಿಜಾ ಶಾನಾವೊನಾ ಕ್ಹಾತೆ ಚರ್ಚಾ ಕರಾನೆ ಪೌಲಾ ಬಾರ್ನಬನೆ ವರಿ ಬಿಜಾ ದಕ್ಹಾಜನಾವೊನೆ ಯೆರುಸಲೆಮೆ ವಳಾವಾನೆ ಸಭೆ ಮಳಾನೆ ಪೈಸ್ಲೊ ಕರ್ಯಾ

3 ತಿನಾಲಿಂಗತ ಸಭೆವಾಲಾ ಇವೊನೆ ಸಭೆ ವಳೈಯು. ಇವ್ನೆ ಫೆನಿಶ್ಯ ವರಿ ಸಮಾರ್ಯ ವಾಟತಾ ಗಯಾ. ಯೆಹುದಿ ನೈಸೊ ಮನಕ್ಲೊ ಕ್ಹರಿನೊ ಕ್ಹುದಾ ಕನ ಫರಲನಾ ಹುತಿ ಎ ಗಾಮೊಮಾ ಕದ್ಯಾ ಎ ಐಕಿನ ಭಾಯೊನೆಬಿ ಘನ್ನಿ ಖುಶಿ ಥೈ.

4 ಪೌಲಾ ಬಾರ್ನಬ ವರಿ ಬಿಜಾ ಯೆರುಸಲೆಮ ಮುಟ್ತ್ಯಾ ಅಪೊಸ್ತಲೊ, ಶಾನಾ ವರಿ ಸಭೆವಾಲಾ ಇವೊನೆ ಸ್ವಾಗತ ಕರಲ್ಯಾ ಕ್ಹುದಾ ತ್ಯುನಾ ಕ್ಹಾತೆ ರ್ಹಿಯನ ಕರಲ ಕ್ಹಾರಾ ಕಾಮೊನಾ ಹುತಿ ಪೌಲಾ ಬಾರ್ನಬ ವರಿ ಬಿಜಾ ಕದ್ಯಾ.

5 ಯೆರುಸಲೆಮಮಾ ರ್ಹಿಯಲ ವಿಶ್ವಾಸಿಯೊಮಾ ದಕ್ಖಾ ಜನಾ ಫರಿಸಾಯರೊನಾ ಗುಂಪನೆ ಮಳಲವಾಲಾ ವ್ಹತ್ತಾ. ತ್ಯುನೆ ಉಟಿನ ಹುಬ್ರೈನ, ಯೆಹುದಿಯೊ ನೈ ರ್ಹಿಯಲವಾಲಾ ವಿಶ್ವಾಸಿಯೊ ಸುನ್ನತಿ ಕರೈಲಿವ ಮೊಶೆನಾ ಧರಮಶಾಸ್ತ್ರನೆ ವಿಧೆಯ ಥಾ ಕೈನ ಅಪೆ ತ್ಯುನೊನೆ ಕೌ "ಕೈನ

6 ಪಾಚಾತಾ ಅಪೊಸ್ತಲೊ ವರಿ ಶಾನಾ ಎ ಸಮಸ್ಯಾನೆ ಪರಿಕ್ಷಾ ಕರಾನೆ ಮಳಿನ ಆಯಾ.

7 ಘನ್ನಿ ಚರ್ಚಾ ಥೈ ಪಾಚಾತಾ ಪೆತ್ರಾ ಉಟಿನ ಹುಬ್ರೈನ ತ್ಯುನೊನೆ"ಮಾರಾ ಭಾಯೊ, ತುಮೊನೆ ಗ್ವತ್ತ ರ್ಹಿಯಲ ತಿಮ್ಮ ಯೆಹುದಿ ನೈಸೊ ಮನಕ್ಲೊನೆ ಸುವಾರ್ತೆ ಕವಾನಾ ಹುತಿ ತುಮಾರಾ ವಚ್ಚಾತೊ ಕ್ಹುದಾ ಮನೆ ಘನ್ನಾ ದಿನ್ನಾ ಪಾಚೊ ಇನಿಲಿದ್ಯೊ ತ್ಯುನೆ ಮಾರಾಕ್ಹು ಸುವಾರ್ತೆ ಐಕಿನ ಬರೊಕ್ಲೊ ಕರಲ್ಯಾ.

8 ಕ್ಹಾರಾ ಮನಕ್ಲೊನಾ ವಿಚಾರೊ ಗ್ವತ್ತ ರ್ಹಿಯಲ ಕ್ಹುದಾ ಯೆಹುದಿ ನೈಸೊ ಮನಕ್ಲೊನೆ ಸ್ವಿಕಾರ ಕರಿಲಿದ್ಯೊ ಕ್ಹುದಾ ಹಮೊನೆ ಪವಿತ್ರ ಆತ್ಮಾ ದಿದಲ ಲಿಂಗತಜ್ಜ ತ್ಯುನೊನೆಬಿ ಪವಿತ್ರ ಆತ್ಮಾದಿನ್ನ ಎ ಕ್ಹರಿ ದೆಕಾಡ್ಯೊಸ.

9 ಕ್ಹುದಾ ದೃಶ್ಟಿಮಾ ತ್ಯುನೊನೆಬಿ ಹಮೊನೆಬಿ ಕಯು ಫರಕ ನತ್ತಿ. ತ್ಯುನೆ ಬರೊಕ್ಲೊ ಕರಲ್ಪರ, ಕ್ಹುದಾ ತ್ಯುನಾ ಮನಸೊ ಶುದ್ಧ ಕರಲ್ಯೊ.

10 ಇಮ್ಮ ರ್ಹಿತಾಮಾ, ಯೆಹುದಿಯೊ ನೈಸೊವಾಲಾ ಭಾಯೊನಾ ಖಾಂದಾನಾ ಉಪ್ಪರ ವಚ್ಚು ಕಾ ಘಾಲೊಶಿ? ತುಮೆ ಕ್ಹುದಾನೆ ಶಿಟ್ಟಿ

ಕರು ಕೈನ ಕೊಶಿಶ ಕರಾಡಾಸು? ಹಮೊನೊ ರ್ಲೊಂದೆ ಹಮಾರಾ ಪಿತ್ಯನೆ ರ್ಲೊಂದೆ ತೆ ವಜ್ಜು ಉಚಾವಾ ವರಕ್ಕು ತಾಕತ ನ್ಹೊತಿ!

11 ತಿನಾಹುತಿ ಹಮೆ ರ್ಲೊಂದೆ ತ್ಯನಾಹುತಿ ರಕ್ಷಣೆ ಹೊಂದಾನಾ ಹುತಿ ಪ್ರಭು ಥಯಲ ಯೆಸುನಾ ಮರಗಾಕ್ಲು ಕೈನ ಹಮೆ ನಂಬೈಸ! ಕದ್ಯೊ.

12 ತೆಳಾಮಾ ಕ್ಹಾರಿ ಸಭಾ ಗಪ ವ್ಹತ್ತಿ. ತ್ಯನೆ ಪೌಲಾ ವರಿ ಬಾರ್ನಬನೆ ಕಾನ ದಿನ್ನ ಐಕ್ಯಾ ಯೆಹುದಿ ನೈಸೊ ಮನಕ್ಹೊನಾ ವಚಾಮಾ ಕ್ಹುದಾ ತಿನಾ ಮುಕಾಂತರ ಕರಲ ಕ್ಹಾರಾ ಅದ್ಭುತ ಕಾಮೊ ವರಿ ಸುಚಕ ಕಾಮೊನಾ ಹುತಿ ಪೌಲಾ ಬಾರ್ನಬ ಕದ್ಯಾ.

13 ತೆನೈಸೊ ಯಾಕೊಬ, ಮಾರಾ ಭಾಯೊ ಮನೆ ಕಾನ ದಿನ್ನ ಐಕೊ.

14 ಯೆಹುದಿ ನೈಸೊ ಮನಕ್ಹೊ ಕ್ಹುದಾ ತಿನಿ ಮಯಾ ಕಿಮ್ಮದೆಕಲಾಡ್ಯೊ ಸಿಮೊನ ಹಮನೊನೆ ತಿಳಸಾಯೊ ಪೈಲಾಜ ಹಮನಾಜ, ಕ್ಹುದಾ ಯೆಹುದಿಯೊ ನೈಸೊ ಮನಕ್ಹೊನೆ ಮಳೆಲಿದ್ಯಾಸ. ತ್ಯನೊನೆ ತ್ಯನಾ ಮನಕ್ಹೊವ್ಹೊ ಕೈನ ಕರಲಿದ್ಯೊ.

15 ಪ್ರವಾದಿಯೊನಾ ವಾತೊಬಿ ತಿನೆ ಸಾಮರಸ್ಯ ಥೈಯುಸ.

16 ತೆ ಥಯಲಪರ ಅಪೆ ಪಾಙಾ ಪ್ಹರ್ಯಾ ಮಿ ದಾವಿದನು ಘರ ವರಿ ಭಾಂದೆಯೆಸ ತೆ ಪಡಿ ಗಯುಸ. ತಿನಾಹುತಿ ತುಟಿ ಗಯೆಲ ತಿನು ಘರನಾ ತುಕಡಾ ಮಿ ವರಿ ಯಕ್ಕ ಕರುಸ. ಮಿ ತಿನು ಘರ ನವು ಕರುಸ.

17 ತೆನೈಸೊ ಬಿಜಾ ಮನಕ್ಹೊ ಪ್ರಭುನಾ ಹುತಿ ಹುಡಕಸ. ಯೆಹುದಿಯೊ ನೈಸೊ ಮನಕ್ಹೊ ಕ್ಹಾರಾ ವರಿ ಮಾರಾ ಮನಕ್ಹೊ ಥೈಯಾಸ. ಪ್ರಭು ಯೆ ಕದ್ಯೊಸ. ತೆ ಕ್ಹಾರಾ ಕಾಮೊ ಕರಾಲೊ ತೆಜ್ಜಿ ವ್ಹೊ.

18 ಪೈಲಾತೊಜ ಯೆ ಕ್ಹಾರಾ ಕಾಮೊ ತಿಳಸಾಡೊಸ.

19 ತಿನಾಹುತಿ, ಕ್ಹುದಾ ಕನ ಫರಿನ ಯೆಹುದಿಯೊ ನೈಸೊ ಭಾಯೊನೆ ಅಪೆ ತರಾಸ ದ್ಯುನೈ.

20 ತಿನಾಹುತಿ ಅಪೆ ತ್ಯನೊನೆ ಯಕ್ಕ ಪತ್ರ ಲಿಕಿನ ತೆ ವಿಷಯೊ ಕ್ಹಾರಾ ತಿಳಸಯೆ ಮುರ್ತಿನೆ ಚಡಾಯೆಲ ಅನ್ನ ಖಾವೊ ನಕೊ. ತೆ ಅನ್ನ ಅಶುದ್ಧ ವ್ಹೊ ಕೈಯುಜ ಲೈಂಗಿಕ ಪಾಪ ಕರೊ ನಕೊ. ರಗತ ಖಾವೊ ನೈಕೊ. ನಡ್ಡಿ

ಚಿಕಲಿನ ಜಾನವರೊನು ಮಾಕ್ಲ ಕ್ಲಾವೊ ನೈಕೊ.

21 ತ್ಯುನೆ ತೆ ಕ್ಲಾರು ಕರು ನೈ. ಕಾಕದ್ಯಾಮ ಮೊಶೆನಾ ಧರಮಶಾಸ್ತ್ರನೆ ಬೊಧಿಸ ಕರಲ ಮನಕ್ಲೊ ಹರಯಕ್ ಗಾಮ್ನಾ ಹಜುಬಿ ಛಿ. ಘನ್ನಾ ವರಕ್ಲತ್ತಾ ಹರಯಕ್ ಸಬ್ಬತ ದಿನಮಾ ಮೊಶೆನಾ ವಾತೊ ಒದತ್ತಾ ಕೈನ ಕದ್ಯೊ.

22 ತೆಳಾಮಾ ಅಪೊಸ್ತಲೊ, ಸಭೆನಾ ಮ್ಹೊಟಾ ಮನಕ್ಲೊ ವರಿ ಕ್ಲಾರಿ ಸಬೆನಿ ಇಜಾಜತ ಲಿನ ತ್ಯುನಾಮಾ ದಕ್ಲಾಜನಾ ವೊನೆ ಇನಿಲಿನ ಪೌಲಾ ವರಿ ಬಾರ್ನಬನಾ ಕ್ಲಾತೆ ದಕ್ಲಾ ಮನಕ್ಲೊ ಅಂತಿಯೊಕ್ಕನೆ ವಳಾವಾನು ಚೊಹು ವ್ಹೈಕೈನ ನಿರ್ಧಾರ ಕರ್ಯ್. ತಿನಾಹುತಿ ಭಾಯೊಮಾ ಖಾಸ ವ್ಹೈಕೈನ ಕವೈಲಿವಾಲೊ ಬಾರಬನ ಕೈನ ಕವೈಲಿವಾಲಾ ಯುದನೆ ವರಿ ಶಿಲಾನೆ ಇನಿಲಿನ

23 ತ್ಯುನಾ ಹತ್ತಮಾ ಪತ್ರನೆ ದಿನ ವಳಾಯಾ. ತೆ ಪತ್ರಮಾ ಅಮ್ಮ ಲಿಕ್ಯಾತ್ಲಾ. ಭಾಯೊ, ಅಪೊಸ್ತಲೊ ವರಿ ಶಾನಾ, ಅಂತಿಯೊಕ್ಕಸಿರಿಯ,ಕಿಲಿಕ್ಯ ರ್ಹವಾಲಾ ಯೆಹುದ್ಯ ನೈ ರ್ಹಯಲ ಭಾಯೊನೆ ನಮಸ್ಕಾರ.

24 ಹಮಾರಾ ಸಮುದಾಯನಾ ತಮನೊ ಕನ ಆಯೆಲ ದಕ್ಲಾಜನಾ ತಮನೊನೆ ದಕ್ಲಾಸಂಗತಿಯೊ ಕವಾನಾಹುತಿ ತಮನೊನೆ ತ್ರಾಸನೆ ಘನು ಕರಿನ ತಮಾರಾಮಾ ಗಲಿಬಿಲಿ ಕರಾನಾಹುತಿ ಸುದ್ದಿ ಹಮನೊನೆ ಗ್ವತ್ತ ಥಯು. ತಿನಾಹುತಿ ಇಮ್ಮಕರಾನಾಹುತಿ ಹಮೆ ತ್ಯುನೊನೆ ಕದ್ಯಾನೊಲ್ತಾ.

25 ತಿನಾಹುತಿ ಹಮೆಕ್ಲಾರಾ ದಕ್ಲಾಜನಾ ಸರ್ವಾನುಮತಕ್ಲ ಇನಲಿನ ತಮನೊ ಕನ ವಳಾವಾನೆ ಪೈಸಲೊ ಕರ್ಯ್. ಮಾರಾ ಮಯಾನಾ ಭಾಯೊ ಥಯಲ ಬಾರ್ನಬ ವರಿ ಪೌಲಾನಾ ಕ್ಲಾತೆ ತ್ಯುನೆ ಆವಾಡಾಸ.

26 ಬಾರ್ನಬ ವರಿ ಪೌಲಾ ಹಮಾರೊ ಪ್ರಭು ಥಯಲ ಯೆಸು ಕ್ರಿಸ್ತನಾ ಸೆವಾನಾ ಹುತಿ ಹಮಾರಾ ಜ್ಞೊದಿದ್ಯಾಸ.

27 ತಿನಾಹುತಿ ಹಮೆ ಯುದಾನೆ ವರಿ ಸಿಲನೆ ತ್ಯುನಾ ಕ್ಲಾತೆ ವಳಾಯೊಸ. ಹೆಟ್ಟಾ ಮ್ಹೆಲೆಲ ಸಂಗತಿಯೊ ಕ್ಲಾರಾ ತ್ಯುನೆ ತಮನೊನೆ ತಿಳಿಸಾವಸ.

28 ತಮನೊನೆ ಹಜು ಘನು ವಜ್ಜು ರ್ಹವಾಂದೆ ಕೈನ ಪವಿತ್ರಾತ್ಮನಿ

ನಿರ್ಧಾರ ತಿನೆ ಹಮೆ ಒಪ್ಪಿಲಿದ್ಯಾ ತಮೆ ತೆ ನಿಯಮೊನೆ ಯಕ್ಕಜ್ಜ ಅನುಸರಿಸಸ.

29 ಅನಾಕ್ಲು ಹೆಚ್ಚಗಿ ವಜು ತಮಾರಾ ಉಪ್ಪರ ಉಚ್ಚೆವು ನೈ ಕೈನ ಪ್ರವಿತ್ರಾತ್ಮನೆ ಬಿ ಅಪನೊನೆ ಬಿ ಚೊಕು ದಿಕ್ಲು;ತಮೆ ಹುಶಾರಕ್ಲು ರ್ಹೊನ ತ್ಯುನಾ ಕ್ಲುತೆ ನೈಗಯಾಮಾ ತಮ್ಮನೊನೆ ಬಿ ಚೊಕು ಥಾವಸ.

30 ತ್ಯುನೆ ಅಮ್ಮ ಅಪ್ಪಣೆ ಲಿನ ಅಂತಿಯೊಕ್ಕನೆ ಐನ ಸಭೆನೆ ಮಳ್ಳೆನ ತೆ ಪತ್ರನೆ ತ್ಯುನೊನೆ ಒಪ್ಪಸ್ಸಾ.

31 ತ್ಯುನೆ ಒದಿನ ತ್ಯುನಾಕ್ಲು ಧೈರ್ಯ ಲಿನ ಕ್ಲುಶಿ ಥಯಾ.

32 ಯುದಾ, ಸಿಲಾ ತ್ಯುನೆಜ ಪ್ರವಾದಿಯೊ ಥಯಲಕ್ಲು ಭಾಯೊನೆ ಘನ್ನಾ ವಾತೊಕ್ಲು ಕೈನ ಘಟ್ಟ ಕರಿನ ಕದ್ಯಾ.

33 ತ್ಯಾ ದಕ್ಲು ದಿನ ರ್ಹೊಯೆಲ ಪರ ತ್ಯುನೊನೆ ವಳಾಯೆಲವಾವೊ ಕನ ವರಿ ಜೊಕ್ಕೆನ ಭಾಯೊಕ್ಲು ಅಪ್ಪಣೆ ಲಿದ್ಯಾ.

34 ತಿನಾಹುತಿ ಸಿಲಾನೆ ತ್ಯಾಜ ರ್ಹವಾನು ಚೊಕುಜ ವ್ಹೈ ಕೈನ ದಿಕ್ಲು.

35 ತಿನಾಹುತಿ ಪೌಲಾ ವರಿ ಬಾರ್ನಬ ಅಂತಿಯೊಕ್ಕಮಾ ಹುಬ್ರೈನ ಬಿಜಾ ದಕ್ಲುಜನಾವೊನಾ ಕ್ಲುತೆ ಉಪದೆಶ ಕರತ್ತಾ ಕರ್ತಾ ವಾಕ್ಯ ಕವಾನು ಸುವಾರ್ತೆ ಕತ್ತಾ ವ್ಹತ್ತಾ.

36 ದಕ್ಲು ದಿನೊ ಥಯಲ ಪರ ಪೌಲಾ ಬಾರ್ನಬ; ಅಪೆ ಕರ್ತಾನಿ ವಾಕ್ಯ ಕೈನ ಕ್ಲಾರಾ ಗಾಮೊನೆ ವರಿ ಗೈನ ತ್ಯಾ ರ್ಹೊಯಲ ಭಾಯೊ ಕಿಮ್ಮ ಛಿ ಕೈನ ದೆಕಾನೆ ಆ ಕೈನ ಕದ್ಯೊ.

37 ತಿನಾಹುತಿ ಬಾರ್ನಬ ಮಾರ್ಕ ಕವೈಲಿವಾಲೊ ಯೊಹಾನನೆ

38 ತ್ಯುನಾ ಕ್ಲುತೆ ಬಲೈಲಿನ ಜೌವು ಕತ್ತಾಮಾ ಪೌಲಾ; ಹಮಾರಾ ಕ್ಲುತೆ ಸವೆ ನೈಸೊ ಪಂಪುಲ್ಯಮಾ ಹಮ್ಮನೊನೆ ಚೊಡ್ಡಿಪಾಡೆಲ ಬಲೈಲೌವು ಕೈನ ಜಾವಾನಾ ಹುತಿ ಚೊಕು ನ್ಹವೈ ಕೈನ ಶೆ ಕರಲಿದ್ಯಾ.

39 ತೆ ವಿಷಯಮಾ ಘನ್ನು ವಾಗ್ವಾದ ಥಯಲಕ್ಲು ತ್ಯುನೆ ಯಕ್ವಾ ಯಕ್ಕ ಲಡಾಡಾತ್ತಾ. ಬಾರ್ನಬ ಮಾರ್ಕನೆ ಬಲೈಲಿಂಗೈನ ಸಮುಂದರನಿ ವಾಟಿತ್ತಾ ಕುಪ್ರದ್ವಿಪನೆ ಗಯಾ.

40 ಪೌಲಾ ಸಿಲಾನೆ ಇನಲಿನ ಭಾಯೊಕ್ಲು ಕರ್ತಾನಾ ಕೃಪಾ ಆಶ್ರಮನೆ

ವಳ್ಳೆಲಿವಾಲೊ ಧೈನ ತ್ಯಾತ್ಯಾ

41 ಗೈನ ಸಿರಿಯಾ ವರಿ ಕಿಲಿಕ್ಯ ಸಿಮೆಮಾ ಜಾತ್ತಾ ಕ್ಹಾರಾ ಸಭೆನೆ ಘಟ್ಟ ಕರಾಡಾತ್ತಾ.

16

1 ಪೌಲಾ ದರ್ಬೆ ವರಿ ಲುಸ್ತ ಗಾಮೆಯೆ ಗಯೊ. ತಿಮೊಥಿ ಕವಾಲೊ ಕ್ರಿಸ್ತನೊ ಶಿಷ್ಯೊ ತ್ಯಾ ವ್ಹತ್ತೊ. ತಿನಿ ಯಾಬಿ ವಿಸ್ವಾಸಿ ವ್ಹತ್ತಿ. ತಿನೊ ಬಾ ಗ್ರಿಕವಾಲಾ ವ್ಹತ್ತೊ.

2 ಲುಸ್ತ ವರಿ ಇಕೊನಿಯ ಗಾಮ್ನಾ ವಿಸ್ವಾಸಿಯೊ ತಿಮೊಥಿನೆ ಮರ್ಯಾದಿ ದೆತಾತಾ; ವರಿ ತಿನಾ ಹುತಿ ಚೊಕುಚ್ಚ ಕತಾತಾ.

3 ಪೌಲಾ ತಿಮೊಥಿನೆ ತ್ಯುನಾ ಕ್ಹಾತೆ ಬಲೈಲಿಂಜಾವಾನೆ ಮನಸ ಕರೊಚ್ಚೊ ತೆನ್ನೆಸೊ ತಿಮೊಥಿನೊ ಬಾ ಗ್ರಿಕವಾಲೊ ವ್ಹೆ ಕೈನ ತ್ಯಾನ ಕ್ಹಾರಾ ಮನಕ್ಹೊನೆ ಗ್ವತ್ತ ವ್ಹತ್ತು. ತಿನಾಹುತಿ ಪೌಲಾ ಯೆಹುದಿಯೊನಾ ಮನಕ್ಹೊನೆ ಮೆಚ್ಚಾನಾ ಹುತಿ ತಿಮೊಥಿನೆ ಸುನ್ನಿತಿ ಕರಾಯೊ.

4 ತೆ ಧಯಲ್ಪರ ಪೌಲಾ ವರಿ ತಿನಾ ಕ್ಹಾತೆ ರ್ಹಯಲವಾಲಾ ಬಿಜಾ ಗಾಮೆಯೆ ಗಯಾಸ, ಯೆರೊಸೆಲಿಮಾನಾ ರ್ಹಯಲ ಅಪೊಸ್ತಲೊ ವರಿ ಶಾನಾ ಮನಕ್ಹೊತ್ಯುನೊನೆ ವಿಧೆಯ ಧೌ ಕೈನ ಕದ್ಯಾ.

5 ಇನಾಹುತಿ ಸಭೆ ಬರೊಕ್ಹೊಮಾ ತಾಕತವರ ಧಯಾ ವರಿ ಸಂಖ್ಯಾಮಾ ದಿನೆ ದಿನೆ ಜಾಸ್ತಿ ಥಾವಾಡ್ಲಾ.

6 ಪೌಲಾ ವರಿ ಕ್ಹಾತೆ ರ್ಹಯಲವಾಲಾ ಫ್ರಿಜಿಯಾ ವರಿ ಗಲಾತ್ಯ ಪ್ರಾಂತ್ಯನಾ ಮುಲಕ ಗಯಾ. ಎಶ್ಯಾ ಸಿಮೆಮಾ ಸುವಾರ್ತೆ ಕೌ ನೈಸೊ ಪವಿತ್ರ ಆತ್ಮಾ ತ್ಯುನೊನೆ ತರ್ಬೊ.

7 ಪೌಲಾ ತಿಮೊಥಿ ಮುಸಿಯಸಸ ನಾಡನಾ ನಜಿಕ ಗಯಾ. ತ್ಯುನೆ ಬಿಥೊನಿಯಾ ನಾಡಮಾ ಜೌ ಕೈನ ವ್ಹತ್ತಾ. ತೆನ್ನೆಸೊ ಯೆಸುನಿ ಆತ್ಮಾ ತ್ಯುನೊನೆ ತ್ಯಾ ಜೌ ನೈಸೊ ತಡದಿ.

8 ತಿನಾಹುತಿ ತ್ಯುನೆ ಮುಸಿಯಸಸ ನಾಡಪರ್ತಾ ಶಿದಾ ತ್ರೊವಾ ಗಾಮೆ ಆಯಾ.

9 ತೆ ದಿನ್ನಾ ರಾತೆ ಪೌಲಾನೆ ಯಕ್ಕ ದರ್ಶನ ಥಯು. ತೆ ಸು ವ್ಹೆ ಕದ್ಯಾಮ

10 ಪೌಲಾನೆ ಎ ದರ್ಶನ ಥಯಲ ತೆಳಾಮಾಜ್ಜ ತೆ ಮನಕ್ಲೊನೆ ಚೊಕು ಸಂದೆಶ ಕವಾನೆ ಕ್ಹುದಾ ಹಮೊನೆ ಬಲಾಯೊಸ ಹಮೆ ತಿಳ್ವಿನ ಮೆಕೆದೊನಿಯಾನೆ ಜವಾನೆ ತಯ್ಯಾರ ಥಯಲ ಥಯಾ.

11 ಹಮೆ ತೊವಾಮಾ ಹಡಗೊ ಚಡಿನ ಸಮುಂದರಮಾತಾ ಸಿದಾ ಐನ ಸಮೊಥ್ರಾನೆ ಆಯಾ. ಮರ್ನಾ ದಿನ್ನೆ ನೆಯಪೊಲ ಮುಟ್ಟಿನ

12 ತ್ಯಾಂತಾ ಮೆಕೆದೊನಿಯಾನೆ ಖಾಸ ಗಾಮ ರ್ವಯಲ ಪಿಲಿಪ್ಪಿನೆ ಆಯಾ. ಎ ರೊಮವಾಲಾವೊನೆ ಪ್ರವಾಸನೆ ಜಗಾ ಥಯುಸ.

13 ನದಿನಾ ದಂಡಿಯೆ ರ್ವಯಲ ಕ್ಹುದಾನಿ ಪ್ರಾಥನಾ ಕರಾನಿ ಜಗಾ ಲೆ ಕೈನ ತಿಳ್ವಿನ ಸಬ್ಬತ ದಿನ್ಮಾ ಗಾಮ್ನಾ ಭಾರಾ ಗೈನ ತ್ಯಾಮಳಿನ ಆಯಲ ಬಾಕ್ಡಿಯೊನಾ ಕ್ಹಾತೆ ಬೈಟಿನ ಬೊಲ್ಯಾ

14 ಹಮಾರಿಯೊ ವಾತೊ ಐಕಲವಾಲಾವೊಮಾ ಲುದ್ಯ ಕವಾಲಿ ಬಾಕ್ಡಿ ವ್ಹತ್ತಿ. ತೆ ಭಾಂಬ್ಯಾನೊ ಕಲರ್ನು ವಣ್ಣಾ ಇಕ್ಕಾಲಿ ಥುವತ್ತೆರ ಕವಾನಿ ಗಾಮವಾಲಿ ಕ್ಹುದಾನಿ ಪೌಲಾ ಕವಾನಿಯೊ ವಾತೊನೆ ಧ್ಯಾನ ದಿವಾಹುತಿ ಕರ್ತಾ ತಿನೆ ಮನಸ ಖುಲ್ಲಾ ಕರೊ.

15 ತಿನಾ ಘರವಾಲಾ ಬಾಪ್ತಿಸ್ಮ ಕರೈಲಿದಲಪರ ತೆ ಕರ್ತಾನೆ ಬರೊಕ್ಲೊ ಕರಾಲಿ ವ್ಹೆ ಖಯನ ತುಮೆ ಮಾರಾ ಹುತಿತಿಳ್ವಿದಲ ರ್ವಾಮಾ ಮಾರಾ ಘರ್ಮಾ ಐನ ರ್ವೊ ಕೈನ ಮಾಂಗಿಲಿನ ಹಮೊನೆ ವತ್ತಾಯ ಕರೊ.

16 ತೆ ತಯಲ್ವರ ಪ್ರಾಥನಾ ಥಾವಾನಿ ಜಗಾಪರ ಅಪೆ ಜಾತಾಮಾ ಸಕ್ಣಾ ಕವಾಲಿ ಯಕ್ಕ ಹೆಣ ಮನಕ್ಹತ್ಯುನಾ ಕ್ಹಾಮಿ ಐ. ತೆ ಬಾಕ್ಡಿ ಸಕಾಣಾ ಕವಾಕ್ಹು ತಿನಾ ಮಾಲಕನೆ ಘನ್ನಿ ಆದಾಯಾ ಥಾತಿತಿ.

17 ಹಮೆ ಜಾತಾಮಾ ತೆ ಬಾಕ್ಡಿ ಹಮಾರಾ ಪಾಚಿ ಐನ ಎ ಮನಕ್ಲೊ ಪರಾತ್ಪರ ಥಯಲ ಕ್ಹುದಾನಾ ಸೆವಕೊ ವ್ಹೆ; ತುಮೊನೆ ರಕ್ಷಣೆನು ಮಾರ್ಗ ದೆಕಾಡಾತಾ ರ್ವವಸ. ಕೈನ ವದ್ತಿನ ಕತಿತಿ.

18 ತೆ ಘನ್ನಾ ತಿನತಿಬಿ ಇಮ್ಮಜ್ಜ ಕರತಿ ರ್ವಯಲ ಹುತಿ ಪೌಲಾ ಘನ್ನೊ

ಬೆಜ್ಜಾರ ಧಯೊ. ತಿನಾ ಪಾಚೊ ಫರಿನ ತಿಮಾ ರ್ಹಯಲ ಕೆಟ್ಟ ಆತ್ಮಾನೆ; ತಿನೆ ಛೊಡಿನ ಜಾ ಕೈನ ಯೆಸು ಕ್ರಿಸ್ತನಾ ನಾಮಪರ ತುನೆ ಆಗನ್ಯಾದ್ಯಸ. ಕದ್ಯೊ ತೆಳಾಮಾಙ ತೆ ಕೆಟ್ಟ ಆತ್ಮಾತಿಮಾತಿ ಚೊಡಿನ ಗೈಪಡಿ.

19 ತಿನಾ ಮಾಟಿಯೊ ತ್ಯುನಿ ಆಸ್ತಿನು ಕೈದಾನು ತಪ್ಪಲ ನ್ಹವೈ ಕೈನ ತಿಳ್ತಿನ ಪೌಲಾನೆ ವರಿ ಸಿಲಾನೆ ಧರಿನ ಬಾಜಾರಮಾ ಅದಿಕಾರಿಯೊ ಕನ ಯೆಳದಿಲಿನ ಗಯಾ.

20 ತ್ಯುನೊನೆ ಅದಿಕಾರಿಯೊ ಕನ ಲೈನ ;ತೆ ಮನಕ್ಹೊಹಮಾರಾ ಗಾಮ್ನೆ ಘನ್ನಾ ಹಾಳ ಕರಾಡಾಸ;

21 ತ್ಯುನೆ ಯಹುದ್ಯೊ ಥೈನ ರೊಮವಾಲಾ ಧಯಲ ಹಮೆ ಅವಲಂಬನೆ ಕರಿನ ನೈಕರಾನಾ ಪದ್ಧತಿಯೊ ನೈಕರು ಕೈನ ಕವಾಡಾಸ.

22 ತೆಳಾಮಾ ಮನಕ್ಹೊಕ್ಹಾರಾ ಗುಂಪ ಕರಿನ, ತ್ಯುನೊನೆ ವಿರುದ್ಧ ಥೈನ ಮಳಿನ ಉಟ್ಕಾ ವರಿ ಅದಿಕಾರಿಯೊ; ತ್ಯುನಾ ವಣ್ಣಾ ಫಾಡಿನ, ಕಾಡಿನ, ಬಾರಕೊಲಕ್ಹುಮಾರು ಕೈನ ಅಪ್ಪಣೆ ದಿದ್ಯಾ.

23 ತ್ಯುನೊನೆ ಘನ್ನಾ ಮಾರೊ ಕ್ಹಲೈನ ಜೆಲಮಾ ಫಾಲಿನ, ತ್ಯುನೊನೆ ಘನಿ ಹುಶಾರಕ್ಹು ಕೈದು ಕೈನ ಜೆಲನಾ ಮಾಲಿಕನೆ ಆಜ್ಞೆ ದಿದ್ಯಾ.

24 ತೆ ಅಪ್ಪಣೆ ಹೊಂದಿನ ತ್ಯುನೊನೆ ಜೆಲನಾ ಮ್ಹೈನಿ ಖೊಲಿಮಾ ಫಾಲಿನ ತ್ಯುನಾ ಹತ್ತೊ ಪಗೊನೆ ರಾಕ್ಹ ಭಾಂದಿನ ಬಿಗದ್ಯಾ.

25 ಅರದಿ ರಾತೆ ಪೌಲ ವರಿ ಸಿಲಾ ಪ್ರಾರ್ಥನಾ ಕರ್ತಾಮಾ ಕ್ಹುದಾನೆ ಸ್ತುತಿನಾ ಗಿದ್ಲೊ ಕವಾಡ್ಯಾತಾ; ಜೆಲಮಾ ರ್ಹಹೆಲವಾಲಾ ಕ್ಹಾರಾ ಲಕ್ಷ ದಿನ ಐಕಾಡಾತ್ತಾ.

26 ಯಕ್ಕದುಮ್ಮ ಮ್ಹೊಟು ಭುಕಂಪ ಥೈಯು; ಜೆಲನಾ ಗೊಡಿಯೊ ಹಲ್ಲಿಯೊ. ತೆಳಾಮಾಙ ಬಾಕಲೊ ಕ್ಹಲಿ ಗಯಾ, ಕ್ಹಾರಾವೊನಾ ಬೆಡಿಯೊ ಚ್ಹುಟಿ ಗಯಾ.

27 ಜೆಲನೊ ಮಾಲಿಕ ನಿಂದರಕ್ಹು ಹುಶಾರ ಥೈನ ಜೆಲನಾ ಬಾಕಲೊ ಕ್ಹುಲಾನು ದೆಕಿ ಜೆಲಮಾ ರ್ಹಹೆಲವಾಲಾ ಕ್ಹಾರಾ ನ್ಹಾಟಿ ಗಯಾಸ ಕೈನ ಕೈಲಿನ ತಲವಾರಕ್ಹು ಆತ್ಮಹತ್ಯೆ ಕರಲಿವಾಡೊತ್ಲೊ.

28 ತಿನಾಹುತಿ ಪೌಲಾ ಮ್ಹೊಟಿ ಆವಾಜಕ್ಹು ಅಡ್ಡಿನ ತಿನೆ ತು ಸುಜ್ಞ ಕರಲ್ಯು ನಕೊ,ಹಮೆ ಕ್ಹಾರಾ ಯ್ಹಾಜ ಛಿ ಕೈನ ಕದ್ಯಾ.

29 ತೆಳಾಮಾ ತೆ; ದಿವೊ ಲೌವು ಕೈನ ಅಡ್ಡಿನ ಮ್ಹೈ ಉಡಿನ ಬುಚುಕ್ಕು ಕಾಪತ್ತ್ಲೊ ಪೌಲ ವರಿ ಸಿಲನಾ ಕ್ಲಾಮೊ ಅಡ್ಡ ಪಾಡ್ಲೊ.

30 ವರಿ ತ್ಯುನೊನೆ ಭಾರೊ ಬಲೈನ ಸ್ವಾಮಿಯೊ, ಹಮೆ ರಕ್ಷಣೆನಾ ಹುತಿ ಸು ಕರು ಕೈನ? ಪುಚ್ಚಾನೆ,

31 ತ್ಯುನೆ ಕರ್ತಾ ಥಯಲ ಯೆಸುನಾ ಉಪ್ಪರ ಬರೊಕ್ಕೊ ಮ್ಹೈಲ, ತೆಳಾಮಾ ತು ರಕ್ಷಣೆ ಹೊಂದಶಿ, ತಾರಾ ಘರನಾ ಕ್ಲರಾ ರಕ್ಷಣೆ ಥಾವಸ ಕೈನ,

32 ತಿನೆಬಿ, ತ್ಯುನಾ ಘರಮಾ ರ್ಹಹೆಲವಾಲಾ ಕ್ಲಾರಾವೊನೆ ಕ್ಲುದಾನಿ ವಾಕ್ಯಾ ತಿಳಸ್ಸೆನ ದಿದ್ಲಾ.

33 ತೆಳಾಮಾ ತೆ ರಾತ್ತನಾ ತೆಜ್ಜ ಟೈಮ್ಮಾ ತ್ಯುನೊನೆ ಬಲೈಲಿನ ಗೈನ ತ್ಯುನಾ ದುಕೊ ಕ್ಲಾರಾ ನುಚಿನ ತೆಳಾಮಾ ತೆ ತ್ಯುನಾ ಕ್ಲಾರಾವೊನಾ ಕ್ಲಾತೆ ಮಳಿನ ಬಾಪ್ತಿಸ್ಮಲಿದ್ಲೊ.

34 ತೆಳಾಮಾ ತ್ಯುನೊನೆ ತಿನಾ ಘರೆ ಬಲೈಲಿನ ಗೈನ ಅನ್ನ ಕ್ಲಲಾಯೊ ತೆ ವರಿ ತಿನಾ ಘರವಾಲಾವೊನಾ ಕ್ಲಾತೆ ಕ್ಲುದಾನೆ ನಂಬಿನ ಕ್ಲಶಿ ಥಯಾ.

35 ಪಾಟ ಥಯಲ ಪರ ಅಧಿಕಾರಿಯೊ; ತೆ ಮನಕ್ಲೊನೆ ಚೊಡ್ಡಿಪಾಡ ಕೈನ ಸಿಪಾಯೊನೆ ಕೈನ ವಳಾವೊ.

36 ಜಿಲನೊ ಮಾಲಿಕ ತೆ ವಾತೊ ಕ್ಲಾರಾ ಪೌಲಾನೆ ಕವೊ; ಅಧಿಕಾರಿಯೊ ತಮನೊನೆ ಚೊಡ್ಡಿಪಾಡು ಕೈನ ವಳಾಯಾಸ, ತಿನಾಹುತಿ ಹಮ್ಮಾ ತಮೆ ಸಮಾಧಾನಕ್ಕು ಜಾವೊ ಕೈನ ಕದ್ಲೊ.

37 ತಿನಾಹುತಿ ಪೌಲಾ ತ್ಯುನೊನೆ "ಹಮನೊನೆ ಶಿಕ್ಷಾ ದಿವಾ ವರಕ್ಕು ಕೈಯುಜ ಅಪರಾದ ಹಮೆ ನತ್ತಿ ಕರ್ಲಾ. ತೆನ್ನೆಸೊ ಹಮೆ ರೊಮವಾಲಾ ಮ್ಹೈ ತೆನ್ನೆಸೊ ಹಮನೊನೆ ಮ್ಹೈನಾ ಮ್ಹೈ ಛಡಿಕ್ಕು ಮಾರ್ಲಾಗಡ್ಯಾ ಜಿಲಮಾ ಫಾಲ್ಯಾ; ಹಮ್ಮಾ ಗುಪ್ತಕ್ಕು ಹಮನೊನೆ ವಳ್ಳೆಪಡುಸ ಕದ್ಯಾ? ನತ್ತಿ, ತೆ ಸಾಧ್ಯನತ್ತಿ. ನ್ಯಾಯಾಧಿಪತಿ ತ್ಯುನಾಕ್ಕು ತ್ಯುನೊ ಔ ಕೈನ ಹಮನೊನೆ ಬಿಡುಗಡೆ ಕರಾದೆ" ಕದ್ಲೊ.

38 ಜವಾನೊ ತೆ ವಾತೊ ಕ್ಲಾರಾ ನ್ಯಾಯಾಧಿಪತಿನೆ ವರದಿ ಕರ್ಲಾ.

ತ್ಯುನೊ ಪೌಲಾ ವರಿ ಸಿಲಾ ರೊಮನಾ ಪೌಲಾ ವ್ಹ್ಯೆ ಕೈನ ಭುಚ್ಚಕ್ಯಾ

39 ತಿನಾಹುತಿ ತ್ಯುನೆ ಐನ ಮಾಫಿ ಮಾಂಗಿನ, ಜೆಲಮಾತ್ತಾ ಬಿಡುಗಡೆ ಕರಿನ ಗಾಮ್ಲಿ ಛೊಡಿನ ಜೌಕೈನ ಮಾಂಗಿಲಿದ್ಯಾ.

40 ಪೌಲಾ ವರಿ ಸಿಲ ಜೆಲಮಾತ್ತಾ ಗೈನ ಲಿಡಿಯಳನಾ ಘರೆ ಗಯಾ. ಭಕ್ತ ವಿಸ್ವಾಸಿಯೊನೆ ಸಂಧಿಸಿನ ತ್ಯುನೊನೆ ಪ್ರೊತ್ಸಾಹನಾ ವಾತೊ ಕೈನ ತ್ಯಾಂತ್ಯಾಗಯಾ.

17

1 ಪೌಲ ವರಿ ಸಿಲ ಆಗಾ ಪ್ರಯಾಣ ಕರಿ ಅಂಪಿಪೊಲಿ ವರಿ ಅಪೊಲೊನ್ಯ ಕವಾನಾ ಗಾಮೊ ದಾಟಿನ ಥೆಸಲೊನಿಕನೆ ಆಯಾ. ತ್ಯಾ ಯಹುದ್ಯೊನಿ ಸಬಾಮಂದಿರ ವ್ಹತ್ತಿ.

2 ಪೌಲ ತಿನಿ ಪದ್ಧತನಿಂತ ತ್ಯಾ ರಹೆಲ ಮನಕ್ಲೊಕನ ಗೈನ ತನ ಐತವಾರೊ ಕ್ಹುದಾನಾ ವಾತೊ ತ್ಯುನಾ ಕ್ಹಾತೆ ವಾದಸಿನ

3 ತೆ ವಾಕ್ಯನು ಅರ್ಥ ತಿಳಸಾಯಾ. ಕ್ರಿಸ್ತ ತರಾಸ ಕ್ಹಯಿನ ಮರಿನ ಉಟಿನ ಆವಾನು ಭರುರತ ಛೆ ಕೈನ ಮಿ ತಮನೊನೆ ಪ್ರಸಿದ್ಧಿಪಡಿಸಾನಾ ಹುತಿ ಯೆಸು ತೆ ಕ್ರಿಸ್ತ ವ್ಹ್ಯೆ ಕೈನ ಸ್ಥಿರಪಡಿಸ್ತ್ಯಾ.

4 ತಿಮಾ ದಕ್ವಾಜನಾ ಕ್ಹುದಾನಾ ಭಕ್ತೊ ಥೈಯೆಲ ಗ್ರಿಕನು ಮ್ಹೊಟು ಗುಂಪ ವರಿ ಪ್ರಮುಖ ಬಾಕಡಿಯೊಮಾ ದಕ್ವಾಜನಾ ವಾದಸಿನ ಪೌಲ ವರಿ ಸಿಲಾನೆ ಮಳೆಲಿದ್ಯಾ.

5 ನಂಬೆಲವಾಲ ಯಹುದ್ಯೊ ಸಂಗಟ ಪಡಿನ ಬಾಜಾರಮಾ ಫರಾವಾಲಾ ದಕ್ವಾಜನಾ ಪಾಲತು ಮನಕ್ಲೊನೆ ಬಲೈನ ಗುಂಪ ಕರಿನ ಗಾಮ್ಲಾ ಗದ್ದಲ ಕರಿನ ಪೌಲ ವರಿ ಸಿಲನೆ ಗಾಮಾನಾ ಸಬೆನಾ ಕ್ಹಾಮಾ ಲೌ ಕೈನ್ಯೆ ತ್ಯುನೊನೆ ಹುಡಕತ್ತಾ ಯಾಸೊನಾ ಘರಕನ ಐನ ಮುಟ್ತ್ಯಾ.

6 ತ್ಯುನೆ ಮಳೆವಾಚಿ ಗಯೆಲುಕ್ಹು ತೆ ಮನಕ್ಲೊ ಭಾಯೊನೆ ಯಾಸೊನೆ ವರಿ ದಕ್ವಾ ಮನಕ್ಲೊನೆ ಗಾಮಾನಾ ಅದಿಕಾರಿಯೊ ಕನ ಯಳ್ಳಿನ ಲೈನ ದುನಿಯಾನೆ ಅಲೊಲ್ಲಕಲ್ಲೊಲ ಕರಲ ಮನಕ್ಲೊನ್ವಾಬಿ ಆಯಾತಾ.

7 ಯಾಸೊನ ತುನೊತೆ ಮಳೆಲಿದ್ಯೊತೊ, ತ್ಯುನೆ ಕ್ಹಾರಾಜನಾ ಯೆಸು ನಾಮನೊ ಬಿಜೆಕ್ಲೊ ರಾಜೊ ಛೆಕ್ಚೆನ ಚಕ್ರವರ್ತಿನಾ ಆಗನ್ಯೆ ವಿರುದ್ಧ ಧೈನ ಚಾಲಾಡಾಸ ಕೈನ ವದರ್ಯಾ.

8 ಗಾಮ್ತಾಲಾ ವರಿ ಗಾಮ್ತನಾ ಅದಿಕಾರಿಯೊ ಆ ವಾತೊ ಐಕಿನ ಘಾಬ್ರಾ ಧೈಯಾ.

9 ವಿಸ್ವಾಶಿಯೊನೆ ವರಿ ಬಿಜಾ ಮನಕ್ಲೊನೆ ಜಾಮಿನ ಪರ ಛೊಡ್ತಾ.

10 ತೆಳಾಮಾ ತೆ ಭಾಯೊ ರಾತಮಾ ಪೌಲಾ ವರಿ ಸಿಲಾನೆ ಬೆರೆಯೊನನೆ ಮೊಕ್ಲಾಯಾ. ತ್ಯುನೆ ತ್ಯಾ ಗೈನ ಯಹುದ್ಯೊನಾ ಸಬಾಮಂದಿರಮಾ ಗಯಾ.

11 ತೆ ಸಬೆವಾಲಾ ಕ್ಹುದಾನಿ ವಾಕ್ಯನೆ ಸ್ವಚ್ಚ ಮನಸೆ ಒಪಿಲಿನ ತ್ಯುನೆ ಕದಲ ವಾತೊ ವ್ಹೈಸು ನ್ಹವೈ ಕೈನ ವಪಿಲಿವಾನಹುತಿ ದಿನ್ನೆಬಿ ಪವಿತ್ರ ಗ್ರಂಥ ಪರಿಕ್ಷಾ ಕರಾನಾ ಹುತಿ ತುನೆ ಥೆಸೆಲೊನಿಕ ಸಬೆವಾಲೊತಿ ಛೊಕಾ ವ್ಹತಾ.

12 ತಿಮ್ಮ ರ್ಹತಾಮಾ ತ್ಯುನಾಮಾ ಘನ್ನಾ ಜನಾ ನಂಬ್ಯಾತಾ, ತೆನ್ನೆಸೊ ಕಾಮ ಕರಾಲಾ ಗ್ರಿಕನಾ ಬಾಕ್ಡಿಯೊಮಾ ದಾಣ್ಲಾಮಾ ಘನ್ನಾ ಜನಾ ನಂಬ್ಯಾ.

13 ವರಿ ಪೌಲಾ ಬೆರೆಯೊಮಾಬಿ ಕ್ಹುದಾನಿ ವಾಕ್ಯ ಪ್ರಸಿದ್ಧಿಪಡಿಸಾನಾಹುತಿ ವರ್ತಮಾನಬಿ ಥೆಸೆಲೊನಿಕನಾ ಯಹುದಿಯೊನೆ ಗ್ವತ್ತ ಧಾತಾಮಾ ತ್ಯುನೆ ತ್ಯಾ ಐನ ಮನಕ್ಲೊನಾ ಗುಂಪನೆ ಪ್ರಚೊದ ಕರಿನ ತಡಾಯಾತಾ.

14 ತೆಳಾಮಾ ಭಾಯೊ ಪೌಲಾನೆ ಸಮುಂದರ ಕನ ಭಾವಾನೆ ತಿನೆ ವೈಳೆನ ದಿದ್ಯಾ ತೆಳಾಮಾ ಸಿಲಾ ವರಿ ತಿಮೊಥಿ ತ್ಯಾಜ್ಜ ಹುಬ್ರಯಾ.

15 ಪೌಲಾನೆ ವಳ್ಳೆಲವಾಲಾ ತಿನೆ ಅಥೆನೆತಕ ಬಲೈಲಿನ ಗಯಾ ಸಿಲಾ ವರಿ ತಿಮೊಥಿನೆ ಭೆಟಿ ಥಯಲ ಪರ ಭರನೆಜ ತಿಕನ ಆವಾನೆ ಅಪ್ಪಣೆ ಲಿನ ಪೌಲಾ ಕಂತೊ ಗಯೊ.

16 ಪೌಲ ತ್ಯುನಾ ಹುತಿ ವಾಟ ದೆಕತಾ ಟೆಮಾ ತೆ ಗಾಮ್ತಾ ತ್ಯಾ ತ್ಯಾ ಮೊರ್ತಿಯೊ ದೆಕಿನ ತಿನು ಮನಸ ಬಿಳಾಡ್ಯತು.

17 ತಿನಾಹುತಿ ತೆ ಸಬಾಮಂದಿರಮಾ ಯಹುದ್ಯೊ ವರಿ ಭಕ್ತನಾ ಕ್ಹಾತೆ

ವರಿ ತ್ಯಾಮಳಲ ಮನಕ್ಕೊನಾ ಕ್ಹಾತೆ ವರಿ ದಿನ್ಯೆಬಿ ಬಾಜಾರಮಾ ವರಿ ತ್ಯಾ ದಿಕ್ಲೆಲ ಮನಕ್ಕೊನೆ ವಾದಾ ಕರಾಡೊತೊ.

18 ತೆನ್ಯೆತೊ ಎಪಿಕೊರಿಯೊನೆ ಸ್ತೊಯಿಕರೊನೆ ಕವಾಲಾ ತತ್ವ ವಿಚಾರವಾಲಾ ದಕ್ಹಜನಾ ತಿನಾ ಕ್ಹಾತೆ ವಾದಾ ಕರಾಡಾತಾ. ತ್ಯಾ ರಹೆಲ ದಕ್ಹಜನಾ ತೆ ಸು ವಾತ ಕವಾನೆ ಕೊಶಿಶ ಕರಾಡ್ಯೊಸ ಕೈನ ಕದ್ಯಾ ತೆ ಯೆಸುನಾ ಹುತಿ ವರಿ ಮರಿನ ಜುತೊ ಥಯಲ ಹುತಿ ಕವಡೊಸ ಕೈನ ವರಿ ತೆ ಭಾರ ಗಾಮಾನಾ ದೆವಸ್ಥಾನವೊನಾ ಬಗೆ ಪ್ರಚಾರ ಕರಾವಾಲೊ ದಿಕ್ಹಾಡೊಸ ಕೈನ ಬಿಜಾ ದಕ್ಹಜನಾ ಕವಾಡ್ಯಾತಾ.

19 ತೆ ಮನಕ್ಕೊ ತಿನೆ ಧರ್ಲಿನ ಅರಿಯೊಪಾಯ ಗಾಮ್ಮೆ ಗಯಾ ವರಿ ತಿನೆ ಕದ್ಯಾ ತು ಕವಾನು ಆ ನೈಉಪದೆಶ ಹಮೆಬಿ ತಿಳದಿ ಲಿಯೆಸು.

20 ವಿಚಿತ್ರ ಥಯಲ ಸಂಗತಿಯೊನೆ ಹಮನೊನೆ ತಿಳಸಾಯಲಕ್ಕುತಿನಾ ಬಗೆ ಹಮನೊನೆ ತಿಳದಿ ಲಿವಾನೆ ಹಮನೊನೆ ಅಪೆಕ್ಷ ಛೆ ಕದ್ಯಾ

21 ಅಥೆನೆಯೊನೊ ರಹೆಲ ಗಾಮ್ಯಾ ಬಿಜಾ ಗಾಮಾವಾಲಾ ನವಾ ನವಾ ಸಂಗತಿಯೊ ಕವಾನು ವರಿ ಏಕಾನು ಛೊಡಿನ ವರಿ ಬಿಜಾ ಕಾಮನೆ ಟೈಮ ನೈದೆತಾತಾ.

22 ಪೌಲ ಅರಿಯೊಪಾಯಮಾ ವಚಮಾ ಹುಬರೈನ ಕದ್ಯೊ ಅಥೆನೆಯೊನಾ ಮನಕ್ಕೊ ತಮೆ ಕ್ಹಾರಾಮಾಜ ಘನ್ನಾ ಕ್ಹುದಾನೆ ನಂಬಾವಾಲಾ ವ್ಹೈ ಕೈನ ಮನೆ ದಿಕ್ಹಾಡುಸ.

23 ಮಿ ತಮಾರಾ ಗಾಮ್ಯಾ ಮಿ ಫರತಾಮಾ ಮನೆ ತಮೆ ಪೊಜಾ ಕರಾನಾ ದೆವಸ್ಥಾನೊ ಮೊರ್ತಿಯೊ ದೆಕ್ತಾಮಾ ತಿಮಾ ಮನೆ ಎಕ ಬಲಿಪಿಟ ಡೊಳಾನೆ ಪಡ್ಯುತಿನಾ ಉಪ್ಪರ 'ಅಜ್ಞಾತ ರ್ಹಯಲ ದೆವಸ್ಥಾನ ಕೈನ ಲಿಕ್ತಾತಾ. ತಿನಾ ಹುತಿ ತಮೆ ಸುಜ್ಞ ತಿಳದ್ಯಾವಾಚಿ ಪುಜಾಕರಾನು ತಮನೊನೆ ತಿಳಸಿನ ಕವಾನೆ ಆಯೊಸ ಕದ್ಯೊ

24 ಜಗತ್ಮಾ ವರಿ ತಿಮಾ ಕ್ಹಾರು ಸೃಷ್ಟಿ ಕರಲ ಜಿಮಿನ ಆಕಾಶನೊ ಒಡೆಯೊ ಧೈಯೆಲ ತೆ ಹತೆ ಬಾಂದೆಲ ಗುಡಿಯೊಮಾ ವಾಸ ನೈಕರತೊ. ತೆಛ ಕ್ಹಾರಾವೊನೆ ಉಸುಲ ಜಿವಸಾವೊನೆ ಕ್ಹಾರು ದಿವಾಲೊ ಮನಕ್ಕೊನ ಹತೆ ಮದತ ಕರಲೆವಾಲೊ ನ್ಹವೈ

25 ತೆಜ್ಜ ಕ್ಹಾರಾವೊನೆ ಉಸುಲ ಜಿವಸಾವೊನೆ ಕ್ಹಾರು ದಿವಾಲೊ ಛಿ ಕೈಜ್ಜ ಜರುತ ನೈಸೊ ಮನಕ್ಹೊನ ಹತೆ ಮದತ ಕರಲೆವಾಲೊ ನ್ಹವೈ.

26 ಕ್ಹುದಾ ಎಕ ಮನಕ್ಹು ಕ್ಹಾರಾ ಜನಾಂಗನೆ ಸೃಷ್ಟಿ ಕರಿನ ತ್ಯುನಾ-ತ್ಯುನಾ ರಹೆಲತೆ ವ್ಹಕತನೊ ತ್ಯುನಾ-ತ್ಯುನಾ ರಹೆಲ ಜಗಾನೆ ತಯಾರ ಕರಿನ ತ್ಯಾ ಮ್ಹೆಲ್ಯೊ.

27 ಎಕ ಟೈಮ್ಮಾ ತ್ಯುನೆ ತಡಾ ಕರ್ಯಮ ತಿನೆ ದೆಕಾನ ಹುತಿ ತ್ಯುನೊನೆ ಧುಂಡಾ ಲಗಾಡ್ಲೊ ತೆ ಹಮನೊನೆ ತಿನಾಕ್ಹು ದುರ ಕರ್ಯೊನ್ಯೆ.

28 ಕಾಕದ್ಯಾಮ ತಿಮಾ ಅಪೆ ಜಿವಿಸೆಸ ಚಾಲಿಯೆಸ ವರಿ ರಹೆಸ ತಮಾರಾ ಕವಿಯೊ ದಕ್ಹಾಜನಾ ಹಮೆ ತಿನಾ ಸಂತಾನಾ ವ್ಹೈಕ್ಶೆನ ಕದ್ಯಾ.

29 ಹಮೆ ಕ್ಹುದಾ ಸಂತಾನಾ ಥಯಲ ಪರ ಕ್ಹುದಾ ಮನಕ್ಹುನು ಗ್ಯಾನಕ್ಹು ವರಿ ವಿಚಾರಕ್ಹು ಕೆತೆಲ ರುಪು ಕ್ಹೊನು ವರಿ ದಹಡಾವೊನೆ ಸಮಾನ ವ್ಹೈ ಕೈನ ಅಪೆ ಭಾವಿಸಾನೆ ಜವುನ್ಯೆ.

30 ತೆ ಗ್ಯಾನ ನೈಸೊ ದಿನೊನೆ ಕ್ಹುದಾ ಲೆಕಾಮಾ ಲಿದ್ಯೊನ್ಯೆ. ಕ್ಹುದಾ ಹಮ್ಮಾ ಬಿ ಚಾರ ದಿಕೊಮಾ ಮನಕ್ಹೊನೆ ಪಚಾತಾಪ ಪಡಿನ ಮಕನ ಪ್ಹರೊ ಕೈನ ಕ್ಹುದಾ ಅಪ್ಪಣೆ ಕರ್ಯೊ.

31 ಕಾಕದ್ಯಾಮ ತೆಸೃಷ್ಟಿ ಕರಲ ದಾಣಗಾನೊ ಹತಕ್ಹೊ ನಿತಿಕ್ಹು ಭುಲೊಕಮಾ ಪೈಸಲೊ ಕರನಾ ಹುತಿ ಎಕ ದಿನ್ನ ಗೊತ ಕರ್ಯೊ. ತಿನೆ ಮರೆಲ ಮಾತೊ ಜುತೊ ಕರಲ ವ್ಹೈಕ್ಶೆನ ನಂಬಾ ಹುತಿ ಕ್ಹಾರಾವೊನೆ ಆ ಕಾನಿ ದಿದೊಸ ಕೈನ ಕದ್ಯೊ.

32 ಮರೆಲ ಮಾತೊ ಜುತೊ ಥೈಲ ತ್ಯುನಾಹುತಿ ಐಕಿ ದಕ್ಹಾಜನಾ ಪೌಲಾನೆ ಹಿನಾಯಾ ತಿಮಾನಾ ದಕ್ಹಾಜನಾ ಕದ್ಯಾ ತು ಕದಲ ವಾತೊ ಹಮೆ ಹಜಿ ಎಕ ಸಲಾ ಐಕಿಯೆಸ ಕೈನ.

33 ಇಮ್ಮರ್ಹತಾಮಾ ಪೌಲಾ ತ್ಯುನಾ ವಚಮಾತೊ ಗೈಪಾಡ್ಲೊ.

34 ಬಿಜಾ ದಕ್ಹಾಜನಾ ತಿನೆ ಮಳೆಲಿನ ನಂಬಾ ನಂಬೆಲವಾಲಾ ದಕ್ಹಾಜನಾ ಅರಿಯೊಪಾಯನಿ ಸಬೆಮಾ, ದಿಯೊನುಸ, ದಾಮರಿಯೆ ಕವಾಲಿ ವರಿ ದಕ್ಹಾಜನಾ ತ್ಯಾ ವ್ಹತ್ತಾ.

18

1 ಎ ಥಯಲ್ಪರ ಪೌಲಾ ಅಥೆನೆ ಛೊಡಿನ ಕೊರಿಂಥನೆ ಗಯೊ.

2 ಪೊಂತಮಾ ಕವನಾ ಗಾಮಮಾ ಹುಟ್ಟಲ ಅಕ್ಷಿಳ ಕವಾನಾ ಯಕ್ಕ ಯೆಹುದಿನೆ ಪೌಲಾ ದೆಕ್ಕೊ ಯೆಹುದಿಯೊ ಕ್ಹಾರಾ ರೊಮಾಪುರ ಛೊಡಿನ ಜೊ ಕೈನ ಕ್ಲಾದಿಯನೊ ಚಕ್ರವರ್ತಿ ಆಗನ್ಯಾದಿದಲ ಶಾನಾಹುತಿ ಕದ್ಯಾಮ ಅಕ್ಷಿಳನೆ ತಿನಿ ಬೈಕೊ ಪ್ರಿಸ್ಕಿಳ ದಕ್ಹಾ ದಿನ್ನ ಪೈಲಾಞ ಇತ್ಯಾಳ ದೆಶತಾ ಆಯಾತಾ.

3 ಕಾ ಕದ್ಯಾಮ ಪೌಲಾ ತ್ಯನಾ ಘರೆ ಗೈನ ತ್ಯನೆಬಿ ವರಿ ತೆಬಿ ಯಕ್ಕಜ್ಜ ವ್ಹೈ ಕೈನ ತ್ಯನಾ ಕ್ಹಾತೆ ರ್ಹ್ವಿನ ಕಾಮ ಕರಾಡೊತೊ; ಗುಡಾರ ಕರಾನು ತ್ಯಯನು ಕಾಮ ವ್ಹತ್ತು.

4 ತ್ಯನೆ ಹರಿ ಯಕ್ಕ ಸಬ್ಬತ ದಿನೆ ಸಬಾಮಂದಿಮಾ ಚರ್ಚೆ ಕರಿನ ಗ್ರಿಕವಾಲಾವೊನೆ ಯೆಹುದಿಯೊನೆ ಕೈನ ದೆತೊತೊ.

5 ಸಿಲಾ ವರಿ ತಿಮೊಥಿ ಮೆಕೆದೊನಿಯೆ ಆತಾಮಾ ಪೌಲಾ ಕ್ಹುದಾನಿ ವಾಕ್ಯಾ ಕವಾಮಾ ಡುಬಿನ ಯೆಸುಜ್ಜ ಕ್ರಿಸ್ತ ವ್ಹೈ ಕೈನ ಯೆಹುದಿಯೊನೆ ಖಾಸ ಸಾಕ್ಷಿ ದಿದ್ಯೊ.

6 ತ್ಯನೆ ಎದುರಿಸಿನ ದೊಶ ದಿನ ತೆ ತಿನಾ ವಣ್ಣಾ ರ್ಹಾಡ್ಸಿನ ತ್ಯನೊನೆ ತುಮೆ ಹಾಳ ಥಾವಾನೆ ತುಮೆಜ್ಜ ಕಾರಣ ವ್ಹೈ ಮಿ ಶುದ್ಧ ವ್ಹೈ ಮಿ ಆಜ್ಞತೊಜ್ಜ ಬಿಜಾ ಮನಕ್ಹೊಕನ ಜೊಸ. ಕೈನ,

7 ತೆ ಜ್ಞಗಾ ಛೊಡಿನ ಕ್ಹುದಾಕ್ಹು ಭುಚ್ಚಾಲೊ ತಿತ ಯುಸ್ತ ಕವಾಲಾನಾ ಘರೆ ಗಯೊ. ತಿನು ಘರ ಸಭಾಮಂದಿರನಾ ಬಾಜುಮಾ ವ್ಹತ್ತು.

8 ಸಭಾಮಂದಿರನೊ ಅದಿಕಾರಿ ರ್ಹ್ವಿಯಲ ಕ್ರಿಸ್ತನ ತಿನಾ ಘರಲ್ಯಾ ಕ್ಹಾರಾ ಮನಕ್ಹೊ ಕರ್ತಾಪರ ಬರೊಕ್ಹೊ ಮ್ಹೆಲ್ಯೊ ವರಿ ಕೊರಿಂಥೆಮಾ ಘನ್ನಾ ಮನಕ್ಹೊ ಪೌಲಾ ಕದಲ ಐಕಿನ ಬರೊಕ್ಹೊ ಮ್ಹೆಲಿನ ಬಾಪ್ತಿಸ್ಮ ಕರೈಲಿದ್ಯಾ.

9 ತೆನೈಸೊ ಕರ್ತಾ ಪೌಲಾನೆ ಯಕ್ಕ ದಿನ್ನ ರಾತೆ ದರ್ಶನ ದಿನ ತು ಭುಚ್ಚು ನಕೊ; ಗಪ್ಪ ರ್ಹ್ವಿಯಾವಾಚಿ ಸುವಾರ್ತೆ ಮನಕ್ಹೊಕನ ಕತೊಜ್ಜ ರ್ಹ್ವಿ.

10 ಕಾಕದ್ಯಾಮ ಮಿಜ್ಜ ತಾರಾ ಕ್ಹಾತೆ ಛಿ; ಕುನ್ನಜ್ಜ ತಾರಾ ಕ್ಹಾತೆ ಕೆಟ್ಟಕರ್ತು

ನೈ; ಎ ಗಾಮ್ನಾಮನೆ ಘನ್ನಾಮನಕ್ಕೊಣಿ ಕೈನ ಕದ್ಯೊ.

11 ತೆ ತ್ಯಾ ಯಕ್ಕ ವರಕ್ಕ ಣಿ ಮ್ಹೆನಾ ತ್ಯಾಜ ರ್ಹ್ವಿನ ತೆ ಮನಕ್ಕೊಣಿ ಕ್ಹುದಾನಿ ವಾಕ್ಯಾ ಶಿಕ್ಕಾತೊ ವ್ಹತ್ತೊ.

12 ಗಲ್ಲಿಯೊನಾ ಅಖಾಯಾ ಪ್ರಾಂತ್ಯನೆ ಅದಿಪತಿ ರ್ಹ್ವತಾಮಾ ಯೆಹುದಿಯೊ ಮಳಿನ ಪೌಲಾಪರ ಪಡಿನ ತಿನೆ ಫೈಸ್ಲೊ ಕರಾನಿ ಜಗಾ ಲಾಯಾ.

13 ಎ ಕ್ಹುದಾನೆ ಧರಮಶಾಸ್ತ್ರನಾ ವಿರುದ್ಧ ಮನಕ್ಕೊಣಿ ಪ್ರೊತ್ಸಾಹಾ ಕರಾಡ್ಯೊಸ. ಕೈನ ಕದ್ಯಾ.

14 ಪೌಲಾ ಪ್ರತಿವಾದ ಕರು ಕತಾಮಾ ಗಲ್ಲಿಯೊನ ಯೆಹುದಿಯೊನೆ ಎ ಯಹುದಿಯೊ, ಅನ್ಯಾಯ, ದುಶ್ಕರ್ಮೊ ಹೆವು ಸುಬಿ ರ್ಹ್ವಯುಮ ಮಿ ತುಮಾರಿಯೊ ವಾತೊ ಸಮಾಧಾನಕ್ಕು ಐಕಾನು ನ್ಯಾಯ ವ್ಹೈಸು?

15 ತೆನ್ನೈಸೊ ತುಮೆ ಕರಾನಾ ವಿವಾದ ಭೊದನೆನಾ ನಾಮೊ, ತುಮಾರಾ ಧರಮಶಾಸ್ತ್ರನಾ ಹುತಿ ತಿನಾಹುತಿ ತುಮೆಜ್ಜ ದೆಕಿಲಿವು. ಹಯ್ಯೊ ವಿಚಾರಣೆ ಕರಾನಾ ಹುತಿ ಮನೆತೊ ಮನಸ ನತ್ತಿ ಕೈನ.

16 ತ್ತುನೆ ನ್ಯಾಯ ಕರಾನಿ ಜಗಾಕಂತಾ ಮೊಕ್ಲಿಪಾಡ್ಯೊ.

17 ತೆಳಾಮಾ ಕ್ಹಾರಾ ಮನಕ್ಕೊಸಭಾ ಮಂದಿರನೊ ಅದಿಕಾರಿ ಥಯಲ ಸೊಸ್ಲೆನೆ ಧರಿನ ನ್ಯಾಯಲಯನಾ ಕ್ಹಾಮಾಜ್ಜ ಮಾರ್ಚ್ಯಾ ಗಲ್ಲಿಯೊನನ ತ್ತುನೊಮಾ ನಕ್ಕರ ಬಿ ಧ್ಯಾನ ದಿದ್ಯೊನೈ.

ಅಂತ್ಯಯೊಕ್ಕಮಾ

18 ಪೌಲಾ ಹಜುನ ದಕ್ಖಾ ದಿನೊ ಲಕ್ಕಾ ತ್ಯಾ ರ್ಹ್ವಿನ ತೆ ಥಯಲ್ವರ ಭಾಯೊಕ್ಕು ಅಪ್ಪಣೆ ಲಿನ ತಿನೆ ದಿಕ್ಲೆ ರ್ಹ್ವಯಲ ಹುತಿ ಕೆಂಖ್ರಿಯ ಗಾಮಮಾ ಬಾಲೊ ಕಟ್ಟ ಕರ್ಲೆಲಿವಾನೆ ಹಡ್ಲೊ ಚಡಿನ ಸಿರಿಯಾ ಗಾಮೆ ಚಾಲ್ಯೊ ಕಾಕದ್ಯಾಮ ತೆ ಕ್ಹಮ ಘಾಲ್ಯೊತೊ. ಪ್ರಿಸ್ಕಿಳ ವರಿ ಅಕ್ಷಿಳನಾ ತಿನಾ ಕ್ಹಾತೆ ಗಯೊ.

19 ಎಫೆಸೆಯೆ ಆತಾಮಾ ತ್ತುನೊನೆ ತ್ಯಾಜ್ಜ ಛೊಡಿನ ತೆ ಸಭಾಮಂದಿರ್ಮಾ ಮ್ಹೆಗ್ಳಿನ ಯೆಹುದಿಯೊನಾ ಕ್ಹಾತೆ ವಾದ ವಿವಾದ ಕರೊ.

20 ತ್ಯುನೆ ತಿನೆ ಹಙ್ಗುನ ದಕ್ಖಾದಿನ್ನ ತ್ಯುನಾ ಕ್ಹಾತೆ ರ್ಲಿಕ್ಕೆನ ಕೈಲೆತಾಮಾ ತೆ ವಪ್ಯಾವಾಚಿ,

21 ತಿನಾಹುತಿ ತ್ಯುನೊನೆ ಕದ್ಯೊ ಕ್ಹುದಾನಿ ಚಿತ್ತ ರ್ಲಿಕ್ಕೆ ಕದ್ಯಾಮ ಮಿ ತುಮೊಕನ ವರಿ ಹಜಿಯಕ್ಕ ಸಲಾ ಔಸ ಕೈನ. ತೆ ಥಯಲ್ಪರ ಎಫೆಸತೊ ಸಮುಂದರಪರ್ತೊ ಪ್ರಯಾಣ ಕರಿನ ಚಾಲ್ಯೊತೊ.

22 ತೆ ಕೈಸರೈನೆ ಐನ ಮುಟ್ಟಲ ಪರ ಯೆರೊಸೆಲಿಮೆ ಗೈನ ಸಭೆನೆ ವಂದನೆ ಕರಿನ ತೆಳಾಮಾ ಅಂತಿಯೊಕ್ಕನೆ ಆಯೊ.

23 ಪಾಲಾ ಅಂತಿಯೊಕ್ಕಮಾ ದಕ್ಖಾದಿನ್ನ ರ್ಲಿಕ್ಕೆನ ವರಿ ತ್ಯಾಂತೊ ಗೈನ ಗಲಾತ್ಯ ಸಿಮೆಮಾ ಪ್ರಗ್ಯಮಾ ಸಂಚಾರ ಕರ್ತಾ ಕ್ಹಾರಾ ವಿಶ್ವಾಸಿಯೊನೆ ಘಟ್ಟ ಕರೈಯೊ.

24 ತೆಕ್ಲಾಮಾಙ ಅಲೆಕ್ಸಾಂಡ್ರಿಯಾಮಾ ಹುಟ್ಟಲ ಅಪೊಲೊಸ ಕವಾಲೊ ಯಕ್ಲೊ ಯೆಹುದ್ವಿ ಆಯೊ. ತೆ ವಾತೊಮಾ ಹುಷಾರ ವ್ಹತ್ತೊ ಧರಮಶಾಸ್ತ್ರ ಮಾ ಪ್ರವಿಣ ವ್ಹತ್ತೊ.

25 ತೆ ಕರ್ತಾನಿ ವಾಟೆನಾ ಹುತಿ ಉಪದೆಶ ವ್ಹಂದಲವಾಲೊ ವ್ಹತ್ತೊ. ವರಿ ಆಸಕ್ತಿನೊ ಮನಸವಾಲೊ ವ್ಹತ್ತೊ. ಯೊಹಾನ ದಿವಾನು ಬಾಪ್ತಿಸ್ಮಾನು ಯಕ್ಕಙ ವಳಕಲ ರ್ಲಿಯೊತಬಿ ಯೆಸು ಕರಾಲ ಸಂಗತಿಯೊನೆ ಸುಕ್ಷಮಕ್ಕು ಕೈನ ಉಪದೆಶ ಕರೈಯೊತೊ.

26 ತೆ ಸಭಾಮಂದಿರಮಾ ಧೈರ್ಯಕ್ಕು ಬೊಲಾನು ಶುರು ಕರೈಯೊ. ತಿನಿಯೊ ವಾತೊ ಪ್ರಿಸ್ಕಿಳ ವರಿ ಅಕ್ವಿಳ ಐಕಿನ ತಿನೆ ತಿನಾ ಘರೆ ಬೈಲಿನ ಗೈನ ಕ್ಹುದಾನಿ ವಾಟೆನಾಹುತಿ ತಿನಿ ಸುಕ್ಷಮ ಕ್ಹುದೆಕಾಡಿನ ದಿದ್ಯೊ.

27 ತೆ ಥಯಲ್ಪರ ಅಖಾಯಾನೆ ಜೊ ಕೈನ ತಿನು ಮನಸ ಥಾತಾಮಾ ಭಾಯೊ ತಿನೆ ಪ್ರೊತ್ಸಾಹ ಕರಿನ ತ್ಯಾ ರ್ಲಿಯಲ ವಿಶ್ವಾಸಿಯೊ ಇವ್ಹೊನೆ ಮಳ್ಳೆಲ್ಯು ಕೈನ ಪತ್ರಿಕೆ ಬರ್ದಿನ ದಿದ್ಯಾ.

28 ಕಾಕದ್ಯಾಮ ತೆ ತ್ಯಾಗಯೆಲ ಪರ ಯೆಸುಙ ಕ್ರಿಸ್ತ ವ್ಹೈ ಕೈನ ಕ್ಹುದಾನಿ ವಾಕ್ಯಾ ಕ್ಹು ಯೆಹುದಿಯೊನೆ ದೆಕಾಡಿನ ದಿನ್ನ ಕ್ಹಾರಾವೊನಾ ಕ್ಹಾಮೊ ಧರಮಶಾಸ್ತ್ರಾನಿ ತಾಕತಕ್ಕು ಇನಾಹುತಿ ದೆಕಾಡಿನ ದೆತಾ ಯೆಹುದಿಯೊನೆ ಖಂಡನೆ ಕರಿನ ಕ್ಹುದಾನಿ ಮರ್ಗಾಕ್ಕು ಬರೊಕ್ಕೊ ಕರಲವಾಲವೊನೆ

ಘನ್ನೊ ಮದತ ಕರ್ರೊ

19

1 ಅಪೊಲೊಸ ಕೊರಿಂಥಮಾ ರ್ಹತಾಮಾ ಪೌಲ ಬ್ಹಾರಲ್ಯಾ ಗಾಮ್ನಾ ಫರಿನ ಎಪೆಸಮಾ ಐನ ದಕ್ವಾಜನಾ ಶಿಷ್ಯಾವೊನೆ ದೆಕಿನ.

2 ತುಮೆ ನಂಬೆಲಪರ ಪವಿತ್ರ ಆತ್ಮಾನಿ ವರ ವ್ಹಂದಿಲಿದ್ಯಾಸು? ಕೈನ ತ್ಯುನೊನೆ ಪುಚ್ಚತಾಮಾ ತ್ಯುನೆ ಕದ್ಯಾ ನತಿ ಕೈನ ಕದ್ಯಾ ಪವಿತ್ರ ಆತ್ಮಾ ಕವಾನು ಹಮೆ ಐಕ್ಯಾನತ್ತಿ ತ್ಯುನೊನೆ ಛೆ ಕೈನ ಗ್ವತ್ತ ನತಿ ಕೈನ.

3 ತೆ ತ್ಯುನೊನೆ ತಮೆ ಕೈ ತರಾನಿ ಬಾಪ್ತಿಸ್ಮ್ ಲಿದ್ಯಾಸ. ಕೈನ ಪುಚ್ಚತಾಮಾ ತ್ಯುನೆ ಕದ್ಯಾ ಯೊಹಾನನು ಬಾಪ್ತಿಸ್ಮ್ ಕರಲಿದ್ಯಾಸ ಕದ್ಯಾ

4 ತಿನಾಹುತಿ ಪೌಲಾ ಯೊಹಾನ ಪಶ್ಚಾತ್ತಾಪ ಪಡಿನ ಕ್ವದಾ ಕನ ಫರಿನ ಬಾಪ್ತಿಸ್ಮ್ ಕರೈನ ಕದ್ಯೊ ತಿನ್ಯಾ ಐನ ವರಿ ತಿಪರ ಬರೊಕ್ಲೊ ಕರಾವಾಲಾ ಮನಕ್ಲೊವೈ ಕದ್ಯೊ.

5 ತ್ಯುನೆ ತೆ ವಾತೊ ಐಕಿನ ಕರ್ತಾ ಥಯಲ ಯೆಸು ನಾಮಪರ ಬಾಪ್ತಿಸ್ಮ್ ಕರಲಿದ್ಯಾ.

6 ಪೌಲಾ ತ್ಯುನೊಪರ ಹತ ಮ್ಹೆಲೆಲಪರ ಪವಿತ್ರಾತ್ಮ ತ್ಯುನಾ ಉಪ್ಪರ ಐಯ್ಯೊ ವರಿ ತ್ಯುನೆ ಬಿಜಿಯೊ-ಬಿಜಿಯೊ ವಾತೊ ಬೊಲ್ಯಾಕ್ವದಾನು ಸಂದೆಶ ಕತಾ ಭಾಲ್ಯಾ.

7 ತ್ಯುನೆ ಕಮಸೆ ಕಮ ಬಾರಾ ಜನಾ ದಾಣ್ಣಾ ವ್ಹತ್ತಾ.

8 ತೆ ಗಾಮ್ನಾ ಪೌಲಾ ಸಬಾಮಂದಿರಮಾ ಗೈನ ತನ ಮ್ಹೈನಾ ತ್ಯಾ ಕ್ವದಾನಿ ರಾಜ್ಯನಾ ಹುತಿ ಕವಾಡೊತೊ. ಮನಕ್ಲೊನೆ ಧೈರ್ಯಕ್ವ ಬೊಲ್ಯೊ.

9 ದಕ್ವಾ ಮನಕ್ಲೊ ತ್ಯುನಾ ಮನಸಮಾ ಕಟಿನ ಕರಲಿನ ವರಿ ನಂಬ್ಯಾ ನೈ ಗುಂಪ ಕರಿನ ಮನಕ್ಲೊನ ಕ್ವಾಮಾ ಆ ವಾಟೆ ಕೆಟ್ಟ ಛೆ ಕವಾನೆ ತಿನಾಹುತಿ ಪೌಲಾ ತ್ಯುನೊನೆ ಛೊಡಿನ ಗೈನ ಶಿಷ್ಯಾವೊನೆ ಬಿಜಾ ಕರಿನ ತುರನ್ನ ಕವಾನಿ ಶಿಕ್ಲಾವೊನಿ ಕ್ಲೊಲಿಮಾ ತಿನಾಹುತಿ ತರ್ಕಸಾಲಿಮಾಕದ್ಯೊ.

10 ತೆ ಬೆ ವರಕ್ವತು ಥಯಲ ಅಸ್ಯಸಿಮೆಮಾ ಕ್ವಾರಾ ಯೆಹುದಿಯೊ ವರಿ ಯೆಹುದಿಯೊ ನೈಸೊ ಮನಕ್ಲೊ ಗ್ರಿಕವಾಲಾ ಪ್ರಭು ಯೆಸುನು ಸಂದೆಶ

ಐಕ್ಯಾ

11 ಕ್ಹುದಾ ಪೌಲಾನಾ ಹತಕ್ಕು ಖಾಸ ಅದ್ಭುತ ಕರತಾ ರ್ಹತಾಮಾ

12 ತಿನಾಹುತಿ ಪೌಲಾನಾ ಉಪ್ಪರಲ್ಯಾ ವಣಾ ವರಿ ನ್ಹಾನು ಟುವಾಲ ಮನಕ್ಹೊಲಿನ ರೊಗಿಯೊನಾ ಉಪ್ಪರ ಘಾಲ್ತಾಮಾ ತ್ಯುನಾ ರೊಗೊ ವಾಸಿ ಥಯಾ ವರಿ ಭುತ್ವಾ ಛೊಡಿನ ಜಾತ್ತಾತ್ತಾ.

13 ಭುತ್ವಾ ಛೊಡಾವಾಲಾ ಗಾಮೊ-ಗಾಮೊ ಪ್ಹರ್ತಾ ರ್ಹಯಲ ದಕ್ಖಾ ಯೆಹುದಿಯೊ ಯೆಸುನು ನಾಮ ಕೈನ ಭುತ್ವಾ ಛೊಡಾವಾನೆ ಕೊಶಿಶ ಕರ್ತಾತಾ ದಕ್ಖಾ ಕೆಟ ಆತ್ಮವೊನಾ ಉಪ್ಪರ ಪೌಲಾ ಕವಾನು ಯೆಸುನು ಕ್ಹಮ್ಮಕೈನ ಕರ್ತಾ ಥಯಲ ಯೆಸು ನಾಮ್ಪರ ಪ್ರಯೊಗ ಕರಾನೆ ಗಯಾ.

14 ಖಾಸ ಯಾಜಕ ಸೈವ ಕವಾಲೊ ಎಕ ಯೆಹುದಿ ವ್ಹತೊ. ತಿನಾ ಕ್ಹಾತ ಬಚ್ಚಾ ವ್ಹತಾ. ತ್ಯುನೆ ಬಿ ಅಮ್ಮಚ್ಚ ಕರತಾ ಥಾ.

15 ತೆನ್ನೈಸೊ ದುರಾತ್ಮ ತ್ಯುನೊನೆ ಕದ್ಯು ಯೆಸುನು ವಳಕ ಮನೆ ಛಿ ವರಿ ಪೌಲಾ ಬಿ ಮನೆ ಗೊತ್ತ ಛಿ. ತೆನ್ನೈಸೊ ತ್ಯುನೊನೆ ಗೊತ್ತಚ್ಚೆ ಕೈನ.

16 ವರಿ ಕೆಟ ಆತ್ಮ ಧರಲವಾಲಾ ತೆ ಮನಕ್ಹೊ ಪರ ತೆ ಆಕ್ರಮಣ ಕರಿನ ತ್ಯುನೊನೆ ಸೊಲಸಿನ ಘಾಬ್ರಾ ಥೈನ ದುಕ ಕರಲಿನ ಭೊಗಳಾ ಥೈನ ತಿನಾ ಘರಮಾ ನ್ಹಾಟಿನ ಗಯಾ.

17 ತೆ ಸಂಗತಿಯೊ ಎಪೆಸಮಾ ರಹೆಲ ಕ್ಹಾರಾ ಯೆಹುದಿಯೊನೆ ವರಿ ಗ್ರಿಕರೊನೆ ತಿಳ್ತಿನ ಆತಾಮಾ ತ್ಯುನೆ ಘನಾ ಭುಚ್ಚಕಿ ಗಯಾ ವರಿ ಕರ್ತಾ ಯೆಸುನು ನಾಮ ಘನ್ನು ಉಚ್ಚು ಥಯು.

18 ತ್ಯುನೊಮಾ ನಂಬೆಲವಾಲಾ ಐನ ಘನಾಞನಾ ಕ್ಹಾಮಾ ತ್ಯುನೆ ಕರಲ ಕಾಮೊ ಒಪಿಲಿದ್ಯಾ.

19 ತೆನ್ನೈತೊ ಮಾಟಾ ಮಂತ್ರಾ ಕರೆಲವಾಲಾ ದಕ್ಖಾಞನಾ ತ್ಯುನಾ ಮಾಟಾ ಮಂತ್ರಾನಾ ಬುಕೊ ಲೈನ ಬಾಳಿ ಪಾಡ್ಯಾ. ತಿನಿ ಕಿಮ್ಮತ ಹಿಸಾಬ ಕರಿನ ಐವತ್ತ ಹಜಾರ ರುಪ್ಪಾನಾ ಬಿಲ್ಲಾ ಥಯಾ ಕೈನ ಕೈಲಿದ್ಯಾ.

20 ತೆ ರಿತಿಮಾಞ ಕರ್ತಾನಿ ವಾಕ್ಯ ಘನಿ ಬಡತಿ ತಾಕತವರ ಥೈ.

21 ಎ ಸಂಗತಿ ಥಯಲ ಪರ ಪೌಲಾ ಬಿ ಮಕೆದೊನ್ಯಮಾ ಅಖಾಯಾಮಾ ಸಂಚಾರ ಕರಿನ ಯೆರುಸಲೆಮೆ ಜೌ ಕೈನ ಮನಸ್ಸಮಾ ಸೊಞಾಡೊ ಥೊ.

ತ್ಯಾಗಯಿಲ ಪರ ರೊಮಾಪುರವಾಲಾವೊಬಿ ದೆಕು ಕೈನ ಕದ್ಯೊ.

22 ತೆನೈಸೊ ತೆ ತಿನಾಮಾ ಸೆವೆ ಕರಾವಾಲಾ ಬೆ ಭನಾ ತಿಮೊಥಿ ವರಿ ಎರಸ್ತನ ಮಕೆದೊನ್ಯನೆ ವಳ್ಳೆನ ತೆ ಆಸ್ಕಸಿಮೆಮಾ ದಕ್ಖಾದಿನ್ನ ವ್ಹತ್ತಾ.

23 ತೆ ದಿನೊಮಾ ತೆ ವಾಟಿನಾ ಪರ ಘನು ಧಾಂದಲ ಉಟಿತಿ.

24 ಕಿಮ್ಮ ಕದ್ಯಾಮ ದೆಮೈತ್ರಿ ಕವಾಲೊ ಎಕ ಅಕ್ಕಸಾಲಿಗಾ ರುಪಾಕ್ಲು ಅರ್ತೆಮಿನಿ ದೆವಿನಿ ಗುಡಿಯೊಕ್ಕುನ್ಹಾನಾ ನ್ಹಾನಾ ಗುಡಿಯೊ ಕರಾವಾಲೊ ತೆ ಕಾಮ್ ಕರಾಲಾ ಮನಕ್ಲೊನೆ ಘನು ಫಯದೊ ದೆತೊತೊ.

25 ತೆ ತ್ಯನೊನೆ ವರಿ ತೆ ಕುಸುಬಿಯೊನೆ ಸಂಬಂಧ ರ್ವಯಲ ಕಾಮವಾಲಾವೊನೆ ಎಕ ದಮ್ಮ ಬಲ್ಯೆನ ತ್ಯನೊನೆ ಕದ್ಯೊ ಮನಕ್ಲೊ ಆ ಕಾಮಕ್ಕು ಅಪೆ ಘನ್ನಾ ಸೌಕಾರ ಧೈಯಿಸ ಕೈನ ತಮನೊನೆ ಗ್ವತ್ತ ರ್ವಾ ಕದ್ಯೊ.

26 ತೆ ನೈಸೊ ಹತಕ್ಕು ಕರಲ ಮೂರ್ತಿಯೊ ದೆವಸ್ಥಾನ ನ್ಹವೈ ಕೈನ ತೆ ಪೌಲಾ ಕೈನ ಎಪೆಸಮಾ ಎಕಭನ್ಯೆ ಕಮ್ಮಸೆ ಕಮ್ಮ ಆಸ್ಕಸಿಮೆಮಾ ಘನಾ ಮನೊಕ್ಲೊನೆ ದೆಕಾಡಿನು ದಿವಾನು ಪ್ಪರೈಪಾಡ್ಲೊ ಕೈನ ತುಮೆ ದೆಕೊಶಿಬಿ ವರಿ ಐಕೊಶಿಬಿ.

27 ತಿನಾಹುತಿ ಹಮಾರಾ ಕಾಮನೆ ಲುಕ್ಸಾನ ನೈ ಆತು ಕೈನ ಅರ್ತೆಮಿನಾ ಮಹಾದೆವಿ ದೆವಸ್ಥಾನೆ ಲೆಕ್ಕಾನೆ ನೈ ಆವಾನಾ ಹುತಿ ತಿನಾ ಹುತಿ ಕ್ಹಾರಾ ಆಸ್ಕಸಿಮೆ ವಾಲಾ ಜಗತ್ತ್ ಪುಜಾ ಕರಾಲಾ ದೆವಿನು ಶೃಂಗಾರನೆ ಲುಕ್ಸಾನ ಧೈ ಕೈನ ತ್ರಾಸ ಧಾವಸ ಕದ್ಯೊ.

28 ತ್ಯನೆ ಆ ವಾತೊ ಐಕೆಲ ಮನಕ್ಲೊನು ಗುಂಪ ಶಿಟ ಧೈನ ಎಪೆಸೊನಾ ಅರ್ತೆಮಿ ದೆವಿ ಮಹಾದೆವಿ ಕೈನ ವದ್ಯಾ.

29 ತೆಳಾಮಾ ಗಾಮ್ ಪುರಾ ಗಲಿಬಿಲಿ ಧೈ ಪ್ರಯಾಣಮಾ ಪೌಲಾನಾ ಕ್ಹಾತೆ ಮಕೆದೊನ್ಯ ಗಾಯೊಸೆನೆ ವರಿ ಅರಿಸ್ತಾರ್ಕನೊನೆ ಮನಕ್ಲೊಧರ್ಲಿನ ಮಳಿನ ನಾಟಕ ಸಾಲಿಮಾ ಹೊಕ್ಕಾ.

30 ಪೌಲಾ ಮನಕ್ಲೊನಾ ಗುಂಪನಾ ಕ್ಹಾಮೊ ಜಾತಾಮಾ ವಿಶ್ವಾಸಿಯೊ ತಿನೆ ಲೊಡ್ಲಾ ನೈ.

31 ತೆ ನೈಸೊ ಆಸ್ಕಸಿಮೆನಾ ಅದಿಕಾರಿಯೊಮಾ ದಕ್ಖಜನಾ ಪೌಲಾನಾ

ದೊಸ್ತೊ ಥಯಲ ಕ್ಹು ತಿಕನ ಮನಕ್ಲೊನೆ ವಳ್ಳೆನ ತು ನಾಟಕ ಸಾಲಿನಮಾ ನಕೊ ಜೊ ಕೈನ ಮಾಂಗಿಲಿದ್ಯಾ

32 ಮನಕ್ಲೊಮಾ ಗಲಿಬಿಲಿ ಥೈ ಕೈನ ದಕ್ಖಜನಾ ಎಕ ತರಾಮಾ ಅಡ್ಯಾಮ ಬಿಞಾ ದಕ್ಖಜನಾ ಹಜೆಕ ತರಾಮಾ ಅಡ್ಡಾಡ್ಯಾ ಥಾ. ಘನಾ ಭನಾ ತ್ಯಾ ಮಳಿನ ಆಯೆಲ ಕಾರಣ ಗ್ವತ್ತ ನ್ಹೊತ್ತು

33 ಯೆಹುದಿಯೊ ಅಲೆಕ್ಸಾಂಡರನೆ ಅಗಾ ಥಕಲ್ತಾಮಾ ಗುಂಪಮಾ ದಕ್ಖಜನಾ ತಿನೆ ಸುಚನೆ ದಿದ್ಯಾ ತೆಳಾಮಾ ಅಲೆಕ್ಸಾಂದ್ರನೆ ಇಶಾರೊ ಕರಿನ ಶಾಂತ ಕರಸ. ಮಳೆಲ ಮನಕ್ಲೊನೆ ಪ್ರತಿವಾದ ಕರುಕೈನ ವ್ಹತೊ.

34 ತೆಳಾಮಾ ತೆ ಯಹುದ್ಯೊ ವ್ಹೈ ಕೈನ ತಿಳದ ತಾಮಾ ಕ್ಕಾರಾಜನಾ ಎಕ ಅವಾಜಕ್ಹು ಎಫೆಸೊನಿ ಅರ್ತೆಮಿದೆವಿ ಮಹಾದೆವಿ ವ್ಹೈ ಕೈನ ಬೆ ಘಂಟಾ ವದ್ರ್ಯಾ

35 ಲಾಸ್ವಮಾ ಗಾಮನೊ ಮಾಲಕ ಮನಕ್ಲೊನಾ ಗುಂಪನೆ ಸಮಾಧಾನ ಕರಿನ ವರಿ ಎಪೆಸೆವಾಲಾ ಎಪೆಸ ಗಾಮ್ವಾಲಾ ಅರ್ತೆಮಿ ಮಹಾದೆವಿ ದೆವಸ್ಥಾನೆ ಹಬಾಳಮ್ಯಾತು ಪಡೆಲ ತಿನಾ ಮೂರ್ತಿನೆ ಮಾ ಬಾಪ ಥಯಾಸ ಕೈನ ತಿಳದಲವಾಲೊ ಮನಕ್ಹ ಕುನ ವ್ಹೈ?

36 ಎ ಸಂಗತಿಯೊ ನ್ಹವೈ ಕವಾನಾ ಹುತಿ ಕಿನೆಕ್ಹಜ್ಜ ನೈ ಥಯಲಕ್ಹುತುಮೆ ಶಾಂತಿಕ್ಹು ರ್ಹವೊ. ಗಡಬಡ ಕರಿನ ಸುಜ್ಜ ಕರುನೈ.

37 ತುಮೆ ದ್ವರಲಿನ ಆಯೆಲ ಆ ಮನಕ್ಲೊಗುಡಿಮಾ ಚೊರಿ ಕರಾಲಾ ನ್ಹವೈ ಹಮಾರಿ ದೆವಿನೆ ದುಷಿಕವಾಲಾ ನ್ಹವೈ.

38 ತಿಮ್ಮ ರ್ಹಯಲಕ್ಹು ದೆಮೆತ್ರಿಯೊನೆ ತ್ಯುನಾ ಬಗಲ ರಹೆಲವಾಲಾ ಕಾಮ ಕರಾವಾವೊನೆ ಕುನಬಿ ತಿಪರ ತಪೊ ರ್ಹಯಾಮಾ ಫೈಸಲಾನಿ ಜಗಾವೊ ಅಧಿಪತಿಯೊ ಛಿ ಎಕನಾ ಉಪ್ಪರ ಎಕ ಅಪವಾದ ಘಾಲ್ಲಿವಾನು.

39 ಸುಬಿ ಘನು ವಿಚಾರಣೆ ಚಾಯೆ ಥಯು ತೆ ನೈ ಫೈಸಲೊಕ್ಹು ಸಬೆಮಾ ತಿರ್ಮಾನ ಕರಸ.

40 ತೆ ದಿನೊಮಾ ಫೈಸಲೊಕ್ಹು ಸುಜ್ಜ ಕಾರಣ ನೈಸೊ ಆಯೆಲ ಮನಕ್ಲೊನಾ ವಿಷಯಮಾ ತೆ ಎಕ ದಂಗೊ ಹಮಾರಾ ಉಪ್ಪರ ತಪ್ಪ

ಫಾಲಾನೆ ಕಾರಣ ಥಯು. ತೆ ತಪನಾ ಹುತಿ ವಿಚಾರ ಕರ್ಯಾಮ್
ಹಮನೊಕ್ಕು ಜವಾಬ ದಿವಾನೆ ಥಾತು ನೈ ಕೈ ಕದ್ಯೊ
41 ತೆ ಥಯಲ ಪರ ವಾತೊ ಐಕಿನ ಪಂಚಾತಿ ಮುಗಶ್ಯಾ

20

ಮೆಕೆದೊನ ವರಿ ಗ್ರಿಸ ದೆಶಮಾ ಪೌಲಾನಿ ಸೆವೆ

1 ಗದ್ದಲ ಹುಬ್ರಯಲ್ಪರ ಪೌಲಾ ವಿಶ್ವಾಸಿಯೊನಾ ಕ್ಹಾತೆ ಬಲೈನ ಯಕ್ಕ
ಜಗಾ ಧೈರ್ಯದಿನ ತ್ಯುನೊಕಂತೊ ಅಪ್ಪಣೆ ಲಿನ ಮೆಕೆದೊನಿಯಾನೆ
ಗಯೊ.

2 ತೆ ಗಾಮಾ ಫರಿನ ತ್ಯಾರ್ಡಯಲ ಮನಕ್ಕೊನೆ ಘನ್ನಾ ಸಂದೆಶ ದಿನ್ನ
ಧೈರ್ಯದಿನ ಗ್ರಿಸ ದೆಶೆ ಆಯೊ.

3 ತ್ಯಾ ತನ್ನ ಮೈನಾ ಥಯಲ್ಪರ ಸಿರಿಯಾ ದೆಶೆ ಸಮುಂದರನಿ
ವಾಟತೊ ಜೌ ಕೈನ ಕೈಲಿತಾಮಾ ತಿನಾ ವಿರುದ್ಧ ಯೆಹುದಿಯೊ ಪ್ಲಾನ
ಕರಲ ತಿನೆ ಗ್ವತ್ತ ಥಯಲ ಹುತಿ ತೆ ಮೆಕೆದೊನಿಯಾನಿ ವಾಟತೊ ಪಾಚೊ
ಪ್ಲರಿನ ಜಾವಾನೆ ಪೈಸಲೊ ಕರಯೊ.

4 ಪುರ್ರನೊ ದಿಕ್ರೊ ಥಯಲ ಬೆರೊಯೊ ಗಾಮವಾಲೊ ಸೊಪತ್ರನು,
ಥೆಸಲೊನಿಕ ಅರಿಸ್ತಾರ್ಕ, ಸೆಕುಂದನದೆರ್ಬೆ ಥೆಸಲೊನಿಕ ಗಾಮವಾಲೊ
ಗಾಯೊಸನೊ, ತಿಮೊಥಿಯೊನ, ಆಸ್ಯಸಿಮೆಮಾ ರ್ಡಯಲವಾಲಾ
ಮನಕ್ಕೊ ತುಖಿಕನ, ತ್ರೊಫಿಮನೊ, ಆಸ್ಯಸಿಮೆ ಲಕ್ಕಾ ತಿನಾ ಕ್ಹಾತೆ
ಗಯಾ.

5 ತ್ಯುನೆ ಪೈಲಾಜು ಗೈನ ಹಮಾರಾ ಹುತಿ ತ್ರೊವಾಮಾ ಕೈದಾಡ್ಯಾತಾ.

6 ನೈ ಪುಗ್ಗಲ ರೊಕ್ಕಾನಾ ಸನ್ನನಾ ದಿನೊಮಾ ಪುರಾ ಥಯಲ್ಪರ
ಹಮೆ ಪಿಲಿಪ್ಪಮಾತಾ ಹಡಗಾಮಾ ಪಾಂಚ ದಿನೊಮಾ ತ್ರೊವಾಮಾ ಐನ
ತ್ಯುನಾ ಕ್ಹಾತೆ ಮಳ್ಳಾ ತ್ಯಾ ಕ್ಹಾತ ದಿನ್ನ ವ್ಹತ್ತಾ.

ಯುತಿಕನೆ ಜಿವದಾನ

7 ಹಪ್ಪಾನಾ ಪಸ್ವಲ್ಯಾ ದಿನ್ಮಾ ರೊಕ್ಕೊ ತೊಡಿನ ಖಾವಾನಾ ನಿಯಮನಾ
ಹುತಿ ಮಳಿನ ಆತಾಮಾ ಪೌಲಾ ತ್ಯಾ ಮಳಿನ ಆಯಲ ವಿಸ್ವಾಸಿಯೊನೆ
ಭೊದನ ಕರ್ತೊ ಅರ್ದಿ ರಾತಲಕ್ಕಾ ಉಪನ್ಯಾಸ ದಿದ್ಯೊ.

8 ಹಮೆ ಮಳಿನ ರ್ಹಯಲ ಅಂಟಾನಾ ಘರ್ಪರ ಘನ್ನು ಉಜಾಲು ದಿವಾನಾ ದಿವ್ವಾ ವ್ಹತಾ.

9 ಯುತಿಕ ಕವಾಲೊ ಯಕ್ಲೊ ಜಾಂಜಿಮಾನ ಖಿಡ್ಕಿಕನ ಹುಬ್ರೈನ ನಿಂದರ್ಮಾ ಜುಕತ್ಲೊ ರ್ಹವಸ. ಪೌಲಾ ಭೊದನೆ ಕರ್ತೊ ರ್ಹತಾಮಾ ತೆ ಜಾಂಜಿಮಾನ ತನ್ನ ಮಹಡಿ ಮ್ಹಾಡಿಪರ್ತೊ ಹೆಟೊ ಪಡಿಗಯೊ; ತಿನೆ ಉಟಾಡಾನೆ ಜಾತಾಮಾ ತೆ ಮರಿಗಯೊತೊ.

10 ತೆನೈಸೊ ಪೌಲಾ ಹೆಟೊ ಉತ್ರನ ಗೈನ ತಿಪರ ಪಡಿನ ತಿನೆ ಔಳಗಿಲಿನ; ಚಿಂತಾ ನಕೊ ಕರೊ, ತೆ ಜಿವ್ಲೊ ಛೆ ಕೈನ ಕದ್ಯೊ.

11 ತೆಕಾಮಾ ತೆ ಉಪ್ಪರ ಗೈನ ರೊಕ್ಲೊ ತೊಡಿನ ಖೈನ ದಿನ್ನ ನಿಕ್ಲಳೆ ಲಕ್ವಾಬಿ ತಿನಾ ಕ್ಹಾತೆ ಬೊಲಿನ ಗೈಪಡ್ಯೊ.

12 ತ್ಯುನೆ ತೆ ಜಿವ್ಲೊ ಥಯಲ ಪಟ್ವಾನೆ ಘರೆ ಬಲೈಲಾತಾಮಾ ತ್ಯುನೊನೆ ಘನ್ನು ಸಮಾಧಾನ ಥಯು.

ಪೌಲಾ ಮಿಲೆತ ದ್ವಿಪನೆ ಗಯಲ

13 ಅಪೆ ತ್ಯಾ ಪೈಲಾಜ್ ಗೈನ ಅಸ್ಸೊಸಿಮಾ ಪೌಲಾನೆ ತ್ಯುನಾ ಕ್ಹಾತೆ ಚಡೈಲ್ಯು ಕೈನ ವ್ಹತ್ತಾ. ಸಮುಂದರನಿ ವಾಟತ್ತಾ ಪ್ರಯಾಣ ಕರಲ್ಯಾ ಪೌಲಾ ತಿಮ್ಮಜ್ ಅಪ್ಪಣೆ ದಿನ ಚಾಲ್ತೊ ಜೊ ಕೈನ ಮನಸ ಕರಲ್ಯೊ.

14 ಅಸ್ಸೊಸಿಮಾ ತೆ ಅಪ್ಪಾ ಕ್ಹಾತೆ ಮಳ್ತಾಮಾ ಹಮೆ ಹಮಾರಾ ಕ್ಹಾತೆ ಹಡಗಾಮಾ ತಿನೆ ಮಳ್ಳೆಲಿನ ಮಿತಿಲಿನ ಗಾಮೆ ಚಾಲ್ಲ್ಯಾ.

15 ತ್ಯಾಂತಾ ಗೈನ ಮರ್ನಾ ದಿನ್ನೆ ಖಿಯೊನ ದ್ವಪನಾ ಕ್ಹಾಮಾ ಐನ ವರಿ ತಿನಾ ಮರ್ನಾ ದಿನ್ನೆ ಸಾಮೊಸಿನನಾ ನಜಿಕ ಆಯಾ. ಮರ್ನಾ ದಿನ್ನೆ ಮಿಲೆತಕ್ಕಮಾ ಆಯಾ.

16 ಪೌಲಾ ಮನೆ ಸಾದ್ಯಥಯುಮ ಪಂಚಾಶತಮನಾ ಸನ್ನನೆ ಯೆರುಸೇಲಿಮಮಾ ರ್ಹಾಕ್ಲೆನ ಗಡಬಡ ಕರ್ತೊ ರ್ಹತಾಮಾ ಅಸ್ಸಿಸಿಮಾ ರ್ಹವಾನೆ ಮನಸ ನೈಸೊ ಎಫೆಸ ಗಾಮ ದಾಟಿನ ಜೊ ಕೈನ ವಿಚಾರ ಕರ್ಲಿದ್ಯೊ.

ಪೌಲಾನು ಎಫೆಸ ಸಭೆನಾ ಮ್ಹೊಟಾ ಮನಕ್ಲೊನೆ ಕದಲ ಲಾಸ್ವ ವಾತ

17 ತೆ ಮಿಲಿತತೊ ಎಫೆಸೆಯೆ ಮೊಕ್ಲಿನ ತ್ಯಾನಾ ಸಭೆಮಾ ಮೊಟಾವೊನೆ ಬಲಾವಾನಾಹುತಿ ಸಂದೆಶ ವಳಾಯೊಸ.

18 ತ್ಯಾನೆ ತಿಕನ ಆತಮಾ ತ್ಯಾನೊನೆ ತೆ ಸು ಕದ್ಯೊ ಕದ್ಯಾಮ; ಮಿ ಆಸ್ತಸಿಮೆಮಾ ಪ್ರಾಂತ್ಯ ಪಗ್ಗ ಮೆಲಲ ಪೈಲಾ ದಿಂತಾ ತುಮಾರಾ ವಚ್ಚಾ ಕ್ಹಾರಾ ಕಾಲೊಮಾ ಕಿಮ ಚಾಲಿಲಿನ ಗಯೊ ಕವಾನು ತುಮೊನೆಚ್ಚ ಗ್ವತ್ತ ಛೆ.

19 ಯೆಹುದಿಯೊನು ತ್ಯಾನೆ ಮ್ಹೈನು ವಿಚಾರ ಕಸ್ತೊಮಾ ಮಿ ಘನ್ನೊ ನಮ್ರೆತೆಕ್ಲು ಡೊಳಾನಾ ಪಾನಿಕ್ಲು ಕರ್ತಾನಿ ಸೆವೆ ಕರಾಡ್ಲೊಸ.

20 ಮಿ ತುಮಾರಿ ಮನಕ್ಲೊನಾ ಕ್ಹಾಮೊ ತಮನೊನೆ ಚೊಕಾನಿಕ್ಲು ಕವಾಕ್ಲು ಘರ ಘರಮಾ, ಐನ ತಮನೊನೆ ಸಹಾಯ ಕರಾನು ಉಪದೆಶ ಕವಾನಿಕ್ಲು ಪಾಚೊ ಸರಕ್ಯಾವಾಚಿ

21 ಯೆಹುದಿಯೊನೆ ವರಿ ಗ್ರಿಕವಾಲಾಬಿ ಪಶ್ಚಾತಾಪ ಪಡಿನ ಕ್ಹುದಾ ಬಗಲ ಫರು ಕೈನ, ಅಪ್ಲೊ ಕರ್ತಾ ಥಯಲ ಯೆಸುಪರ ಬರೊಕ್ಲೊಮ್ಹೆಲು ಕೈನ ಮಿಜ್ಜ ಕದ್ಯೊ

22 ದೆಕೊ, ಮಿ ಹಮ್ಮಾ ಪವಿತ್ರ ಆತ್ಮಾಕ್ಲು ಬಂದನಮಾ ರ್ಹ್ಲಿನ ಯೆರುಸೆಲೆಮೆ ಚಾಲ್ಯೊಸ. ತ್ಯಾಮಾರಾಕ್ಹಾತೆ ಸು ತಾವಸ ಮನೆ ಗ್ವತ್ತ ನತ್ತಿ.

23 ತುನೆ ಜೆಲಮಾ ಬೆಡಿಯೊ ವರಿ ತ್ರಾಸೊ ಕೈದಾಡ್ಯಾಸ. ಕೈನ ಪವಿತ್ರ ಆತ್ಮಾ ಹರಯಕ್ ಗಾಮೊಮಾ ಮನೆ ಎಚ್ಚರಿಕೆ ದಿದ್ಯೊಸ ಕವಾನು ಮಿ ವಳಕ್ಲೊಸ.

24 ತೆನೈಸೊ ಜಲಮ ವಚ್ಚಾಡಿಲಿವಾನು ಶ್ರೆಷ್ಠೆ ವ್ಹೈ ಕೈನ ಮಿ ವಿಚಾರ ಕರ್ತೊ ನೈ; ಕ್ಹುದಾನಿ ಮರ್ಗಾನಾ ಹುತಿ ಸುವಾರ್ತೆ ಆಸಕ್ತಿ ಕ್ಲು ಸಾಕ್ಷಿನಾ ರೊಪಮಾ ಕವಾನು ನಿಯೊಗ ಕರ್ತಾ ಥಯಲ ಯೆಸುಕ್ಲು ಮಿ ವ್ಹಂದ್ಯೊಸ. ಎಜ್ಜ ನಿಯೊಗ ಉಪಯೊಗ ಕರಾನು ಮಾರಿ ಆಸ ವ್ಹೈ

25 ದೆಕೊ, ಯಕ್ಲಾ ದಿನ್ನ ತುಮೊಕನ ಐನ ಕ್ಹುದಾನಿ ರಾಜ್ಯನ ಹುತಿ ಉಪ್ಪರ ತುಮೆ ಮಾರು ಮೊಡು ಯಕ್ಲೊಬಿ ದೆಕ್ತಾ ನೈ ಕೈನ ಮನೆ ಗ್ವತ್ತ ಛೆ.

26 ತಿನಾಹುತಿ ಹಮ್ಮಾ ಕ್ಹರಿಜ್ಜ ಕೌಸ, ತುಮೊಮಾ ಕುನಬಿ ಹಾಳ ಥಯಾಮ ತೆ ಮಾರಾ ತಪ್ಪಕ್ಲು ನ್ಹವ್ಹೈ

27 ಕಾಕದ್ಯಾಮ ಯಕ್ಕಬಿ ಝಾಕ್ಯಾವಾಚಿ ಕ್ಹುದಾನಿ ಕ್ಹಾರಿ ವಿಚಾರ ತುಮೊನೆ ಕದ್ಯೊಸ.

28 ಕರ್ತಾ ತಿನಾ ಸ್ವಂತನು ರಗತಕ್ಹು ಕಮಾಯಲ ಕ್ಹುದಾನಿ ಸಬೆವಾಲಾ ಪಾಲನ ಕರಾನಾಹುತಿ ಪವಿತ್ರ ಆತ್ಮಾತುಮೊನೆ ಎ ಗುಂಪಮಾ ಸಭಾದಕ್ಷ ಕರಿನ ಮ್ಹೆಲಲ ಹುತಿ ತುಮಾರಾ ಹುತಿ, ಕ್ಹಾರಿ ಗುಂಪನಾ ಹುತಿ ಹುಷಾರಮಾ ರ್ಹವೊ.

29 ಮಿ ಗಯಲ್ಪರ ಘನ್ನಾ ಕುರ ರ್ಹಯಲ ರಾನ್ನಾ ಕುತ್ರಾ ತುಮೊಮಾ ಆವಸ ಕೈನ ಮನೆ ಗ್ವತ್ತ ಟಿ; ತೆ ಹಿಂಡನೆ ಮರಗತಾ ನೈ.

30 ಎನ್ನಿಸೊ ತುಮೊಮಾ ದಕ್ಹಾಜನಾ ಉಟಿನ ಸುಳ್ಳ ರ್ಹಯಲ ಭೊದನೆ ಕರಿನ ಶಿಷ್ಯಾವೊನಾ ತ್ಯುನಾ ಬಗಲ ಜಗ್ಗಿಲಿವಸ.

31 ತಿನಾಹುತಿ ಮಿ ಡೊಳಾಮಾನು ಪಾನಿ ಕಾಡ್ಲೊ ತನ್ನ ವರಕ್ಹ ದಿನ್ನ ರಾತ ಛೊಡ್ಯಾವಾಚಿ ಹರಿ ಯಕ್ಲಾನೆ ಗ್ಯಾನ ಕದ್ಯೊಸ ಕವಾನು ತುಮೆ ಶೆ ಕರ್ಲಿನ ಹುಶಾರ ಥೈನ ರ್ಹವೊ.

32 ಮಿ ಹಮ್ಮಾ ತುಮೊನೆ ವರಿ ಕ್ಹುದಾನೆ, ತಿನಾ ಕೈಪಾನಿ ವಾಕ್ಯಾಕ್ಹು ವಪ್ಪಿನ ದ್ಯುಸ. ತೆ ತುಮೊಮಾ ಭಕ್ತಿವೃದ್ಧಿ ಕರಾನೆ, ಪರಿಶುದ್ಧನಾ ಕ್ಹಾತೆ ತುಮಾರಾ ಹಕ್ಕ ಅನುಗ್ರಹ ದಿವಾನೆ ಹಕ್ಕ ಥಯೊಸ.

33 ಮಿ ಕಿನು ಕೊಣ್ಣು ರುಪ್ಪು ರ್ಹೈನೆಕಾ ಫೆರಾವಡಾನೆ ರ್ಹಯನೆಕಾ ಆಸ ಕರೈನ್ಯೆ.

34 ಮಿ ಮಾರಾ ಸ್ವಂತ ಹತೊಕ್ಹು ಕಾಮ ಕರಿನ, ಮನೆ ಕಮಿ ರ್ಹಯಲ ಮಾರಾಕ್ಹಾತೆ ರ್ಹಯಲವಾಲಾವೊನೆ ಚಾಯೆ ಥಯಲ ಪುರಾ ಕರೈನ್ಯೆ ಕವಾನು ತುಮೊನೆ ಗ್ವತ್ತ ಟಿ.

35 ಕ್ಹಾರಿ ವಿಷಯಮಾ ಮಿ ತುಮೊನೆ ವಾಟ ದೆಕಾಡ್ಲೊಸ. ತುಮೆ ತಿಮ್ಮಜ ರಾಬಿನ ತಾಕತ ನೈಸೊವಾಲಾವೊನೆ ಮದತ ಕರು; ವರಿ; ಪಡ್ಲಿವಾತಿಬಿ ದಿವಾನುಜ ಹೆಚ್ಚಿ ಆಶಿರ್ವಾದ ವ್ಹೈ ಕರ್ತಾ ಥಯಲ ಯೆಸು ಕ್ರಿಸ್ತ ತೆಫ ಕದಲ ವಾತೊ ಶೆ ಮ್ಹೆಲ್ಯು ಕೈನ ಕದ್ಯೊ.

36 ಎ ವಾತೊ ತ್ಯುನೆ ಕದಲ್ಪರ ಉಂದಾ ಗುಡ್ಲಾ ಘಾಲ್ಲಿನ ತ್ಯುನಾ ಕ್ಹಾತೆ ಪ್ರಾಥನಾ ಕರ್ಯಾ.

37 ತ್ಯುನೆ ಕ್ಹಾರಾ ರೊಯಾ ತೆ ಥಯಲ್ಪರ ಪೌಲಾ; ತುಮೆ ಮಾರು ಮೊಡ್ತು ಹಬ್ಬತಾ ದೆಕ್ತಾ ನೈಕತಾಮಾ, ತ್ಯುನೆ ಕ್ಹಾರಾ ದುಖಿ ಥೈನ, ರೊತಾ ತ್ಯುನೊನೊ ಔಳ್ಲಿನ ತಿನೆ ಮಟ್ಟಿ ಲಿದ್ಯಾ.

38 ತ್ಯುನೆ ಘನ್ನಾ ದುಖಿ ಕರಲಿನ ತೆ ಥಯಲ್ಪರ ತ್ಯುನೆ ಹಡಗಾ ಲಕ್ಕಾ ತಿನಾ ಕ್ಹಾತೆ ಗೈನ ತಿನೆ ಮೊಕ್ಶಿನ ಆಯಾ.

21

ಯೆರುಸಲೆಮೆ ಪೌಲಾನಿ ಲಾಸ್ವ ಪ್ರಯಾಣ

1 ಹಮ್ಮೆ ತ್ಯುನೊನೆ ಛೊಡಿನ ಹಡ್ಗೊ ಚಡಲಪರ ಶಿದಾ ಐನ ಕೊಸ ದ್ವಿಪನೆ ಐನ ಮುಟ್ಟ್ಯಾ. ಮರನಾದಿನ್ನೆ ರೊದ ದ್ವಿಪನೆ ಗೈನ ತ್ಯಾತಾ ಪತರ ಗಾಮೆ ಗಯಾ.

2 ತ್ಯಾ ಫೊಯಿನಿಕನೆ ಜಾವಾಲೊ ಎಕ ಹಡಗನೆ ದೆಕ್ತಾ ತಿನಾ ಕ್ಹಾತೆ ಜಾವಾನು ಅಗಾ ಬಡಾಯಾ.

3 ಅಗಾ ಕುಪ್ರದ್ವಿಪ ದೆಕಿನ ರೊಡಾಬಗಲ ಚೊಡ್ಡಿ ಸಿರಿಯದೆಶನೆ ಬಗಲ ಗೈನ ತುರ ಗಾಮೆ ಐನ ಉತರ್ತ್ಯಾ ಕಾಕದ್ಯಾಮ್ ತ್ಯಾ ಸಾಮನ ಉತಾರಾನು ವ್ಹತ್ತು.

4 ತ್ಯಾ ವಿಶ್ವಾಯೊನೆ ಹುಡಕಿನ, ದೆಕಿನ ಕ್ಹಾತ ದಿನ್ನ ತ್ಯಾ ವ್ಹತ್ಯಾ ತ್ಯುನೆ ಪವಿತ್ರಾತ್ಮನಿ ಪ್ರೆರಣಾಕ್ಪುಪೌಲಾನೆ ತು ಯೆರುಸಲೆಮಾ ಪಗ ನಕೊ ಮ್ಹೆಲು ಕೈನ ಕದ್ಯಾ.

5 ತೆ ದಿನೊ ಕ್ಹರೆಲಿನ ಹಮ್ಮೆ ಜಾತಾಮಾ ತ್ಯುನೆ ಕ್ಹಾರಾ ತುನಾ ಬಾಕಡ್ಲೊ ಬಚ್ಚಾವೊನಾ ಕ್ಹಾತೆ ಹಮ್ಮೊನೆ ಗಾಮ್ತಾ ಭಾರಾ ಐನ ವಳ್ಳೆನ ದಿದ್ಯಾ ಹಮ್ಮೆ ಸಮುಂದರನಿ ದಂಡಿಪರ ಐನ ಉಂದಾಘುಡಗಾ ಘಾಲಿನ ಪ್ರಾರ್ಥನಾ ಕರಿನ.

6 ಎಕನಾ ಎಕ ವಂದನೆ ಕರಿನ ಹಡ್ಗೊ ಚಡ್ಲಾ ತ್ಯುನೆ ಪಾಘಾ ಫರಿನ ತ್ಯುನಾ ತ್ಯುನಾ ಘರೆ ಗಯಾ.

7 ಹಮ್ಮೆ ತುರ ಗಾಮ್ತಾ ಗೈನ ಪೊಲೆಮಾಯನೆ ಮಳ್ಳಾ ಸಮುಂದರ ಪ್ರಯಾಣ ಕರಿನ ಕ್ಹರೆಲಿದ್ಯಾ. ತ್ಯಾತಾ ವಿಸ್ವಾಸಿಯೊನೆ ವಂದಸಿನ ತ್ಯುನಾ ಮಳತ್ತಾ ಎಕ ದಿನ್ನ ರ್ಹೆನ,

8 ಮರನಾದಿನೆ ಗೈನ ಕೈಸರೈನೆ ಐನ ಸುವಾರ್ತಿಕ ಥಯಲ ಪಿಲಿಪ್ಪನಾ ಘರೆ ಗೈನ ತಿಕನ ವ್ಹತ್ತಾ. ತೆ ತೆ ಯೆರುಸಲೆಮಾ ಸಹಾಯ ಕರಾನಾಹುತಿ ತೆ ಕ್ಹಾತೆ ಭನಾವೊಮಾ ಯಕ್ಲೊ ವ್ಹತ್ತೊ.

9 ತಿನೆ ಜಾಂಜಿಮಾನ ಥಯಲ ಚಾರ ಪಟ್ಟಾ ವ್ಹತ್ತಾ. ತ್ಹುನೆ ಕ್ಹುದಾನು ಪ್ರವಾದನೆ ಕರಾವಾಲಾ ವ್ಹತ್ತಾ.

10 ಹಮೆ ತ್ಯಾ ದಕ್ಖ ದಿನ ರ್ಹಯಿಲ ಪರ ಅಗಬ ನಾಮನೊ ಕವಾಲೊ ಎಕ ಪ್ರವಾದಿ ಯುದಾಯತೊ ಐಯೊ.

11 ತೆ ಹಮನೊ ಕನ ಐನ ಪೌಲಾನೊ ಕಂಬರ ಪಟ್ಟೊ ಕಾಡಿನ ತಿನಾ ಹತೊಪಗೊ ಭಾಂದಿನ ತೆ ಕಂಬರಪಟ್ಟೊ ಕಿನೊವೈ ತಿನೆ ತೆಜ್ಜ ರಿತಿಮಾ ಯೆರುಸಲೆಮಾ ಯೆಹುದಿಯೊ ನೈಸೊ ಮನಕ್ಲೊಕನಾ ಹತ್ತಮಾ ಒಪಸಿನ ದಿವಾನು ಕೈನ ಪವಿತ್ರಾತ್ಮ ಕವಾಡೊಸ ಕೈನ ಕದ್ಲೊ.

12 ಕೆಳಮಾ ತೆ ವಾತೊ ಐಕ್ತಾಮಾ ಹಮೆ ವರಿ ತೆ ಜಗಾವಾಲಾ ವ್ಹೈ ತು ಯೆರುಸಲೆಮಿನೆ ನೈಜೊ ಕೈನ ಪೌಲಾನೆ ಮಾಂಗಿಲಿದ್ಯಾ.

13 ತೆನೈಸೊ ಪೌಲಾ, ತುಮೆ ದುಖ ಕರಲಿನ ಕಾ ಮನೆ ಛಾತಿ ಪುಟ್ಟಾ ವರಕ್ಹು ಕರಾಡಾಸ? ಮಿ ಕರ್ತಾ ಥಯಲ ಯೆಸು ನಾಮ್ಹುತಿ ಯೆರುಸಲೆಮಾ ಬೆಡಿಯೊ ಘಲ್ಯಾನಾಹುತಿ ಎಕ ನೈಮರಾನೆಬಿ ತಯಾರ ಛಿ ಕದ್ಲೊ.

14 ತೆ ನೈಒಪ್ಪಲಕ್ಹು ತಿನಾಹುತಿ ಕರ್ತಾನಿ ಮರ್ಜಿ ಥಾವಾದೆ ಕೈನ ತ್ಹುನೆ ಗಪ ಬೈಟ್ಲ್ಯಾ.

15 ತೆ ದಿನೊ ಥಯಲಪರ ಹಮೆ ತಯ್ಯಾರ ಥೈನ ಯೆರುಸಲೆಮನೆ ಚಾಲ್ಲ್ಯಾ.

16 ಕೈಸರೈನಕ್ಹು ದಕ್ಖಾ ಶಿಷ್ಯಾ ಹಮಾರಾ ಕ್ಹಾತೆ ಐನ ಹಮೆ ರ್ಹವಾಲಾನಾ ಘರಮಟ್ಟಾ ಹಮ್ಮೊನೆ ಬಲೈಲಿನ ಗಯಾ ತೆ ಘರವಾಲಾ ಪೈಲಾ ಶಿಷ್ಯಾಮಾ ಎಕಲೊ ಥಯಲ ಮ್ಹಾಸೊನ ಕವಾಲೊ.

ಪೌಲಾ ಯಾಕೊಬನೆ ಮಳಲ

17 ಹಮೆ ಯೆರುಸಲೆಮಿನೆ ಆತಾಮಾ ವಿಸ್ವಾಸಿಯೊ ಹಮೊನೆ ಖುಶಿಕ್ಹು ಮಳ್ಳಿಲಿದ್ಯಾ.

18 ಮರನ್ನಾ ದಿನ್ನೆ ಪೌಲಾ ಹಮನೊನೆ ಬಲೆಲಿನ ಯಾಕೊಬನೆ ದೆಕಾನಾಹುತಿ ಗಯಾ ತ್ಯಾ ಸಭೆನಾ ಮೊಟ್ಟಾ ಮನಕ್ಲೊವ್ವತ್ತಾ.

19 ಪೌಲಾ ತ್ಯಾನೊನೆ ವಂದನೆ ಕರಿನ ಕ್ಲುದಾ ಕರಲ ಕಾಮಮೊ ಯೆಹುದಿಯೊ ನೈಸೊ ಮನಕ್ಲೊಕನ ಹಂಚಿಲಿದ್ಲೊ.

20 ತ್ಯಾನೆ ಕ್ಹಾರಾ ತೆ ಐಕಿನ ಕ್ಹುದಾನಿ ಸ್ತುತಿ ಕರ್ಯ್ತಾ. ತೆಳಾಮಾ ತ್ಯಾನೆ ತಿನೆ ; ಹಜಾರೊ ಯೆಹುದಿಯೊ ಮನಕ್ಲೊವಿಸ್ವಾಸಿ ಥಯಾಸ ಕೈನ ತಮೆ ದೆಕಾಡಾತ್ತಾ. ತ್ಯಾನೆ ಕ್ಹಾರಾ ಧರಮಶಾಸ್ತ್ರಮಾನಾ ಮನಕ್ಲೊಥಯಾಥಾ.

21 ತುಮೆ ಯೆಹುದಿಯೊ ನೈಸೊ ಮನಕ್ಲೊನಾ ವಚ್ಚಾ ರ್ಲ್ಯಯಲಕ್ಕು ಯೆಹುದಿಯೊನೆ ತುಮೆ ತಮಾರಾ ಬಚಾವೊನೆ ಖತ್ನಾ ಕರೊನಕೊ. ತಮಾರಿ ಪದ್ಧತಿ ಕರಿನ ನಕೊ ಚಾಲೊ ಕೈನ ಕದ್ಯೊ ಮೊಶೆನಾ ಧರಮಶಾಸ್ತ್ರನೆ ಕೆಡಸೊ ನಕೊಕೈನ ಬೊದನೆ ಕರಾಡೊತೊ ಕೈನ ಕದ್ಯಾ.

22 ತು ಆಯೊತೊ ಕೈನ ತ್ಯಾನೆ ಕಿಮ್ಮವಳಕ್ಕಾ. ತಿಮ್ಮರ್ಲ್ಯಯುಮ ಹಮೆ ಸು ಕರೆಯೆ?

23 ತಿಮ್ಮರ್ಲ್ಯಯುಮ ಹಮೆ ಕದಲ ಕಾಮ ಕರ. ಹಮೊಮಾ ಕ್ಹಮ ಫಾಲಲವಾಲಾ ಚಾರ ಭನಾ ಛೆ.

24 ತು ತ್ಯಾನೊನೆ ಬಲೆಲಿನ ಗೈನ ತ್ಯಾನಾಕ್ಹಾತೆ ತುನೆಬಿ ಶುದ್ಧಕರಲಿನ ತ್ಯಾನೆ ತಿನಾ ಕ್ಷೌರನಿ ಕ್ಹಮ್ಪುರಾ ಕರಾಹುತಿ ಥಾವೊನಾ ಖಚೊ ತುಬಿ ದ್ಯ್ತಾ. ತಿಮ್ಮಕರ್ಯ್ತಾಮ ಕ್ಹಾರಾ ತಾರಾ ವಿಷಯಮಾ ತ್ಯಾನೆ ಐಕೆಲ ಸುದ್ದಿ ಕ್ಹರಿ ನ್ಹವೈ ಕೈನ ತು ಮೊಶೆನು ಧರಮಶಾಸ್ತ್ರನೆ ಕೈದಿನ ಚಾಲಾಲೊ ಕೈನ ತಿಳಿಲಿದ್ಯಾತ್ತಾ.

25 "ಯೆಹುದಿಯೊ ನೈಸೊ ಮನಕ್ಲೊಮಾ ಯೆಸು ನೆ ನಂಬಲವಲಾನಾಹುತಿ ಬಿ ಮುರ್ತಿನೆ ಚಡಾಯೆಲ ರಗತ, ಗರದನ ಚಿಕಲಿನ ಖಲಾಸ ಕರಲ ಜಾನವರ ಕೌ ನಕೊ ಕೈನ ವ್ಯಬಿಚಾರಕ್ಕು ವರಿ ಅನ್ಯೈತಿಕ ಸಂಬಂಧಕ್ಕು ಛೊಡಿನ ದುರ ರ್ಲ್ಯ ಕೈನ ಕವಾನಾ ಹುತಿ ವೈಸಲೊ ಕರಲ ಪದ್ಧತೊ ಬರ್ದಿನ ಮೊಕಲ್ಯಾಸ್ತೊ ಕದ್ಯಾ.

26 ತೆಳಾಮಾ ಪೌಲಾ ಮರ್ನಾ ದಿನೆ ತೆ ಚಾರ ಜನ್ನಾನಾ ಕ್ಹಾತೆ ಗೈನ

ಶುದ್ಧ ರ್ವಯಲ ಪದ್ಧತೊ ಪುರಾ ಕರ್ರೊ. ತೆಳಾಮಾ ಶುದ್ಧಚಾರನ್ನೊ ಪದ್ಧತಿಯೊ ಖಲಾಸ ಥಾವಾನಾ ದಿನ್ನಾ ಹುತಿ ಕವಾನಾ ಹುತಿ ದೆವಾಲಯಮಾ ಗಯೊ. ತ್ಯುನೊಮಾ ಹರಯಕ್ಕಲಾನಾ ಹುತಿ ಕೆಳಾಮಾ ಬಲಿ ದ್ಯುಕೈನ ತ್ಯುನೊನೆ ಕೈನ ದಿದ್ಯೊ.

27 ತೆ ಕ್ಹಾತ ದಿನೊ ಕ್ಹರತಾ ಟೈಮ್ಮಾ ಅಸ್ಯಸಿಮ್ಮೆತೊ ಆಯೆಲ ಯೆಹುದಿಯೊ ಪೌಲಾನೆ ದೆವಾಲಯಮಾ ದೆಕಿನ ತ್ಯಾ ಗುಂಪ ಥಯಲ ಮನಕ್ಹೊನೆ ಸರಕ್ಶೆನ ತಿನ್ನೆ ಧರಿನ;

28 ಇಸ್ರಾಯೆಲನಾ ಮನಕ್ಹೊ ಮನೆ ಮದತ ಕರೊ, ಅಪಾನಾ ಮನಕ್ಹೊನೆ, ಧರಮಶಾಸ್ತ್ರನೆ, ಯೆ ಆಲಯನಾ ವಿರುದ್ಧ ಕ್ಹಾರಿ ಜಗಾ ಕ್ಹರವೊನೆ ಭೊದನೆ ಕವಾನು ಮನಕ್ಹ ಎಫ್ ವೆಟ್ತ್, ಎನ್ನೆಸೊ ಗ್ರಿಕವಾಲಾವೊನೆ ದೆವಾಲಯಮಾ ಬಲಲೈನ ಯೆ ಪರಿಶುದ್ಧ ಜಗಾನೆ ಹೊಲಸ ಕರ್ರೊಸ ಕೈನ ವದ್ರ್ಯಾ.

29 ಪೈಲಾ ತ್ಯುನೆ ಎಫೆಸನಾ ತ್ರೊಫಿಮ ತಿನಾ ಕ್ಹಾತೆ ಗಾಮ್ಮಾದೆಕಲ ಹುತಿ ತಿನೆ ಪೌಲಾ ದೆವಾಲಯಮಾ ಬಲಲೈನ ಆಯೊಸ ಕೈನ ತಿಳ್ವಿದ್ಯಾ.

30 ತೆಳಾಮಾ ಗಾಮಾ ಗದ್ದಲ ಉಟಿನ ಕ್ಹಾರಿ ಬಗಲ ಪೈಲಿ ಜಾವಸ. ಕ್ಹಾರಿ ಬಗಲ್ತಾ ಮನಕ್ಹೊಐನ ತ್ಯಾಮಳ್ಳಾ ಪೌಲಾನೆ ಧರಿ ದೆವಾಲಯನಾ ಭಾರಾ ಯಳ್ವಿಲೈನ ಆಯೆಲ ಪರ ಬಾಕ್ಲೊ ರ್ಝಾಕ್ಯಾ.

31 ತ್ಯುನೆ ತಿನೆ ಖಲಾಸ ಕರಾನಾ ಹುತಿ ಕೊಶಿಸ ಕರ್ತಾಮಾ ಯೆರುಸೇಲಮಮಾ ಗಲಿಬಿಲ ಧೈನ ಕೈನ ಪಟಾಲಿನ ಅದಿಕಾರಿನೆ ಸುದ್ದಿ ಐ.

32 ತೆಳಾಮಾ ತೆ ಸಿಪಾಯಿಯೊನೆ ಶತಾದಿಪತಿಯೊನೆ ಲಿನ ಮನಕ್ಹೊ ಮಳಲ ಜಗಾ ಆಯೊ. ತ್ಯುನೆ ತೆ ಅದಿಕಾರಿನೆ ಸಿಪಾಯಿಯೊನೆ ದೆಕಿನ ಪೌಲಾನೆ ಮಾರಾನು ಲೊಡ್ಯಾ.

33 ತೆ ಸೆನಾದಿಪತಿ ತಿನಾ ನಜಿಕ ಐನ ತಿನೆ ಧರಿನ ಬೆಡಿಯೊ ಫಾಲೊ ಕೈನ ಅಪ್ಪಣೆ ದಿದ್ಯೊ; ವರಿ ಎ ಕುನ ವೆಟ್ತ್? ಸು ಕರ್ರೊಸ? ಕೈನ ಕದ್ಯೊ.

34 ಕೈನ ಪುಚ್ಚಾಮಾ ದಕ್ಲಾಜನಾ ಅಮ್ಮದಕ್ಲಾಜನಾ ತಿಮ್ಮ ಅಡ್ಡಾಮಾ ಗದ್ದಲನಾ ಹುತಿ ಕ್ಹರಿನಿ ವಾತ ಗ್ವತ್ತ ನೈಸೊ ತಿನೆ ಕೊಟಿಮಾ ಬಲಲೈನ

ಜ್ಞಾವೊ ಕದ್ಲೊ

35 ಕಾಕದ್ಯಾಮ ಪೌಲಾ ಪೌಟಂಗಿಯೊಪರ ರ್ಹತಾಮಾ ಮನಕ್ಲೊ ಥಕ್ಕಾನಾ ಹುತಿ ಸಿಪಾಯಿಯೊ ತಿನೆ ಉಚ್ಚೆಲಿನ ಗಯಾ.

36 ಗುಂಪ ಥೈನ ಮನಕ್ಲೊಪಾಘಾತಾ ಐನ; ತಿನೆ ಖಲಾಸ ಕರೊ ಕೈನ ವದರ್ತಾ ತಿನಾ ಪಾಘಾ ಆವಾಡಾತಾ.

37 ಪೌಲಾನೆ ಕೊಟೆಮಾ ಬಲೈನ ಲಿನ ಜೊ ಕೈನ ಕತಾಮಾ ತೆ ಅದಿಕಾರಿನೆ ತಾರಾ ಕ್ಹಾತೆ ಯಕ್ಕ ಬೊಲಾನೆ ಮನೆ ಅಪ್ಪಣೆ ದೆಶಿಸು ಕೈನ ತೆ; ಗ್ರಿಕ ಭಾಷಾ ತುನೆ ಆವಸ್ಸು?

38 ದಕ್ಹಾ ದಿನ್ನ ಪಾಘಾ ದಂಗೊ ಉಟಲ ತೆ ಚಾರ ಹಜಾರ ಕೆಟ್ಟ ಮನಕ್ಲೊನೆ ರಾನ್ಮಾ ಬಲೈಲಿನ ಗಯಲ ತೆ ಇಜಿಪ್ತ ತುಞ್ಚ ವ್ಹೈಸು ಕೈನ ಪುಚ್ಚೊ

39 ತೆ ವಾತೆ ಪೌಲಾ ಉತ್ತರ ದಿದ್ಲೊ "ಮಿ ಯಹುದಿ, ತಾರ್ಸಮಾ ಹುಟ್ಟವಾಲೊ ವ್ಹೈ ಕಿಲಿಕ್ಕನಿಮೆನೊ ಪ್ರಖ್ಯಾತ ರ್ಹಯಲ ಗಾಮವಾಲೊ ವ್ಹೈ ಎ ಮನಕ್ಲೊನೆ ದಕ್ಹಿಯೊ ವಾತೊ ಕವಾನೆ ಮನೆ ಮರಗಿನ ಅಪ್ಪಣೆ ಧಾಕ್ಟಿನ ಮಾಂಗಿಲ್ಯುಸ ಕೈನ ಕದ್ಲೊ

40 ಸೆನಾಧಿಪತಿ ಅಪ್ಪಣೆ ದೆತಾಮಾ, ಪೌಲಾ ಪೌಟಂಗಿಯೊಪರ ಹುಬ್ಬಿನ, ಮನಕ್ಲೊನೆ ಹತ ಕರಿನ ದೆಕಾಡಿನ. ಗದ್ದಲ ಘನ್ನಿಯಳಪರ ಶಾಂತ ಥಯಲ್ಪರ ತೆ ಹಿಬ್ರಿಯ ಭಾಶಾಮಾ ಬೊಲಾನು ಶುರು ಕರೊ"

22

1 "ವಿಶ್ವಾಸಿಯೊ ವರಿ ಬಾಪೊ, ಹಮ್ಮಾ ಮಿ ಕವಾನಿ ಸಮರ್ಥನೆನಿ ವಾತ ವ್ಹೈ ಕೈನ ಕದ್ಲೊ

2 ತೆ ತ್ಯನಾ ಕ್ಹಾತೆ ಹಿಬ್ರಿಯ ಭಾಶೆಮಾ ಬೊಲಾನು ಐಕೊ ತ್ಯನೆ ವರಿ ಶಾಂತ ಥೈಗೈಯಾ. ತೆಳಾಮಾ ತೆ ಸು ಕದ್ಲೊಮ;

3 ಮಿ ಯಹುದಿ ವ್ಹೈ ಕಿಲಿಕ್ಕನಿ ತಾರ್ಸಮಾ ಹುಟ್ಟಲ ವ್ಹೈ ತೆನೈಸೊ ಎ ಗಾಮ್ಮಾ ಬೆಳದಲವಾಲೊ. ಗಮಲಿಮಾ ಪಾದ ಸನ್ನಿದಿಮಾ, ಅಪ್ಪಾ ಪಿತ್ಯವೊನಾ ಧರಮಶಾಸ್ತ್ರಮಾ ಪುರಾ ಶಿಕ್ಷಣ ಲಿದ್ಲೊ; ತುಮೆ ಕ್ಹಾರಾ

ಹಮ್ಮಾ ಕ್ಕುದಾನಾ ಹುತಿ ಅಭಿಮಾನ ರ್ವಯಲವಾಲಾವೊಲಿಂಗತ, ಮಿಬಿ ಅಭಿಮಾನಿ ಥಯೊಸ.

4 ಎ ವಾಟಮಾ ರ್ವಯಲವಾವೊನೆ ತ್ರಾಸ ದಿವಾಲೊ ಥೈನ ದಾಣ್ಣಾವೊನೆ ವರಿ ಬಾಕ್ಡಿಯೊನೆ ಬೆಡಿಯೊ ಫಾಲಿನ, ತ್ಯುನೊನೆ ಜೆಲ್ಯಾ ಘಲಾತೊ ವ್ಹತ್ತೊ, ಖಲಾಸ ಕರಾನೆಬಿ ಪಾಚೊ ಸರಕ್ತೊ ನ್ಹೊತೊ ತೆಕ್ಲೊ ತ್ರಾಸ ದೆತೊತೊ.

5 ಇನಾಹುತಿ ಮಾಹಾ ಯಾಜಕ, ಮೊಟ್ಟೆ ಸಬೆವಾಲಾ ಮನಕ್ಲೊ ಸಾಕ್ಷಿಯೊ ಥಯಾಸ; ತ್ಯುನಾ ಹುತಿಜ ಮಿ ದಮಸ್ಕಮಾ ರ್ವಯಲ ವಿಶ್ವಾಸಿಯೊನೆ ಪತ್ಸೊ ಕಾಳ್ತಿನ, ತ್ಯಾ ಗಯಲವಾಲಾವೊನೆ ಬೆಡಿಯೊಕ್ಲು ಭಾಂದಿನ ಶಿಕ್ಷಾನಾ ಹುತಿ ಯೆರೊಸೆಲಿಮೆ ಲೌ ಕೈನ ಜಾವಾಲೊ

6 ಮಿ ಪ್ರಯಾಣ ಕರ್ತೊ ದಮಸ್ಕನಾ ನಜಿಕ ಆತಾಮಾ ದುಪಾರ ಥೈತಿ ತೆಳಾಮಾ ಹಬಾಳಮಾತು ಯಕ್ ಮೊಟ್ಟು ಉಜಾಲು ಮಾರಾ ಸುತ್ತಿ ಪೈಲಿ ಗಯು.

7 ಮಿ ಜಿಮಿನಪರ ಪಡ್ಯೊ ತೆಳಾಮಾ, ಸೌಲಾ, ಸೌಲಾ ಮನೆ ಕಾ ತ್ರಾಸ ದಿವಾಡ್ಯೊಸ? ಕದಲ ಮಿ ಆವಾಜ್ ಐಕ್ಲೊ.

8 ತಿನಾಹುತಿ ತೆ ಉತ್ತರ ದಿದ್ಯೊ; ಕರ್ತಾ, ತು ಕುನ ವ್ಹೈ? ಕೈನ ಪುಚ್ಚಾಮಾ ತೆ; ತು ತ್ರಾಸ ದಿವಾನು ನಜರೆತನೊ ಯೆಸು ಮಿಜ್ ಕೈನ ಕದ್ಯೊ.

9 ಮಾರಾ ಕ್ಹಾತೆ ರ್ವಯಲವಾಲಾ ಹುಜಾಲು ಯಕ್ಲಜ್ ದೆಕ್ಯಾ ಮಾರಾ ಕ್ಹಾತೆ ಬೊಲಲವಾಲಾನು ಅವಾಜ್ ಐಕ್ಯಾ ನೈ.

10 ತೆಳಾಮಾ ಮಿ; ಕರ್ತಾ, ಮಿ ಸು ಕರು? ಕೈನ ಪುಚ್ಚಾಮಾ ಕರ್ತಾ ಮನೆ; ತು ಉಟಿನ ದಮಸ್ಕಮಾ ಜಾ. ತು ಸು ಕರು ಕೈನ ಕವಾನು ತುನೆ ತ್ಯಾ ಕವಸ ಕದ್ಯೊ.

11 ತೆ ಉಜಾಲಾನಿ ಮಹಿಮಾಕ್ಲು ಮನೆ ಡೊಳಾ ನೈ ದಿಕ್ಹಲ ಹುತಿ ಮನಾರಾ ಕ್ಹಾತೆ ರ್ವಯಲವಾಲಾ ಮಾರೊ ಹತ ಧರಿನ ದಮಸ್ಕನಾ ಗಾಮ್ಯಾ ಹತ ಧರಿನ ಲಿನ ಗಯಾ.

12 ತೆ ಗಾಮಮಾ ಅನನಿಯ ಕವಾಲೊ ಯಕ್ ತ್ಯಾ ಧರಮಶಾಸ್ತ್ರನೆ

ಕರೆಟ್ಟು ಚಾಲಾಲಾ, ತೆ ಜಗಾನಾ ಕ್ಹಾರಾ ಯಹುದಿಯೊಕ್ಕು

13 ಭೊಕೊ ವ್ಹ್ಯೆ ಕೈನ ಕವೈಲಿದಲ ನಾಮ ಅನ್ಯನಿಯ ಕವಾಲೊ ಮನಕ್ಲವ್ವತ್ತೊ. ಹುಬ್ಬೈನ; ಬೈಥಯಲ ಸೌಲಾ ತಾರಾ ಡೊಳಾ ದಿಕ್ಹಾದೆ. ತೆಳಾಮಾಜ ಮಾರಾ ಡೊಳಾ ದಿಕ್ಹ್ಯಾ ಮಿ ತಿನೆ ದೆಕ್ಕೊ.

14 ತೆಳಾಮಾ ತೆ; ಹಮಾರಾ ಪಿತ್ಯವೊನೊ ಬಾ, ತಿನಿ ಚಿತ್ತ ತು ತಿಳ್ಳಿಲಿವಾನೆ, ತೆ ಕ್ಹರಿ ರ್ಹಿಯಲವಾಲಾನೆ ದೆಕಾನೆ ತಿನಾ ಮ್ಹೊಡಾಮಾತಿಯೊ ಆವಾನಿಯೊ ವಾತು ಐಕಾನೆ ಮನೆ ನೆಮಶ್ಯೊಸ.

15 ತು ದೆಕಿನ ಐಕಲ ಕ್ಹಾರ ಮನಕ್ಹೊನಾ ಕ್ಹಾಮೊ ತು ಸಾಕ್ಷಿ ಕೌ

16 ಹಮ್ಮಾ ತು ಕಾ ತಡಾ ಕರಡ್ಯೊಸ? ಉಟಿನ ಕರ್ತಾನು ನಾಮ ಕೈಲಿವಾಲೊ ಧೌ ಕೈನ ಬಾಪ್ತಿಸ್ಮ ಕರೈಲಿನ ತಾರು ಪಾಪ ಧವೈಲೆ ಕೈನ ಕದ್ಯೊ ತಿನಾಹುತಿ ಪ್ರಾರ್ಥನಾ ಕರೈಲ್ಯೊ.

17 ತೆ ಧಯಲ್ಪರ ಮಿ ಯೆರುಸಲಿಮೆ ಫರಿನ ಐನ ದೆವಾಲಯಮಾ ಪ್ರಾರ್ಥನಾ ಕರ್ತಾಮಾ ಯಕ್ಲ ದರ್ಶನ ಧೈಯು.

18 ಮಿ ಪ್ರಭುನೆ ದೆಕ್ಕೊ ತೆ; ತು ಭೆಗಿನ ಯೆರುಸಲಿಮಾತೊ ಗೈಪಡ ಮರಾಹುತಿ ತು ಕವಾನಿ ಸಾಕ್ಷಿ ತ್ಯುನೆ ವಪ್ಪಿಲೆತಾ ನೈಕದ್ಯೊ.

19 ತಿನಾಹುತಿ ಮಿ, ಕರ್ತಾ, ಕ್ಹಾರಾ ಸಭಾಮಂದಿರಮಾ ತಾರಾ ಉಪ್ಪರ ಬರೊಕ್ಕೊ ಮ್ಹೊಲಾವಾಲಾವೊನೆ, ಮಿ ಜೆಲ್ಮಾ ಘಲಾತೊ ವರಿ ಮಾರ ಕ್ಲಲಾತಾಮಾ

20 ವರಿ ತುನೆ ಸಾಕ್ಷಿಧಯಲ ಸ್ತೆಫನು ರಗತ ನಾಕತಾ ಟೈಮ್ಯಾ ಮಿ ಕ್ಹಾಮೊ ಹುಬರೈನ ತೆ ಸಮ್ಮತಿಸಿ, ತಿನೆ ಮಾರಲಿವಾಲಾನಾ ವಣಾ ಕಾಯಿದಾಡೊತೊ. ಕವಾನು ತ್ಯುನೆ ಗೊತ್ತಧಯಲವಾಲಾ ವ್ಹತ್ತಾ.

21 ತೆಳಾಮಾ ಪ್ರಭು ಮನೆ ಕದ್ಯೊ; ತು ಜಾ, ಮಿ ದುರ ಯೆಹುದಿಯೊ ನೈಸೊ ಮನಕ್ಹೊಕನ ವಳಾವಸ ಕೈನ ಕದ್ಯೊ.

22 ತ್ಯಾ ಲಕ್ಹಾ ಪೌಲಾನಿಯೊ ವಾತೊ ಕತಾಮಾ ವಾತೊನೆ ಕಾನ ದಿನ್ನ ಐಕ್ಯಾ ಐಕಿನ ಚಾಲಾಡಾ ತಾ. ತೆಳಾಮಾ ತಿನೆ ಜಿಮಿನಮಾತಾ ಭಾರಾಕಾಡಿಪಡು. ತೆ ಜಿತೊ ರ್ಹಿವಾನೆ ಯೊಗ್ಯ ನತಿ ಕೈನ ವದರಿವ ಕದ್ಯಾ.

23 ತ್ಯುನೆ ಅಡತಾ ತ್ಯುನಾ ವಣಾ ಪ್ಹಾಡಿಲೆತಾ ಮಾತಿ ಭಿರಕಾತಾ

24 ರೊಮ್ಮನಾ ಶತಾದಿಪತಿ ಆಗನ್ನೆ ದಿವಸ ಮನಕ್ಲೊ ಪೌಲಾನೆ ವಿರುದ್ಧ ಥೈನ ವದರತ್ತಾ ರ್ಧತಾಮಾ ಅದಿಕಾರಿ ತಿಳಿದಿಲಿನ ಆತ್ತಾಮಾ ತಿನೆ ಕೊಟೆಮಾ ಲೈನ ಬಾರಕೊಲಕ್ಲು ಮಾರಿನ ವಿಚಾರಣೆ ಕರಿಯೆ ಕೈನ ಅಪ್ಪಣೆ ದಿದ್ಲೊ.

25 ತ್ಯನೆ ಪೌಲಾನೆ ಬಾರಕೊಲಕ್ಲು ಭಾಂದಿನ ತಿಕನ ಹುಬರೈಲ ಶತಾದಿಪತಿನೆ ; ರೊಮಾಪುರನೊ ಮನಕ್ಲು ನ್ಯಾಯ ವಿಚಾರ ಕರೆವ್ಯಾಚಿ ಬಾರಕೊಲಕ್ಲು ಮಾರಾ ಲಗಾಡಾನು ಕಯು ನ್ಯಾಯ ವ್ಹೈ? ಕದ್ಲೊ.

26 ಶತಾದಿಪತಿ ತೆ ವಾತೊ ಐಕಿನ ಅದಿಕಾರಿಕನ ಗೈನ "ತು ಸು ಕರುಕೈನ ಲೆ? ತೆ ಮನಕ್ಲು ರೊಮಾಪುರವಾಲೊ ವ್ಹೈ.

27 ತೆಳಾಮಾ ಅದಿಕಾರಿ ಪೌಲಾನಾ ಕ್ಲಾಮೊ ಐನ. ತು ರೊಮಾಪುರನೊ ಹಕ್ಕದಾರ ವೈಸು "ಮನೆ ಕೆ ಕೈನ ತಿನೆ ಪುಚ್ಚೊ ತೆ ಹೊ ಕೈನ ಕದ್ಲೊ.

28 ತೆಳಾಮಾ ತೆ ಅದಿಕಾರಿ ಕದ್ಲೊ ಮಿ ಘನ್ನಾ ದೊಕಡಾ ದಿನ್ನ ತೆ ಹಕ್ಕ ಮಿ ಲಿದ್ಲೊಸ ಕತಾಮಾ ಪೌಲಾ ಮಿತೊ ರೊಮಾಪುರ ಹಕ್ಕದಾರ ಥೈನ ಹುಟೆಲವಾಲೊ ವ್ಹೈ ಕದ್ಲೊ.

29 ತಿನೆ ಮಾರಿನ ವಿಚಾರ ಕರಿನ ಆಯೆಲ ಪರ ತೆಳಾಮಾ ತಿನೆ ಛೊಡಿಪಾಡ್ಯಾ ತೆನ್ನೆಸೊ ತೆ ರೊಮಾಪುರನೊ ಹಕ್ಕದಾರ ವ್ಹೈಕೈನ ತಿಳ್ತಿನ ಆತ್ತಾಮಾ ತೆ ತಿನೆ ಭಾಂದಿನ ಫಾಲತ್ತಾಮಾ ಸೆನಾಧಿಪತಿ ನೆ ಬುಚುಕು ಹುಟ್ಟು.

30 ಮರ್ನಾ ದಿನೆ ಪಾಟೆ ಪೌಲಾನೆ ವಿರುದ್ಧ ಯೆಹುದಿಯೊ ಕೈಜ್ಲ ತಪ್ಪಫಾಲಾನಾ ವಿಷಯಮಾ ಕ್ಲರಿನಿಜ್ಲ ಸಂಗತಿ ತಿಳಿದಿಲಿವಾನಾ ಹುತಿ ಅದಿಕಾರಿ ಮರ್ನಾದಿನ್ನೆ ತೆ ತಿನಾ ಬೆಡಿಯೊ ಕಾಡಿನ ಖಾಸ ಯಾಜಕ, ಯೆಹುದಿಯೊನಾ ಮೊಟ್ಟಾ ಸಬೆವಾಲಾ ಕುಡಿನ ಆವಾನಾ ಹುತಿ ಅಪ್ಪಣೆ ದಿನ ಪೌಲಾನೆ ಬಲೆಲಿನ ಗೈನ ತ್ಯನಾ ಕ್ಲಾಮೊ ಹುಬಾರಾಡ್ಲೊ.

23

1 ತೆಳಾಮಾ ಪೌಲಾ ಪೈಸಲಾ ಕರಲ ಸಬೆವಾಲಾಮಾ ಎಕ್ಕಸವಾ ದೆಕಿನ; ಭಾಯೊ ಮಿ ಆ ದಿನೊಮಾ ಚೊಕಿ ಸಾಕ್ಷಿಕ್ಲು ಕ್ಲುದಾನಾ ಕ್ಲಾಮೊ

ಚಾಲಿಲಿದ್ಯೊ ಕದ್ಯೊ

2 ತಿನಾಹುತಿ ಮಹಾಯಾಜಕ ಅನನಿಯ; ತಿನಾ ಮ್ಹೊಡಾಪರ ಮಾರೊ ಕೈನ ಕ್ಹಾಮಾ ಹುಬರೈಲ ವಾಲಾವೊನೆ ಅಪ್ಪಣೆ ದೆತ್ತಾಮಾ ಪೌಲಾ ತಿನೆ;

3 ಚುನ್ನೊ ಮಾರಲ ಗೊಡಿ, ಕ್ಹುದಾ ತುನೆ ಮಾರಸ. ತು ಧರಮಶಾಸ್ತ್ರನಿಂಗತ ಮನೆ ಪೌಸಲೊ ಕರಾನೆ ಬೈಟಿನ ಧರಮಶಾಸ್ತ್ರನಾ ವಿರುದ್ಧ ಮನೆ ಮಾರಾನಾ ಹುತಿ ಅಪ್ಪಣೆ ದೆಶಿಸು? ಕದ್ಯೊ

4 ಕ್ಹಾಮಾ ಹುಬರಲವಾಲಾ; ಕ್ಹುದಾ ನೆಮ್ಮಲ ಮಹಾಯಾಜಕನೆ ತು ಗಾಳೊ ದಿವಾಡ್ಯೊಸು? ಕತಾಮಾ

5 ಪೌಲಾ; ಭಾಯೊ ಮಹಾಯಾಜಕಕೊ ಮನೆ ತಿಳದ್ಯಾನ್ನೊಡ್ತಾ. ತಮಾರಾ ಮನಕ್ಹೊಮಾ ಅದಿಪತಿ ಥಯಲ ವಿಷಯಮಾ ಕೆಟ್ಟನು ಬೊಲು ನೈಕೈನ ಬದ್ಯಾಸ ಕದ್ಯೊ

6 ಸಬೆಮಾ ಮನಕ್ಹೊನೆ ದೆಕತ್ತಾಮಾ ದಕ್ಹಾಜನಾ ಸದ್ದುಕಾಯಿವಾಲಾ,ವರಿ ದಕ್ಹಾಜನಾ ಫರಿಸಾಯರೊ,ರಹೆಲ ಪೌಲಾ ದೆಕಿನ; ಮಿ ಪರಿಸಾಯನೊ, ಪರಿಸಾಯನೊ ದಿಕ್ಲೊ; ಮರೆಲವಾಲಾ ಪುನರುತಾನ ಥಾವಸ ಕೈನ ಆಸನಾ ಹುತಿ ಪೈಸೊಲೊ ಕರೈಸೊ. ಕೈನ ವದರೈಸೊ

7 ತೆ ಇಮ ಕತಾಮಾ ಫರಿಸಾಯರೊನೆ, ಸದ್ದುಕಾಯವಲೊನೆ ಬಿ ವಾದ ವಿವಾದ ಹುಟ್ಟು; ಸಬೆಮಾ ಭೆದ ಹುಟ್ಟು

8 ಕಾಕದ್ಯಾಮ, ಪುನರುತ್ಥಾನ ರ್ಹವಾದೆ , ದೆವದುತ ರ್ಹವಾದೆ, ಅಂಗನೈಸೊ ಆತ್ಮಾರ್ಹವಾದೆ, ನತಿ ಕೈನ ಸದುಕಾಯವಾಲಾ ಕವಾಲಾ. ತೆನೈಸೊ ಎ ಭಂಬಿ ಟೆ ಕೈನ ಫರಿಸಾಯರೊ ವಪ್ಪಿಲಿವಸ.

9 ತೆಳಾಮಾ ಮ್ಹೊಟಿ ಗದ್ದಲ ಥೈ ಫರಿಸಾಯರನಾ ಬಗಲ್ತಾ ರಹೆಲವಾಲಾ ಶಾಸ್ತ್ರಿಯೊಮಾ ದಕ್ಹಾಜನಾ ಉಟಿನ"ತೆ ಮನಕ್ಹಮಾ ಹಮ್ಮನೊನೆ ಕೆಟ್ಟ ಸುಜ ದಿಕ್ಲ್ಯ ನತ್ತಿ", ಆತ್ಮಾರ್ಹವಾದೆ ದೆವದುತ ರ್ಹವಾದೆ ತಿನಾ ಕ್ಹಾತೆ ಬೊಲ್ಯಾತಬಿ ಬೊಲ್ಯೊವಸ ಕೈನ ವಾದಿಸ್ತಾ

10 ಲಡಯಿ ಘನಿ ಥಾತಾಮಾ ತ್ಯುನೆ ಪೌಲಾನೆ ಯಳ್ತಿನ ಚುರ-ಚುರ ಕರಸ ಕೈನ ಅದಿಕಾರಿ ಬುಚಕಿನ ಸಿಪಾಯೊನೆ ತುಮೆ ಗೈನ ತ್ಯುನಾ ವಚಮಾತ್ತಾ ತಿನೆ ಝಬರದಸ್ತಿ ಕರಿನ ಧರಲೈನ ಕೊಟಿಮಾ ಘಾಲುಕೈನ

ಅಪ್ಪಣೆ ಕರಯ್ತೊ

11 ಕೈನ ತೆ ರಾತೆ ಕರ್ತಾ ಪೌಲಾನಾ ಕ್ಹಾತೆ ಹುಬರೈನ "ಧೈರ್ಯಕ್ಕು ರಯ್ತೊ; ತು ಯೆರುಸಲಿಮ್ತಾ ಮಾರಾ ಸಂಗತಿಯೊ ಸಾಕ್ಷಿಯೊ ಧೈಯೆಲ ಕ್ಹು ರೊಮಾಪುರಮಾ ಬಿ ಸಾಕ್ಷಿ ಥೌ ಕೈನ ಕದ್ಯೊ

ಪೌಲಾನೆ ಖಲಾಸ ಕರಾನಿ ಕೊಶಿಶ

12 ಪಾಟ ಧಯಲಪರ ಯೆಹುದಿಯೊ ಮ್ಹೈ ವಿಚಾರ ಕರಿನ ಹಮೆ ಪೌಲಾನೆ ಖಲಾಸ ಕರೆಲಕ್ಕಾ ಅನ್ನ ಪಾನಿ ನೈ ಮುಟತ್ತಾ ಕರಿನ ಕ್ಹಮ ಘಾಲ್ಯಾ

13 ಅಮ್ಮ ಕರೆಲವಾಲಾ ಚಾಳಾಕ್ಹತಿ ಹೆಚ್ಚಕಿ ಮಂದಿ ವ್ಹತ್ತಾ.

14 ತೆ ಮುಖ್ಯಯಾಜಕ ವರಿ ಮ್ಹೊಟಾ ಮನಕ್ಹೊ ಕನ ಗೈನ; ಹಮೆ ಪೌಲಾನೆ ಮಾರೆ ಮಟ್ಟಾ ಮ್ಹೊಡಾಮಾ ಸುಜ ನೈ ಘಾಲ್ಲಿತಾ ಕೈನ ಕ್ಹಮ್ಮ ಘಾಲ್ಯಾಸ ಕದ್ಯಾ

15 ತಿನಾಹುತಿ ತುಮೆಬಿ ವರಿ ನ್ಯಾಯ ಸಭೆವಾಲಾ ರೊಮನ ಶತಾಧಿಪತಿ ಕನ ಗೈನ ಪೌಲಾನಿ ಸಂಗತಿನೆ ಹಜುನ ನಿಧಾನಕರಿನ ಪರಿಶಿಲನೆ ಕರಿನ ತಿನೆ ಕೊಟಿಮಾ ತುಕನ ಬಲೈನ ಔಕೈನ ಮಾಂಗಿಲಿದ್ಯಾ ಹಮೆತೊ ತಿನಾ ಕ್ಹಾಮಾ ಆವಾತಿ ಪೈಲಾ ತಿನೆ ಮಾರಾನೆ ತಯ್ಯಾರ ಥಯಾಸ ಕೈನ ಕದ್ಯಾ

16 ತ್ಹುನೆ ವಿಚಾರ ಕರಲ ಪೌಲಾನೊ ಭೆನನೊ ದಿಕ್ರೊ (ಭತ್ತಿಬ್ಲೊ) ಐಕಿನ ಕೊಟಿಮಾ ಗೈನ ಪೌಲಾನೆ ಎ ಸುದ್ದಿ ಕದ್ಯೊ

17 ಪೌಲಾ ಅದಿಕಾರಿಯೊಮಾನಾ ಯಕಲಾನೆ ಬಲೈನ ;ಆ ಜಾಂಜಿಮಾನನೆ ಅದಿಕಾರಿ ಕನ ಬಲಲಿನ ಜಾ; ತಿನೆ ತಿಳಸಾವೊನಿ ಯಕ್ಕ ವಾತ ಛಿ ಕೈನ ಕದ್ಯೊ

18 ತಿನೆ ಅದಿಕಾರಿ ಕನ ಲಿನಗೈನ ಜೆಲಮಾ ರಯ್ತೊ ಪೌಲಾ ಮನೆ ಬಲೈನ ಕದ್ಯೊ ಆ ಜಾಂಜಿಮಾನ ತುಕನ ಬಲಲಿನ ಜಾ ಕೈನ ಮಾಂಗಿಲಿದ್ಯೊ ತುನೆ ಕವಾನಿ ಯಕ್ಕ ವಾತ ಛಿ ಕೈನ ಕದ್ಯೊ

19 ಅದಿಕಾರಿ ತಿನೆ ಹತ್ತಧರಲಿನ ಕುನಜ ನೈಸೊ ಜುಗಾ ಬಲೆಲಿಂಗನ "ತು ಮನೆ ಕವಾನು ಸುವೈ ಕನ ಪುಚ್ಚೊ

20 ತೆ ಯೆಹುದಿಯೊ ಪೌಲಾನಾ ಹುತಿ ಹಜುನಬಿ ಭೊಕಿತರಾ ಒಳಕಿನ ನೆವಾ ಕೈನ ತುಮೆ ವ್ಹಂತಾ ತಿನೆ ನ್ಯಾಯಸಭೆನಾ ಕ್ಲಾಮಾ ಬಲೆ ಲೌಕೈನ ಪುಚ್ಚು ಕೈನ ಒಪ್ಪಂದ ಕರಲಿದ್ಯಾಸ.

21 ತುಮೆ ತ್ಯುನಾ ವಾತೆ ಒಪಿಲ್ಯು ನಕೊ ಕಾಕದ್ಯಾಮ್ ಚಾಳಕ್ಷತಿ ಹೆಚ್ಚಗಿ ಯೆಹುದಿಯೊನಾ ಮನಕ್ಲೊ ತಿನೆ ಖಲಾಸ ಕರೆ ಮಟಾ ಅನ್ನ ಪಾನಿ ಸುಬಿ ನೈ ಮುಟತ್ತಾ ಕೈನ ಕ್ಲಮ ಫಾಲಿನ ತಿನಾ ಹುತಿ ಪ್ಲಾನ ಕರ್ಯಾಸ. ತ್ಯುನೆ ತುಮಾರಾ ಪೈಸಲಾನಾ ಹುತಿ ಏಕಾನೆ ತಯಾರ ಥಯಾಸ ಕದ್ಯೊ.

22 ತೆಳಾಮಾ ತೆ ಅದಿಕಾರಿ ತೆ ಜಾಂಜಿಮಾನೆ ಕದ್ಯೊ ಆ ಸಂಗತಿಯೊ ಮನೆ ಗೊತ್ತ ಥಯಲ ತು ಕಿಕನಭ ಕೌನಕೊ ಕೈನ ಅಪ್ಪಣೆ ದಿನ್ನ ಕೈನ ತಿನೆ ಮೊಕ್ಲಿಪಾಡ್ಯೊ.

23 ತೆ ಥಯಪರ ತೆ ಶತಾದಿಪತಿಮಾನಾ ಬೆ ಜನಾವೊನೆ ಬಲಲಿನ ರಾತ್ರೆ ನೌವಸ್ತಾ ಕೈಸರ ಲಕ್ಯಾ ಜೌಕೈನ ಬೆಕ್ಲೊ ಜನಾ ಸಿಪಾಯಿನೊ ಸತ್ತರಜನಾ ಘೊಡಾಪರ ಬೈಟವಾಲಾವೊನೆ ಬೆಕ್ಲೊ ಜನಾ ಇಟಿ ದ್ವರಲ ಸೈನಿಕೊನೆ ತಯಾರ ಕರೊ.

24 ವರಿ ಘೊಡಾವೊನೆ ಸಿದ್ಧಕರ್ಯೊ ಪೌಲಾನೆ ಚಡೈನ, ದೆಶಾದಿಪತಿ ಥಯಲ ಫೆಲಿಕ್ಸ ಕನ ಸುರಕ್ಷಿತಕ್ಟು ಬಲಿನ ಜೌ ಕೈನ ಅಪ್ಪಣೆ ದಿದ್ಯೊ.

25 ಸೆನಾದಿಪತಿ ತೆ ಇನಾನಿಂಗತ ಯಕ್ ಪತ್ರ ಬರ್ಯೊ"

26 ಮೊಟ್ಟೊ ಪ್ರತಾಪಿ ರಹೆಲ ಫೆಲಿಕ್ಸ ರಾಜ್ಯಪಾಲನೆ ಕ್ಲಾದಿಯೊಸ ಲಿಸಿಯಸನೆ ನಮಸ್ಕಾರ"

27 ಯೆಹುದಿಯೊ ತೆ ಮನಕ್ಲನೆ ಥರಿನ ಕಲಾಸ ಕರು ಕೈನ, ಮಿ ಸಿಪಾಯಿನಾ ಕ್ಲಾತೆ ಗೈನ ತಿನೆ ರೊಮಾಪುರನೊ ಹಕ್ಕದಾರ ವ್ಹೈ ಕೈನ ತಿನೆ ತಪಿಸ್ಸಾ.

28 ತೆನ್ನೈಸೊ ತಿನಾ ಉಪ್ಪರ ತಪ್ಪ ಫಾಲೆಲ ಕಾರಣ ತಿಳಸಾನಾ ಹುತಿ ತಿನೆ ತ್ಯುನಾ ನ್ಯಾಯ ಸಭೆನೆ ಬಲೈಲಿನ ಗಯಾ.

29 ತ್ಯಾ ತ್ಯುನೆ ಧರಮಶಾಸ್ತ್ರಾನಾ ವಿಷಯ ಧರ್ಲಿನ ತಿನಾ ವಿರುದ್ಧ ತಪ್ಪ ಯಕಜ ಫಾಲ್ಯಾ ತೆನ್ನೈಸೊ ಮಾರಾನಿ ಶಿಕ್ಷಾ ರ್ಹೈನೆಕಾ ಬೆಡಿಯೊಕ್ಟು ಭಾಂದಾನು ರ್ಹೈನೆಕಾ ತಿನಾ ತಕ ಕಯುಜ ಅಪರಾದ ರ್ಹೈನೆಕಾ

ಫಾಲಾನೆ ಸ ಮನೆ ಧಿಕ್ಕಿನ ಐಯು.

30 ತೆ ಮನಕ್ಟನಾ ವಿರುದ್ಧ ಥೈನ ಮ್ಹೈ ಪ್ಲಾನ ಫಾಲಾನಾ ಹುತಿ ಮನೆ ತಿಳ್ವಿನ ಆತ್ಮಾಟಿಮ್ಹಾ ಮಿ ತಿನೆ ತುಕನ ವಳಾಯಾಸ, ತಿನಾ ವಿರುದ್ಧ ತಪ್ಪ ಘಲಾವಾಲಾ ತಾರಾ ಕ್ಲಾಮಾ ತಿನಾ ವಿರುದ್ಧ ಥಯಲ ಒಪಿಲಿವಾಲಾನಿಂತ ಅಪ್ಪಣೆ ದಿದ್ಲೊ ಕೈನ.

31 ಸಿಪಾಯಿಯೊ ತ್ಯುನೊನೆ ಅಪ್ಪಣೆ ಥಯಲ ರಾತಮಾ ಪಾಲಾನೆ ಅಂತಿಪತ್ರಿನಾ ಗಾಮೆ ಬಲೆಲಿನ ಗಯಾ.

32 ಮರನಾದಿನೆ ತ್ಯುನೆ ಸವಾರನೆ ತಿನಾ ಕ್ಲಾತಿ ಭಾವಾ ವರಕ್ಲು ಕರಿನ, ತ್ಯುನೆ ಪಾಚಾಫರಿನ ಕೊಟಿಮಾ ಆಯಾ.

33 ಕೈಸರೈನೆ ಐನ ದೆಶಾದಿಪತಿನೆ ಪತ್ರ ಒಪಸಿನ, ಪಾಲಾನೆ ತಿನಾ ಕ್ಲಾಮಾ ಹುಬರಾಡ್ಲಾ.

34 ದೆಶಾದಿಪತಿ ತೆ ಕಾಗತ ಒದಿನ ಪಾಲಾ ಕಯೊ ಸಿಮೆನೊ ವ್ಹೈ? ಕೈನ ಪುಚ್ಚಿನ ತೆ ಕಿಲಿಕ್ಕವಾಲೊ ವ್ಹೈ ಕೈನ ತಿಳ್ವಿನ;

35 "ತುಪರ ತಪ್ಪ ಕದಲವಾಲಾ ಆಯೆಲ ಪರ, ತಾರು ಕಾರ್ಯ ಪುರಾ ವಿಚಾರ ಕರುಸ ಕೈನ ಕದ್ಲೊ ತಿನೆ ಹೆರೊದನಾ ಜಿಲಮಾಫಾಲಿನ ಕೈದು ಕೈನ ಅಪ್ಪಣೆ ದಿದ್ಲೊ.

24

ಫೆಲಿಕ್ಸನಾ ಕ್ಲಾಮು

1 ಪಾಂಚ ದಿನ್ನ ಥಯಲ್ಪರ ಮ್ಹೊಟೊ ಯಾಜಕ ಥಯಲ ಅನನಿಯಾ ಶಾನಾವೊಮಾ ದಕ್ಲಾಜನಾವೊಮಾ ತೆರ್ತುಲ ಕವಾಲೊ ಯಕ್ಕ ವಕಿಲನೆ ಬಲೈಲೈನ, ಪಾಲಾನಾ ವಿರುದ್ಧ ದೆಶಾದಿಪತಿನೆ ದುರ ಕದ್ಲಾ.

2 ಪಾಲಾನೆ ಬಲಾಯಲ್ಪರ ತೆರ್ತುಲ್ಯ ತಿಪರ ತಪ್ಪ ಫಾಲಾನೆ ಶುರು ಕರಿನ ಅಮ್ಮ ಕದ್ಲೊ"ಮ್ಹೊಟೊ ಶ್ರೆಷ್ಠ ರ್ಡಯಲ ಫೆಲಿಕ್ಸ್, ತಾರಾ ಮುಲಕ ಹಮೊನೆ ಘನ್ನು ಸಮಾಧಾನ ಹುಟ್ಟಿಸ ಕೈನ, ತಾರಿ ಅಗ್ಲಿ ವಿಚಾರನಾ ಹುತಿ ಎ ದೆಶನಾ ಮನಕ್ಲೊನೆ ಕ್ಲಾರಿ ತರಾಮಾ ಕ್ಲಾರಿ ಭಗಾಮಾ, ತುಟ್ಟಿ ಗಯೆಲ ಸಂಗತಿಯೊನೆ ಸುಧಾರಣೆ ಥಾವಾನಾ ಹುತಿ

3 ಹಮೆ ಎ ಉಪಕಾರ ಕೃತಜ್ಞತೆಕ್ಡು ವಪ್ಪಿಲಿಯೆಸ.

4 ತೆನ್ನೈಸೊ ತುನೆ ಬೆಜ್ಜಾರ ಕರಾನು ಹಮೊನೆ ಮನಸ ನೈಸೊ ಹಮೆ ಖುಲ್ಲಾ ಕವಾನಿಯೊ ವಾತೊ ಮರ್ಗಾಕ್ಡು ಐಕು ಕೈನ ಮಾಂಗಿಲಿಯೆಸ.

5 ಎ ಮನಕ್ಡುಮಾ ಅಪಾಯ ದೆಕ್ಕಾ ದುನಿಮ್ಮಾಕ್ಹಾರಿ ಜಗಾ ರ್ಹಯಲ ಯೆಹುದಿಯೊಮಾ ದಂಗೊ ಉಟಾಡಸ ಕವಾನು, ನಜರೆನ ಕವಾನು ಪಂಥನೊ ನಾಯಕ ವ್ಹೈ ಕೈನ ದೆಕ್ಕಾಸ.

6 ಯಕ್ಲಜ ನೈಸೊ ತೆ ಮನಕ್ಡು ದೆವಾಲಯಮಾ ಹೊಲಸ ಕರಾನೆ ಕೊಶಿಶ ಕರ್ರೊ ತಿನಾಹುತಿ ಹಮೆ ತಿನೆ ಧರಿನೆ ಫ್ಯಾಲ್ಯಾಸ.

7 ತೆನ್ನೈಸೊ ಸಹಸ್ರಾದಿ ಪತಿ ಥಯಲ ಲುಸ್ಸನ ವಚ್ಚಾ ಐನ ಜಬರದಸ್ತಿ ಕರಿನ ತಿನೆ ಹಮಾರಾ ಹತೊಮಾತೊ ಛೊಡೈಲಿನ ಗಯೊ.

8 ಇನೆ ತುಜ ವಿಚಾರ ಕರ್ರೊಮ, ಹಮೆ ಇನಾ ಉಪ್ಪರ ಫಾಲಲ ತಪ್ಪೊ ಕ್ಹರಿ ವ್ಹೈಸು ಸುಳ್ಳ ವ್ಹೈಸು ಇನಾಕ್ಡು ವಳಕಿಲಿಯೆಸ ಕೈನ ಕದ್ಯೊ.

9 ತೆಳಾಮಾ ಯೆಹುದಿಯೊ ವಕಿಲನಾ ಕ್ಹಾತೆ ಮಳಿನ ಸಂಗತಿಯೊ ಕ್ಹರಿ ವ್ಹೈ ಕೈನ ತ್ಯುನೆ ತೆ ದೊಶಾರೊಪಣೆ ಕರಾಲಾವೊನಾ ಕ್ಹಾತೆ ಮಳ್ಳಾ.

10 ದೆಶಾದಿಪತಿ ಪೌಲಾನೆ, ತು ಬೊಲಸಕ್ಲಿ ಸ್ವನ್ನಿ ಕರ್ತಾಮಾ, ತೆ ಫರಿನ ಉತ್ತರ ಸು ದಿದ್ಯೊ ಕದ್ಯಾಮ; ತು ಘನ್ನಾ ವರಕ್ಡತೊ ಎ ದೆಶನಾ ಮನಕ್ಹೊನೆ ನ್ಯಾಯಾದಿ ಪತಿ ಥೈನ ರ್ಹಾ ಕೈನ, ಕೈನ ತಿಳದಿಲಿನ ಮಿ ಖುಶಿಕ್ಡು ಪ್ರತಿವಾದ ಕರಾಡ್ಯೊಸ.

11 ಮಿ ಕ್ಹುದಾನಿ ಅರಾಧಾನಾ ಕರಾನಾಹುತಿ ಯೆರುಸೆಲೆಮೆ ಗೈನ, ಕ್ಹಾಲಿ ಬಾರಾ ದಿನ್ನ ಥಯಾಸ ಕೈನ ತು ತಿಳ್ವಿಲೆಸಕ್ಲಿ.

12 ತ್ಯಾ ದೆವಾಲಯಮಾ ರ್ಹೈನೆಕಾ, ಸಭಾಮಂದಿರಮಾ ರ್ಹೈನೆಕಾ, ಗಾಮ್ನಾ ರ್ಹೈನೆಕಾ, ಯೆಹುದಿನಾ ಕ್ಹಾತೆ ವಾದಾ ಕರಾನು, ನೈತೊ ಮನಕ್ಹೊನು ಗುಂಪ ಮಳಾವಾನು ಇವ್ವೆ ದೆಕ್ಕಾ ನತ್ತಿ.

13 ಎನ್ನೈಸೊ ಇವ್ವೆ ಮಪರ ಫಾಲಾನು ತಪ್ಪೊ ಸಾಬಿತ ಕರಾನಾಹುತಿ ತಾರಾ ಕ್ಹಾಮಾ ತುನೆ ದೆಕಾಡಿನ ದೆತಾ ನೈ.

14 ಯಕ್ಲೊ ತಾರಾ ಕ್ಹಾಮೊ ವಪ್ಪಿಲ್ಯುಸ, ತೆ ಸು ವ್ಹೈ ಕದ್ಯಾಮ; ಇವ್ವೆ ಮನೆ ಧರ್ಮನೊ ವಿರೊದಿ ವ್ಹೈ ಕೈನ ಕವಾನು, ಮಿತೊ ಮಾರಾ ಪಿತ್ಯ ಆರಾಧನ

ಕರಾನಾ ಕ್ಹುದಾನೆಜ್ಜಿ ಮಿ ಆರಾದಾನಾ ಕರಾಲೊ ಥಯೊಸ. ಮೊಶೆನು ಧರ್ಮ ಶಾಸ್ತ್ರನಾ ಲಿಂಗತ ರ್ಹಯಲ ವರಿ ಪ್ರವಾದಿಯೊನಾ ಗ್ರಂಥೊಮಾ ಬರ್ದಲ ಕ್ಹಾರಿ ವಿಷಯನಾ ಹುತಿ ಬರೊಕ್ಲೊ ಕರಿಯೆಸ.

15 ತೆನೈಸೊ ನಿತಿವಂತವಾಲಾವೊನೆ ವರಿ ಅನಿತಿವಂತವಾಲಾವೊನೆ ಪುನರುತ್ಥಾನ ಥಾವಾಸ ಕೈನ ಇನ್ನೆ ಕ್ಹುದಾಪರ ಬರಿಕ್ಲೊಮ್ಮೆಲಲ ಲಿಂಗತಜ್ಜಿ ಮಿಬಿ ಆಸ ಮ್ಹೆಲಲವಾಲೊ ಥಯೊಸ.

16 ಇನಾಹುತಿ ಕ್ಹುದಾನಾ ಕ್ಹಾಮಾ ಶುದ್ಧ ಮನಸಕ್ಲು ರ್ಹವಾನೆ ಮನಸಾಕ್ಷಿಲಿಂಗತ ಮಿ ಕೆಳಾಮಾಬಿ ಮನೆ ಥಾವಾಕ್ಲು ಕೆಳಮ್ಮಾನಿ ಕೊಶಿಷ ಕರುಸ.

17 ದಕ್ಹಾ ವರಕ್ಲ ಥಯಲ್ಪರ, ಯೆರುಸಲೆಮ್ಮಾ ರ್ಹಹೆಲವಾಲಾವೊನೆ ದೊಕಡಾ ವರಿ ಕಾಣಿಕೆ ಯಜ್ಞನೆ ಒಪ್ಪಿಸಾನಾಹುತಿ ಆಯೊ.

18 ಮಿ ಶುದ್ಧಿಕರಲಿದಲ ಲಿಂಗತ, ತೆ ವಪಸ್ತಾಮಾ, ತ್ಯುನೆ ಮನೆ ದೆವಾಲಯಮಾ ದೆಕ್ಯಾ ತೆಳಾಮಾ ಮಾರಾಕ್ಹಾತೆ ಮನಕ್ಲೊನು ಗುಂಪ ನ್ಹೊತ್ತು. ಗದ್ದಲಬಿ ನ್ಹೊತ್ತಿ. ಮನೆ ದೆಕಲವಾಲಾ.

19 ಆಸ್ಯಸಿಮೆತ್ತ್ಯಾ ಆಯೆಲವಾಲಾ ದಕ್ಹಾಯೆಹುದಿಯೊ ವ್ಹೈ ಮಾರಾ ವಿರುದ್ಧ ತ್ಯುನೊನೆ ಸುಬಿ ರ್ಹಿಯುಮ, ತ್ಯುನೆ ಕ್ಹಾಮಾ ಅಪರಾದ ಘಾಲಾನಾ ಹುತಿ ನ್ಹ್ಯಾ ಆವಾನ ವ್ಹತ್ತು.

20 ನೈರ್ದ್ವಿತಾಮ್ ಮಿ ನ್ಯಾಯ ಸಬೆನಾ ಕ್ಹಾಮೊ ಹುಬ್ರಿತಾಮಾ, ಮಾರಾಮಾ ಅಪರಾದ ದಿಕ್ಲ್ಯುಮ ಇವ್ವೆಜ್ಜಿ ಕವಾದೆ.

21 ಮಿ ಇವ್ವಾ ವಚ್ಚಾ ಹುಬ್ರೈನ; ಮರಿನ ಪುನರುತ್ಥಾನ ಥಾವಸ ಕೈನ ನಂಬಾನಾಹುತಿ ತುಮೊಕ್ಲೊ ಮನೆ ವಿಚಾರಣೆನೆ ಗುರಿ ಥಾವಾಸ' ಕೈನ ಜೊರ ವದ್ರಿನ ಕದಲ ಹುತಿ ಕೌ ಯಕ್ವಜ್ಜಿ ತೆನೈಸೊ ಬಿಜು ಸುಜ್ಜಿ ಕತಾ ನೈ ಕೈನ ಕದ್ಲೊ.

22 ಫೆಲಿಕ್ಸ್ ಎ ವಾಟ, ತಕ್ಲ ಟೈಮ್ಮ ತಿಳದಿಲಿದಲ ರ್ಹಯೊತಬಿ ತ್ಯುನೊನೆ; ತಿರ್ಮಾನ ಕರುಸ ಕೈನ, ಪೈಸ್ಲೊ ಕರಾನೆ ನಿರ್ಧಾರ ಕರೈಯೊ.

23 ತೆ ಥಯಲ್ಪರ ಪೌಲಾನೆ ಕಾವಲಮಾ ಮ್ಹೆಲು ಕೈನ, ಆದರೆ ಕಟ್ಟು ನಿಟ್ಟು ನಕೊ ಚಾಯೆ ಕೈನ, ತಿನೆ ರ್ಹಯೆಲ ದೊಸ್ತೊನೆ ತಿನೆ ಉಪಚಾರ

ಕರಾನು, ಅಡ್ವಿಕರು ನೈಕೈನ ಶತಾದಿಪತಿನೆ ಅಪ್ಪಣೆ ಕರಾನ್ಯಾ.

24 ದಕ್ಖಾ ದಿನ್ನ ಥಯಲ್ಪರ ಫೆಲಿಕ್ಸ್, ಯಹುದಿಯೊನೆ ರ್ಹಯಲ ದೊಸ್ತಿಲ್ಲ ಕವಾಲಿ ಬಾಕ್ಲಿ ತಿನಾ ಕ್ವಾತೆ ಐನ, ಪೌಲಾನೆ ಬಲೈನ ಕ್ರಿಸ್ತ ಯೆಸುಮಾ ಮ್ಹೆಲಾನಾ ಬರೊಕ್ವಾನಾ ಹುತಿ ತೆ ಕವಾನಿ ವಾತೊ ಐಕ್ಲೊ.

25 ತಿನಾಹುತಿ ತ್ಯಾಂತೊ ಗೈನ ಪೌಲಾ ಸ್ವ ನಿಯಂತ್ರಣ ವರಿ ಅಗು ಥಾವಾನು ಭೊಕಾನಾಹುತಿ ಚೆರ್ಚಾ ಕರಿನಾಹುತಿ ಇವ್ವಾ ಹುತಿ ಕತಾಮಾ ಫೆಲಿಕ್ಸ್ ಭುಚ್ಚಿಕಿನ ತಿನೆ; ತೆ ಕವಸ ಹಮ್ನಾ ತು ಭಾ; ಮಿ ತುನೆ ಟೈಮ ಮಳಲಪರ ತುನೆ ಬಲೌಸ ಕೈನ ಕದ್ಲೊ.

26 ತೆಜ್ಜ ಟೈಮ್ತೆ ಪೌಲಾನೆ ಸುಬಿ ತಿನೆ ಸುಬಿ ದೊಕ್ಖಾ ದೆಸ ಕೈನ ಆಸ ಕರಿನ, ತೆಳಾಮಾ ತಿನೆ ಬಲೈನ ತಿನಾ ಕ್ವಾತೆ ಸಲ್ಲಾಪ ಕರ್ತೊತೊ.

27 ಬೆ ವರಕ್ಲ ಥಯಲ್ಪರ ಫೆಲಿಕ್ಸ್‌ನಿ ಭಗಾಪರ ಪೊರ್ಕಿಯ ಪೆಸ್ತನ ಕವಾನೊ ರಾಜ್ಯಾಪಾಲ ಆಯೊ. ಫೆಲಿಕ್ಸ್ ಯಹುದಿಯೊನಿ ಮಯಾ ಗಳಸು ಕೈನ ಪೌಲಾನೆ ಜೆಲ್ಮಾಜ್ಜ ಮ್ಹೆಲಿನ ಗಯೊ.

25

1 ಫೆಸ್ತಾ ಅದಿಕಾರ ಹೊಂದೆಲ ಪರ ತನ ದಿನ್ನ ಥಯಲಪರ ಕೈಸರೈತೊ ಯೆರುಸಲೆಮ್ತೆ ಗಯೊ.

2 ತ್ಯಾ ಖಾಸ ಯಾಜಕವೊ, ಯೆಹುದಿಯೊನಾ ಮ್ಹೆಟ್ಟಾ ತಿನೆ ಪೌಲಾನಾ ಉಪ್ಪರ ತಪ್ಪಕೈನ ಯೆರುಸಲೆಮ್ತಾ ವಳೌ ಕೈನ ಫೆಸ್ತ ಕನ ಮಾಂಗಿಲಿದ್ಯಾ.

3 ಕಾಕದ್ಯಾಮ್ತಾ ಯೆರುಸಲೆಮ್ತಾ ಜಾತ್ತಾಮ್ತಾ ರಸ್ತಾಮ್ತಾ ತಿನೆ ಮಾರಾನಾ ಹುತಿ ವಿಚಾರ ಕರಾನ್ಯಾ.

4 ಫೆಸ್ತ ಅಮ್ಮ ಕದ್ಲೊ; ಪೌಲಾ ಕೈಸರೈನಾ ಜೆಲಮ್ತಾ ಛಿ, ಮಿ ತ್ಯಾ ಜಲದಿ ಜೌ ಕೈನ ಛಿ.

5 ತಿನಾಹುತಿ, ತಮಾರಾಮ್ತಾ ಖಾಸ, ಮಾರಾಕ್ವಾತೆ ಕೈಸರೈಮ್ತಾ ಐನ ತೆ ಮನಕ್ವಮಾ ಅಪರಾದ ಕೈಬಿ ರ್ಹಿಮ್ತಾ ತಿನಾ ಉಪ್ಪರ ತಪ್ಪ ಘಾಲಾಂದೆ ಕದ್ಯಾ.

6 ತೆ ಯೆರುಸಲೆಮ್ಮಾ ಆಟ ದಕ್ಖತಿ ಹೆಚ್ಚಿ ದಿನೊ ಹುಬರಯಾವಾಚಿ ಕೈಸರೈನೆ ಗೈನ ಮರನಾದಿನೆ ಫೆಸ್ತ ಪೈಸಲಾನಿ ಜಗಾ ಬೈಟಿನ, ಪೌಲಾನೆ ಬಲೆಲಿನ ಆವೊ ಕೈನ ಅಪ್ಪಣೆ ದಿದ್ಲೊ.

7 ತೆ ಆತ್ತಾ ಟೆಮ್ಮಾ ಯೆರುಸಲೆಮ್ಮಾತ್ತಾ ಆಯಿಲ ಯೆಹುದಿಯೊ, ತಿನಾ ಸುತ್ತೆ ಹುಬರೈನೆ ತ್ಯಾನೆ ಸಾಬಿತ ನೈಥಯಲ ಘನ್ನಾ ಮೊಟ್ಟಾ ಮೊಟ್ಟಾ ತಪ್ಪೊ ಫಾಲತ್ತಾ ಟೆಮ್ಮಾ ತ್ಯಾನೊನೆ ತೆ ಯಕ್ಕಬಿ ಸಾಬಿತ ಕರಾನೆ ಧೈಯು ನೈ.

8 ತೆನೈಸೊ ಪೌಲಾ; ಯೆಹುದಿಯೊ ಧರಮಶಾಸ್ತ್ರನಾ ವಿಷಯಮ್ಮಾ ರ್ಹಂದೆ ದೆವಾಲಯನಿ ವಿಷಯಮ್ಮಾ ಥಾವಾಂದೆ, ಚಕ್ರವರ್ತಿನಾ ವಿಷಯಮ್ಮಾ ಥಾವಾಂದೆ, ಮಿ ಸುಜ್ಜ ತಪ್ಪ ನತಿ ಕರೈಯ್ ಕೈನ ಉತ್ತರ ದಿದ್ಲೊ.

9 ತೆನೈಸೊ ಫೆಸ್ತಾ ಯೆಹುದಿಯೊನಿ ಮಯಾ ಗಳಸಿಲ್ಯು ಕೈನ ಆಸ ಮ್ಹೆಲಿನ ಪೌಲಾನೆ; ತು ಯೆರುಸಲೆಮನೆ ಭಾವಾವು ಕೊಶಿಶ ಕರತ್ತಾಮ್ಮಾ ತ್ಯಾ ಆ ಕಾಮನಾ ವಿಷಯಮ್ಮಾ ಮಾರಾ ಕ್ಹಾಮೊ ವಿಚಾರ ಕರಾನೆ ತುನೆ ಮನಸಚೆ? ಕೈನ ಪುಚತ್ತಾಮ್ಮಾ ಪೌಲಾ;

10 ಮಿ ಪೌಲಾ ಕದ್ಲೊ ಚಕ್ರವರ್ತಿ ಥಯಲ ಕೈಸರೈನಾ ಪೈಸಲಾನಿ ಜಗಾನಾ ಕ್ಹಾಮೊ ಹುಬರಯೊಸ; ನ್ಹಾಜ್ಜ ಮಾರು ವಿಚಾರಣೆ ಥೌ. ಯೆಹುದಿಯೊನೆ ಮಿ ಅನ್ಯಾಯ ನತಿ ಕರೈಯ್; ತೆ ತುನೆಬಿ ಚೊಕಿತರಾ ಗೊತ್ತ ಫೆ.

11 ಮಿ ಧರಮಶಾಸ್ತ್ರಾನೆ ವಿರೊದ್ಧ ಥಯೊಮ್ಮ ಮೌತ್ತನಿ ಶಿಕ್ಷಾನೆ ಕಾರಣ ಥಯಲ ಸುಬಿ ಕರಲ ರ್ಹಯುಮ ಮೌತ್ತನಿ ಶಿಕ್ಷಾನೆ ಇನಾಕಾರತೊ ನೈ. ವರಿ ತ್ಯಾನೆ ಮಾರಾ ಉಪ್ಪರ ಫಾಲೆಲ ತಪ್ಪೊ ತಾಕತ ನೈಸೊ ಪಕ್ಷಮ್ಹಾಕುನಬಿ ಮನೆ ತ್ಯಾನಾ ಹತೆ ಒಪಸಾನೆ ನೈಥಾತು. ಮಿ ಕೈಸರನಾ ಕ್ಹಾಮೊ ಕೈಲ್ಯುಸ ಕದ್ಲೊ.

12 ತೆಳಾಮಾ ಫೆಸ್ತಾನೆ ತ್ಯಾನಾ ಸಭೆವಾಲಾವೊನಾ ಕ್ಹಾತೆ ಕ್ಹಾರು ವಿಚಾರ ಕರಲ ಪರ ಪೌಲಾನೆ; ತು ಕೈಸರನಾ ಕ್ಹಾಮೊ ಕೈಲ್ಯುಸ ಕದ್ಲೊ ತೊ ತಿನಾ ಹುತಿ ಕೈಸರ ಕನ ಜೌ ಕೈನ ಕದ್ಲೊ.

13 ದಕ್ಖಾದಿನೊ ಥಯಲ ಅಗ್ರಿಪ್ಪ ರಾಜೊ, ಬರ್ನಿಕೆರಾಣಿ,

ಫೆಸ್ತಾನೆ,ಮಳಾನೆ ಸ್ವಾಗತ ಕರಾನೆ ಕೈಸರೈನೆ ಆಯಾ.

14 ತ್ಯುನೆ ದಕ್ಖಾ ದಿನ್ನ ತ್ಯಾ ರ್ಹತ್ತಾಮ್ಮಾ ಫೆಸ್ತಾ ಪೌಲಾನಿ ಸಂಗತಿಯೊ ರಾಜ್ಞಾನೆ ತಿಳಸಿ ಕದಲ ; ಫೆಲಿಕ್ಸ್ ಛೊಡಿನ ಗಯೆಲ ಎಕ ಜೆಲಮ್ಮಾನೊ ಮನಕ್ಟವ್ವತ್ತೊ.

15 ಮಿ ಯೆರುಸಲೆಮ್ಮಾ ರ್ಹತ್ತಾಮ್ಮಾ ಯೆಹುದಿಯೊನಾ ಖಾಸ ಯಾಜಕೊ, ಮೊಟ್ಟಾ ಮನಕ್ಟೊ ತಿನಾ ವಿಷಯಮ್ಮಾ ಮನೆ ತಪ್ಪ ಕೈನ ತಿನೆ ವಿರುದ್ಧ ಥೈನ ಪೈಸಲೊ ಧಾನಾದೆ ಕೈನ ಮಾಂಗಿಲಿದ್ಯಾ.

16 ಮಿ ತ್ಯುನಾ ಪ್ರಾವಾದಿಯೊ ವಾದಾ ಕರಾವಾಲಾ ವೊನೆ ತ್ಯುನಾ ಕ್ಷಾಮಾಜ್ಜ ಹುಬರೈನ ತಿಪರ ಫಾಲೆಲ ದೊಷನಾ ಹುತಿ ಪ್ರತಿವಾದ ಕರಾನೆ ದಿದ್ಯಾವಾಚಿ ತಿನೆ ಒಪ್ಪನಿ ದಿವಾನೆ ರೊಮ್ಮಾವಲೊನಿ ಪದ್ಧತ ನ್ಹೊಪ್ಪೆ ಕೈನ ಕದ್ಯೊ.

17 ತ್ಯಾ ತ್ಯುನೆ ಮಳಿನ ಮಿ ದಕ್ಷಿಯೆಳ ಬಿ ತಡಾ ಕರೆವಾಚಿ ಮರ್ನಾ ದಿನೆ ಪೈಸಲಾನಿ ಜಗಾಪರ ಬೈಟಿನ ತೆ ಮನಕ್ಟನೆ ನಿನೊ ಕೈನ ಅಪ್ಪಣೆ ದಿದ್ಯೊ.

18 ಯೆಹುದಿಯೊ ತ್ಯಾ ಹುಬರೈನ ತಿನಾ ಉಪ್ಪರ ತಪ್ಪ ಫಾಲ್ಯಾ ತಿನಾ ಹುತಿ ಮಿ ವಿಚಾರ ಕರಲ ತ್ಯುನೆ ಅಪರಾಧಮಾ ಯಕಬಿ ತಿನಾ ಉಪ್ಪರ ಫಾಲ್ಯಾ ನೈ.

19 ತ್ಯುನೆ ಕದಲ ಸಂಗತಿಯೊ ತ್ಯುನಾ ಧರಮಶಾಸ್ತ್ರನಾ ಪ್ರಕಾರ ಜಿವ್ವಾ ಕರಾಡೊತೊ ಕೈನ, ಪೌಲಾ ಕವಾನು ಮರಿಗಯೆಲ ಯೆಸು ಜಿವಾಸಾಡೊಸ ಕೈನ ಯಕ್ಲಾನಾ ವಿಚಾರಮಾ, ತಿನಾ ಉಪ್ಪರ ದಕ್ಖಾ ವಿವಾದ ಥವಾನು ವಾತೊ ಬೊಲ್ಯಾ.

20 ಹವಾ ಕಾಮೊ ಕಿಮ್ಮ ವಿಚಾರ ಕರು ಕೈನ ಮನೆ ಕಳೆ ನೈಸೊ. ತು ಯೆರುಸಲೆಮೆ ಗೈನ ತಾರಾ ಅಪರಾಧನಾ ವಿಷಯಮಾ ವಿಚಾರ ಕರಾನಾಹುತಿ ಕೊಶಿಶ ಕರಾನೆ ಮನಸ ಛೆ ಸು? ಕೈನ ಮಿ ಪುಚ್ಚೊ.

21 ತಿನೆ ಪೌಲಾ ಚಕ್ರವರ್ತಿ ಥಯಲ ಕೈಸರನಾ ಕ್ಷಾಮೊ ಹುಬರೈನ ಕದೆಮಟಾ, ಮಾರಾ ಹುತಿ ಕೈದು ಕೈನ ಮಾಂಗಿಲೆತ್ತಾಮ್ಮಾ ಮಿ ಕೈಸರ ಕೈನ ಮೊಕಲೆ ಲಕ್ಕಾ ತಿನೆ ಕೈದಾನಾ ಹುತಿ ಅಪ್ಪಣೆ ದಿದ್ಯೊ ಕೈನ ಕದ್ಯೊ."

22 "ತಿನೆ ಅಗ್ರಿಪ್ಪ; ತೆ ಮನಕ್ಟ ಕಲಿವಾನು ಕತ್ತಾಮ್ಮಾ ಮನೆಬಿ ಮನಸ್ಸ ಛೆ

ಕೈನ ಪುಚತ್ತಾಮ್ನಾ ಫೆಸ್ತಾ ಉತ್ತಾರಾ ದಿದ್ಯೊ ವಂತಾ ಪುಚಸಕಸಿ ಕದ್ಯೊ"
 23 ಮರಾನಾ ದಿನೆ ಅಗ್ರಿಪ್ಪ ರಾಜೊ, ಬೆರ್ನಿಕೆರಾಣಿ ಘನ್ನಾ ವತಡಕ್ಕು
 ಐನ ಅದಿಕಾರಿಯೊ ವರಿ ಗಾಮನಾ ಖಾಸ ಮನಕ್ಟೊನಾ ಕ್ಹಾತೆ
 ಸಭಾಮಂದಿರಮ್ನಾ ಮಳಿನ ಆತ್ತಾಮ್ನಾ ಫೆಸ್ತಾ ಅಪ್ಪಣೆ ದೆತಾಮ್ನಾ
 ಪೌಲಾನೆ ಬಲೆಲಿನ ಆಯಾ.

24 ತೆಳಾಮಾ ಫೆಸ್ತಾ; ಅಗ್ರಿಪ್ಪ ರಾಜೊ, ಹಮ್ಮಾರಾ ಕ್ಹಾತೆ ಮಳಿನಾಯೆಲ
 ಕ್ಹಾರಾ ಮನಕ್ಟೊ ಆ ಮನಕ್ಟನೆ ದೆಕೊಶಿನ್ಯೆ, ಅನಾ ವಿಷಯಮ್ನಾ
 ಯೆಹುದಿಯೊ ಆ ಅಬಾದಾತೊ ಜಿವ್ವಾ ಕರುನ್ಯೆ ಕೈನ ವದರತ್ತಾ
 ಯೆರುಸಲೆಮ್ನಾ ವರಿ ಯ್ಹಾಬಿ ಮನೆ ಮಾಂಗಿಲಿದ್ಯಾ.

25 ತಿ ಮಾರಾನೆ ದಂಡನೆ ಕಾರಣಾ ಧಾವಾನೆ ಸು ನತ್ತಿ ಕರ್ರೊ ಕೈನ
 ಮನೆ ದಿಕ್ತಿನ ಐಯು. ತೆಜ ಕೈಸರನೆ ಮಾಂಗಿಲೆತ್ತಾಮ್ನಾ ತಿನೆ ಕೈಸರಕನ
 ವಳಾವಾನೆ ಪೈಸಲೊ ಲಿದ್ಯೊ.

26 ತೆನ್ನೆಸೊ ತಿನಾಹುತಿ ಕೈಸರ ಆವಾನೆ ಕೈಜ ಕಾರಣ ದಿಕ್ತಿನ ಆಯು ನೈ
 ಜಿಲಮ್ಮಾರಹೆಲವಾಲಾನಾ ಹುತಿ ಆರೊಪ ಘಾಲೆಲ ತಪ್ಪ ದಿಕ್ಟೆವಾಚಿ, ತಿನೆ
 ವಳಾವಾನು ಘೊಕು ನ್ಹವೈ ಕೈನ ಮನೆ ದಿಕ್ತಿ ಐ ನೈ.

27 ತಿನಾಹುತಿ ವಿಚಾರ ಕರಲ ಪರ ಸುಬಿ ಲಿಕಾನೆ ಮಳಸ ಕೈನ ತಿನೆ ತಾರಾ
 ಕ್ಹಾಮಾ ಖಾಸ ಕರಿನ ಅಗ್ರಿಪ್ಪ ರಾಜಾ ತಾರಾ ಕ್ಹಾಮಾ ಲಾಯಾಸ ಕೈನ
 ಕದ್ಯೊ.

26

1 ತೆಳಾಮಾ ಅಗ್ರಿಪ್ಪನೆ, ಪೌಲಾನೆ ತು ತಾರಾ ಪರಾ ಬೊಲಸಕ್ಸಿ
 ಕತಾಮಾ, ಪೌಲಾ ಹತ ಉಚೈನ, ಪ್ರತಿವಾದ ಸು ಕರ್ರೊ ಕದ್ಯಾಮ.

2 ಅಗ್ರಿಪ್ಪ ರಾಜಾ, ಯೆಹುದಿಯೊ ಮಪರ ಆರೊಪ ದಿವಾನು ಕ್ಹಾರಾ
 ಆರೊಪನಾ ಹುತಿ ತಾರಾ ಕ್ಹಾಮೊ ಮಿ ಹಮ್ಮಾಜ್ಜ ಪ್ರತಿವಾದ ಕರಾನು
 ರ್ಡಯಲ ಹುತಿ, ಮನೆ ಧನ್ಯವೈನ ಕವೈಲ್ಯುಸ.

3 ಕಾಕದ್ಯಾಮ, ಯೆಹುದಿಯೊಮಾ ರ್ಡಯಲ ಕ್ಹಾರಿಯೊ ಪದ್ಧತಿಯೊ,
 ವಿವಾದೊ ತು ಘನ್ನೊ ಬಲ್ಲವಾಲೊ ರ್ಡತಿ. ಮಾರಿಯೊ ವಾತೊ
 ತಾಳೆಕ್ಟು ಐಕು ಕೈನ ಮಾಂಗಿಲ್ಯುಸ.

4 ಮಿ ನ್ಹಾನೊ ರ್ಹತ್ತಾಮಾತೊ, ಯೆರುಸೆಲಿಮಮಾ ಮಾರಾ ಸ್ವಂತ ದೆಶನಾ ಮನಕ್ಟೊನಾ ಕ್ಹಾತೆ ರ್ಹ್ವಿನ, ಜಿವ್ನಾ ಕರಲ ತರಿಕೊ ಕ್ಹಾರಾ ಯಹುದಿಯೊನೆ ಗ್ವತ್ತ ರ್ಹಯಲಜ್ ಛೆ.

5 "ಮಿ ಮಾರಾ ಧರ್ಮಮಾ ಘನ್ನು ಕಟ್ಟಿ ನಿಟ್ಟಿ ಕರಾನು ಪದ್ಧತ ಫರಿಸಾಯರ ಪಾಳಿಮಾ ಕರಲ ಲಿಂಗತ ಫರಿಸಾಯರ ಲಿಂಗತ ಚಾಲಿಲಿನ ಗಯೊಸ ಕೈನ, ಶುರುತೊಬಿ ತ್ಯನೊನೆ ಗ್ವತ್ತ ಛೆ ಸಾಕ್ಷಿ ಕವಾನು ಮನಸ ರ್ಹಯುಮ ತ್ಯನೆ ಕೆ ಸಕಸ"

6 ಹಮ್ಮಾಬಿ ಕ್ಹುದಾ ಹಮಾರಾ ಪಿತ್ಯವೊನೆ, ದಿದಲ ವಾತ ಪುರಾ ಧಾವಸ ಕವಾನು ಆಸನಾ ಹುತಿಜ್, ಹಮೆ ಹಮ್ಮಾಪೈಸಲಾನಾ ಹುತಿ ನ್ಹಾ ಹುಬ್ರಯಾಸ.

7 ಅಪ್ಪಾ ಬಾರಾ ಖಾಂಧಾವಾಲಾ ದಿನ್ನ ರಾತ ಆಸಕ್ತಿಕ್ಹು ಕ್ಹುದಾನೆ ಆರಾದಾನಾ ಕರ್ತಾ ತೆ ವಾತನಿ ಫಲ ಮಳಾನಾ ಹುತಿ ಆಸ ಕರ್ತಾ ಛೆ. ರಾಜಾ, ತೆಜ್ ಆಸನಾ ಹುತಿ ಯೆಹುದಿಯೊ, ಮಾರಾ ವಿರುದ್ಧ ದೊಶಾರೊಪಣೆ ಕರಾಡಾಸ.

8 (ಮಲಾಕಿ 7:9) ಕ್ಹುದಾ ಮರಲವಾಲಾವೊನೆ ಉಟಾಡಲ ಬರೊಕ್ಹೊ ಕರಾನೆ ಅಸಾದ್ಯ ವ್ಹೈ ಕೈನ ತುಮೆ ಕಾ ಪೈಸ್ಲೊ ಕರೊಶಿ?

9 ಯಕ್ ಕಾಲ್ಮಾ ನಜೆರೆತನಾ ಯೆಸುನಾ ನಾಮನೆ ವಿರುದ್ಧ ಘನ್ನಾ ಕಾರ್ಲೊ ಕರು ಕೈನ ಹಮೆ ವಿಚಾರ ಕರ್ಲಿದ್ಯಾಸ.

10 ಯೆರುಸೆಲಿಮಮಾ ತಿಮ್ಮಜ್ ಕರಲ್ಯೊತೊ. ಖಾಸ ಯಾಜಕ ಕ್ಹು ಅಧಿಕಾರ ಪಡ್ತಿನ ಕ್ಹುದಾನಾ ಮನಕ್ಟೊಮಾ ಘನ್ನಾ ಜನಾವೊನೆ ಜೆಲ್ಮಾ ಮುಕ್ಕಿನ, ತ್ಯನೊನೆ ಮರ್ವಾನಿ ಶಿಕ್ಷಾ ಧಯಲ್ಪರ, ಮಿ ತಿನೆ ಸಮ್ಮತಿ ಕರೊಸ.

11 ಕ್ಹಾರಿಯೊ ಸಬಾ ಮಂದಿರೊಮಾ, ಮಿ ತ್ಯನೊನೆ ಘನ್ನಿ ಸಲಾ ತ್ಯನೊನೆ ಶಿಕ್ಷಾ ದಿನ್ನ ತ್ಯನೊಕ್ಹು ಕ್ಹುದಾನಾ ವಿರುದ್ಧ ವಾತೊ ಬೊಲಾನಿಯೊ ಕೊಶಿಶ ಕರಲ್ಯೊ ತೆನ್ನೆಸೊ ತ್ಯನೊಪರ ಘನ್ನೊ ಶಿಟ್ಟಿ ಛೈನ ಬಿಜಾ ಗಾಮ ಲಕ್ಕಾ ಗೈನ ತ್ಯನೊನೆ ತ್ರಾಸ ಕರಲ್ಯೊ.

12 ಎ ಉದ್ದೆಶಕ್ಹು ಮಿ ಖಾಸ ಯಾಜಕ ಕ್ಹು ಅಧಿಕಾರ, ಆದೆಶ ವ್ಹಂದಿನ ದಮಸ್ಕ ಗಾಮೆ ಜಾವಾನಿ ವಾಟ್ಕಾರಾಜಾ,

13 ದುಪಾನಾ ವಕ್ತೃತ್ವಾ ಆಕಾಶತೊ ಯಕ್ಕ್ ಉಜಾಲು ಮಾರಾ ಸುತ್ತಿ ವರಿ ಮಾರಾ ಕ್ವಾತೆ ಆವಾಲಾವೊನಾ ಸುತ್ತಿ ಸುರ್ಯಾನು ಉಜಾಲಾ ಲಿಂಗತ ಘನು ಮಿಂಚಾನು ಮಿ ದೆಕ್ಲೊ.

14 ಹಮೆ ಕ್ಹರಾ ಜಿಮಿನ್ವರ ಪಡ್ತಾಮಾ, ಸೌಲಾ, ಸೌಲಾ, ತು ಮನೆ ಕಾ ತ್ರಾಸ ಕರಾಡ್ಲೊಸ? ಕಾಟಾನಾ ಝಾಡೊನೆ ವದ್ಲೊಮ ತುನೆಚ್ಚ ತ್ರಾಸ ನ್ಹವೈಸು? ಕೈನ ಹಿಬ್ರಿನಿ ಭಾಶಾಮಾ ಕವಾನಿ ವಾತ ಐಕ್ಲೊ.

15 ತೆಳಾಮಾ ಮಿ, ಕರ್ತಾ, ತು ಕುನ ವ್ಹೈ? ಕತಾಮಾ ಕರ್ತಾ "ತು ತ್ರಾಸ ಕಾರಾನೊ ಯೆಸುಚ್ಚ ಮಿ ವ್ಹೈ.

16 ತು ಉಟಿನ ತಾರಾ ಪಗೊಪರ ಹುಬ್ರಿ ತುನೆ ಮಾರೊ ಸೆವಕ ಕರಿನ ಸಾಕ್ಷಿನಾ ಹುತಿ ನೆಮಸಾನಾ ಹುತಿ ತುನೆ ದಿಕ್ಲೊಸ ಹಮ್ಮಾಬಿ ಅಗೊಬಿ ತುನೆ ದೆಕಾಡಾನು ದರ್ಶನೊಮಾ, ತುನೆ ದಿಕ್ಲಲನಾ ಹುತಿ ತು ಮಾರಿ ಸಾಕ್ಷಿ ಧೈನ ರ್ಲೊ.

17 ಮಿ ತಾರಾ ಇಸ್ರಯಿಲ ಸ್ವಂತ ಮನಕ್ಲೊಕಂತೊ, ಯೆಹುದಿಯೊ ನೈಸೊ ಮನಕ್ಲೊಕ್ಲು ತ್ಯುನೊಕನ ತುನೆ ವಳೊಸ ಕದ್ಲೊ.

18 ತ್ಯುನೆ ಅಂದಾರಾಮಾತಾ ಉಜಾಲಾನೆ, ಸೈತನನಾ ಹತ್ಮಾತಾ ಕ್ವುದಾಕನ ಫರಿನ, ಮಪರ ಬರೊಕ್ಲೊ ಮ್ಹೆಲಲಕ್ಲು ಪಾಪನಿ ಮಾಫಿ, ಪರಿಶುದ್ಧ ರ್ಲಯಲವಾಲಾವೊನಾ ಕ್ವಾತೆ ತ್ಯುನು ಹಕ್ಕ್ ವ್ಹಂದಿಲಿವಾನಾ ಹುತಿ, ತ್ಯುನಾ ಡೊಳಾ ಕ್ವಲು ಕೈನ ಮಿ ತುನೆ ತ್ಯುನೊಕನ ವಳೊಸ" ಕದ್ಲೊ.

19 ತಿನಾಹುತಿ "ರಾಜಾ ಥಯಲ ಅಗ್ರಿಪ್ಪಮನೆ ಮಳೆಲ ಮಿ ಪರಲೊಕನು ದರ್ಶನ ದೆಕಲಪರ ತಿನೆ ಅವಿಧೆಯ ನೈಧೈನ.

20 ತೆಳಾಮಾ ದಮಸ್ಕಮ್ಮಾ ಬಿ ವರಿ ಯೆರುಸಲೆಮ್ಮಾ ಬಿ ಯುದಾಯಮ್ಮಾಬಿ ಕ್ವಾರಾ ಸಿಮೆ ರ್ಲಹೆಲವಾಲಾವೊನೆ ಬಿ ಮನಕ್ಲೊನೆ"ತುಮಾರಾ ಪಾವೊನಾ ಹುತಿ ಪಶ್ಚಾತ್ತಾಪ ಪಡಿನ

21 "ತೆ ತಿನಾಹುತಿ ಯೆಹುದಿಯೊ ದೆವಾಲಮ್ಮಾ ಮನೆ ಧರ್ಲಿನ ಖಲಾಸ ಕರು ಕೈನ ಕೊಶಿಶ ಕರ್ಲ್ಯಾ.

22 ತೆಳಾಮಾ ಕ್ವುದಾ ಮನೆ ಮದತ ಕರಲ್ಯೊ ತೆ ಹಮನಾತೊ ಹಮನೊನೆ ಮದತ ಕರಾಡ್ಲೊಸ. ತಿನಾಹುತಿ ಹಮ್ಮಾ ಯ್ಹಾ

ಹುಬರಯೊತೊ ವರಿ ಮಿ ದೆಕೆಲ ಸಂಗತಿಯೊನಾ ಹುತಿ ಮನಕ್ಲೊನೆ ಸಾಕ್ಷಿ ಕವಾಡೊತೊ. ತಿನಾಹುತಿ ಮಿ ಕೈಜ್ ನವು ಕದೆವಾಚಿ, ಮೊಶೆ ವರಿ ಪ್ರವಾದಿಯೊನಾ ಕ್ಹಾಮೊ ನೆರವೆರಸ ಕೈನ ಕದಲ ಸಂಗತಿಯೊ ಕತೊವ್ಹತ್ತೊ.

23 ಕ್ರಿಸ್ತಾ ದುಕ ಕರಲಿನ ಮರಿನ ಮರೆಲಮಾತೊ ಪೈಲಾನೊ ಥೈನ ಉಟಿನ ಐನ ಯೆಹುದಿಯೊನೆ ವರಿ ಯೆಹುದಿಯೊನೆ ನೈಸೊ ಮನಕ್ಲೊ ಕ್ಹಾರಾ ರಕ್ಷಣೆ ಉಜಾಲು ಲಾವಸ ಕೈನ ಪ್ರಸಿದ್ಧಿ ಕರಾವಾಲೊ ಥಾಶಿ ಕೈನ"

24 ಇಮ್ಮ ಪೌಲಾ ತಿನಾಕ್ಹು ವಾದ ಕರೊತ್ತೊ ಕತ್ತಾಮ್ನಾ ಫೆಸ್ತಾ. ಪೌಲಾ ತುನೆ ಪಿಸಾಳೊ ಧರ್ಮ್ಸು, ಘನು ಒದಾನು ತುನೆ ಪಿಸಾಳು ಕರಿಪಡಸ, ಕೈನ ವದರಿನ ಕದ್ಯೊ.

25 ತಿನಾಹುತಿ ಪೌಲಾ ಮಹಾರಾಜಾ ಥಯಲ ಫೆಸ್ತಾ. ಮಿ ಪಿಸಾಳೊ ನ್ಹೈವೈ ಮಿ ಕವಾನು ಕ್ಹರಿನಾ ವಾತೊ ಛೆ ಕದ್ಯೊ.

26 ರಾಜೊ ಥಯಲ ಅಗ್ರಿಪ್ಪನೆ ತೆ ಸಂಗತಿಯೊ ಗೊತ್ತ ಛೆ. ತಿನಾಹುತಿ ತಿನಾ ಕ್ಹಾಮೊ ಮಿ ಧೈರ್ಯಕ್ಹು ಬೊಲುಸಕ್ಚೆ ತೆ ಸಂಗತಿಯೊಮ್ಮಾ ಯಕ್ಹಬಿ ಜ್ಞಾತಿಲೆಲೆಲೆ ನತ್ತಿ ನಂಬಾನು ಸುವೈ ಕದ್ಯಾಮ, ಕಾಕದ್ಯಾಮ್ನಾ ತೆ ಯಕ್ಹ ಮೂಲಾಮ್ನಾ ಥಯಲ ಕಾಮ್ನ ನ್ಹವೈ.

27 ರಾಜೊ ಅಗ್ರಿಪ್ಪ ಪ್ರವಾದಿಯೊನೆ ತು ನಂಬಶಿಸು? ಮನೆ ಗೊತ್ತಛೆ ಕೈನ ಕದ್ಯೊ"

28 "ತಿನಾಹುತಿ ಅಗ್ರಿಪ್ಪ ರಾಜೊ ಉತ್ತರಾ ದಿದ್ಯೊ ; ದಕ್ಷಿ ಕೊಶಿಶಕ್ಹು "ಮನೆ ಆಸಾನಕ್ಹು ಕ್ರಿಸ್ತ ಥವಾನಾಹುತಿ ಒಂಡಬಡಿ ಸು ತು? ಕೈನ ಕತ್ತಾಮ್ನಾ"

29 ಪೌಲಾ ಚೊಕು ವೈಸು ಕಟ್ಟವೈ ತೆ ಮನೆ ಖಾಸ ನ್ಹವೈ, ತು ಯಕ್ಲೊಜ್ ನ್ಹವೈ ತೆಳಾಮಾ ಮನೆ ಕರಾನು ಹರಯಕ್ಲೊ ಮಾರಾನಿಂತ ಥಾ ಕೈನೆ ಮಿ ಕ್ಹುದಾನೆ ಪ್ರಾರ್ಥನಾ ಕರುಸ. ತಿನಾಹುತಿ ತೆ ಸಂಕೊಲೆಯೊ ಯಕ್ಹಜ್ ತಮನೊನೆ ನಕೊ ಕೈನ ಕದ್ಯೊ.

30 ರಾಜೊ ಅಗ್ರಿಪ್ಪ ರಾಜ್ಯಪಾಲ ಫೆಸ್ತಾ, ಬೆರ್ನಿಕೆ ವರಿ ತ್ಯುನಾಕ್ಹಾತೆ ಬೈಟಿಲ ಮನಕ್ಲೊ ಕ್ಹಾರಾ ಹುಬರೈನ.

31 ತ್ಯಾತಾ ಭಾರಾ ಆಯಾ ತ್ತುನೆ ಯಕ್ಕನೆ ಯಕ್ಕ ತೆ ಮನಕ್ಕನೆ ಮೌತನಿ ಶಿಕ್ಷಾ ದ್ಯುನೈ ಕೈನ ವರಿ ಜೆಲಮ್ಮಾ ಫಾಲು ನೈ ಕೈನ ತೆ ಕ್ಕರಿ ಕೆಟ್ಟನು ಸುಜ್ಜ ನತಿ ಕರೈ ಕೈನ ಕದ್ಯಾ

32 ತೆಳಾಮಾ ಅಗ್ರಿಪ್ಪ ಫೆಸ್ತಾನಾ, ತೆ ಸಿಸರನೆ ಮಾಂಗಿ ನೈ ಲಿದ್ಯೊಮ್ಮ ಅನೆ ಚೊಡಾನಿ ವಾತ್ತ ವ್ವತ್ತಿ ಕೈನ ಕದ್ಯೊ

27

1 ಅಪೆ ಇಟಲಿನೆ ಹಡಗಾಮಾತಾ ಜೌ ಕೈನ ಪೈಸ್ಲೊ ಥಯೊ. ಪೌಲಾನಾ ವರಿ ಬಿಜಾ ಕೈದಿಯೊನೆ ಜುಲಿಯಸ ಕವಾಲೊ ಸೆನಾಧಿಕಾರಿ ಕೈದಾಲು ವ್ವತ್ತೊ. ರೊಮ್ಮನೊ ಶತಾದಿಪತಿ ಥಯಲ ಜೊಲಿಯಸ ಚಕ್ರವರ್ತಿನಾ ಸೈನ್ಯಮಾ ಸೆವೆ ಕರಾಲೊ ವ್ವತ್ತೊ.

2 ಹಮೆ ತೆ ಹಡ್ಗೊ ಚಡಿನ ತ್ಯಾಂತಾ ಚಾಲ್ಯಾ ತೆ ಹಡ್ಗೊ ಅದ್ರಮಿತ್ತ ಗಾವ್ತೊ ಆಯೊತೊ ವರಿ ಎಶ್ಯಾಮಾ ರ್ಡ್ಡಯಲ ಬಿಜಾ ಬಿಜಾ ಗಾಮೊಯೆ ಜಾವಾನೆ ತಯ್ಯಾರ ವ್ವತ್ತೊ. ಅರಿಸ್ತರ್ಕಬಿ ಹಮಾರಾ ಕ್ಕಾತೆ ಆಯೊ. ತೆ ಮೆಕೆದೊನಿಯಾನೆ ಮಳಲ ಥೆಸಲೊನಿಕ ಗಾಮವಾಲೊ ವ್ವತ್ತೊ.

3 ಮರ್ನಾ ದಿನ್ನೆ ಹಮೆ ಸಿದೊನ ಗಾಮೆ ಆಯಾ. ಜೊಲಿಯಸ ಪೌಲಾನೆ ಮರಗತೊತೊ. ದೊಸ್ತೊನೆ ಗೈನ ಮಳಾನಾ ಹುತಿ ತೆ ಪೌಲಾನೆ ಅನುಮತಿ ದೆತೊತೊ. ದೊಸ್ತೊ ಪೌಲಾನೆ ಚಾಯೆ ಥಯಲ ಕ್ಕಾರುಜ್ಜ ದೆತಾತಾ.

4 ಹಮೆ ಸಿದೊನ ಗಾವ್ತಾ ಚಾಲ್ಯಾ ಹಮಾರಾ ವಿರುದ್ಧ ವಾರೊ ಛುಟಲಹುತಿ ಹಮೆ ಸೈಪ್ರಸ ದ್ವಿಪನಾ ನಜಿಕ ನೌಕಾಯಾನ ಕರೈ.

5 ಸಿಲಿಸಿಯಸನೆ ಪಾಂಫಿಯಾನೆ ಕ್ವಾಮು ರ್ಡ್ಡಯಲ ಸಮುಂದರ ದಾಟ್ತ್ಯಾ ತೆ ಥಯಲ್ಪರ ಹಮೆ ಲುಸಿಯಾ ಪ್ರಾಂತ್ಯಮಾ ರ್ಡ್ಡಯಲ "ಮುರ "ಕವಾನಾ ಗಾಮೆ ಆಯಾ.

6 ಅಲೆಕ್ಸಾಂಡ್ರಿಯಾತೊ ಆಯಲ ಹಡಗೊ "ಮುರ "ಮಾ ರ್ಡ್ಡಯಲ ಸೆನಾದಿಕಾರಿ ದೆಕ್ಲೊ ಎ ಹಡ್ಗೊ ಇಟಲಿಯೆ ಚಾಲ್ಯೊತೊ. ತಿನಹುತಿ ತೆ ಹಮೊನೆ ತೆ ಹಡಗಾಮಾ ಚಡಾಯೊ.

7 ಹಮೆ ನಿಧಕ್ಕು ಘನ್ನಾ ದಿನ್ನ ಲಕ್ಕಾ ಪ್ರಯಾಣ ಕರಾತ್ತಾ ಘನಾ ಕಷ್ಟ ಖಾತಾ ಸ್ನಿಡ ಗಾಮೆ ಮೂಟ್ತ್ಯಾ ವಾಟ್ಕಾ ಹಭುನ ಅಗಾ ಭಾವಾನೆ ಥಯು ನೈ ತಿನಾಹುತಿ ಹಮೆ ಸಾಲ್ಮೊನೆಯ ನಜಿಕ್ಕಾರ್ಲ್ಯಲ ಕ್ರೆಟಿ ದ್ವಿಪ ದಕ್ಷಿಣ ಭಾಗಮಾ ನೌಕಾಯಾನ ಕರ್ಲ್ಯಾ.

8 ಹಮೆ ತ್ರಾಸ ಕ್ಕು ಕರಾವಳಿಮಾ ನೌಕಾಯಾನ ಕರ್ಲ್ಯಾ ತೆ ಥಯಲ್ಪರ ಹಮೆ ಚೊಕಿ ತರಾರೆವು ಕವಾನಾ ಭಗಾಪರ ಆಯಾ. ಲಸಾಯಾ ಗಾಮ ತಿನಾ ನಜಿಕ ವ್ಹತ್ತು.

9 ತೆನೈಸೊ ಘನ್ನೊ ವಕ್ಹತ ಥೈಗೈಯೊತೊ. ಹಮ್ಮಾ ನೌಕಾಯಾನ ಕರಾನು ಘನ್ನು ಖತರ್ನಾಕ ವ್ಹತ್ತು. ಕಾಕದ್ಯಾಮ ಯೆಹುದಿಯೊನು ಉಪವಾಸನೊ ದಿನ್ನ ತೆಳಾಮಾಭ ಥೈಗೈಯೊತೊ.

10 ತಿನಾಹುತಿ ಪೌಲಾ ತ್ಯುನೊನೆ"ಮನಕ್ಲೊ ಎ ಪ್ರಯಾಣಮಾ ಹಮೊನೆ ಘನ್ನೊ ತ್ರಾಸ ಛೆ ಕೈನ ಮನೆ ತಿಳದಾಡ್ಯಸ. ಹಡ್ಲೊ ವರಿ ತಿಮಾರ್ಲ್ಯಲ ಸಾಮನ ಹಾಳ ಥಾವಸ. ಅಪೊಲ್ವಿ ಜಲಮಬಿ ಹಾಳ ಥೈ ಜಾಸ! ಕೈನ ಹುಪಾರ ಕರ್ಲ್ಯೊ.

11 ವರಿಬಿ ಹಡಗಾನೊ ನಾಯಕ ವರಿ ಹಡಗಾನೊ ಮೂಲಕ ಪೌಲಾ ಕದಲನೆ ವಪ್ಯಾ ನೈ ತಿನಾಹುತಿ ಸೆನಾದಿಕಾರಿ ಪೌಲಾನಿ ವಾತ ಐಕ್ಯಾವಾಚಿಹಡಗಾನಾ ಮೂಲಕನಿ ವರಿ ಹಡಗಾನಾ ನಾಯಕನಿ ವಾತ ಐಕ್ಲೊ.

12 ತೆ ರೆವು ಥಂಡಾನಾ ದಿನೊಮಾ ಹುಬ್ರವಾನೆ ಚೊಕಿ ನ್ಹೊತಿ. ತಿನಾಹುತಿ ಹಡ್ಲೊ ತ್ಯಾಂತೊ ಲಿನ ಜಾಭ ಕೈನ ಘನ್ನಾ ಮನಕ್ಲೊ ಕದ್ಯಾ ಹಮೆ ಫೆಲಿಕ್ಸನೆ ಮುಟ್ಟಿಯೆಸ ಕೈನ ತ್ಯುನಿ ಆಸ ವ್ಹತ್ತಿ. ಥಂಡನಾ ದಿನೊಮಾ ಹಡ್ಲೊ ತ್ಯಾ ರ್ಲ್ವಾನು ವ್ಹತ್ತು. ಫೆನಿಕ್ಸ್ ಕ್ರೆಟಿ ದ್ವಿಪನು ಬಂದರ ತೆ ವ್ಹಂದ್ಯತು. ಇಶ್ಯಾನನಾ ದಿಕ್ಕನೆ ಆಗ್ನಿಯಾ ದಿಕ್ಕನೆ ಕ್ಹಾಮು ರ್ಲ್ಯಲ ಮೊಡು ಕರಿನ ವ್ಹತ್ತು.

13 ತೆ ಥಯಲ್ಪರ ಚೊಕೊ ವಾರೊ ದಕ್ಷಿಣ ಬಗಲ್ತಾ ಛುಟಾನು ಚಾಲು ಥಯೊತೊ. ಹಡಗಾಮಾ ರ್ಲ್ಯಲ ಮನಕ್ಲೊ ಅಪೊನೆ ಚಾಯೆ ಥಯಲ ಎಜ ವಾರೊ ವ್ಹೈ ಹಮ್ಮಾ ತೆ ಹಮೊನೆ ಮಳ್ಳೊ! ಕೈನ ವಿಚಾರ ಕರ್ಲಿದ್ಯಾ ತಿನಾ ಹುತಿ ತ್ಯುನೆ ಹಡಗಾನಾ ಲಂಗತ ಉಪ್ಪರ ಯಳದ್ಯಾ.

ಹಮೆ ಕ್ರೆಟೆ ದ್ವಿಪನಾ ಕರಾವಳಿಮಾ ನೌಕಾಯಾನ ಕರಾನ್ಯಾ

14 ತೆನ್ನೆಸೊ ಇಶಾನ್ಯ ಮಾರುತ ಕವಾನಿಬಿರುಗಾಳಿ ದ್ವಿಪಮಾ ಛುಟ್ಟೊ.

15 ಹಡ್ಗಾನೆಬಿ ಲಾಗ್ಸು ಹಡ್ಗೊ ತಿನಾ ವಿರುದ್ಧ ಭಾವಾನೆ ಥಯು ನೈ. ತಿನಾ ಹುತಿ ವಾರೊ ಐನ ಹಮ್ಮಾರಾ ಹಡ್ಗೊ ಲಿನ ಗಯಾ.

16 ಅಪೆ "ಕಾವ್ವ" ಕವಾನಿ ದ್ವಿಪ ಮೆರೆಮಾತಾ ಗಯಾ ತೆಳಾಮಾ ಅಪೆ ಹಡಗಾಮಾ ರಯೆಲ ನ್ಹಾನಿ ದ್ವಿಪ ಲಿವಾನಾಹುತಿ ಹಮೊನೊಕ್ಕು ಥೈಯು ನೈ.

17 ತೆಳಾಮಾ ಡೊಣಿಮ್ಮಾ ತುಟು ನೈ ಕೈನ ಹಡಗಮ್ಮಾ ಸುತೆ ರಾಕ್ಲೊ ಭಾಂದಿನ. ತೆಳಾಮಾ ಸುರ್ತಿಸ ಕವಾನು ಕಳ್ಳುಸುಬಿಮ್ಮಾ ಹಡಗೊ ಕಿಲಗಾ ಅಟಕೆಲ ಕೈನ ತ್ಯುನೊನೆ ಬುಚುಕ ವಾಟ್ಸು. ತಿನಾಹುತಿ ತ್ಯುನೆ ಪ್ಹಡಕಾನೆ ಉತರಾಡಿನ ಡೊಣಿನೆ ಲಾಗಿನ ಭಾವಾನೆ ವಾರಾನೆ ಮೌಕೊ ಕರಿನ ದಿದ್ಯಾ.

18 ಬಿರುಗಾಳಿ ವರಿ ಪಾನಿ ಹಮನೊನೆ ಭೊರಕ್ಪು ಚ್ಚುಟಾಕ್ಪು ಮನಕ್ಲೊ ಹಡಗಮ್ಮಾ ದಕ್ಲಜನಾ ಸಾಮಾನೊ ಒಗದಿಪಡ್ಯಾ.

19 ತಿನಾ ಮೆರ್ನಾ ದಿನ ಥಯಲ ಪರ ಹಡಗನಾ ಸಾಮಾನೊ ತ್ಯುನಾ ಹತೊಕ್ಕು ನಾಕಿ ಪಡ್ಯಾ.

20 ಘನ್ನಾ ದಿನೊಪರ ಹಮೆ ಸುರ್ಯನೆ ಥಾವಾದೆ ನಕ್ಷತ್ರವೊನೆ ಥಾವಾದೆ ದೆಕ್ಕಾನ್ಯೆ ಮೊಟ್ಟೊ ವಾರ್ಶೊ ಭಿಕರ ಥಯೊತೊ. ಹಮೆ ಜಲಮ್ಹಕ್ಕು ವಾಚು ಕೈನ ನಿರಿಕ್ಷೆ ಜುನ್ಯೆಗೈ.

21 ತೆ ಮನಕ್ಲೊಗನಾದಿನ ತಕ್ಕ ಕ್ಲಾದ್ಯಾ ನೊಡ್ತಾ. ತೆಳಾಮಾ ಯಕ್ಕ ದಿನ್ಹ ಪೌಲಾ ಉಟಿನ ಹುಬರೈನ ತ್ಯುನೊನೆ ಮನಕ್ಲೊಕ್ರೆಟೆ ದ್ವಿಪಕಂತ್ತಾ ನಕೊ ಜಾವೊ ಕೈನ ಮಿ ತಮನೊನೆ ಕದ್ಯೊ. ತಮೆ ಮಾರಿ ವಾತ್ತ ಐಕಾನು ವ್ಹತ್ತು. ತೆಳಾಮಾ ತಮನೊನೆ ದುಖ ರ್ವವಾದೆ ಲುಕ್ಸಾನ ರ್ವವಾದೆ ನೈ ಆತುತು.

22 ಹಮ್ಮಾ ತಬಿ ತುಮೆ ಥೈರ್ಯಕ್ಕು ರ್ವೈ ಕೈನ ತಮನೊನೆ ಕವಾಡೊಸ. ತಮನೊಮ್ಮಾ ಯಕ್ಲೊಬಿ ನೈ ಮರತೊ. ತೆನ್ನೆಸೊ ಹಡ್ಗೊ ಹಾಳ ಥೈನ ಜಾವಸ.

23 ಕಾಕದ್ಯಾಮ ಮಿ ಕಿನೊ ವ್ಹೈ ಕೈನ, ಕಿನೆ ಸ್ತುತಿ ಕರಶಿ ತೆ ಕ್ಲುದಾಕ್ಪು

ಆಯಿಲ ಯಕ್ಕ ದುತ ಗಯಿಲ ರಾತ್ತಮ್ಮಾ ಮಾರಾಕ್ವಾತೆ ಹುಬರ್ದೆನ

24 ಪೌಲಾ ಬುಚಕು ನಕೊ ತು ಕೈಸರನಾ ಕ್ವಾಮೊ ಹುಬರೌ ತೆನ್ನೆಸೊ ತಾರಾ ಕ್ವಾತೆ ತೆ ಹಡಗಮ್ಮಾ ಪ್ರಯಾಣ ಕರಾವಾ ವಾಲಾವೊನೆ ಜಲಮ್ಮ ಕ್ವುದಾ ತುಪರ ರ್ವಯಲ ಮರಗಾ ಕ್ವು ವಚಾಡ್ಯೊಸ ಕೈನ ಮಾರಾ ಕ್ವಾತೆ ಬೊಲ್ಯೊ.

25 ತಿನಾಹುತಿ, ಮನಕ್ಲೊ ಧೈರ್ಯಕ್ವು ರವೊ ಮನೆ ಕದಲ ಲಿಂಗತ ಥಾವಸ ಕೈನ ಕ್ವುದಾನೆ ನಂಬೆಸೊ.

26 ತಿನಾಹುತಿ, ಮಿ ಕೈಜ ಯಕ್ಕ ದ್ವಿಪನಿ ದಂಡಿ ಮುಟು ಕೈನ ಕದ್ಯೊ"

27 ಜೌದಾ ರಾತ್ನೊ ರಾತೆ ಹಮೆ ಆದ್ರಿಯ ಸಮುಂದರಮಾ ಹೈತಾ ತಿತಾ ಹಲ್ತಾ ಅಗಾ ಬಡ್ಯಾ. ಹಮೆ ಜಿಮಿನ್ನಾ ನಜಿಕ ವ್ಹತ್ತಾ ಕೈನ ಹಡಗಾಮಾ ರ್ವಯಲವಾಲಾ ವಿಚಾರ ಕರ್ಯ್.

28 ತ್ಯುನೆ ಅಳತಿ ಕರಾನು ಗುಂಡ ರಾಕ್ವನಾ ತುದಿಯೆ ಭಾಂದಿನ ರಾಕ್ವ ಪಾನಿಮಾ ಘಲಿನ ಪಾನಿ ಕೊನ್ನ ಇಕ್ವ ಅಡಿ ಉಂಡು ವ್ಹತ್ತು. ತ್ಯುನೆ ವರಿ ನಕ್ಕರ ದುರ ಗೈನ ರಾಕ್ವ ಪಾನಿಮಾ ಗಾಲಿನ ತ್ಯಾ ಪಾನಿ ನವ್ವದ ಅಡಿ ಉಂಡು ವ್ಹತ್ತು.

29 ಹಡ್ಲೊ ದಗ್ಡಾನೆ ಲಾಗ್ಸ ಕೈನ ಹಡ್ಲೊ ಚಹಲಾವಾಲಾ ಭುಚಕ್ಯಾ ತಿನಾಹುತಿ ತ್ಯುನೆ ಚಾರ ಲಂಗುರು ಪಾನಿಮಾ ಉತಾರ್ಯಾ ತೆ ಥಯಲ್ಪರ ತ್ಯುನೆ ದಿನ್ನ ನಿಕ್ವಳಾದೆ ಕೈನ ಪ್ರಾಥನಾ ಕರ್ಯ್.

30 ಯಕ್ಕ ಸಲಾ ಹಡ್ಲೊ ಚಲಾವಾಲಾ ತೆ ದಕ್ವಾಜನಾ ತೆ ಹಡ್ಲೊ ಲೊಡಿನ ಜೌ ಕೈನ ಕೈಲಿವಾಡ್ಯಾತಾ. ತ್ಯುನೆ ಹಡಗೊ ಪಾನಿಮಾ ಉತಾರಿನ ಹಡಗಾನಾ ಕ್ವಾಮಲ್ಯಾ ಹಿಸ್ಸಾಮಾ ಹಜುನ ದಕ್ವಾ ಲಂಗುರೊ ಪಾನಿಮಾ ಉತಾರಾನಾ ಲಿಂಗತ ನಾಟಕ ಕರ್ಯ್.

31 ತೆ ಲಾಮಾ ಪೌಲಾ ಶತಾದಿಪತಿನೆ ವರಿ ಸಿಪಾಯಿಯೊನೆ; ತ್ಯುನೆ ಹಡಗಾಮಾ ಉಗರ್ಯ್ವಾಮ್ ತುಮಾರು ಜಲಮ್ಮ ನೈ ವಾಚತು ಕೈನ ಕದ್ಯೊ.

32 ತೆಳಾಮಾ ಸಿಪಾಯಿಯೊ ಹಡಗನಾ ರಾಕ್ಲೊ ಕಟ್ಟ ಕರಿನ ತೆ ಪಡಿನ ಜೌವರಕ್ವು ಕರ್ಯ್.

33 ಪಾಟೆ ಧಾತಾಟಿಮ್ತಾ ಪೌಲಾ ಸುಬಿ ಕ್ವಾವಾನೆ ಲ್ಯುಕ್ಯೆನ ಕ್ವಾರಾವೊನೆ ಮಾಂಗಿಲೆತೊ. ಹಮನಾತೊ ತಮೆ ಚೌದಾ ದಿನತ್ತಾ ಕೈದಿನ ಕ್ವಾವಾನೆ ಲಿದೆವಾಚಿ ಬುಖಾಙ್ಲ ವ್ಹತ್ತಾ.

34 ತಿನಾಹುತಿ, ಕ್ವಾವಾನೆ ಸುಬಿ ಲ್ಯುಕ್ಯೆನ ತಮನೊನೆ ಮಾಂಗಿಲ್ಯುಸ. ತೆ ತಮನೊನೆ ಙ್ಲಮನೆ ಙ್ಲರುರತ ಟಿ. ತಮಾರಾಮ್ತಾ ಕುನಜ ಮಾತ್ತಾಮಾತು ಯಕ್ವ ಬಾಲಬಿ ನೈಉದರತ್ತು ಕೈನ ಕದ್ಲೊ.

35 ಅಮ್ತಾ ಕೈನ ಪೌಲಾ ರೊಕ್ಲೊ ಲಿನ ಕ್ವಾರಾವೊನಾ ಕ್ವಾಮೊ ಕ್ವುದಾನೆ ಸ್ತೊತ್ರ ಕರಿನ ತೆ ತೊಡಿನ ಕ್ವಾವಾನು ಶುರು ಕರಲ್ಯೊ.

36 ತೆಳಾಮಾ ಕ್ವಾರಾ ಙ್ಲನಾ ಧೈರ್ಯ ಕರಲಿನ, ತ್ಯುನೆಬಿ ಅನ್ನ ಕ್ವಾದ್ಯಾ.

37 ತೆಳಾಮಾ ಹಡಗಮ್ತಾ ರಹೆಲವಾಲಾ ಹಮೆ ಕ್ವಾರಾಙ್ಲನಾ ಬೆಕ್ಲೊನ ಸತ್ತರಪರ ಕ್ವಾತ್ಲಜನಾ ವ್ಹತ್ತಾ.

38 ಬಸಥೈಯೆಲಕುನ ಕ್ವಾದೆಲ ಪರ, ಉಗರೆಲ ಫ್ಲೈಸಮುಂದರಮ್ತಾ ನಾಕಿನ ಹಡ್ಲೊ ಹಲಕು ಕರಲ್ಯೊ.

39 ಪಾಟೆ ಧಯಲ ಪರ ತೆ ದೆಶನು ವಳಕ ನೈಸೊ ಉಸುಬಿನಾ ದಡ ಕವಾನು ಯಕ್ವ ಕೊಲ್ಲಿ ದೆಕಿನ ತೆ ದಡಮ್ತಾ ಹಡ್ಲೊ ಜಾಸ ಕೈನ ಯೊಚನೆ ಕರಲ್ಯೊ.

40 ತ್ಯುನೆ ಲಂಗುರೊ ಕಾಡಿನ ಸಮುಂದರಮ್ತಾ ಫೊಡಿನ ಚುಕ್ಕಾಣಿನಾ ಕಟ್ಟೊ ಚ್ಹಡಿನ, ಮ್ಹೊಟಾ ಹಾಯಿಯೊ ವಾರಾನೆ ಉಟಿನ ಭಾಂದಿನ ಡೊಣೆನೆ ತೆ ದಡನೆ ಚಾಲ್ಯಾತಾ.

41 ತಿನಿಹುನಾ ಹಡ್ಲೊ ವಚಮ್ತಾ ತ್ಯುನೊನೆ ಮಾತಿನಿ ಪಾಟೆ ಮಳಾತ್ತಾಮ್ತಾ ತೆಳಾಮಾ ಹಡ್ಲೊ ಚಡ್ಯಾ ಕ್ವಾಮಲ್ಯಾ ಭಾಗ ದಿಣ್ಣೆನೆ ಲಾಗಿನ ಹಲೆವಾಚಿ ಹುಬರೈತು. ಪಾಚಲು ಭಾಗ ಹುಚ್ಚು ಅಲೆಕ್ಟು ಮಾರಕ್ಟುಟಿನ ಚುರ ಧೈಗೈಯು.

42 ಜೆಲಮ್ತಾನಾ ದಕ್ವಜನಾ ಚುಕೈಲಿದ್ಯಾಸ ಕೈನ ಸಿಪಾಯಿಯೊ ತ್ಯುನೊನೆ ಮಾರು ಕೈನ ಯೊಚನೆ ಕರಾಡಾತ್ತಾ.

43 ತೆಳಾಮಾ ಶತಾದಿಪತಿ ಪೌಲಾನೆ ವಚಾಡು ಕೈನ ವಿಚಾರ ಕರಿನ ತ್ಯುನೆ ಯೊಚನೆನೆ ನೊ ಕೈನ, ಇಜತ್ತಾ ನೈ ಕೈನ ಹಡಗಮ್ತಾತ್ತಾ ಡುಕಲಿನ

ಪೊಲಾ ದಂಡಿನೆ ಜೊ ಕೈನ

⁴⁴ ಅಪೆ ಕ್ಹಾರಾ ಉಗರೆಲಮ್ತಾ ದಕ್ಲಜನಾ ಹಲಿಗೊನಾ ಉಪ್ಪರ, ದಕ್ಲಜನಾ ಡೊನಿನಾ ತುಕಡಾಪರ ಜೊ ಕೈನ ಅಪ್ಪಣೆ ದಿದ್ಯೊ. ತೆ ರಿತಿಕ್ಲು ಕ್ಕರಾಜನಾ ಚೊಕಿ ತರಾ ದಂಡಿ ಪೊಂಚಾ.

28

ಪೌಲಾ ಮೆಲಿತಿ ದ್ವಿಪಮಾ

¹ ಹಮ್ಮೆ ಸುರಕ್ಷಿತಕ್ಲು ದಂಡಿ ಮುಟ್ಟೆಲಪರ, ತೆ ಉಪರತೊ ದಿವೊ ಉತರಿನ ಆಯೊ.

² ಬಿಭಾವಾತೊನಾ ತೆ ದ್ವಿಪವಾಲಾ ಹಮೊನೆ ವಿಶೆಷ ಸನಾಹುಬುತಿ ದೆಕಾಡ್ಲ್ಯಾ. ತೆಳಾಮಾಜ್ ಪಾನಿ ಐನ ಥಂಡ ಲಾಗಾಕ್ಲು ತ್ಯನೆ ಆಗ ಲಗಾಡಿನ ಹಮೊನೆ ಕ್ಹಾರಾ ಜನಾವೊನೆ ಮಳೆಲಿದ್ಯಾ.

³ ಪೌಲಾ ಯಕ್ ಗುಂಪ ಲಾಕ್ಡಾ ಮಳೆನ,ಲೈನ ತೆ ಆಗಮ್ತಾ ಫಾಲಕ್ಲು ತೆ ಕೌವಕ್ಲುಯಕ್ ಕ್ಹಾಪ ಭಾರು ಐನ, ತಿನಾ ಹತೆ ಘಟ್ಟ ಧರಲಿದ್ಯತು.

⁴ ತೆ ತಿನಾ ಹತತೊ ಜೊತಾಡುನು ದ್ವಿಪವಾಲಾ ದೆಕಿನ ; ತೆ ಮನಕ್ಹೊನೆ ಖಲಾಸ ಕರಾವಾಲೊ ವ್ಹೈ ಕಡ್ಲ್ಯಾ ಸಮುಂದರ ಕಂತಾ ತಪಸಿನ ಆಯಾ ಪೈಸ್ಲಾನಿ ದೆತಾ ತ್ಯನೊನೆ ವಾಚಾನೆ ನೈದೆತಿ ಕೈನ ತ್ಯನಾ ತ್ಯನಾಮ್ತಾ ಬೊಲಿದ್ಯಾ.

⁵ ತೆನೈಸೊ ಪೌಲಾ ಕ್ಹಾಪನೆ ಆಗಮ್ತಾ ನಾಕಿ ಪಾಡ್ಲೊ; ತಿನೆ ಸುಜ್ಜ ಅಪಾಯ ಥನ್ನೆ.

⁶ ತ್ಯನೆ ; ತಿನು ಅಂಗ ಹಮ್ಮನಾ ಫುಗಸ, ತೆನೈಸೊ ತೆ ಗಪಕ್ಕೆ ಮರಿ ಪಡಸ ಕೈನ ತ್ಯನೆ ಕಾಯಿದಾಡಾತ್ತಾ ಕೆಕಲಿಕೆ ತ್ಯನೆ ಕಾಯಿದಾಡಾತ್ತಾ. ತಿನೆ ಸುಜ್ಜ ಹಾನಿ ಥಯು ನೈ ತೆ ದೆಕಿನ ತ್ಯನೆ ತ್ಯನೆ ವಿಚಾರ ಬದಲಿನ ತೆ ಯಕ್ಲೊ ಕ್ಹುದಾ ಕೈನ ಕಲಿದ್ಯಾ.

⁷ ತೆ ದ್ವಿಪನೊ ಖಾಸ ಥಯಲ ಪೊಪ್ಪಿನಾ ಕ್ಷೆತರೊ ಮಿ ರಹೆಲ ಜಗಾಮಾ ನಜಿಕಮ್ತಾ ವ್ಹತ್ತಾ. ತೆ ಹಮನೊನೆ ಸ್ವಾಗತ ಕರಿನ ತನ್ನ ದಿನ ತಕ್ಕಾ ಘನ್ನಾ ಇಜತ್ತಕ್ಲು ವರಿ ಮರ್ಯಾದಿ ದಿದ್ಯಾ.

8 ತ್ಯುನೊ ಬಾಪ ತೌಕ್ಲು ವರಿ ರಕ್ತಬೆದಿಕ್ಲು ವಚಾನು ಧರಣ್ಯೊತೊ. ಪೌಲಾ ತಿಕನ ಗೈನ ಪ್ರಾರ್ಥಾನಾ ಕರಿನ ತಿನಾ ಹತೊ ಮ್ಹೆಲಿನ ತಿನೆ ಅರಾಮ ಕರ್ಯೊ.

9 ತೆ ಥಹೆಲ ಪರ ತೆ ದ್ವಿಪಮ್ಮಾಲುಗರೆಲ ರೊಗಿಯೊ ಪೌಲಾ ಕನ ಐನ ಆರಾಮ್ತು ಥಯಾ.

10 ತ್ಯುನೆ ಹಮನೊನೆ ಘನ್ನಾ ಮರ್ಯಾದಿ ದಿನ್ನ ಹಮೆ ತ್ಯಾತಾ ಹಮ್ಮಾರು ಪ್ರಯಾಣ ಅಗಾ ಬಡಾಯೆಲ ಪರ ಹಮನೊನೆ ಚಾಯೆಲ ಥಯಲ ಕ್ಲಾವಾನು ಲೈನ ಹಡಗಮ್ಮಾಮ್ತೆಲಾ.

11 ಎ ಥಯಲ ಪರ ಅಲೆಕ್ಸಾಂಡ್ರಿಮ್ತಾ ಐನ ತೆ ದ್ವಿಪಮ್ಮಾಥಂಡನೊ ದಿನ್ನ ದಾಟಿನ ತ್ಯಾ ರಹೆಲ ಯಕ್ಕ ಹಡ್ಗೊ ಚಡಿನ ಚಾಲ್ಯಾ. ತೆ ಹಡಗನೆ ಅಶ್ಟಿನಿ ದೆವಸ್ಥಾನ ಕವಾನು ಯಕ್ಕ ವಳಕ ವ್ಹತ್ತು.

12 ಹಮ್ಮೆ ಸುರಕುಸಿನೆ ಗೈನ ತ್ಯಾ ತನ್ನ ದಿನ್ನ ವ್ಹತ್ತಾ.

13 ತ್ಯಾತಾ ಅಗಾ ಗೈನ ರೆಗಿನ ಗಾಮ್ಮೆಗಯಾ. ಯಕ್ಕ ದಿನ ಥಯಲ ಪರ ತೆಂಕಣ ವಾರೊ ಆಯೆಲಕ್ಲು ಬೆವಾ ದಿನ್ನೆ ಪೊತಿಯೊಲನೆ ಗಾಮೆ ಗಯಾ.

14 ತ್ಯಾ ವಿಸ್ವಾಸಿಯೊ ಮನಕ್ಲೊನೆ ದೆಕ್ಯಾ. ತ್ಯುನೆ ಹಮನೊನೆ ತ್ಯುನೊ ಕೈನ ಬಲೆಲಿನ ಕ್ಲಾತ ದಿನ ರ್ಹೈವು ಕೈನ. ಮಾಂಗಿಲಿದ್ಯಾ ತೆಳಾಮಾ ರೊಮಾಪುರನೆ ಆಯಾ.

15 ತ್ಯಾ ರಹೆಲ ಭಾಯೊ ಹಮ್ಮಾರು ಸಮಾಚಾರ ಐಕಿನ ಹಮ್ಮನೊನೆ ಮಳಾನೆ ದಕ್ಷಜನಾ ಅಪ್ಪಿಯಪೆಟಿಲಕುನ ವರಿ ದಕ್ಷಜನಾ ತ್ರಿ ಛತ್ರಕವಾನು ಜಗಾಮಟಾ ಆಯಾ. ಪೌಲಾ ತ್ಯುನೊನೆ ದೆಕಿನ ಕ್ಲುದಾನೆ ಸ್ತೊತ್ರಾ ಕರಿನ ಧೈರ್ಯ್ತು ರ್ಹಯೊ.

16 ಹಮ್ಮೆ ರೊಮಾಪುರನೆ ಆಯಲ್ಪರ, ಪೌಲಾ ತಿನೆ ಕೈದಾಲಾ ಸಿಪಾಯಿನಾ ಕ್ಲಾತೆ ಜುದೊ ಥೈನ ರ್ಹೈಕೈನ ಅಪ್ಪಣೆ ಹೊಂದಿಲಿದ್ಯೊ.

17 ತನ ದಿನ್ನ ಥಯಲ್ಪರ ಯೆಹುದಿಯೊನೊ ಖಾಸ ಮನಕ್ಲೊನೆ ತಿಕನ ಬಲೈಲಿದ್ಯೊ. ತ್ಯುನೆ ಆತಾಮಾ ತೆ ತ್ಯುನೊನೆ; ಭಾಯೊ, ಮಿ ಮಾರಾ ಮನಕ್ಲೊನೆ, ಮಾರಾ ಪಿತ್ಯವೊನೆ ಪದ್ಧತಿಯೊನಾ ವಿರುದ್ಧ ಥೈನ ಸುಜ್ಞ ಕರಾವಾಲೊ ನೈಸೊಜ್ಞ ಯೆರುಸಲೆಮತೊ ರೊಮವಾಲಾವೊನಾ

ಹತೊಮಾ ಜೆಲಮ್ಮಾರ್ವಾಲೊ ಥೈನ ಒಪ್ಪಸಿ ದಿದ್ಯಾ.

18 ತ್ಯುನೆ ಮನೆ ವಿಚಾರಣೆ ಕರಿನ, ಮಾರಾವಾನಿ ದಂಡನೆನೆ ಕಾರಣ ಸು ನೈಸೊ ಮನೆ ಚೊಡ್ತಾ ಕೈನ ವ್ಹತ್ತಾ.

19 ತಿನಾಹುತಿ ಯೆಹುದಿಯೊ ವಿರುದ್ಧ ಕರಲಕ್ಕು ಮಿ ಕೈಸರನಾ ಕ್ಹಾಮೊ ಕಲಿದ್ಯುಸ ಕೌವ ಕೈನ ಐಯು. ಮಾರಾ ಸ್ವಂತ ದೆಶವಾಲಾವೊನಾ ಉಪ್ಪರ ದೊಷಾರೊಪಣೆ ಫಾಲುನಾ ಮನಸ ಕ್ಹುತೆ ಕದೊನ್ನೈ.

20 ಎ ಕಾರಣನಾ ಹುತಿ ಮಿ ತುಮನೊನೆ ದೆಕಿನ ಬೊಲು ಕೈನ ಬಲೆಲಿದ್ಯೊ. ಇಸ್ರಾಯೆಲ ಮನಕ್ಲೊನಾ ಕೈದಾನಾ ಹುತಿ ಎ ಬೆಡಿಯೊಕ್ಕು ಭಂದಿ ಥಯೊಸ ಕೈನ ಕದೊನ್ನೈ.

21 ತಿನಾಹುತಿ ತ್ಯುನೆ ತಿನೆ; ತಾರಾ ವಿಷಯಮಾ ಹಮೊನೆ ಯುದಾಯತಿ ವರದಿ ಐ ನೈ ಭಾಯೊಮಾ ಯಕ್ಲೊ ಐನ ತಾರಾ ವಿಷಯಮಾ ಕೆಟ್ಟ ರ್ವಯಲ ಸುಬಿ ಕದೊನ್ನೈ. ಸುಜ್ಜ ಬೊಲ್ಯಾ ಬಿ ನೈ.

22 ತೆನೈಸೊ, ತಾರಾ ವಿಚಾರಮಾ ತಾರಾಕ್ಹುಜ್ಜ ಐಕು ಕೈನ ಹಮೊನೆ ಚೊಕು ವ್ಹೈ ಕೈನ ದಿಕ್ಹಸ. ತೆ ಗುಂಪನಾ ವಿಷಯಮಾ ಮನಕ್ಲೊ ಕಜಾ ಕಜಾ ಕಿಜಿ ವಿರುದ್ಧ ಥೈನ ಬೊಲಸ ಕರಿನ ಕೈನ ಯಕಜ್ಜ ಹಮೊನೆ ಗ್ವತ್ತ ಛಿ ಕದ್ಯಾ”.

23 ತ್ಯುನೆ ತಿನೆ ಯಕ್ಕದಿನ್ನ ಪೌಲಾ ಗ್ವತ್ತ ಕರಾಯಲಕ್ಕು ಘನ್ನಾ ಜನಾ ತಿನಾ ಝುಪ್ಪಾಮಾ ತಿಕನ ಆಯಾ. ತೆ ಪಾಟಿತೊ ಧರಿನ ಕ್ಹಾಂಜ ಮಟಾ ಕ್ಹುದಾನಾ ರಾಜ್ಯನಾ ಹುತಿ ಕ್ಹರಿಮ್ಮಾಜ್ಜ ಸಾಕ್ಷಿ ಕೈನ ಮೊಶೆನಾ ಧರಮಶಾಸ್ತ್ರನೆ ಪ್ರವಾದಿಯೊನಾ ಗ್ರಂಥತೊನೆ ಆದಾರ ಕರಲಿನ ಯೆಸುನಾ ವಿಷಯಮಾ ತ್ಯುನೊನೆ ಕತೊ ವ್ಹತ್ತೊ.

24 ತೆ ಕದಲ ವಾತೊ ದಕ್ಹಾಜ್ಜನಾ ಐಕ್ಯಾ; ದಕ್ಹಾಜ್ಜನಾ ನಂಬ್ಯಾವಾಚಿ ಗಯಾ.

25 ತ್ಯುನೆ ವಾದ ಕರಿನ ತ್ಯಾಂತಾ ಜಾವಾನೆ ತಯಾರ ಥಯಲ ಟೈಮಮಾ ಪೈಲಾ ತ್ಯುನೊನೆ ಅಮ್ಮ ಕದೊನ್ನೈ; ಪವಿತ್ರಾತ್ಮಾಪ್ರವಾದಿ ಥಯಲ ಯೆಶಾಯನಾ ಮೊಡ್ತಾಕ್ಹು.

26 ತಮ್ಮಾರಾ ಪಿತ್ಯವೊನೆ ತಿಳಿಸೈನ ಕದಲ ಸವೈ ಕದ್ಯಾಮ; 'ತು ತೆ ಮನಕ್ಕೊಕನ ಗೈನ ತ್ಯನೊನೆ ಕದ್ಯೊ ತಮೆ ಕಾನೊ ಐಕ್ಯಾತಬಿ ತಿಳಿದಿಲೆತ್ತಾ ನೈ ಡೊಳಾ ರ್ಷ್ಟಿನ ದೆಕೆವಾಚಿ ರ್ಷ್ಟವೊಸಿ ಕದ್ಯೊ.

27 ಕಾಕದ್ಯಾಮ ತೆ ಮನಕ್ಕೊನು ಮನಸಮ್ಮಾ ಘಟ್ಟ ಥಯಾಸ; ತ್ಯನಾ ಕಾನೊ ಕ್ಯುಡಾ ಥಯಾಸ; ತ್ಯನೆ ಡೊಳಾ ಝಾಕಿ ಲಿದ್ಯಾಸ ;ತ್ಯನೆ ಡೊಳಾಕ್ತು ದೆಕಿ, ಕಾನೊಕ್ತು ಐಕಿನ ಮನಸ್ಸ ತಿಳಿದಿಲಿವತ್ತು ಮಕನ ಫರ್ಯಾಮ್ ಮಾರಾಕ್ತು ಅರಾಮ ಕಿಮ್ಮ ಹೊಂದಿಲ್ಯ ಕೈನ ಕ್ಕುದಾ ಕ್ಕದ್ಯೊ.

28 ತಿನಾಹುತಿ ಪೌಲಾ ಥಯಲ ತೆ ಕ್ಕುದಾಕ್ತು ರಕ್ಷಣೆ ಬಿಜಾ ಮನಕ್ಕೊ ಕೈನ ವಳಾಯೊ ಕೈನ ತಮನೊನೆ ಚೊಕಿ ತಂಗ ಗೊತ್ತ ರ್ಷ್ಟವಾದೆ; ತ್ಯನೆ ತಬಿ ಐಕಸ ಕೈನ ಕದ್ಯೊ.

29 ತೆ ವಾತೊ ಕದಲ ಪರ ತ್ಯನೆ ಗೈಪಡ್ಯಾ.

30 ತೆ ಥಯಲ ಪರ ಪೌಲಾ ಬಾಡಿಗೆ ಲಿದೆಲ ಘರಾಮ್ ಬೆ ವರಕ್ತ ತ್ಯಾ ರ್ಷ್ಟಿನ ತಿಕ ಆವಾವಾ ಲಾವೊನೆ ಮರ್ಯಾದಿನ ಬಲಾವುನು ಕರೈಯೊ.

31 ಕೈಜಿ ಅಡ್ಡಿ ನೈಸೊ, ಘನೊ ಧೈರ್ಯಕ್ತು ಕ್ಕುದಾನಿ ರಾಜ್ಯನಾ ಹುತಿ ಬೊದನೆ ಕರತೊ, ಕರ್ತಾ ಥಯಲ ಯೆಸುಕ್ರಿಸ್ತನಾ ವಿಷಯಮ್ಮಾ ಉಪದೆಶ ಕರತೊ ವ್ಹತ್ತೊ.

ಕ್ಪುದಾನಿ ಕ್ಕರಿನಿ ವಾಕ್ಯಾ
The New Testament in the Sholaga language of Indea:
ಕ್ಪುದಾನಿ ಕ್ಕರಿನಿ ವಾಕ್ಯಾ

copyright © 2023 The Word for the World International

Language: (Sholaga)

Contributor: The Word for the World South Asia

ಕ್ಪುದಾನಿ ಕ್ಕರಿನಿ ವಾಕ್ಯಾ
ನವು ವಡಂಬಡಿಕ್, 2023

The New Testament in Sikkiligar Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 1 Jul 2025 from source files dated 2 Jul 2025

c4493657-eaaf-5555-9b4b-b1cd97f111ff